

LIBRARY OF THE
Massachusetts
Bible Society

Catalog No. AU 214.13 /SEL 1915

Family AUSTRIAN

Sub-Family Austronesian

Branch INDONESIAN

Group MALAY

Language SUMBANES

Dialect Soemba, Soemba, or Sanda-

Locality Wood Island 120°E-10°S

Contents Selections from Bible

Version 1st edition

Translator D. K. Wielenga

Published by Ned. Bijbelgen.

Place Amsterdam

Date 1915

Accession No. 1901

Accession Date JAN 15, 1938

Price \$0.65

Alias: Soembaneesch

N^o 505. Fl. -

ANA LALOE

WELING LA

HOERATOE BOKOEL



DRUKKERIJ J. VAN BOEKHOVEN, UIRECHT (HOLLAND).

Made in Netherlands

HONDERD VERHALEN

UIT DE

BIJBELSCHE GESCHIEDENIS

IN HET

SOEMBANEESCH.



UITGEGEVEN DOOR HET
NEDERLANDSCH BIJBELGENOOTSCHAP
AMSTERDAM — 1915.

1. Mihi Wai, Karang Tana.

Toenanoe na pakiri na: I Ala, na padikanja na awang dāngoe na tana; didi jang I Ndéwa na I Ala na mahiri la pinoe wai; ndaningoe mamādoe, ndaningoe mamara; wai djoea ja la panggoeboel awang; ndaningoe mboe makajidikoe nja. Tāka hiwāna I Ala: dedi maharī! Tāka hina harī. Bana hāla ja hina kawāri ja na maharī, dāngoe na makapātang; na maharī: lodoe wānanja; na makapātang: roedoeng wānanja ka. Toenanoe hāla na nja ka na hau na roedoeng, na hau na mbaroe; noena kawoenga lodoe ja.

Na lodoe na padāmboe wāna, I Ala na padikanja na awang; awang wānanja ka. Toenanoe bana hāla ja ka noena hina kawāri ja na wai, na mangéa dita, dāngoe na wai na mangéa wawa.

Na lodoe patiloe mboea wāna, I Ala na kawāri ja na téhikoe dāngoe na mamādoe; na pa'oehinja na wai, hina palakoe ja la ngea paka-haungoe na.

Toenanoe bana hāla ka papamihi ja, na mamādoe: tana wānanja; na wai: téhikoe wānanja ka. Bana hāla ja ka noena hiwāna: māla kana toemboe na pingi ai, na roemba hangia hangia, na ri pangangoe.

Na lodoe papatoe wāna, I Ala na padikanja na lodoe dāngoe na woelang, dāngoe mboendāba da da kandoenoe; na lodoe na hambila nja na harī, na woelang na hambila nja na roedoeng. Toenanoe hina toe ha la awang, kada harī wāngoe na tana, kada kawāri ja na lodoe dāngoe na roedoeng.

Na lodoe na palima wāna, I Ala na padikanja mboendāba na na makajidikoe la téhikoe, ngara mahawoeroeng mboendāba na la kiri awang; bana hāla ja ka noena hiwāna: māla wa njoena, njimi kai woroe, kai bāmbāroe.

Tăka na lodoe na panomoe wăna, I Ala na padikanja mboendăba na na makajidikoe la tana, na mămataмба na mamopoe.

Toenanoe bana hăla ja ka noena, hiwăna: na hămoe djăka ta padikang tau, kana parêata ba da ijang la téhik, da mahawoeroeng la kiri awang, da makajidik la tana.

Toenanoe hina padikanja haătoe na na tau, tau mini ja. I Adam ja na ngara na; didi jang, ndedi ningoe angoe na.

Tăka hina pamahoeroe ja I Adam; bana mahoeroe ka, ba nde ngăra papina, laloe mangandoe ja.

Tăka I Ala hina âlinja na ri karaba na, na hapoengoe; na pangéa na na ri karaba na bita belinja. Tăka hina padikanja noena, na dedi ja haătoe na na kawini.

Toenanoe bana hăla ja ka hina ngăndi nja ja I Adam, papaha moe nja, hiwănanja.

Toenanoe I Ala hiwănandja: măla kai woroe, kai bămbăroe, âmbi mboeta doe, kana kada ndabang na tana.

Toenanoe I Ala na tăngăroe ja na papadika na, lănga tăka laloe hămoe ja.

Na lodoe pihoe, păndjăng na nja ka parăma, lodoe hămoé ja, âmbi răma la lodoe jeăna, hiwănandja.

2. I Adam dangoe I Hawa.

Toenanoe hina pamandapoe ha da tau noeda la woăka haka-haungoe; na ngara na na woăka noena, „Paradihoe” ja. Na woăka noena, mătoe maningoe ningoe nja; wăla ai manandang ningoe, wăla ai mawau kati ningoe, woă ai pangangoe ningoe, ri pangangoe ningoe; ndeta ngalang patiki ndăba ha da manindja la woăka noena.

Toenanoe I Ala hina pamandapoe ha la woăka noena, tăka hina peăkandja: măta kai răma, kai dai ja na woăka jeăna, hiwănandja, djăka ngăra ja na pamboeha mi, kai ngangoe.

Toenanoe hida ndădikoe lai noe, nda ngăra mahandoeka ndja, makatioe ndaningoe, mandjoé ndaningoe, madau ndaningoe, mahămoe djoea ja hau lodoe hau lodoe.

Täka I Ala hiwānanja I Adam: mǎla kau pangara ndja da makajidik mboendāba da la hangga moe.

Toenanoe hina pangara ndja: karāmbōa mini karāmbōa bai na, ndjara mini ndjara bai na, roeha mini roeha bai na, kamāmbi mini kamāmbi bai na, manoe woeloe manoe bai na; ahoe, ijang, oelār, mahawoeroeng, na pangara ndja mboendāba da.

Toenanoe na parāma na hau lodoe hau lodoe.

Toenanoe hi nindja la padoea woāka noena, doea reti da da pingi ai; da ngara da da pingi ai noeda, na hareti: pingi ai paloeri wāngoe ja; na hareti: pingi ai papingoe wāngoe na mahāmoe, na mandjala.

Täka I Ala na peākandja da tau noeda: āmbi pāpoe doe ja na wōa na na pingi ai papingoe na mahāmoe na mandjala; djākai nganja na woā na, i méti doe.

Hau na lodoe I Hawa, na papaha na I Adam, na hālātoe ja na woāka; na täka ka la libi na na pingi ai na mangarang: pingi ai papingoe na mahāmoe na mandjala. Täka hi njina he'au na na oelāroe la pingi ai noena; na woendjoeloeng wiki na. Täka hiwāna na oelār: ha Hawa, mǎla noe, wāna nggāmi I Ala: āmbi ngandja mboendāba da da wōa ai da manindja la wōaka, wāna nggāmi? Täka hina heāma I Hawa: nga mboendāba ndja, wāna nggāma I Ala, didi jang na pingi ai jeāna la padoea woāka na pandea pamādja na; āmbi nganja na wōa na, wāna nggāma: djākai nganja, i meti doe.

Täka hina heāma na oelāroe: āmboe toenanoe, djākai nganja na wōa na, ndau méti ā; djākau nganja na wōa na, njoemoe oehama nja I Ala, da mata moe da harī, bau pinja na mahāmoe, na mandjala.

Toenanoe I Hawa bana rongoe ja na papanī na na oelāroe, na mangābanja na wōa ai noena, ba manandangoe ja, ba hāmoe ja djāka nganja. Täka hina pāpoe ja na wōa ai noena hina ngangoe, hina ngāndi nja I Adam, na tau angoe na; na ngangoe mboe bana wōnja I Hawa.

Bada hāla ja ka pangangoe, mandai ki ka hakoedoe, da harī da mata da; da ngadoe wiki da nāhoe, da kaloeloe. Täka hida piti roe ai hida kalamboeng.

Toenanoe hida rongoe ja na lingoe na I Ala, la oenoe ngiloe, hida

mangădătoe, da bărang mboe da eti da, hida palai la weekoe oămang, da kawiningoe.

Tăka I Ala hina pa'aundja njoeda: ha Adam! nggini kau ka? Tăka hina heăma: bakoe rongoe ja na lingoe moe, laloe mangădătoe ka, bakoe kaloeloe be ă ka; batoenanoe hikoe kawining wiki nggoe.

Tăka I Ala hiwănanja: nggamoe na mapeăka nggau hioe pinja na kaloeloe moe; nde doe oenganja na wăa na na pingi ai na pakahiri nggoe?

Tăka hina heăma I Adam: na tau kawini na pawămoe ngga, njoena na mawăngga nja na woă ai noena hikoe ngangoe.

Tăka I Ala hiwănanja na kawini noena: măla noe nggăra patoemoe? Hina heăma na kawini: na oelăroe na makambălikoe ka, hikoe ngangoe.

Tăka I Ala hiwăna: ha oelăr, djéa ja batoenanoe na ngăna kau harang; kau lakoe wăngoe kamboe moe, kau ngangoe koemboer tana; la padoea mi njimi, na kawini noena dăngoe njoemoe, kai papapang; da ana moe njoemoe dăngoe da ana na njoena, napa njoena kana pakawérăkoe ja na katikoe moe, tăka njoemoe kau witoe ja na tănda na.

Toenanoe I Ala hiwănanja na kawini noena: na handoecka bau pa'ana; na tau angoem na pareăta kau.

Tăka I Ala hiwănanja I Adam: bau rongoe ja ka na papani na na papaha moe, bau nganja na woă ai na pakahiri nggoe, toenanoe hau tana, hau tana na ngăna ja harang; na handoecka bau ngangoe na ndaung loeri moe; da kalăla, da witoe, da ri pakétoe kada toemboe nja na tana, loendoe wai hanggoboeng moe kau măngoe pagangoe; loepau beli kau la tana ba weli moe la tana, ba koemboer tana kau, kau beli la koemboer tana.

Tăka I Ala hina pandoi ndja laoe manôelang, hinggi manôelang, hina wăndja ha, hida hau; tăka hina paloehoe ha weling la wăaka noena, ndeda tama beli ă pa.

Toenanoe na pakiri na mboendăba na hau tana hau tana, ba paweli na la I Adam.

Bana ndjala doe njoena, toenanoe hi ninja na mahandoecka năhoe la panggoeboel awang.

3. I Kaïn dangoe I Habil.

I Adam nindja da ana na da doea; da ngara da, I Kaïn ja na aja, tăka na eri na I Habiloe ja. I Kaïn na toengoe woăka, tăka I Habiloe na pawang kamămbi.

Tăka na hau na lodoe, da mapa'eri-ajang noeda, da hamajanja I Ala; da mangédjing I Kaïn: ihi woăka ha; da mangédjing I Habil: ana kamămbi ja. Tăka I Ala, da mangédjing na I Habil, na kē ha, tăka I Kaïn ndena kē ha da mangédjingoe na; ba tau matăndji éti na ja I Habil, I Kaïn ndéa.

Toenanoe laloe karaoe ja na éti na I Kaïn. Tăka I Ala hiwănanja: nggiki na hida kawoé da weekoe matam? djăkau toe ja na mahămoe koe namoe kau, djăka ndau toe ja na mahămoe, na ndjala ninja la ngaroe pindoe kana pa'ănga kau; âmboe kikoenja na mandjala noena, beli kau.

Ba ndedi nggi mandai na, na hau na lodoe hida karéanja la marăda, tăka I Kaïn hina paloe paméti ja na eri na.

Tăka hiwăna I Ala: ha Kaïn nggini ja na eri moe? hina heăma: njoengga ndakoe pinja; ka njoengga noe madai ja na eri nggoe? Tăka hiwăna I Ala: kanggiki moe nja ka na eri moe, na wai réa na na kaladak lai Njoengga! njoemoe na ngăna kau harang, bana kē ja ka na wai réa na na eri moe na tana bau boenja; djăkau toe ja na woăka moe, ndeda dedi da ihi da. Tăka njoemoe kau ndjoēloe djăka nggini nggini kau.

Tăke hiwăna I Kaïn: na ndjala nggoe, laloe bokoeloe ja; nda-ningoe pa djămang da da ndjala nggoe; djăka nggamoe ja na mahamboeroe ka, na pameti ka.

Tăka hiwăna I Ala: ndéa. Toenanoe hina toenja tanda na la ihi na I Kaïn, ka âmboe na pameti ja tau, wăna.

Pajilang na nja ka I Kaïn la hangga na I Ala hina lakoe hina ngéang la tana Nod.

Tăka da ana na, hama da ka i kaborăngoe na na ama da; ndeda mangăďătoe nja I Ala. Na haătoe na ana na I Jabaloe ja na ngara na, laloe pingoe ja pawoeloe oema tera.

Na haätoe I Joebaloe ja na ngara na, njoena na mawoengang papingoe padjoengga.

Na haätoe I Toebal Kaïn ja na ngara na, njoena na mawoengang papingoe papandoi bāhi dāngoe kaliang.

Toenanoe I Habil bana meti ka, I Adam dāngoe I Hawa da pa'ananja na haätoe: I Set ja na ngara na, hiloe na na mameti ja, wāna; tau matāndji eti na, hama na ka i na aja na na mameti.

Tāka hininja hātoe na na mapaweling la I Set, I Ilenos ja na ngara na; tau noena na kikoenna na papareāta na I Ala; tāka hina papeākandja da tau da mande mangādātoe nja I Ala. Tāka I Ala hina danda māngoe kawori nja la awang, ndena meti la tana. Tāka hi ninja na ana na, na ngara na I Matoesala, da ndaung na, hiwa ngahoe nomoe kamboeloe hiwa; didi jang na madangoe ndaung na, ndaningoe hama na.

4. Iwa Bokoel.

Toenanoe bana da-dangoe ka da tau, tāka da ndjala da da paboā-boāndjang be ka angoe da.

Tāka hiwāna I Ala: na tau ndena bihoe pakikoenja na papareāta nggoe; na kikoe be nja na pamboeha wiki na, batoenanoe hikoe toenja rehi na, hangahoe doea kamboeloe ndaung, wāna I Ala.

Tāka bana tāngāroe ja na tau, ndena bihoe pamandjaréa; da ndjala da da paboā-boāndjang be ka angoe da. Batoenanoe na tau na papadika nggoe, napa koepamboeta ha, wāna I Ala. Toenanoe hi ninja haätoe na na tau, I Noak ja na ngara na, tau panamoe na I Ala, bana tāndji eti na; hau lodoe hau lodoe na hamajanja I Ala. Tāka hiwāna I Ala: pandoi ja teāna, pandoi nja koeroeng na, pindoe na, kahoenga na; pandoi pamadita ja, tiloe ngahoe karoāka lima, na lérangoe na, 50 karoāka lima; na djangga na 30 karoāka lima; napa koe patāka nja na iwa bokoel; njoemoe kau tamanja na teāna noena, da ana moe, da papaha moe, da ri ana moe kau karéa ndāba ndja; kau patamang mboe na ngara na ka na makajidik la tana, na mahawoeroeng la kiri awang, he'au mini, he'au bai na kau patamang;

kau ngăndi mboe pangangoe, kai ngangoe njimi, dăngoe da banda loeri, ămbi kai meti.

Toenanoe bana hăla ka papandoi ja na teăna noena hina tama karéa ndja da kalémbi na; hina patamang da banda loeri. Tăka I Ala hina bitanja na pindoe na, bana hăla ka pabitanja, hi nămoe nja na iwa bokoel; mboeloe ndăba na na pangéa wai la loemboe tana, na wăka; mboeloe ndăba na na pindoe wai la awang, na hanganga. Toenanoe poeroe na nja ka na oerang, măngoe lodoe măngoe roedoeng, patoe kamboeloe lodoe na ka bana poeroe na oerang.

Toenanoe na wai hina hē hē ja ka; ndedi nggi mandai na hina halinding na teăna la pinoe wai; na hē nja wai na tana, na palindi, da tandoelang; na lănga hăla nja, ndaningoe ndokoe mamădoe la panggoeboel awang.

Toenanoe moemoehoe da nja ka da tau; mboeloe ndăba na na makajidik la tana, na mahawoeroeng la kiri awang, na mboeta hăla ha ka; didi ki hang I Noak dăngoe da kalémbi na, tau mawaloe ă ha; dăngoe da banda loeri, da pawotoe na la teăna.

Toenanoe ba lima mboea woelang na ka na mandai na, hina kahăna na lăpiroe; hina tambirihoe na wai, ba mbiha ma nja I Ala; ndedi nggi mandai na hina kandoekoenja na teăna la pinoe palindi Ararat.

Toenanoe ba hiwa mboea woelang na ka na mandai na, hida woewa ndjăpoe da hoepoe da da palindi. Toenanoe I Noak na hili napa pătœ kamboeloe mboea lodoe, hina bŏwa ja na kahoenga, hina pahăla ja na he'au na nggangga. Tăka na nggangga noena, na hawoeroeng palo'ang maingoe be ja; ndena bihoe patama beli.

Tăka hina pahăla ja na he'au na rawa; na hawoeroeng ki ka hakoedoe hina tama beli. Toenanoe pihoe mboea lodoe na ka na mandai na hina hili pahăla ja na he'au na rawa; na hawoeroeng ki ka hakoedoe, tama beli na nja ka; tăka la ngaroe na ninja hawăla na na roe ai. Toenanoe na hili napa ja pihoe mboea lodoe, hina pahăla beli ja na rawa noena; hawoeroeng na nja ka, ndena hili beli ja pa.

Toenanoe I Noak hina dandang na nggäbi na na teàna, hina ngadoe, na mihi ka na wai, bana tängäroe ka. Toenanoe na hili napa ja i, dämboe woelang, mädöe na nja ka na tana, täka hina loehoe ja weling la teàna, hina pahäla ja mboeloe ndäba da da banda loeri da pawotoe na.

Toenanoe I Noak bana häla ka paloehoe, täka hina pandoi ja na ngéa pahamjangoe na, hina hamajanja I Ala. Täka hiwäna I Ala: ndakoe hili pamoeloe ä nja pa na tana; na eti tau ba laloe kaborängoe ja weling pa'ana koedoe na loepa na matoea; pakiring nähoe loepa nggini nggini ja ka, ndena mboäta ä pa na ndaung oerang, na ndaung wandoe, na roedoeng na lodoe. Toenanoe I Ala hina toe ja na kapoeri la awang; tanda ndjändji na nja, hiwäna, nina na tanda nggoe, na pandjändji wänggoe mboeloe ndäba na na papadika nggoe la panggoeboel awang, ndakoe hili njäbäroe ä ja pa na tana, hama toena ämang.

Täka da ana na I Noak, da doea haätoe ä da; anakeada mini ha: da ngara da I Sem, I Ham, I Japet.

Toenanoe da madoea haätoe da noeda, paweli na mboeloe ndäba na na tau nähoe.

5. Na Oema djangga la Babil.

Toenanoe bana häla ka pa'iwa, na dangoe na na ndaungoe na I Noak, tiloe ngahoe lima kamboeloe da. Toenanoe bana meti ka, hiwa ngahoe lima kamboeloe ndaungoe na.

Täka hili ndaningoe pa na haätoe mahama dangoe na na ndaungoe na I Noak. Toenanoe bana meti ka I Noak ndena ätälöe padangoe ä pa na tau, hama na ämang, ba ndena dangoe mboe na ndaungoe na; ningoe 400 ä, ningoe 300 ä, täka ndedi nggi mandai na 200 mboea ndaungoe na.

Na manggawang noena, hangia ä nang na hiloe na mboeloe ndäba na na tau, hau tana hau tana. Na ngéa pangéangoe da bada kähang, la tana Sinear, la karaha lokoe Prat. Toenanoe hida pakakandja da eti da: tawoeloe ja na paraingoe bokoel; la padoea tawoeloe oema djangga, na kapoeka na kana toäma la awang; djéa ja

noena kana namoe nda ana handädik, handalar; ka ämboe tanja-lang la hau tana hau tana.

Täka I Ala, na tanda toengoe noe ndena bihoe ja, bana peäka ndja ämang: mäta kai woroe kai bämbaroe, ämbi mboeta doe, kana kada ndäbang na tana.

Täka poeroe na nja ka I Ala, hina pakoroe nja na hiloe da, loepa ndena pinja na papeäka na dängoe angoe da patau lai noe.

Ba toenakanoe, ba ndeda papingoe pa hiloe, hida pa'ihang la hau tana hau tana, ndeda häla ja pa na paraingoe da, bada woeloe ja.

6. I Abram dangoe I Lot.

Täka hi ninja la tana Oer, haätoe na na tau, na kalembi na I Sem; na ngara na I Tera ja; da doea haätoe da da ana mini ha; da ngara da: I Abram, I Nabor, I Aran. Toenanoë bana meti ka na ana na na mangarang I Aran, täka I Tera hina lakoe la tana Mesopotamia; da karéandja da ana na da madoea, dängoe na kalembi na mboeloe ndäba na.

Na manggawang noena, laloe dangoe na tau na mande hamajanja I Ala; njoeda da hamajang la Marapoe hangia hangia, bada maroämbanja ka na ngarängia na mahämoe, ngarängia na matoebang.

Toenanoë hiwänanja I Ala: ha Abram, kau loehoe weling la parai moe, weling la kalembi moe, weling la oema ama moe, kau lakoe la tana na papatoedji nggoe nggämoe; napa Njoengga kakoe padedi kämoe bandjar mabokoel, napa kakoe pabokoeloe ja na ngara moe; na tau na mahämoe eti nggau njoemoe, njoengga koe hämoe nja eti; koeharanja na tau, na maharanggämoe njoemoe; na maweling lai njoemoe napa na pahämoe ndäba ja na tau panggoeboel awang.

Toenanoë lakoe na nja ka I Abram, na papaha na, na eri na da lakoe karéandja. Toenanoë bana täka ka la tana Kanaän, täka I Ala hina pawoewang wiki na, hida pandjandjing: na tana jeäna njoengga koe wöndja ja da ana handalar handädikoe moe.

Täka I Abram hina pandoi ja na ngéa pamangedjingoe na, kana wotoe wänja I Ala.

Toenanoe I Abram dāngoe I Lot, da ndādikoe lai noe; haätoe haätoe da pawang kamāmbi; ba laloe dangoe ma ha da kamāmbi da papawa da, ndjāpoe ndja roemba lai noe. Na hau na lodoe da tau da mapawandja da kamāmbi na I Abram dāngoe I Lot, da pahānggaloeng.

Tāka I Abram hiwāna bana panī: njoeta mapa'eri mapa'ajangoeta; na tana jeāna laloe lérangoe ja; batoenanoe na hāmoe ki pa djāka ta pamaraung ki hawoetoe, ka āmboe da pahānggang da anakeāda da mapawang kamāmbi; njoemoe djākau lakoe la kalai, njoengga koe lakoe la kawana; djākau lakoe la kawana, njoengga koe lakoe la kalai.

Toenanoe I Lot hina pindi ja na tana na mamareni nja la lokoe Jordan, ba dangoe ja na wai, ba laloe hāmoe ja lai noe; lai noe paraingoe bokoel, Sodom dāngoe Nggomora ja da ngara da.

Tāka I Lot hina woeloe oema hau la paraingoe Sodom. Tāka I Abram na ngéangoe la karaba oāmang Mamre, ndena marau weling paraingoe Hebron.

Toenanoe ba ndedi nggi mandai na, na marāmba la tana Elam, na ngara na I Kedor Laömer ja, hina hadang, hina bera ha da paraingoe Sodom dāngoe Nggomora. Tāka da marāmba la Sodom dāngoe la Nggomora da kākoe, hida palai; da banda da mboeloe ndāba da, na piti ha papa da; da tau la paraing da mande palai hina jāpa ha hina karéandja. Tāka I Lot na jāpa mboe ja hina karéanja.

Tāka hi ninja haätoe na na mande tanawang; toenanoe hina lo'a la I Abram, hina peākanja na poeloeng noena.

Toenanoe bana rongoe ka I Abram, tāka hina pa'oehi ndja da tau na, 318 da da tau. Toenanoe na parè-reānggangoe ma bana keha ja na marāmba Kedor-Laömer. Toenanoe bana toāmandja ka la ngéa papāndjangoe da, mandalora ja ka. Toenanoe hina koādjā ja loepa na palai ma. Tāka I Abram na piti pabeli ndja da banda da papiti na; tāka da tanawang na wāhi beli ndāba ha.

Toenanoe bana toāma ka la padoea ngarāngia, tāka hi nāmoe nja na marāmba I Melkizedik; na ngāndi kangoeta dāngoe woloe langga; na marāmba noena, ratoe na I Ala ja.

Täka hina wotoe wotoenja I Abram, hiwäna bana panī: I Ala, Ala moe njoemoe, na matana nja na tana, na ma'awangoe nja na awang, na pahämoe kau; mäla wa njoena kau wotoe nja I Ala, na mawönggau ja mboeloe ndäba na na papa moe.

Toenanoe hina täka na marämba Sodom, na mai pakarai ha da tau na: pabeli ngga ha wäna, mäta ndja ka da banda da pawähi moe, pabeli ndja da tau ä, wäna.

Täka hiwäna I Abram: njoengga mbäda haranggoe ka la hangga na I Ala, na matana nja na tana, na ma'awangoe nja na awang, ndakoe bihoe papiti ha da banda moe, djäpa nde hakoedoe na, ndakoe bihoe; la malämiri na tai, napa wämoe doe: njoengga ä hina woeloe I Abram, wämoe doe ngga.

7. Paraing Sodom dangoe Nggomora.

Toenanoe na hau na lodoe I Abram, talänga mandapoe na la pindoe oema na, hina pawoewang wiki na I Ala lai njoena. Toenanoe I Abram bana pawoelandja da mata na, hina ita ha da tau madoea haätoe ha. Toenanoe hina parè-reànggang na lo'a pahämboeroe ha, hiwänandja: ha Oemboe, pändjäng kadiroe lai jehoe la maoe ai, mäta kakoe paleäwa ha da anakeäda, kada ngändi wai, kakoe baha wändja da wihi mi. Toenanoe hida lakoe li, täka I Abram, na tama ja hoedaloe la oema, hiwänanja I Sara na papaha na: pareànggang kau kanoäma pangangoe, nindja da tau arijä. Täka hina piti ja he'au na na kamämbi, na makambomboe, hina wöndja ja da anakeäda, hida rori ja, hida manahoe ja. Toenanoe bada memori ka mboeloe ndäba da, täka I Abram hina karéandja la oema na da tau noeda. Toenanoe bada ngangoe ka, täka I Abram, djäpa be ja bana ndoälak la maoe ai.

Toenanoe bada häla ka pangangoe, hiwäna na haätoe: haromoe na ndaung na matäka, koe beli ka jehoe, na papaha moe I Sara ningoe ana na haätoe na, anakeäda mini ja. Toenanoe bana rongoe ka I Sara, talänga ninja la hambeli pindoe, täka hina riki. Täka

hiwăna njoena na tau: kanggikina I Sara hina riki! njoena bana pakakanja, I Ala ndena mbiha, wăna ihoe.

Toenanoe hida kanoăma hida lakoe hida hanggang la paraingoe Sodom. Toenanoe I Abram hina karéandja, na lo'a pakarénindja. Tăka I Toehan hina peákanja I Abram: ka napa kanggiki na ihoe hikoe lakoe la paraingoe Sodom, hiwămoe be ă; măla kau rongoe: na tau lai noe laloe kaborangoe ja, toenanoe lo'a nggoe nja pa-njănggăroe ja na paraing noena.

Tăka I Abram hina karai ja I Toehan, hiwăna: măla noe, na tau na makaborang, dăngoe na tau na matăndji eti na, pameti pakaréanja? măla noe napa hi ningoe ă lima kamboeloe da da tau da matăndji eti da, ndau namoe ja na paraingoe noena?

Tăka hiwăna I Toehan; djăka ningoe malima kamboeloe na na tau na matăndji eti na la paraingoe noena, koe namoe ja na paraingoe noena, ndakoe njănggăroe ja.

Tăka hiwăna I Abram; lănga tăka njoena, koe toroe mbeni ka ka, ba koemboer tana ka doekoe njoengga, măla noe djăka ndanindja da malima kamboeloe, djăka 45 ă da, ndau namoe mboe ja na paraingoe noena?

Tăka hina heăma I Toehan: mili koe itang njoena, 45 tau na matăndji eti na, ndakoe bera ja na paraingoe noena.

Tăka I Abram ndena păndjăng ndokoe bana pa'ărang-ărang, bana namoe ja na tau lai noe; măla noe napa hi ningoe 40 ă da da tau; djăka ndéa i, napa hi ningoe ă 20; djăka ndéa i, napa hi ningoe 10 ă tau matăndji eti da, ndau namoe mboe ja na paraingoe noena?

Tăka I Toehan hiwăna bana pandjăndji: djăka hakamboeloe ma ha da tau, da matăndji eti da, koe mătanja na paraingoe noena, ndakoe bera ja.

Toenanoe marau na nja ka I Toehan, tăka I Abram beli na nja ka la oema na.

Toenanoe bana maringoe ka na lodoe, tăka da nja ka la paraingoe Sodom, da doea da tau. Toenanoe bada tăka ka lai noe, talănga mandapoe na la ngaroe pindoe I Lot. Toenanoe bana ita ha ka: tau malakoe li ă ha ihoe, wăna be ă. Tăka hina hadang hina lakoe

toäma ha hiwänandja: mai kämi kai todoe la oema nggoe. Toenanoe bada tama ka la oema na I Lot hiwäna: kanoäma pangangoe. Toenanoe hida ngangoe.

Toenanoe ndedi da mahoeroe pa, hida hadang da tau la paraingoe noena, hida winggiroe nja na oema na I Lot, hiwäda: paloehoe ha da tau da matodoe la oema moe, kama pameti ha.

Täka I Lot hina loehoe ja weli daloeng la oema na, hina pamanda-mandandja, ka ämboe da karaoe da eti da, wäna.

Toenanoe ndeda rongoe; da tiki papameti ja ä mang I Lot; da patidoenja na pindoe, matama, wäda.

Toenanoe da malaikat bada pinja ka na karaoe eti da da tau Sodom, täka hida jila ja I Lot hida patama beli nja hoedaloel la oema hida bitanja na pindoe.

Toenanoe da tau Sodom ba la ngaroe pindoe ha, da malaikat hida pakapätändja da mata da; da himboe ja na pindoe ndeda hoenggoe ja; hama toeda da tau da mapoki be ha njoeda.

Täka hiwäda da malaikat, bada peäkandja I Lot: djäka ningoe kalémbi moe la paraing lai jehoe, peäka nja kana loehoe; I Ala, bera ja na paraing jeäna, wäna nggäma bana paleäwa käma nämoel.

Toenanoe I Lot hina peäkandja da ri ana mini na; hiwäda bada heäma: kambälikoe na I Lot, na panī ä-änga be ä.

Toenanoe hadang ka la mbaroe, täka da malaikat hida patidoeng hiwädandja I Lot, pareänggang kau loehoe weling lai jehoe, kau lakoe, ka ämboe meti.

Toenanoe I Lot ndena bihoe papareänggang, täka da malaikat hida jäpa ja na lima na I Lot, dängoe na papaha na, dängoe da ana na da tau kawini, hida paloehoe ha la hambeli paraing.

Toenanoe bada täka ka la hambeli paraing, hiwäda da malaikat: palai wa, ämbi wiläkoe la kadjéa mi, ämbi pändjäng doe, kai marau nja na paraing jeäna, ka ämbi meti dimi njimi.

Toenanoe I Ala hina papoeroe nja na epi oerang; tanjänggäroe da ndja ka da paraingoe noeda, na moetoeng häla mboeloe ndäba na na ihi da da paraingoe noeda.

Toenanoe ba talänga poeroe na na epi oerang, lakoe be da ndja

I Lot. Toenanoe na papaha na ndena kakikoenja na papani da da malaikat, hina wilak la kadjéa na; koe tängäroe, wäna; täka ndedi mbädikoe na na pambeli ja kambaniröe mehing.

Täka I Lot dängoe da ana na hida tama ha la koätäk Soär, hida pa'eångang lai noe.

8. I Abram dangoe I Isak.

Toenanoe I Abram ba hangahoe ndaung na ka, täka I Ala, hina padeninja na ndjändji na la pira na. I Sara, na papaha na I Abram, na pa'anang anakeäda mini; na ngara na I Isak ja. Täka I Ala, bana matoä ka I Isak, hina pa'aunja I Abram, hiwänanja: ha Abram piti ja na ana möe, na ana mängoe didingoe möe, na pamboeha möe, I Isak; kau karéa nja la tana Moria, kau pandoi ja na ngéa pahamajangoe wängoe möe la pinoe palendi, na mapatoedji nggöe nggau.

Toenanoe I Abram la mbaroe mbaroe hina hadang, hina wotöe ha la kadjéa ndjara na, da ai papamöetoeng wängoe. Toenanoe lakoe da nja ka; da lakoe mboe da ata na da madoea.

Toenanoe ba tiloe mboea lodoe ka, hina ita marau ja na hau na palendi. Toenanoe hiwänandja da ata na da madoea; ndädik kadiroe njimi jehoe dängoe na ndjara nggöe; njoengga dängoe na ana nggöe, mäta kama lakoe pahamajang lai noe; djäka ma häla ka pahamajang, kama beli käma ka lai jehoe.

Toenanoe ba häla ka pawäna, lakoe pangalang da nja ka; njoena I Abram na joewoetoe wiki na ha na epi dängoe na kabeäla, täka I Isak na doekoe ha da ai.

Toenanoe la padoea ngarängia I Isak hina karai ja na ama na; ha ama, tängär, epi, da ai ningöe ndäba; ka nggini ja na kamämbi na pahämbäli nda tai bata hamajang.

Täka hina heäma I Abram: ha ana, I Ala wiki na, napa na mawönda kamämbi, bata hamajangoe wängoe.

Toenanoe bada täka ka lai noe, I Abram hina palänjäpöe nja na ngéa pahamajangoe na; hina pawandaloe ndja da ai la pinoe. Toenanoe

bana hăla ka hina painja na ana na hina wotoe ja la pinoe ai, da pahăla papawandaloeng na kawai.

Toenanoe hina piti ja na kabeăla na, kakoe rori ja na ana nggoe, wăna doe ka lăti.

Toenanoe hīna na djidjikoe nja na kabeăla, na rongoe hăla bănda ja na mapa'aung weling la awang: ha Abram, ha Abram, wăna I Ala, djămang, ămboe răma wănja lima moe na ana moe, ămboe nggăra ehi moe nja; năhoe koepinja na ihi kamboe moe, koe pinggau ka, bau mangădătoe nja I Ala, ba ndau pătœ mboe ja na ana moe, ba haătœ nang.

Toenanoe ndedi mbădikoe na, bana wilăkoe la kadjéa na, hina ita ja he'au na na kamămbi; da paketoeng be ă da kadœ na la loelœ ai.

Tăka hina piti ja na kamămbi noena, hina rori ja; hilœ na na ana nggoe, wăna.

Toenanoe na malaikat na hili pa'aung weling la awang, toenanoe hiwănanja: ha Abram, toenanoe bakœ ndjăndji nggămœ, wăna I Ala, ba ndau pătœ ja na ana moe la njoengga, kœ wŏnggau mahămœ, kœ paworœ kau, kœ pabămbăroœ kau, hama toeda da kandoenœ la awang da dangœ da; la ana handalar handădikœ moe, mboelœ ndăba da da tau la panggoeboel awang, da ngalang mahămœ, djéa ja bau kikœ doe nja na pareăta nggoe.

Toenanoe bada hăla ka, I Abram dăngœ na ana na, lakœ da nja ka, da beli ha-la oema da.

9. I Isak dangœ I Rebêka.

Toenanoe ba hangahœ doeakamboelœ mboea ndaung na ka, meti na nja ka I Sara, na papaha na I Abram. Toenanoe I Abram bana hăla ka pahī nja, tăka hina taninja la li'angœ Makapeăla, la tana na pakē na la ama bokoel lai noe.

Toenanoe I Abram, kawêăda mboe na nja ka; tăka I Isak na ana na, ndedi na lalē. Toenanoe na hau na lodœ hina pa'aunja na ata na na haătœ, tau na pamboeha na, hiwănanja: lakœ la paraing kalėmbi nggoe, kau piti ja haătœ tau kawini, ana aja nggoe njœ-

ngga ma ja; toenja papaha na na ana nggoe I Isak; djāmang lānga tā-tāka papiti kawini la tana Kanaän lai jehoe, bana hamajaug Marapoe hangia hangia.

Toenanoe ndedi nggi mandai na hina lakoe la tana Mesopatamia, tāka I Abram hina wōnja āmahoe rara, āmahoe bara dāngoe malandja hangia hangia; na wotoe ndja da ndjara ba hakamboeloe da; wōnja na papaha na I Isak dāngoe da ina na da ama na, wāna I Abram.

Toenanoe lakoe na nja ka na tau ata. Toenanoe ma-mandai ki ka hina māngoe patāka la pangéa na I Nahor, aja na I Abram. Toenanoe hina pāndjāng la hambeli paraing; hi ninja na hoemoer hau na; pa'oenoe ng ki ndja wai da da ndjara, wāna, hina pāndjāng lai noe; na dangoe na tau na makāli mai patakoe wai lai noe.

Toenanoe na kanandi hili weli ja na eti na: nggiki ā nggoe ka ihoe, bakoe paloehoe ja na poeloeng na papeāka na ngga na miri nggoe, wāna bana kanandi.

Toenanoe bana kanandi-nandi nja tāka hina karai ja I Toehan bana hamajang: Ja Ala, namoe ja I Abram na miri nggoe njoengga; kau padeninja na poeloeng la lodoe nāhoe; nāhoe laloe dangoe ha da anakeāda kawini da matakoe wai; oe toe ngga nja tanda na, djāka nggamoe ja na kawini na rāka papaha na I Isak, ana na I Abram, na miri nggoe; napa ka wānggoe nja na anakeāda kawini noena: djākau mboehang doe, takoe nda wai kakoe oenoeng; ja Toehan, djāka wānggoe nja ka, ka wāna bana heāma ka: māla ka, da ndjara moe mboe kakoe pa'oenoe ndja wai da.

Toenanoe ndedi na hāla pahamajang tāka na nja ka haātoe na na anakeāda kawini, na malaloe manandangoe ja, na mamai patakoe wai lai noe. Toenanoe hina pa'ihhi nja na woeroeng wai; bana hāla ja ka, hiwāna na ata na I Abram: wō i nda wai la woeroeng moe kakoe oenoeng bakoedoe. Tāka hina heāma na anakeāda kawini noena: oenoeng ka, māta kakoe hili takoe ndja da ndjara moe kakoe pa'oenoe ndja. Toenanoe ba hāla ka pawāna hina lo'a hina takoe ndja wai da ndjara hina pa'oenoe ndja.

Toenanoe bana hāla ka pa'oenoe ndja wai da ndjara, tāka njoena na ata na I Abram, hina piti ha da poela hamawa da, da kara lima

hamawa da, tǎka hina wǒnja ha na anakeàda kawini noena, hina karai ja : njoemoe nggamoe ana da nggau? Tǎka hina heàma na anakeàda kawini noena : njoengga ana na I Betoeël ka, na ngara nggoe I Rebèka ka ; njoena I Betoeël ana na I Nahor. Toenanoe na ata na I Abram bana pi ma nja I Nahor, na pa'eri-ajang dǎngoe I Abram, toenanoe hina wotoenja I Ala hiwǎna : koe wotoe pada-dǎnja I Ala! na pánamoeng moe laloe dangoe ja! I Toehan na maloǎnda ka, hina patǎka ngga la oema aja na na miri nggoe.

Toenanoe I Rebèka hina lakoe ja la oema na, hina peàka nja na ina na. Toenanoe hi ninja haǎtoe na na ana mini na, I Labangoe ja na ngara na.

Toenanoe bana rongoe ka, tǎka hina palai-lai hina lakoe toǎma nja na ata na I Abram, ba ninja pa la hoemoer.

Tǎka hiwǎna I Labang : tama kǎmi nā, ka nggiki na hii ndoǎlǎkoe la hambeli.

Toenanoe hina kareǎndja la oema na, hama toena tau arija. Toenanoe hina kanoǎma pangangoe. Tǎka na ata na I Abram, ndena bihoe pangangoe ba ndedi na paloehoe ja na poeloeng pangǎndi na. Toenanoe bana hǎla ka papanī, weling la pakiri na loepa na k-andjoepoe ja, tǎka hiwǎna I Betoeël dǎngoe I Labang, haǎtoe haǎtoe hiwǎda : na poeloeng jeàna, maweling la I Ala ja, nda ngiki hama kandoeling nda.

Toenanoe bada hǎla ka papanī, tǎka na ata na I Abram, hina paloehoe ha da banda da pangǎndi na, ǎmǎhoe rara, ǎmǎhoe bara, hina wǒndja ha da ina na, da ama na, na ana mini na dǎngoe I Rebèka.

Toenanoe bana toǎma ka na hau na lodoe, hama toena haromoe la mbaroe, hiwǎna : mǎta kama beli kǎma, kama kareǎnja I Rebèka la oema na na miri nggoe. Toenanoe ndeda pamǎdja ndja pabeli ha ; napa ki dǎmboe lodoe tiloe mboea lodoe kai mǎngoe palakoe ka, wǎda da ina na, da ama na. Tǎka hina heàma na tau papaleàwa na I Abram : mǎla noe, karai ja I Rebèka, djǎka na bihoe doe palakoe. Tǎka I Rebèka na bihoe. Toenanoe da ina na, da ama na hida mǎta be nja bana kikoeng ka. Toenanoe I Rebèka hina kaliti la ndjara, na kikoenja na tau papaleàwa na I Abram. Tǎka hi ningoe mboe da

anakeàda kawini kareà na. Toenanoe bana mandai ki ka, hida tãka la pangéa na I Abram. Toenanoe na lodoe tama ä ma na ka; tãka I Isak talänga lo'a na pahamajang la padang. Toenanoe hina pawoe-landja da mata na, tãka na itang ndjara. Tãka I Rebèka hina tängäroe mboe, hina ita ja na tau noena la padang. Tãka hina karai ja: ka nggamoe tau ja nãhoe na malakoe. Tãka na heàma na tau papaleàwa: djè doe ja nina na miri nggoe. Toenanoe I Rebèka hina poeroe ja weling la kadjéa ndjara na, hina li la wili; tãka hina panggäbi wänja tera da mata na.

Toenanoe na tau papaleàwa na I Abram hina paloehoe nja ja na poeloeng, djäka nggi-nggiki na nãmoe kawai. Tãka I Isak hina kareänja la oema ina na, la oema ama na, hina patamanja. Tãka hina paha ja, tau angoe na nja ka.

Toenanoe ba ningoe ka papaha na I Isak, na ndaugoe na I Abram hangahoe pihoe kamboeloe lima ha. Toenanoe ndedi nggi mandai na hina meti, hina taninja la liang Makapeàla.

10. I Jakoeb dangoe I Esau.

Toenanoe I Rebèka na papaha na I Isak, hina pa'ana, ana doea ha da ana na, anakeàda mini ha; na madedi mangiloe I Esau ja na ngara na, tãka na madedi malamiri I Jakoeb ja na ngara na. I Esau ningoe roe ihi na, tãka I Jakoeb na boeloe na ihi na.

Toenanoe ba ndedi da dedi pa, I Ala hiwäna: na mama'-aja na kikoenna bádi na mama'eri.

Toenanoe bada matöa ka, I Esau tau makäli patamangoe ja; tãka I Jakoeb na dai kamämbi. I Isak na ama da, na mboeha ninja I Esau, bana käli patamang. Tãka I Rebèka na ina da, na mboehanja I Jakoeb, bana boeloe na ihi na.

Toenanoe na hau na lodoe I Jakoeb talänga manahoe na kambí rara; tãka I Esau weli na papatamang, laloe mǎnggiloe ja.

Toenanoe hiwānanja na eri na: wǒngga, koe ngangoe djè da marara. Tãka hina heàma I Jakoeb: djäka toenanoe, wǒngga ja bádi na pareàta mama'aja. Tãka hina heàma I Esau: njoengga jeàna ndakoe mandai

bakoe loeri, nggära toebe na djäka koe dedi ka mama'aja.

Toenanoe hina dangganja na pareäta mama'aja la eri na. Toenanoe hina ngangoe, na oenoeng; bana mbihoe ka, lakoe na nja ka.

Toenanoe ba kaweäda ma na nja ka I Isak, da hambala ka da mata na. Toenanoe na hau na lodoe hina pa'aunja I Esau, hiwänanja, njoengga nähoe kaweäda nggoe nja ka, ndakoe pinja pa na lodoe na pameti wänggoe, djeà ja noe hiwänggoe nggau: lo'a wa papatamang, kakoe ngangoe toloeng papakoädja moe, kakoe wönggau pareäta mama'aja.

Toenanoe ba talänga panī na I Isak, täka I Rebëka na rongoe ka. Toenanoe hina pa'aung I Jakoeb, parcånggang hiwänanja: lo kau jäpa kamämbi doea ngioe da, da makambomoe. Toenanoe hina kanoäma pangangoe njoena I Rebëka. Toenanoe bana memi ka, täka hiwänanja I Jakoeb: ngändi nja ha na ama moe, da pangangoe da pamboeha na, kau ngalang pareäta mama'aja.

Täka hina heäma I Jakoeb: ha ina, koe mangädätoe doekoe; I Esau tau ningoe roe ibingoe ja. Täka njoengga ba boeloe i na ihi nggoe, djäka na räma ka ka tai i ama, na pingga ba ndaningoe roe ihi nggoe doekoe; wäna ngga tai i ama: tau kambälikoe kau, napa na ngäna ka harang.

Toenanoe hiwäna I Rebëka: ämboe mangädätoe, kikoengga ka njoenngga; mäta kakoe tanggoe ja ka njoenngga. Toenanoe I Jakoeb hina kikoenna na papeäka na na ina na. Toenanoe I Rebëka laloe pingoe ja woeloe aka, hina piti ba da paki na I Esau, täka hina pili manolang kamambi, na maningoe woeloe ibing, hina kambocroendja da lima na, na nggoroe na.

Toenanoe I Jakoeb hina ngändi nja ka da pangangoe na ama na, hiwäna: ha ama! Täka I Isak hina heäma: ha ana nggoe, ka ngga kau ka nähoe? Täka hiwäna I Jakoeb: njoengga jéa bi, ana moe mama'aja! hadangoe wa nā, kau ngangoe.

Toenanoe I Isak hina hadang, hina räma ja I Jakoeb, hiwäna: bana panī I Jakoeb ja, täka da lima na, lima na I Esau ha.

Täka I Isak na hili karai ja: länga tä-täka djéa kau I Esau, ana nggoe njoengga? Täka hina heäma I Jakoeb: woä. Toenanoe I Isak

hina ngangoe, bana hāla ka pangangoe, hiwānanja: mai kau nāmoe, poedoek ka njoengga. Tāka I Isak hina panī: Māla wa njoena, I Ala bana wōnggau padā dānggau pangangoe, wai pa'oenoeng; na dangoe na paraing na matangara lai njoemoe; djāka nggamoe ja na maharānggāmoe, na ngāna ja barang; djāka nggamoe ja na mawōnggau mahāmoe, na ngāna ja na mahāmoe; na angoe moe paloehoe, na kikoe nggau bādi.

Toenanoe ba hīna na loehoe I Jakoeb weling la lihi na na ama na, tāka na nja I Esau weling la papatamang. Toenanoe hina manahoe pangangoe; ba memi ka hina ngāndi nja ba na ama na, hiwāna: māla hadangoe wa, kau kamang pangandja da pangangoe. Tāka I Isak, na katātāk: ka nggamoe ja ihoe kawai na mangāndi ngga pangangoe? nāhoe mbāda hāla nggoe pangangoe, mbāda hāla mboe nggoe nja ka pawōnja pareāta mama'aja; nde nggiki hili wōnggoe nggau pa nāhoe?

Tāka I Esau bana rongoe ja ka na ama na ba wāna, laloe hī ja dira ma tiki; hiwāna: ama, hakoedoe ā lāti kau wōngga.

Tāka I Isak hina heāma: na eri moe mbāda kambālikoe na ngga ka; na pareāta mama'aja mbāda piti na nja ka. Toenanoe I Esau ndena pandjang ndokoe pahī, bana karai-rai ja na ama na, hiwāna: mili wō ki ngga doekoe, wānanja na ama na. Toenanoe na ama na na kakikoenja na pakarai na, hiwāna: na tana na pangēa moe, napa na kamboāka hāmoe; kau loeri wāngoe hapanda, la eri moe kau pahangérang.

Tāka I Esau, laloe karaoe na nja eti I Jakoeb, bana pakakanja na eti na: djāka talioe meti na ka haromoe i ama, I Jakoeb koe pameti mboe ja, wāna. Toenanoe I Rebēka bana rongoe ja ka I Esau bana panī toenanoe, hina pareānggang papeāka nja I Jakoeb, hiwānanja: na hāmoe ki pa, djākau palai la toejam la paraing Haran; oendādikoe lai noe mandai-ndai, loepa na moeloer na eti na na aja moe; napa kakoe paleāwa nggau ka tau, beli kau, ka wānggoe nggau ka.

Toenanoe palai na nja ka I Jakoeb; tāka na ama na hiwānanja: djākau lalē, āmboe lalē doe la kawini Kanaän, piti ningoe papaha moe la kalembi wiki moe.

Toenanoe hi lakoe na nja ka la paraing Haran. Toenanoe bana toäma ka la ngéa patodoe na, hina piti ja na hau na watoe, na toe noela na; mahoeroe na nja ka. Toenanoe hina manggadipang. Toenanoe hina ita ja na panongoe, na pingi na weling la tana, na kapoeaka na toäma la awang. Toenanoe hina itang, laloe dangoe ha da malaikat, da hē ha i, da poeroe ha i. Tāka I Toehan na ndoälāk noedita la dita na, hiwāna: Njoengga djeà I Ala na I Abram, dāngoe I Isak; napa weli daloeng lai njoemoe, mboeloendāba na na bandjar la panggoeboel awang na ngalang mahāmoe. Malānga tā-tāka ja, njoengga koe lakoe kareà nggau; koe dai-dai kau, djāka nggini kāmoe lakoe ningoe, njoengga napa kakoe pabeli nggau la tana lai jehoe.

Toenanoe I Jakoeb bana pawāla ka, hiwāna: kanggikina ihoe na tana lai jehoe! lai jehoe oema na I Āla ja, lai jehoe pindoe awangoe ja.

Toenanoe na watoe noela na, hina pahadanja, hina padēndi ja; toenja tanda na, wāna; tāka hina toenja ngara na: Bètèl, wāna bana pangaranja. Tāka hiwāna: djāka malānga tāka ā na ja I Ala, bana lakoe ndoetoe, lakoe kareà ngga, bana wōngga ka doekoe matoäma pangangoe, hinggi nggoe, tera nggoe, loepa koe beli ka la oema ama nggoe, djeà ja ka na Ala nggoe, wānggoe ka doekoe.

Toenanoe I Jakoeb la-lakoe na nja ka, loepa na tāka la oema na na toeja na, la I Labang. Toenanoe bana mandai ka lai noe, hina kanoäma ja I Rahel, dāngoe I Lea; da ana na da anakeàda mini, hakamboeloe madoea ha, hi haätoe na na anakeàda kawini.

Da ngara da da anakeàda noena: I Roeben ja na mama'aja, I Simeon, I Lewi, I Joeda, I Isasar, I Zeboelon, I Gad, I Aser, I Dan, I Naftali, I Joesoef, I Benjamin.

Na ngara na na anakeàda kawini, I Dina ja na ngara na. Toenanoe I Jakoeb na mandai na, bana pahangérang la toeja, hakamboeloe patoe mboea ndaung na.

Toenanoe ngeri mandai-ndai, na woeloe ka, malandja, banda hangia hangia.

Toenanoe na toeja na bana ita ja i ka woeloe na I Jakoeb, laloe karaoe ja na eti na. Tāka I Jakoeb ndena hāmoe ndokoe bana pakakanja na eti na, bana pahangérang la toeja na.

Toenanoe ndedi nggi mandai na, tǎka I Jakoeb hina kanoǎma, beli ka la oema ama nggoe, hiwǎna; da ana na, da papaha na, na kareǎndja, mboeloe ndǎba da da banda na na ngǎndi ha.

Toenanoe ndedi na mandai bana lakoe, hina ita ja na aja, bana marau; laloe mangǎdǎtoe ja I Jakoeb, bana ita ja I Esau, na aja na.

Toenanoe hina lakoe toǎma ja, hina karoedoek, na papihoeng pakaroedoek. Tǎka I Esau hina palai-lai, na toǎma ja na eri na hida parohoe. Toenanoe da hī dira matiki da tau madoea noeda.

Toenanoe I Jakoeb hina lakoe pangalang, loepa na tǎka la oema na na ama na; na toǎma ka ki nja na ama na.

Toenanoe ndena mandai pa, meti na nja ka na ama na hida taninja.

11. Joesoef.

Toenanoe nindja da ana na I Jakoeb, hakamboeloe madoea ha; tǎka hi ninja na haǎtoe na ana na, rihi mboeha na nja pa I Jakoeb; I Joesoef ja na ngara na. Toenanoe I Joesoef ba hakamboeloe pihoe mboe ndaung na ka, tǎka hina kikoendja da aja na, palo'a papáwang kamǎmbi. Da aja na I Joesoef ndeda tǎndji eti da; djǎka nggǎra ja na parongoe na I Joesoef la aja na, na poeloeng mande hǎmoe, na peǎka nja na ama na. Djèa ja batoenanoe da aja na ndeda mboehanja na eri da, da karaoe nja eti da.

Toenanoe na ama na bana wǒ ma ki nja kalembi mamanandang, tǎka da aja na laloe mbana ha da eti da. Toenanoe ndeda kǎli poeloe dǎnja.

Toenanoe hau na roedoeng hina manggadipang I Joesoef, wǎna bana manggadipang: ningga la lǎtang, wǎnggoe. Toenanoe hikoe pai mǎngoe rémbi ndja da oehoe dǎngoe ranggoe da. Toenanoe lai njoe-ningga ha paing na, tǎka mboeloe ndǎba da da aja nggoe da nggǎnǎp ndǎba. Toenanoe hikoe pandoǎlǎkoe ja na papainggoe njoengga; mboeloe ndǎba da da oehoe da papai da da aja nggoe, da karoedoek bangga nja na tanggoe nggoe njoengga.

Toenanoe bana hǎla ja ka papeǎka ja na manggadipang na noena, da aja na laloe karaoe-raoe ǎ ma hǎ da eti da.

Toenanoe ndedi nggi mandai na, na hili manggadipang; na lodoe dāngoe na woelang, dāngoe da kandoenoe hakamboeloe hau da, da karoedoekoe lai njoengga, wāna.

Toenanoe hina hāngganja na ama na hiwānanja: Njoengga dāngoe na ina moe dāngoe da aja moe makaroedoek ka lai njoemoe? Toenanoe I Jakoeb na kāpoe ja la eti na na poeloeng noena.

Toenanoe hau na lodoe da aja na I Joesoef bada lakoe papāwang kamāmbi la tana Sihem, laloe marau ha weling la oema da. Tāka I Joesoef la oema ja, na ndādikoe dāngoe ama na.

Toenanoe hiwāna I Jakoeb: ha Joesoef, lo patāngāroe ha da aja moe, djāka nde nggāra ehi da. Tāka da aja na I Joesoef bada ita marau ja ka, hiwāda bada panī dāngga angoe da: tāngāroe ja, nāmoe nja ka na makāli manggadipang, māla nāhoe kata pameti ja, kata tāngāroe ā ja, djāka nggi nggiki na bana kāli manggadipang.

Tāka I Roeben na mama'aja, bana rongoe ka bada panī toeda noe hina pabétandja da pakanandi da da mandéhāmoe, hiwāna: āmbi boenja na wai ria na, mandjala bokoel ja; na hāmoe ki pa, djāka wāroenja la hoemoer. I Roeben bana panī toenanoe, na pakanandi eti na, djāka nda nindja da eri nggoe, kakoe paloehoe ja, kana lakoe beli ja, wāna be ā.

Toenanoe I Joesoef bana tāka ndja ka da aja na, da aja na hida jāpa ja, da ālinja na kalembi na, hida poeha ja la hoemoer, na hoemoer noena, ndaningoe wai na, na mihi.

Toenanoe ndedi nggi mandai na bada poeha ja la hoemoer I Joesoef, tāka hida tāka da tau Ismaël, tau madanggang, da ngāndi malandja hangia hangia, padauggang la tana Mesir. Toenanoe da aja na I Joesoef bada ita ha ka da tau da madanggang, hiwāna I Jahoeda: na hāmoe ki pa, djāka tadangganja I Joesoef kada kareānja la tana Mesir. Toenanoe da aja na I Joesoef, hida padita ja weli daloeng la hoemoer, hida pa'itanja na tau madanggang hida peākanja wili na, doeakamboeloe ri malokoe. Bada dangganja I Joesoef, I Roeben ndani ā nja. Toenanoe bana beli ja ka hina tāngāroe ja na eri na la hoemoer, kakoe ndoela ja, wāna be ā lāti, hama toenā na pakanandi na kawai. Toenanoe I Joesoef ndaninja pa. Tāka I Roeben laloe

handoeka ja na eti na, na hira hira ha na kalembi na, na hinggi na bana handoecka dänja na eri na, hiwäna: I Joesoef ba ndaninja pa, nggiki nggoe ka!

Toenanoe da aja na I Joesoef hida jăpa ja héau na na kamămbi, hida rori ja; da pandeămanja na wai ria na. Tăka hida piti ja na kalembi na I Joesoef hida ndjoekoeloenja la wai ria kamămbi.

Tăka hida pangăndi nja na kalembi noena la ama da. Toenanoe hida peăkanja na tau na mangăndi ja na kalembi noena, hiwăda nja: panī pahămoe nja i ama: jeăna na kalembi, na pa'ita ma'la ngarăngia; tăngăroe pahămoe nja, djăka djè ja na kalembi na na ana moe.

Toenanoe I Jakoeb bana ita ja ka na kalembi noena, ba djè ma ja na kalembi na na ana na, I Joesoef, na kaladăk, hiwăna: djè ja na kalembi na na ana nggoe I Joesoef, na kae ja ka wē mbeni ihoe?

Toenanoe parai panamoe ja na ana na, hī mănoe mănoe ja I Jakoeb. Toenanoe da ana na hida beli ba la oema, da mai papamandanja na ama da, kana beli ja na eti na, ka âmboe na hawina mănoe mănoe, wăda.

Tăka I Jakoeb hiwăna: ndena ngalang pamboelang na handoecka na na eti nggoe, weling năhoe loepa koe meti.

Toenanoe da tau da makē ja I Joesoef, tăka da nja ka la tana Mesir. Toenanoe bada tăka ka hida dangganja I Joesoef; la kabihoe bokoeloe ja na danggang ninja; na ngara na na tau noena I Potipar. Toenanoe I Joesoef ata na nja ka la I Potipar. Tăka I Potipar bana ita ja răma na, laloe pingoe ja bana răma; na tăndji eti mboe ja.

Toenanoe I Potipar bana ita ja ba tau hămoe eti ja, hina poeli ndăba nja ha da banda na, da oema na, mboeloe ndăba na na pa-răma hangia hangia; hina meha nja mboeloe ndăba da bana pareăta ha I Joesoef.

Toenanoe I Potipar, la oema na na hămoe, banda la marăda da hămoe ndăba, djè ja ba ninja I Joesoef la oema na.

Toenanoe hi ninja na papaha na I Potipar, tau nde hāmoe ja. Na tau kawini noena na tängäroe ja I Joesoef, bana kaka ja na eti na, kana ndjoeräkoe dängga läti, na hāmoe.

Täka I Joesoef ndena bihoe ndokoe pakikoenja na pamboeha na na papaha na I Potipar, hiwäna: kanggiki na hi toemoenoe, na ndjoeräkoe, mandjala ja la hangga na I Ala.

Djäpa ba toe ä na, na papaha na I Potipar hau lodoe hau lodoe na nggeli ja I Joesoef; täka I Joesoef ndena bihoe ndokoe. Toenanoe na hau na lodoe na tau kawini noena na paroewätoe ma, na jäpa ja na hinggi na. Toenanoe I Joesoef hina palai, na mäta-nja na hinggi na la lima na na tau kawini noena.

Toenanoe na papaha na I Potipar, käräng ba ndena bihoe ka bawäna ka, toenanoe hina peåkanja na tau angoe na, hiwäna: I Joesoef, tau ndena hāmoe ja, kakoe poeti ja kakoe angoe nja, wäna be ngga; toenanoe bana poeti ka ka, hikoe pa'aung; toenanoe bakoe pa'aung ka, hina palai; na mäta be nja na hinggi na la lima nggoe. Toenanoe I Potipar, bana rongoe ja ka na papani na na papaha na toenanoe, laloe karaoe ja na eti na; hina jäpa ja I Joesoef, hina poehi ja la oema kapätäng.

Toenanoe I Ala bana ndoela ja I Joesoef, ndedi nggi mandai na, na tau na madai oema kapätäng na namoe ja njoena.

Toenanoe hina poeli ndäba ha da tau da mangiang la oema kapätäng la lima na I Joesoef; na tanggoe tängäroe ha.

Toenanoe hinindja da tau madoea, da ata na na Marämba Mesir; na haätoe matanggoe parëata pangangoe ja, na haätoe matanggoe pareäta pa'oenoeng ja; da tau madoea noeda ningoe ndjala da la marämba. Toenanoe hina patamandja la oema kapätang. Toenanoe da tau madoea noeda, laloe handoeke ha da eti da bada mandapoe la makapätang. Toenanoe na hau na lodoe I Joesoef bana ita ha da tau madoea, bada mandapoe, da ringoe langoe ha. Toenanoe I Joesoef hina karai ha hiwänandja: ka nggiki na bakoe tängäroe kai, hama toena na maringoe langoe.

Toenanoe hida heäma ja haätoe haätoe; hiwäna na haätoe: kamodoe njoengga koe manggadipang; hamang na haätoe ka i, bana

heàma; njoema ndema pinja djäka nggära ja na pingi na, ndaningoe mapeàka nggäma, kama pinja.

Täka hina heàma I Joesoef, hiwäna: didi jang I Ala na mapinja; pa'ih i dänja ka i doeta, kata rongoe. Täka hiwäna na haätoe, na matanggoe pareàta pa'oenoe: bakoe manggadipang, ninja hareti na na pingi anggoer, tiloe kandjanga da da lai na. Toenanoe hina wäla hina woea. Toenanoe hikoe päpoe ha da woea anggoer noeda, hikoe pohoe ha la kaba wai, na pa'oenoe wäna na Marämba. Toenanoe hikoe padjoälänja ja na Marämba la lima na.

Täka hiwänänja I Joesoef bana heàma: noena ja na pingi na, ba tiloe kandjanga na bawämoe, djè ja ba tiloe mboea lodoe na; djäkau pandjäpoe ha ka ba tiloe mboea lodoe da, kareà pabeli na nggau ka la oema na na Marämba; napau hili räma, hama toena bau ndämang paräma la oema na. Toenanoe hiwäna I Joesoef: djäkau täka ka la oema na na Marämba, namoe ka doekoe, kau peakanja na Marämba, kakoe loehoe doekoe weling la makapätang, ba nda nggära ä ndjala nggoe doekoe.

Toenanoe na matanggoe pareàta pangangoe, bana rongoe ka bana panī I Joesoef, mahämoe ja noe hiwäna. Toenanoe hiwänänja I Joesoef bana peàka nja: njoengga bakoe manggadipang, koe tidoe ndja tiloe mboea da da mboäla, da ihi da da mboäla noeda, na mätoe ndäba na pangangoe hangia hangia, pangana na Marämba ha. Toenanoe hida mai ha da nggangga hida ngandja da ihi da da mboäla noeda.

Täka I Joesoef hiwäna bana heàma: noena ja na pingi na: ba tiloe mboea da da mboäla, bawämoe, djè ja ba tiloe mboea lodoe na, djäkau pandjäpoe ha ka ba tiloe mboea lodoe da, na Marämba na mai papiti kau, hina katikoe kau, täka na kajoemboe moe, na tiwäloenja; da mai ha da nggangga, da nganja na toloeng moe.

Toenanoe ba tiloe mboea lodoe na ka, täka na Marämba hina namoe ha da tau da manindja la oema kapätang. Toenanoe na matanggoe pareàta pa'oenoe hina piti beli ja, hina pareàta beli ja pa'oenoe, hama toena bana ndämang la pira na. Täka na matanggoe pareàta pangangoe, hina katikoe ja, hina tiwäloenja na na kajoemboe na, hama toena bawäna I Joesoef kawai.

Batoenanoe na matanggoe pareàta pa'oenoeng, bana tãka ka la oema Marãmba, ndena namoe ja pa I Joesoef, na marõambang be nja ka.

Toenanoe ba läpãhoeng ka dãmboe ndaung, tãka na Marãmba hina manggadipang, ndaningoe haãtoe mapeàkanja ja na pingi na. Toenanoe na matanggoe pareàta pa'oenoeng, hĩna na namoe ja na parongoe na la I Joesoef. Tãka hina pa'ihinja ja na Marãmba, hiwãna: ãmang ba ningga pa la oema kapãtang, ninja haãtoe na na tau, bidi mini ja; njoengga dãngoe na angoe nggœe mamangga-dipang; toenanoe hima pa'ihinja ja na tau noena; tãka hina peàka nggãma ka da pingi da; mboeloe ndãba noeda malãnga tã- tãka ja. Toenanoe bana hãla ka pa'ihĩ ja, tãka na Marãmba hina palewã ja tau, palœhoe ja I Joesoef weling la makapãtang, kareãnja la hangga nggœe njoengga, wãna na Marãmba. Tãka na Marãmba, hiwãnanja I Joesoef: bakœe manggadipang, ndaningoe haãtoe mapinja na pingi na; toenanoe bakœe rongœe ã, njoemœe bau kãli pindja da pingi da da manggadipang, hikœe pa'aunggau la hangga nggœe njoengga.

Tãka I Joesoef hina heãma ja na Marãmba: na poeloeng noena, njoengga ndakœe pinja, didi jang I Ala, na mapeàka ngga njoengga.

Toenanoe hiwãna na Marãmba bana panĩ la I Joesoef: bakœe manggadipang, njoengga ndœlakœe be nggœe nja la hingi lokœe; toenanoe hikœe ita ha da karãmbœ'a, pihœe ngioe da, lalœe mboãka ma ha, lalœe manandang ba bada hẽ weli daloeng la lokœe; da himbœe pangangœe. Toenanoe mandai ki ka hakoedœe, kœe hili ita ha i, da karãmbœ'a pihœe da, da mamalakangœe, bada hẽ weli daloeng la lokœe. Tãka da karãmbœ'a da malalœe malakang, hida kawãloekœe ndja da karãmbœ'a da mambœaka; da kambœe da ndaningœe, djẽ djẽ be ha kalãbihœe da. Toenanoe hikœe pawãla.

Tãka hikœe hili manggadipang, kœe ita ja hareti na na œhoe, tãka da wili na pihœe da; da wili œhoe noeda lalœe bokoel ha, da dangœe ihĩ ma da.

Toenanoe hina hili toembœe hareti na na œhoe, pihœe da da wili na; lalœe katẽhoe ha. Tãka da pihœe wili da da makatẽhoe,

hida kawǎloekoe ndja da mabokoeloe karohoe da. Toenanoe I Joesoef bana rongoe ja ka na manggadipangoe na na Marǎmba hina beǎma: da manggadipang noeda ba doea ngia da, hangia nang na pingi na, malǎnga tǎka ja I Ala bana peǎka nggau njoemoe Marǎmba, djǎka nggǎra ja, napa na padéning i. Ba pihoe da da karǎmbo'a da mboǎka, bawǎmoe, tǎka na oehoe ba pihoe wili na, djè ja ba pihoe mboea ndaung na bana woroe na pangangoe. Da karǎmbo'a da malakang ba pihoe da, tǎka na oehoe ba pihoe wili na na makatéhoe, bawǎmoe, djè ja ba pihoe mboea ndaung na, ba tarimbang. Malǎnga tǎ- tǎka ja na pihoe ndaung na matǎka nǎmoe, laloe woroe ja na pangangoe, mbihoe dira matiki Toenanoe na hili tǎka na pihoe ndaung, rimbang nde'oekoe ja.

Njoemoe Marǎmba bau manggadipang, bau pandoeang ma, na peǎka ngga I Ala, bana pa'itanggau nja, malǎnga tǎka ma ja. Toenanoe hiwǎna I Joesoef: batoenanoe, Marǎmba, himboe wa haǎtoe tau mamanggǎna, kana pareǎta ja mboendǎba na na tau la tana Mesir, kana pa'oehing pangangoe, kana pahǎmoe ha; djǎka na toǎma ja ka na rimbang, ka ǎmboe na mandjoé, ka ǎmboe na meti mboendǎba na na tau la rimbang.

Toenanoe na Marǎmba bana rongoe ja ka bana panī I Joesoef, hina beǎma hiwǎna: ka nggini ǎ ka koe itang ningoe tau hama toena njoemoe, na maningoeng Ndewa na I Ala. Toenanoe hiwǎna na marǎmba: batoenanoe, mǎta kakoe dandangǎmoe njoemoe, kau pareǎta la oema nggoe njoengga, mboeloe ndǎba na na tau kana tangǎra la njoemoe, didi kang njoengga marihi lai njoemoe. Tǎka na Marǎmba hina boetoehoe ja na tawoeroe la lima na hina wǎnja ja I Joesoef; kalembi manandang na wǒ mboe nja, kanǎtar na toenja la nggoroe na. Toenanoe hina wotoe ja I Joesoef la ndjara pakaliti na, hina kareǎnja hina pawinggiroenja paraingoe. Tǎka hi ninja haǎtoe na na tau na mamangiloe, na pa'aung: ha tau mboeloe ndǎba na, mai kai nǎmoe, kai karoedoekoe la I Joesoef, wǎna bana pa'aung.

Toenanoe I Ala na madandanja I Joesoef, I Toehan Ala bana karǎnja weling la oema ama na, na pocha ja la hoemoer; weling la

hoemoer hina karèanja la tana Mesir. Toenanoe hina pa'ata ja ka, hina palakoe ja i la makapätang, weling la makapätang, na palakoe ja i la oema Marämba.

I Joesoef bana pareàta la tana Mesir, da ndaung na, tiloe kamboeloe da.

Toenanoe ndedi nggi mandai na, padening na nja ka na poeloeng, hama toena bana pawoenda nja ja na Marämba bana manggadipang.

Toenanoe ba laloe dangoe ihi ha da wōaka, djäka hangahoe da, na piti ha da doeakamboeloe njoena I Joesoef, hina pahämoe ha da oehoe; nde papingoe padiha ha, ba laloe dangoe ha.

Toenanoe bana toäma ja ka na rimbang, mboeloe ndäba na na tau na maweling nämoeng, mboeloe ndäba na na tana, rimbang ndäba. Toenanoe mboeloendäba na na tau hina mai la I Joesoef padingi pangangoe.

La tana Kanaän na rimbang mboe; toenanoe bana rongoe ja I Jakoeb, la tana Mesir ninja madanggang oehoe, täka hiwänandja da ana na :

Kanggiki na hi patängär tängäroe ka jeà, na hämoe ki pa läti kai lo'a pamandara la tana Mesir. Toenanoe ndedi na mandai, da ana na I Jakoeb lakoe da nja ka la tana Mesir, palo'a pamandara tau hakamboeloe ä ha, da malo'a. Täka na eri na I Joesoef, na mangarang Benjamin ndena lo'a, na ndädikoe la oema; wäna I Jakoeb, napa na handoecka doe la ngarängia, ämboe na lo'a. Toenanoe da ana na I Jakoeb bada täka ka la tana Mesir, da täka la hangga na I Joesoef. Toenanoe hida karoedoekoe, ndena tanda mboe ja pa I Joesoef; tau Mesir ja ka doena, wäda be ä. Täka bana ita ha ka parai na I Joesoef, na tanda ha da aja na, täka hina kanandi nja la eti na: hama toena bakoe manggadipang ämang, na padeningoe ka nähoe. Täka I Joesoef bana poeloe dändja, hama toena ba ndena tanda ha. Toenanoe bana paloehoe ja na panī wängoe, na hanggäritoe; ningoe mata-nggoe ndjoeroe mbaha nja, hiwäna: nggi weli ni mi njimi? Täka hida heäma: weli ma la tana Kanaän, mai ma nja pamandara, Täka hiwäna I Joesoef: njimi jeà, mai mi nja papatandang; papaleäwa papa nggoe kämi; mai mi nja patängäroe ja na makaloängga. Täka

hida heàma: ndea oemboe, njoema jèa tau hāmoe kăma, tau Ibrani kăma, mboeloendăba ma haätoe ama ä ma, hakamboeloe madoea kăma läti mapa'eri ajang; na eri ma, na haätoe, ninja la oema la i ama; na haätoe na meti ka, nde papinja pa. Tăka hiwănandja I Joesoef: năhoe kata tângăr, djăka malănga tăka ja na papanī mi kawai; năhoe ndai ngalang paloehoe weli jehoe, dira na na mai bădi na eri mi. Batoenanoe paleàwa haätoe kana lo papiti ja na eri mi.

Toenanoe bana hăla ka papanī hina patama ndja da aja na la makapătang. Toenanoe ba tiloe mboea lodoe da ka da malăpăhoe, tăka I Joesoef hina pa'aundja da aja na: mai la hangga nggoe wăna. Toenanoe hiwănandja: Njoengga mboe, koe mangădătoe mboe nja I Ala, ndakoe bihoe pakaborang la tau. Batoenanoe mătanja ka na haätoe la makapătang, hawiang beli kămi la oema, kai ngăndi pangangoe, djăkai hili mai, kareà ma nja bădi na eri mi, djăka ndai kareànja na eri mi, i meti ma.

Toenanoe da aja na I Joesoef hida panī dăngga angoe da: njoeta malănga tăka ja bata ndjala la eri nda; ba ita ma doe da nja na handoe ka na eti na: namoe ka, bawăna ma doe na eri nda, tăka njoeta ndeta namoe ja, tăka njoeta hita dangga be nja i.

Tăka hina heàma I Roeben hiwăna: kangğara wănggoe nggămi bakoe peàka nggămi, ämbi toe ja na mandjala la eri nda, wănggoe ma doe, ba ndai rongoe ka, djè doe ja kanoe, na wai ria na tanggoe nda njoeta ja.

Toenanoe bada panī-nī, ndeda pi be nja bana pinja I Joesoef na hiloe da. Toenanoe I Joesoef bana rongoe ha ka hina palai wăroendja, hina lakoe ja la mahinggil hina hī.

Toenanoe bana beli ja ka I Joesoef hina piti ja I Simeon hina hondoe ja la hangga da da aja eri na, hina poehi beli ja la makapătang. Tăka da aja na hawiang, beli da nja ka la tana Kanaän. Toenanoe bada tăka ka la oema hida nggoeli ha da lăpoe ngăndi da da maningoe oehoeng. Toenanoe hida ita ha i da ämăhoe da, pahăla pamandara wăda la tana Mesir.

Malănga tăka ja I Joesoef bana peàka ndja da ata na: pa'ihinja oehoe kai toe ha la pinoe da ämăhoe, wănandja. Tăka da aja na ndeda pinja.

Toenanoe hida pa'ihinja ja na ama da, djäka nggiki handoeke da la tana Mesir. Toenanoe I Jakoeb bana rongoe: kareà nja I Benjamin bawäna, bawäda, laloe handoeke ja na eti na hiwäna: njimi pamboeta ha da ana nggoe; I Joesoef nde ninja pa, I Simeon nde ni mboe nja pa, täka nähoe i, i piti ja I Benjamin, mboeloendäba na na poeloeng jeàna laloe pahandoeke ma mi ngga; batoenanoe ndakoe poeli nggämi nja I Benjamin, kai kareänja.

Toenanoe ndedi na mandai na, didi ha ka da pangangoe da paweli pamandara da da ana na I Jakoeb. Täka hiwänandja I Jakoeb: hili lo'a pamandara nda pangangoe. Toenanoe ndeda bihoe; hiwändanja na ama da: djäka ndena lo'a mboe I Benjamin ndema bihoe palo'a, mamangädatoe.

Toenanoe laloe handoeke ja na eti na I Jakoeb, bana rongoe ha da ana na, na lo'a bädi I Benjamin, bawäda. Toenanoe hi ndena pamädja ndja ja I Benjamin.

Toenanoe ba laloe handoeke ma ha ka la pangangoe, täka I Jahoeda hina karai ja na ama na, hiwäna: ha ama, mäta kakoe tanggoenja ka njoengga I Benjamin djäka ndena beli ja, oepameti ka njoengga.

Toenanoe hina pamädja nja I Jakoeb I Benjamin hida kareänja. Toenanoe bada lakoe, täka I Jakoeb, na wöndja malandja hangia hangia, mamoele, kanatär, rimalokoe, hinggi, tera, ngändi nja na Marämba Mesir, wäna. Da ämähoe da pangändi beli da, da hili ngändi ha. Täka hiwäna I Jakoeb: mätanja ka I Ala, kana mangga nggämi ka, kana namoe kämi ka na Marämba Mesir, kana pahäla ja na aja mi I Simeon, kana beli mboe ja I Benjamin; ba njoengga jeà, djäka da mboeta da ana nggoe, mäla wa njoena, wäna be ä.

Toenanoe ba mandai ka hida täka la tana Mesir. Toenanoe bada täka ka, täka hiwäna I Joesoef, pa'aundja kada mai la lihi nggoe da tau noeda, dängoe na mangiang la makapätang paloehoe mboe ja.

Toenanoe bana karai ha, na mandang bana panī I Joesoef, hiwäna: mäla na ama mi, nde doe nggära ehi na? jeàna eri mi nja?

Täka I Joesoef bana karai toena ndja noe, ndena mäka papatoroenja na eti na, ba laloe mboeha na nja na eri na, bana mai ka.

Toenanoe hina tama ja la koeroeng hina hī.

Toenanoe hina loehoe beli ja, na patoroenja na eti na, hina wō-ndja pangangoe da aja na, hida ngangoe. Toenanoe da hangätäroe bada mandapoe da pandäki pandäking dängga eri aja da; bada ita ha da pangangoe, da oehoe ma njoema da palimang bädi, hi toäma ha da oehoe na I Benjamin dangoe da, wäda be ä.

Toenanoe bada häla ka pangangoe, täka I Joesoef hina peäkandja da ata na: pa'ihī ndja oehoe da läpoe, wäna, da ämähoe toe ha ja pinoe oehoe. Toenanoe hina panī kangoendoetoe nja na ata na, hiwäna: la ngändi na I Benjamin kau toe ja na kaba wai pa'oeneng wänggoe, kaba wai ämähoe bara.

Toenanoe ba hadang ka la mbaroe, da ana na I Jakoeb, lakoe da nja ka; bada lakoe da eti da da hämoe djoea i. Toenanoe ndedi nggi toe na marau na bada lakoe, täka I Joesoef hiwänandja da ata na: namätöe ha, himboe ja na kaba wai ämähoe bara, wäna.

Toenanoe lakoe da nja ka da tau ata; toenanoe bada toäma ndja ka, hiwäda bada panī: ka nggiki na njimi itoeminoe; na mahämoe i pabeli wänja na makaborangoe mi, laloe pakeäwa ina kämi njimi la pakaborangoe.

Toenanoe da ana na I Jakoeb, da patängär-tängäroe haätöe haätöe, ka nggiki na ka ihoe na poeloeng jeäna, täka hina paleäwa nda i tau! nggära ka ihoe! Täka hiwäna na tau noena: njimi ndai pinja, djäka nggära wänggoe bakoe panī? nggamoe mamanganga ja na kaba wai ämähoe bara? Toenanoe hida heäma da aja na I Joesoef hiwäda: ka nggiki na, Oemboe, hioe panī toemoenoe, njoema jeä tau hämoe ma käma; djäka nggamoe ja na ngea pahoenggoe moe nja na kaba wai ämähoe, pameti ja, njoema mboe kau ata nggäma.

Toenanoe hida wäkähoe ha da ngaroe da da läpoe da, weli hau hau ha loepa toäma ja na ngändi na I Benjamin. Toenanoe hida hoenggoe ja na kaba wai. Toenanoe bada hoenggoe ja ka, laloe handoeke ha da eti da da aja na I Joesoef, da kalembi da, da hi-hira ha. Toenanoe hida hili beli ha la paraing. Toenanoe bada täka

ka lai noe, hiwăna I Joesoef bana panī hănggăritoe, moetal doeka doena hi manganga ja na kaba wai nggoe!

Tăka I Jahoeda hina panī la hangga na I Joesoef, hiwăna: njoengga măla kakoe panī: măla noe, nggiki ă nggoe ka, kakoe pahămoe ja na poeloeng jeăna; malănga tăka ja I Ala na mareănda kăma njoema năhoe; măla wa njoena mboeloendăba ma kau áta nggăma ka dăngoe na anakeăda na ngea pahoenggoe moe nja na kaba wai.

Toenanoe hina heăma I Joesoef, hiwăna: pamarau ja na poeloeng noena, na papanī moe heăna, pande bihoe nggoe nja, didi jang na ngea pahoenggoe nggoc nja na kaba wai, măta kakoe ata nja ka; njimi beli kămi mbocloe ndăba mi.

Tăka I Jahoeda bana rongoe ja ka hiwăna: ămboe toemoenoe, oemboe, wăna bana karai ja, na pamila milang wiki na bana panī: na eri nggoe djăka na ndădikoe la jehoe, djăka koetăka ka la oema, djăka ndena ita ja pa na eri nggoe, na meti ka na ama nggoe parai pahandoeka eti na. Namoe ta! na ama nggoe, mabara roe loenggi na nja ka. Njoengga matanggoe nja na anakeăda jeăna, wănggoe doekoe njoengga: djăka ndakoe kareă beli nja na anakeăda jeăna, wănggoe bakoe panī, pandjala ka ka njoengga. Batoenanoe mătanja kadiroe kama kareănja; njoengga măta kakoe ndădikoe kakoe hiloe ja na anakeăda jeăna. Ka nggiki ă nggoe ka, djăka koe beli ka djăka ndakoe kareănja pa na anakeăda jeăna? nggiki ă nggoe ka ihoe bakoe ita ja na handoecka bokoel la ama nggoe?

Toenanoe I Joesoef ndena toroeng pa na eti na, tăka hina peăka ndja da tau Mesir: marau ki hakoedoe hiwănandja. Toenanoe bada loehoe ka mboeloe ndăba da da tau, tăka njoena I Joesoef hina hī, na wăngoe pakaladăkoe, hiwăna: Njoengga jeă I Joesoef ka, na ama nggoe na loeri pa? Tăka njoeda laloe hangătăroe ha, ndeda măka mboe papanī, ndeda nggădoek ndokoe. Toenanoe hiwăna I Joesoef: mai kămi nămoe, marenī ki hakoedoe. Toenanoe hida ndăhăroeng, ndedi da măka papanī. Toenanoe hili wăna I Joesoef: Njoengga jeă eri mi njimi na padanggămi njimi, ămbi da handoecka da eti mi. I Ala ja na mapalakoe mangiloe ka njoengga la tana lai jehoe, kana loeri ndăba na na tau dangoe. Batoenanoe lakoe

wa năhoe, djăkai tăka la oema kai peăkanja i ama: ninja na ana-moe, ka wămi nja. Toenanoe kai lo'a, kai pamaing, kareà mboe nja i ama. Toenanoe ba talănga panī toenanoe hina rohoe ja na eri na hina poedoekoe ha da aja na mboeloe ndăba da, na poedoek ndăba ha bana hī.

Toenanoe na Marămba Pirao bana rongoe, da aja na I Joesoef bada pamaingoe ha, bawăda, njoena laloe hămoe ja na eti na.

Toenanoe bada hăla ka pakanoăma, beli da nja ka da aja na. Toenanoe bada tăka ka la oema, da ana na I Jakoeb hida peăkanja na ama da, hiwăda: ha ama, ni be nja I Joesoef la tana Mesir, Marămba ja ka năhoe. Toenanoe I Jakoeb ndena bihoe parongoe ha da papanī da da ana na. Toenanoe da ana na bada paloehoe ndăba ja ka na papanī na I Joesoef, dăngoe da malandja da papangăndi na I Joesoef, laloe hămoe ja na eti na, hiwăna: na ana nggoe I Joesoef loeri be na nja pa, njoengga koe bihoe palo'a pată-ngăroe ja.

Toenanoe I Jakoeb hida kanoăma da ana na, oemboekoe na, da banda na, kamămbi na; da dangoe da nomoe kamboeloe nomoe ha mboeloe ndăba da bada lakoe. Toenanoe bada toăma ka la tana Nggosen, toenanoe hina paleăwa ja I Jahoeda: lakoe mangiloe, lo papeăkanja I Joesoef, na ama moe nămoe nja ka, wănanja. Toenanoe I Joesoef bana rongoe ja ka, nămoe nja ka na ama moe, bawănanja ka, toenanoe hina piti ja na kareàta na, hina hē hina lakoe paham-boeroe ja na ama na. Toenanoe bana ngeri mareni ka hina poeroe ja weling la kareàta na, hina li la wihi; na hamboeroe ja na ama na hina rohoe ja hina hī dira matiki. Toenanoe hiwăna I Jakoeb: năhoe mala wa njoena kakoe meti, mili koe ita doe kau ka njoena bakoe loeri pa.

Toenanoe I Joesoef hina kareănja na ama na la hangga na Marămba Mesir. Toenanoe I Jakoeb ba mandai ka la tana Mesir, bana kakanja năhoe, ndenaătăloe pa, mareni kawēada ā ma na ka. Toenanoe na hau na lodoe hina paleăwa anakeada: lo papa'aunja I Joesoef, kakoe poeloe dănja, wăna. Toenanoe bana tăka ka I Joesoef hiwănanja na ama na: ha ana nggoe, panī năhoe, djăkau mboeha

lānga tākā doe ngga, wānggoe nggau, āmboe tani doe ngga lai jehoe la tana Mesir, dira na pakarai nggoe, ngāndi ka la pangea da da bokoe nggoe, na ngea patani nindja!

Toenanoe I Joesoef hina ndjāndji, na harang mboe. Toenanoe ba ndedi nggi mandai na, hina rongoe ja I Joesoef: na ama na hidoe na nja ka. Toenanoe I Joesoef hina pareānggang hina lo'a la ama na, na kareā mboe ndja da ana na, da madoea I Manasse dāngoe I Epraim. Toenanoe bada tākā ka, tākā I Jakoeb hina panī pahāmoe hāmoe ndja da oemboekoe na, hama toeda da ana wiki na. Toenanoe bana hāla ka hiwānanja I Joesoef parai na I Jakoeb: njoengga meti nggoe nja ka, didi jang I Ala na malakoe ndoetoe kareā nggāmi, kana kareā beli nggāmi, la tana ngea padedi mi. Toenanoe bana ndjāpoe ka noena hina hili pa'aundja da ana na mboeloe ndāba da kada mai la lihi nggoe, wāna. Toenanoe bada pa'oehi ndāba ka, tākā hiwāna: na weli haātoe haātoe ha bana panī pahāmoe hāmoe ndja. Toenanoe hina peāka ndja da poeloeng hangia hangia, da matāka malamiri. Toenanoe bana peāka nja I Jahoeda: na tokoeng pareāta lai njoemoe ndena kandoeling; bau pareāta ndau pāndjāng loepa na tākā na Marāmba na mapareāta mahāmoe; njoena ā noena mboeloendāba na hau bandjar hau bandjar, da tangara hāla. Toenanoe bana hāla ka papanī toenanoe, mboāta na nja ka hina meti.

Na ndaungoe na 147 mboea ndaung na.

Toenanoe I Jakoeb bana meti ka, ba patoe kamboeloe mboea lodoe na ka, I Joesoef dāngoe da aja na mboendāba da hida dandanja na ama na, hida lo'a pataninja la pangea na I Abraham la tana Kanaän.

Toenanoe ba mbāda meti na ka na ama da, tākā da aja na I Joesoef da kanandi hili weli, hili weli ha da eti da, laloe handoe ka ha; napa I Joesoef hina namoe be ja pa, bata woenda ja na mandjala i āmang, koe toengoe hiloe nggoe, napa hiwāna be ā.

Toenanoe bada beli ha ka pataninja na ama da, bada tākā ka la tana Mesir, na hau na lodoe, hida pa'oehi hida lo'a la hangga na I Joesoef, kata lo'a ā ka njoena la I Joesoef, wāda be ā.

Toenanoe I Joesoef bana rongoe ha ka da aja na bada panī toe-

nanoe, tǎka hina hī, hiwǎna: mǎtang lǎnga tǎka njimi, ǎmbi mangǎdǎtoe, njoengga jǎa tau na I Ala ka; kanandi ndja da eti mi ǎmang, bai toe ja na makaborang lai njoengga, djǎpa ka toe ǎ na, I Ala ja na mawǒnggǎmi nja na pakanandi mi njimi; batoena nǎhoe, na pambeling ka mahǎmoe, kana dedi ja bandjaroe bokoel.

Batoenanoe nǎhoe, ǎmbi mangǎdǎtoe; njoengga madai kǎmi njimi, dǎngoe da ana mboe mi, hama toena i ǎmang.

Toenandja noe ǎ I Joesoef bana wǒndja poeloeng mahǎmoe. Toenanoë hi hau eti ha mboeloendǎba da da aja na.

Toenanoe I Joesoef ba mareni meti ǎ ma ki na ka, tǎka hiwǎnandja da aja na: malǎnga tǎka tǎka ja, I Ala na makareǎ beli nggǎmi la tana ngea padedi nda, la tana na pandjǎndji na I Ala, I Ibrahim, I Isak, I Jakoeb; djǎkai lakoe, na ri nggoe, hi ngǎndi ja, kai taninja la tana Kanaän.

Toenanoe bana ndjǎpoe ka, meti na nja ka I Joesoef; 110 mboea ndaung na weling bana dedi, loepa na meti.

12. I Moesa ba bidi mini a ja pa.

Toenanoe da tau Israel, ba la tana Mesir ha, da woroe dangoe ka; toenanoe da ǎtǎl mboe, da dangoe mboe. Tǎka na Marǎmba Mesir, laloe handoeke ja na eti na, bana tǎngǎroe nǎhoe da tau Israel, njoeda ba tau bandjaroe hawiangoe ha. Na Marǎmba noena ba nde djeǎ ja pa na Marǎmba meǎmang, njoena ndena pinja I Joesoef bana ndoela ha pa ǎmang da tau Mesir. Toenanoë na Marǎmba noena, na pahandoeka ha da tau Israel bana pareǎta ha, bana paleǎwa ha parǎma mambotoe; woenda da ndena wǒndja, pangada ndena wǒndja. Toenanoë ba toe ǎ na noe, da tau Israel da paroe-roekang ka pa'ǎtǎl, da dangoe ka i pa; ba toena kanoe da tau Mesir da mangǎdǎtoe, ba laloe dangoe ha da tau Israel.

Toenanoe na Marǎmba Mesir hina peǎkandja da tau da mapatika ja na mapa'ana, kata reǎngga pinja djǎka mini ja, djǎka kawini ja; djǎka mini ja, kai pameti ja, wǎna. Tǎka da tau noeda, ndeda toroe mbeni wa i nja, mǎla bada mangǎdǎtoe nja I Ala. Toenanoë

na Marämba ba ndeda kikoenna na pareäta na, hina paleäwa ha da ata na, hiwänandja: pakiri na nähoe, djäka da dedi da ana na mini, wäroendja la lokoe kada mili; didi hang da anakeäda kawini mäta be ndja.

Toenanoe hi nindja da tau madoea; na tau angoe na, I Aram ja, täka na papaha na I Johebet ja, da ngara da; da tau madoea noeda, tau Lewi ha. Da tau noeda da doea da ana da; na haätoe, anakeäda mini ja, na ngara na I Aron ja, täka na anakeäda kawini, na ngara na I Mirjam ja. Toenanoe na Marämba bana pareäta hama toena na mapatiki kawai, toenanoe da tau madoea noeda hida hili pa'ananja na haätoe, na anakeäda mini; laloe manandangoe ja na ana rara noena. Toenanoe laloe handoecka ha da eti da, hida kawininja noena na anakeäda; tiloe mboea woela na na mandai na, bada kawininja. Toenanoe ndeda ngalang pa pakawininja, täka hida piti ja hau na na päti koedoe, päti iwi ja, hida roehinja karitäkoe käbi, ämboe na tama na wai, wäda. Toenanoe bada häla ja ka, hida piti ja na anakeäda, hida poehi ja la päti noena; ba toena ka noe hida ngändi ja la hingi lokoe, la woekoe roemba djangga hida bändjälöe ja lai noe.

Täka bada häla ka pabändjälöe ja, hida peäkanja na ana da, na anakeäda kawini, hiwädanja: lakoe kau boeti marau nja na eri moe la lokoe. Toenanoe ndedi nggi mandai na, hi täka na nja i na ana marämba kawini, na mai pa'ihoe la lokoe noena. Toenanoe na ana marämba kawini noena, hina ita ja na päti noena kawai; bana ita ja ka hina paleäwa ja na ata na na tau kawini: lo papiti ja hiwänanja. Toenanoe hida boenggähoe ja, hida ita ja noedaloe la päti, haätoe na na ana rara; na ana rara noena na hī dira matiki; ba-toena ka noe na ana marämba kawini na mila ka na eti na, laloe namoe na nja, hiwäna: jeäna ana rara tau Israel ja! Toenanoe täka na nja ka I Mirjam, hina mai lä libi na na ana marämba kawini, hiwäna: mäla noe, tamoe rämböe, koe ngalang palo pa'aung tau kawini Israel, kana pahoe hoe ja nina na anakeäda, tau Israel ma bandjaroe na. Täka na ana marämba kawini hina heäma: hämoe! Toenanoe njoena I Mirjam na lo'a papa'aunja na ina ma na doena

Toenanoe hina mai I Johebet, na ina na na ana rara noena, hina wōnja ja noena na anakeāda: ngāndi ja kau pahoe hoe pahāmoe hāmoe nja, wāna na ana marāmba kawini.

Toenanoe na anakeāda noena bana matoā ki ka hakoedoe, tāka na ina na hina lo'a patoe ja la ana marāmba kawini. Toenanoe hina nganggoe ana nja njoena na ana marāmba kawini, hina pangara nja I Moesa ja, wāna, ba papiti la wai ja. Toenanoe I Moesa hina ngeangoe la oema marāmba. Toenanoe ngeri ngeri hida papeākanja I Moesa pamanggāna wāngoe, hama toena na manggāna na na tau Mesir.

Toenanoe I Moesa ba patoekamboeloe mboea ndaung na ka, na hau na lodoe, hina lakoe la pangea parāma da da angoe na pabandjaroe. Toenanoe lai noe hina ita ha da tau da mapahānggāng; na haātoe na tau Mesir na paloe ja haātoe na na tau Israel. Tāka I Moesa hina ndoela ja na tau Israel, hina paloe pameti ja na tau Mesir; na mameti hida kawininja la wara. Toenanoe la eti na I Moesa na pakanandi na, kada ita ja da tau Israel, I Ala na bihoe papahāla ha njoeda la papina I Moesa; tāka njoeda ndeda pi be nja.

Toenanoe hama toena haromoe la mbaroe, tāka I Moesa, na hili lo'a la ngea parāma da da tau Israel; hina ita ha da tau Israel da madoea, bada pahānggāng.

Toenanoe I Moesa bana ita ha ka, hiwāna: Kanggiki na hioe paloe ja na angoe moe? Toenanoe hina heāma na tau noena: nggamoje ja na madandanggau njoemoe hioe tanggoe kapala nggāma njoema? njoemoe oe bihoe papameti ka njoengga, hama toena bau pameti ja na tau Mesir kange'au?

Toenanoe I Moesa mangādātoe na nja ka bana rongoe ja bana panī toengoe noe; hiwāna la eti na: djāka toena ka noe na woewa ka jeāna na poeloeng kange'au.

Toenanoe ndedi mandai na na marāmba Mesir bana rongoe ja ka na poeloeng noena, laloe karaoe ja na eti na, pameti ja I Moesa, wāna be ā. Toenanoe I Moesa hina palai weling la tana Mesir, loepa na toāma la tana Midijan, la lihi na na tehikoe Kolzoem. Da

tau Midijan, mapaweling la I Abraham ha ka i. Toenanoe hininja lai noe haätoe na na ratoe, na ngara na I Djiteroe ja. Toenanoe I Moesa bana tăka ka la tana Midijan hina pändjang la hoemoer hau, na ngea patakoe na wai na tau dangoe. Toenanoe I Moesa ba talānga mandapoe i na la hoemoer noena, tăka da nja ka da ana na I Djiteroe, da pihoe da anakeäda kawini, takoe wai pa'oenoe ndja da ndjara na i ama, wăda be ä.

Toenanoe hida tăka da tau da madai kamămbi da anakeäda mini, hida jauwoeloe ha da anakeäda kawini noe kawai, da matăka woengang. Toenanoe I Moesa bana ita ha ka bada jauwoeloe ha hina ndoela ha da kawini noeda, hina pa'oenodja wai da ndjara.

Toenanoe bada beli ka la oema hida peăkanja na ama da, djăka nggi nggikina noe kawai bada pa'oenodja wai da ndjara. Toenanoe njoena I Djiteroe: pa'aunja I Moesa, hiwănandja. Toenanoe I Moesa hina ndădikoe la oema na I Djiteroe hina dai ha da kamămbi na. Toenanoe ndedi mandai na hina wŏnja ja na ana na na haätoe, na ngara na I Sipora ja, hina paha ja I Moesa.

13. I Moesa la hangga na I Piraon.

I Moesa bana palai weling la tana Mesir, patoe kamboeloe mboea ndaung na ka na na matoă na. Toenanoe hina ndădikoe la tana Midijan patoe kamboeloe mboea ndaung na ka i. Tăka da tau Israel, ba nindja pa la tana Mesir, laloe handoeka ha da eti da.

Toenanoe hau na lodoe njoena I Moesa hina pawang ha da kamămbi la lihi palendi Horeb. Toenanoe hina ita ja lai noe na ri paketoe djangga bana doeroe nja epi; batoena ka noe ndena hăla ndokoe ja bana doeroe ningoe na epi.

Toenanoe I Moesa hina lakoe hina lihinja kakoe pinja, djăka nggiki na na epi hina doeroe toenanoe, wăna. Tăka hi ninja na mapanī dănja weli daloeng la ri paketoe noena, bawăna: ha Moesa, Moesa! Toenanoe hina heăma njoena I Moesa: wŏa Toehan! Tăka hiwăna na mapanī dănja njoena: ämboe răpa pamareni

nämoe! äli päkoe ndja da halapa la wihi moe, na tana nana na ngea pandoäläkoe moe ba tana mbana ja. Njoengga jeà, Ala da da ama moe, da bokoe moe ka. Ala na I Abraham ka! Ala na I Isak ka, Ala na I Jakoeb ka.

Täka I Moesa bana rongoe ja ka, hina pandäbinja na mata na, laloe mangädätoe ja.

Toenanoe hiwäna I Toehan: Njoengga mbäda häla nggoe ka pa'ita ha da handoeke da da tau Israel la tana Mesir; koe rongoe mboe ha da hi da; batoenanoe Njoengga koebihoe papahäla ha njoeda weling la lima da da tau Mesir; kata kareändja njoeda la tana hau, tana mahämoe länga täka, na maningoeng wai hoehoe na, wai mangga-loeang na. Nähoe Njoengga kakoe paleäwa kau njoemoe; kau lo'a la hangga na na Marämba Mesir; njoemoe kau kareändja da tau Israel weling la tana Mesir.

Täka I Moesa hina heäma: kanggiki tau i nggoe ka jeà, täka hioe paleäwa ka njoengga palo'a papaloehoe ha da tau Israel weling la tana Mesir? Toenanoe hina heäma I Ala: malänga tä-täka ma ja bakoe paleäwa kau njoemoe, Njoengga koe lakoe kareänggau.

Täka njoena I Moesa hina heäma: bakoe pakakanja na eti nggoe, ndeda bihoe parongoe ka njoengga; djäka wänggoe ka: papaleäwa na I Ala ka, djäka wänggoe ka, nde'a ka ä ka doena, ndeda rongoe ka njoengga.

Toenanoe I Toehan hiwäna: nggära ja la lima moe! Täka njoena I Moesa hina heäma: tokoengoe ja! Toenanoe hiwäna I Toehan: wäroenja na la tana!

Toenanoe na tokoeng noena hina wäroenja la tana, hi pambeli be na nja i oelär. Toenanoe palai na nja ka I Moesa; täka I Toehan hiwäna: jäpa ja na na kikoe na! Toenanoe na oelär hina jäpa ja njoena I Moesa, bana häla ka pajäpa ja, hi pambeli beli be na nja i tokoeng.

Toenanoe hi hili wäna I Toehan: toenanoe nähoe patamanja na lima moe la koeroe kalembi moe. Toenanoe I Moesa bana ki-koenja na papeäka na I Toehan, toenanoe hina paloehoe beli ja na lima na, hina tängäroe ja, hi hidoe kila be na nja, laloe bara

ja na lima na. Toenanoë hina poehi beli ja na lima na la koeroe kalembi na. Toenanoë hämoe beli na nja i.

Toenanoë bana häla ka, hi hili wäna I Toehan: djäka ndeda rongoe kau ba doea ngea da da pahangätäroe wängoe jeäda, njoemoe kau takoe wai la lokoe, kau boeri ja la tana, malänga täka ja na wai noena na pambeli ja wai ria.

Toenanoë njoena I Moesa hi hili wäna: ha Toehan, njoengga jeä, nde tau ka mandämang papani ka; njoengga jeä tau mbotoe ngaroe ka. Täka I Toehan hina heäma: nggamoe ja na mapadikanya na ngaroe na na tau? nggamoe ja na mapadikanya na tau na makambänga, na tau na makawanga, na tau na mapoki? Ka nde njoengga be jeä Toehan? Batoenanoë nähoe, lo wa njoena, Njoengga ningga la ngaroe moe bau panī, Njoengga napa kakoe papeäka nggau ka papani wämoe lai noe! Toenanoë njoena I Moesa hina hili heäma: Toehan, paleäwa läti tau hawiang, na pamboeha ma moe! Täka I Toehan hina mbeni nja I Moesa hiwäna: ka ndakoe pinja njoengga noe I Haroen, na aja moe na mapingoe papani? napa njoena na töama kau ka i; njoemoe kau wönja papani wäna, kana peäkanya na bandjaroe moe.

Toenanoë njoena I Moesa lakoe beli na nja ka la tana Mesir. Täka na aja na, I Haroen, mbäda rongoe na ka na papani na I Ala: kau lo'a papahamboer angoe moe I Moesa, mbäda wänanya ka.

Toenanoë bada patöamang ka, njoena I Moesa hina panī häla ja la I Haroen, na papani na I Ala, dängoe da tanda, da patiki kawai. Toenanoë njoena I Moesa dängoe I Haroen hida pa'oehindja da tau matoea, hiwäda: I Ala, na bihoe papaloehoe kämi njimi weling la tana Mesir. Toenanoë da tau Israel bada rongoe ha ka I Moesa: I Ala na mboehang papaloehoe kämi weling la tana Mesir, bawäda ka, toenanoë hida rongoe ja na poeloeng noena, hida karoedoek bada hamajang.

Toenanoë njoena I Moesa dängoe I Haroen hida lo'a la hangga na na Marämba Mesir, hiwäda bada panī: toenanoë na papani na I Ala da da tau Israel, poelindja da tau nggoe, wäna nggau, kada lakoe ha la maräda, kada remi ki nja na lodoe nggoe njoengga. Toenanoë

hiwāna na Marāmba: nggamoe ja noe I Toehan, na mapareāta ka njoengga? ndakoe pinja doekoe I Toehan noena; tāka da tau Israel ndakoe bihoe papoelindja. Toenanoē pakiri wāngoe na nja ka na lodoe noena, hina hili pareāta: pambotoe ki ha da parāma da da tau Israel, bawāna: da tau Israel, ndeda dangoe pākoe da parāma da, batoenanoē nāhoe āmbi wōndja pa roemba, kada toenoē wāngoe watoe, māta kada himboe wiki da ka roemba, batoenanoē da toeba tanggoe ma da doeda haātoe haātoe, hama toeda dangoe da, ba hīna da toenoē āmang.

Batoenanoē njoena I Moesa dāngoe I Haroen da hili lo'a la hangga na na Marāmba; toenanoē hida pa'itānja pahangātāroe wāngoe, bada wānja na tokoeng, hama toena bawāna I Ala. Tāka hi ningoe mboe i doena tau lai noe, na mappingoe, hama toe ā da tau mamaroeng; da toe ja ka i doeda na tanda pahangātāroe wāngoe. Toenanoē na Marāmba ndena nggoema ninja na tanda na I Moesa, na parihingoe i pakaraoe na eti na; djeā ja batoenanoē I Ala hina wōngoe pahandoeka wāngoe la tana Mesir.

Toenanoē njoena I Moesa hina djidjikoe nja na tokoeng na, hina paloe ja na wai la lokoe Niloe.

Toenanoē ndedi mbādikoe na, na wai lokoe noena na pambeli ja wai ria. Toenanoē mboeloe ndāba na na tau ndena ngalang pa'oenoē nja na wai noena, pihoe mboea lodoe na na mandai na; da ijang mboendāba da la lokoe noena da meti hāla.

Toenanoē bana hāla ka hina wālāhoe ha da lima na la wai mboendāba na la tana Mesir. Toenanoē hida hē da kapaki, ba laloe dangoe ma ha, da mbinoē hāla la tana Mesir mboendāba na. Toenanoē da kapaki da tama la oema na na marāmba, la oema da mboeloendāba da da tau Mesir, la koeroeng pangea pamahoeroe, la oema aoe, la woeroeng, la pinoe leānang ngea pangangoe da.

Toenanoē na Marāmba ba laloe handoeke ja na eti na, hiwānanja I Moesa bana panī: karai ja I Ala kana pandoelang, kana pajila ndja da kapaki lai njoengga, napa kakoe pamādjandja da tau Israel, kada lakoe pahamajang la marāda. Toenanoē njoena I Moesa hina hamajang la I Ala. Toenanoē bana hāla ka pahamajang, meti hāla

da nja ka da kapaki, na hau na lodoe; tåka hida pa'oehindja da kapaki da mameti, laloe wau ha, na wau ndåba na tana Mesir.

Toenanoe na maråmba bana ita ja ka noena, bana håmoe ki ka nåhoe na eti na, hili måndoeing beli na nja i na eti na; ba toenanoe ndena bihoe papoelindja da tau Israel,

Toenanoe bana ndjåpoe ka noena, tåka I Ala hi hili wånandja I Moesa dångoe I Haroen, hili patoedji nja na tokoeng la tana Mesir, wåna. Toenanoe njoena I Haroen bana patoedji ja na tokoeng na, na koemboer tana na pambeli ja woetoe ahoe; na mbinoe håla na tana, la tau, la ndjara, la karåmbo'a. Batoena ka noe hiwåda da tau mboendåba da: jeåna mbiha na I Ala ma ja. Tåka na Maråmba, djåpa be ja måndoeing na na eti na.

Ba håla ja ka noena, tåka I Ala na hili pamaindja jehi, na mbinoe håla na tana; djè ja batoenanoe da tåka da jehi, hili ha-woendåloe da nja da manggåri mboendåba na na tau, mboendåba da da karåmbo'a, da ndjara, da kamåmbi, da bimbi, mboendåba da noeda da ngåna manggåri, meti hadåpår ndåba. Tåka na eti na na Maråmba, djè djeå ka måndoeing na.

Toenanoe bana håla ja ka noena, njoena I Moesa hina oepoe aoe hina håbåroenja la hangga na na Maråmba; toenanoe tåka da nja ka da pongoe la tau, la ndjara, la karåmbo'a mboendåba da.

Toenanoe da handoecka noeda ba hangèa hangèa da, njoena I Moesa bana peåkanja weling ba hīna na pakiring, loepa na pandjåpoe ha. Tåka da tau Israel, ndaningoe haåtoe mamandjåpitoe. Toenanoe na Maråmba bana håmoe ki ka nåhoe bana pakakanja, hili måndoeing beli na eti na.

Toenanoe I Ala na hili pamaindja na kabåla, na kadjilåk, na oerang watoe, hīna wångoe ma hina tåkanja na tana Mesir. Toenanoe da ai mboedåba da, da ndjoroe håla dångoe da manindja la hambeli oema, na tau, na ndjara, na karåmbo'a mboendåba da, na ngåna ha na oera watoe, meti meåmang ma.

Toenanoe na Maråmba hina pareånggang papa'aunja I Moesa, hiwåna bana panī: hīna påkoe ka na handoekangoe na nåhoe å hikce pinja na ndjala nggoe; batoenanoe kau karai ja I Ala, ka

ămboe ninja pa na kabăla dăngoe na oera watoe jeăna. Toenanoe njoena I Moesa, hina marau ki nja hakoedoe na Marămba, hina woelăkoe ha da lima na la I Ala. Toenanoe păndjangoe na nja ka na kabăla dăngoe na oera watoe. Djăpa ba toe ă na noe na Marămba, na măndoeng beli na eti na.

Toenanoe ndedi mandai na, I Ala na hili paleăwa ja na ngiloe weling la pahoenga lodoe; na ngiloe noena na ngăndi kabala, laloe dangoe ha; na mbinoe hăla mboendăba na na tana.

Toenanoe mboendăba da da pingi ai, da pahili oera watoe, mboendăba da da manindja la wăaka, da nga hăla ha kabala. Tăka na Marămba hina hili karai ja I Moesa: toenanoe năhoe maroămba ki ndja wa da ndjala nggoe, hili handăkang năhoe kau karai ja I Ala kana pandoelang. Toenanoe njoena I Moesa hina hamajang la I Ala, bana hăla ka pahamajang, tăka I Ala hina hili paleăwa ja na ngiloe la patama lodoe, hina wangga hăla ha da kabala mboendăba da, na wăroendja la tehikoe parai na na ngiloe na mambangatoe.

Batoena ka noe na Marămba djè djeă ka măndoeng na na eti na. Toenanoe njoena I Moesa hina woelăkoe ha da lima na la I Ala, tăka hiwăna I Ala: mboendăba na panggoeboel awang na kapătang, tiloe mboea lodoe na na mandai na. Na kapătang noena nde pa'ita dăngga angoe na, haătoe ndaningo na maloehoe weling la oema na. Tăka la tana Nggosen la pangea da da tau Israel na harī be ă, ndena kapătang ndokoe.

Tăka na Marămba laloe mbeni ja; toenanoe hina jauwoeloe ja I Moesa hiwăna: pahilang lai jehoe la hangga nggoe, manggang pahămoe hămoe, ămboe hili mai doe lai jehoe, la lihi nggoe; djăkau hili toroe mbeni pamai la lihi nggoe, koe pameti kau, wănanja.

14. Da tau Israël bada loehoe weling la tana Mesir.

Toenanoe na Marămba, ba laloe karaoe-raoe ă ma ja ka na eti na, ndedi mandai na, tăka I Ala hi hili wănanja I Moesa: njoengga koe patăkanja, na hangea pata handoe ka wăngoe, la marămba, la mboendăba na na tau Mesir; napa na pahăla ma noe kămi kadoena,

na wangga pareànggang nggämi njimi bana paloehoe kämi; toenanoe djäka mandalora ja, njoengga koepoeroe, mboendäba da da kawoenga ana da da tau Mesir mboendäba da, da meti meàmang.

Toenanoe njoena I Moesa hiwänandja da tau Israel, njimi ka-nöama, djäka mandalora ja ka. kai kähang paloehoe ka. Täka hina peäkandja da tau: na maringoe lodoe hau oema, hau oema kai rori ana bimbi, na wai ria bimbi noena kai piti ja, kai peri nja la pindoe, ngaroe pahē; na roedoeng noena kai ngandja da toloeng da da bimbi dāngoe kangoeta na pande toengoe tai woloe mbana, dāngoe ri mapaita; da toloeng da da bimbi, āmbi, bi ha, kai nga häla ma ha na roedoeng noena. Toenanoe wäna I Ala: i nga pareàngga ndja na roedoeng noena; bai nganja na bimbi ngangoe māngoe boroeng, ngangoe māngoe halapa la wihi mi, dāngoe na tokoeng la lima mi. Na wai ria da da bimbi noeda, djeà tanda ha hau oema, hau oema, ka āmboe na ngäna kämi handoeke noena na patiki nggoe kawai, wäna. Toenanoe bana toäma ja ka na rehi papeäka na I Ala, mboendäba da da tau mbäda häla da ka pakanoäma; lakoe, wäda be ka. Toenanoe I Ala hina poeroe ja na mandalora, hina paloe ha da anakeäda da mama'aja, na woenga nja na ana na na marämba, loepa na töama nja na ana na na tau mamila. Toenanoe mboendäba na na tau Mesir, laloe havina ha bada meti ha da ana da, laloe hī ha, ndaningoe hau oema, mandaningoe mameting.

Toenanoe na roedoeng noena na Marämba hina pa'aunja I Moesa hiwänanja: pareànggang nähoe kau lakoe, kau kareändja da bandjaroe moe, da ana moe, da ndjara moe, da äna nggära nggära moe, kareä ndäba ndja, lakoe wa kai hamajangoe I Ala mi njimi, hama toena na pakarai mi āmang.

Batoena ka noe da tau Mesir, da patidoeng ma pareànggang kai lakoe, bawädandja da tau Israel, ba mangädätoe da nja ka, napa mameti mboeta doe, wäda be ä.

Toenanoe ä da tau Israel bada loehoe, da ngändi banda āmähoe rara, āmähoe bara, tera, hinggi, da pawö da ndja da tau Mesir; kai toe häla mi la ngarängia, wäda be ä.

Toenanoe da tau Israel, da ngändi mboe ndja da ri na I Joesoef. Tăka I Ala na mangiloe la katikoe balakoe da da tau Israel; na lodoe, hapoengoe na na kambaniroe karoemang, tăka na roedoeng hapoengoe na na kambaniroe epi, kada ita wăngoe da tau Israel, wăna I Ala.

Toenanoe na Marămba bana rongoe ka, da tau Israel mbăda lakoe da ka, tăka njoeda mbăda tōama da ka la marau, ba tiloe mboea lodoe na ka na malăpăhoe; toenanoe na Marămba na pambeling na eti na, hiwăna: kanggiki na njoengga hikoe poelindja da tau Israel, bada lakoe. Toenanoe hina pareănggang, na pa'oehi hōrō-dadoe, hiwăna: ta lo'a pajauwoeloe ha da tau Israel. Toenanoe bada jauwoeloe ha ka hida toăma ndja la hau kandjoănga la hadidi tehik.

Tăka da tau Israel, bada ita ha ka da tau Mesir, da majauwoeloe ha, njoeda laloe mangădătoe ha. Toenanoe njoena I Moesa hina pamandandja da eti da, kada măndoeng ki da eti da, wăna; ămbi mangădătoe njimi, I Ala napa kana mangganggămi njimi; njimi ndi, wămi ka. Toenanoe I Ala hiwănanja I Moesa: djidjikoe nja na tokoeng moe la pinoe wai tehik, napa na wai kana wăka, ka pekoe lakoe da da tau Israel la padoea tehik, la mamădoe; napa kada pinja da tau Mesir, njoengga jeă Ala ka. Toenanoe njoena I Moesa, bana djidjikoe nja na tokoeng na la tehik, tăka I Ala hina papoeroenja na ngiloe na maweling la pahoenga lodoe, hama toena na lăpiroe bana paroeroe kahau roedoe djoe-djoeang.

Toenanoe na wai hina mbera, dedi na nja ka na mamădoe. Toenanoe na kambaniroe karoemang hina beling na pamalamiring, la padoea da da tau Israel dăngoe da tau Mesir; na kambaniroe karoemang noena na hapapa na na harī; tăka na hapapa na na kapătăng; djè ja batoenanoe da tau Israel da lakoe la maharī, tăka da tau Mesir, la makapătăngoe ha.

Toenanoe da tau Israel, hida tama ha la tehik bada pakikoenja năhoe na mamădoe, hapapa hambeli da hama toena na kilimbatoe na wai.

Toenanoe na Marămba na jauwoeloe patoăma ndja la tehik.

Toenanoe ba mbaroe ka, da tau Israel tǎka da nja ka la mamara la hapapǎ tehik.

Tǎka na Marǎmba ninja pa la padoea tehikoe. Toenanoe da tau Mesir nde pekoe lakoe da pa, da ndjǎrǎng, ba laloe kapǎtǎngoe ja, parai na na kambaniroe karoemang.

Toenanoe hiwǎda da tau Mesir: hǎmoe ki pa tawǎngoe papalai ka, ba I Ala ma ka na mapatara dǎnda; njoena na ndoela ha da tau Israel. Toenanoe I Ala hi hili wǎnanja I Moesa: woelǎkoe ha da lima moe la tehikoe.

Batoenakanoe ndedi mbǎdikoe na, na wai tehik pahamboeroe na nja ka, na pandǎbi ndja da tau Mesir; toenanoe nde pekoe palai da pa, meti mboeta ma da nja ka, bada moemoehoeng, haǎtoe ndaningoe maloehoe.

Toenanoe da tau Israel, bada ita ja ka na mbiha na I Ala, toenanoe njoeda da mangǎdǎtoe hida rongoe ja njoena I Moesa. Batoenakanoe hau eti pǎkoe ha, da remi dira matiki, da loedoe bada wotoenja I Ala.

15. La palendi Sina'i.

Toenanoe na ngarǎngia weling la tana Mesir loepa tǎka na tana Kanaǎn, laloe mahandoeka ja, na maraungoe wai, na maraungoe woǎka.

Toenanoe bada lakoe ka da tau Israel, bada dangoe ka da lodoe da malǎpǎhoe, nde nggǎra ndokoe pa'ita da, didi ǎ jang na wara dǎngoe watoe.

Toenanoe bada lakoe nǎhoe tiloe mboea lodoe na na mandai na, ka ndeda itang ndokoe wai.

Tǎka hi ninja lai noe na mata wai, na ngara na, Mara ja; na wai lai noe na paita, nde pangalang pa'oenoenja. Toenanoe da tau Israel, hida poeloe wǎnja njoena I Moesa. Tǎka I Moesa hina karai ja I Ala; toenanoe I Ala, hina pa'itanja njoena I Moesa na hapoengoe na ai, kau bǎndjǎloe nja ja na wai noena, wǎna. Batoenakanoe bana hǎla ja pabǎndjǎloe ja, kǎba na nja na wai noena; noe ngalang ka pa'oenoenja.

Toenanoe ndedi mandai na i, da tau Israel da hili poeloe wāngoe ja, ba ndaningoe kangoeta, toloeng pangama, wāda. Toenanoe na lodoe noena I Ala hina papoeroe ndja da poāwa, laloe dangoe ha; batoenakanoe hida ngandja loepa na oela ha. Toenanoe hadang la mbaroe, hida ita ha pawinggiroe da njoeda, hama toeda da karohoe, da mabara; bada pādanja nāhoe hama toeda da pakoroeng manggaloeang. Tāka da tau Israel ndeda pindja njoeda. Toenanoe hida pangarandja Mana, wāda, ba hama da da mana.

Toenanoe njoena I Moesa hiwānandja njoeda: jeāda kangoeta maweling la awangoe ha, papapoeroe na I Ala ha, pa'oehi ndja njoeda, djāka pira pangalang pangami haātoe haātoe, āmbi bi ha toāma haromoe la mbaroe, wāna.

Tāka hinindja hawiang da mande bihoe pakikoeng na papeāka noena. Toena hida bi ha hawiang; tāka bada hadang ka la mbaroe, hida tāngāroe ha, kataroe ha ka, da wau moehoeng pākoe, ndeda ngalang pangandja. Didi jang na lodoe Djoemaāt, da ngalang pabi ha pakadāmboe lodoe ndja; noe ndeda moehoeng pa, na lodoe Sābāt I Ala ndena papoeroeng ā pa Mana.

Toenanoe I Ala bana papoeroendja da Mana, weling la lodoe noena, loepa da tāka ma ha la tana Kanaän, na mandai na patoe-kamboeloe mboea ndaung da la ngarāngia.

Toenanoe da tau Israel hida tāka la Rafidim, la lihi na na palindi Horeb. Toenanoe da ndjāpoe ndja wai, hida pahāngga dānja I Moesa. Tāka njoena I Moesa hina hamajang; ba hāla ka pahamajang, hiwāna I Ala: piti ja na tokoeng moe, kau paloe ja na ngamba watoe.

Toenanoe njoena I Moesa hina pakikoenja na pareāta na I Ala; la hangga da da tau Israel mboendāba da, hina paloe ja na ngamba watoe; toenanoe na wai hina loehoe weling la ngamba watoe noena. Tāka hina oenoenja tau na wai noena.

Batoenanoe ba ndedi da hadang pa weling la tana Rafidim, tāka hi nāmoe ndja da tau Amalek, da pahāndjāloe dāndja i. Toenanoe njoena I Moesa, hina paleāwa ja I Joesa, na arijā na, kau kareāndja da tau Israel, kau pahāndjāloe dāndja da tau Amalek, wānanja. Tāka njoena I Moesa hina hē ja la pinoe palendi hina woelākoe ha

da lima na la I Ala. Toenanoe bada woeläkoe ha da lima na, da tau Israël da taloe, djäka na papoeroe ndja da lima na, da tau Amalek da taloe ningoe. Toenanoe njoena I Moesa, ba mǎnggiloe na nja ka, bana woeläkoe ha da lima na, täka hi nindja da tau madoea, da angoe na, na haätoe I Haroen ja, na aja na; täka na haätoe I Hoer ja; da tau noeda da mandoela ja bada woeläkoe ha da lima na I Moesa. Toenanoe bana tama ka na lodoe, mboe-ndäba da da tau Amalek da käkoe ka.

Toenanoe ba tiloe mboea woela da ka da maläpähoe, ba hīna da loehoe ha weling la tana Mesir, täka da nja ka la palindi Sinai. Toenanoe hida pändjäng ningoe lai noe, da kahaung ndaung bada pändjäng. Toenanoe njoena I Moesa hina pabandaloe ndja da tau Israël bada pakikoe ndja da ana na I Jakoeb, ba hakamboeloe madoea ha. Täka hina diha ha, djäka pira da mboendäba da da tau da dangoe da.

Toenanoe da tau Israël hida woeloe ana kamboeng da la karaha palindi Sinai. Täka njoena I Moesa hina hē ja la pinoe palindi noena. Toenanoe hiwāna I Ala lai njoena: da kanōama päkoe ā mboendä da da da tau, napa tiloe mboea lodoe ki, koepoeroe la pinoe palindi jeāna; toenja oāka na, winggiroe nja na palindi jeāna, ka āmboe ningoe haätoe matama; djäka nggamoe ja na matoroe mbeni palēambaroe ha da oāka, na meti ma.

Toenanoe bana toāma ja ka na rehi papeāka na, poeroe da nja ka da kambang, da malaloe timbi ha, da kamboeroe nja na palindi noena; laloe kadjiläkoe, laloe kandoeräkoe. Toenanoe na palindi noena na koetoeng mboendäba na, bana poeroe wāngoe epi I Ala. Toenanoe njoena I Moesa hina ndöäläkoe la hangga na I Ala la pinoe palindi noena. Täka da tau Israël da ndöäläk la karaha palindi noena; laloe kandändäkoe ha, ba laloe mangädätoe ha.

Toenanoe hiwāna I Ala la I Moesa :

Njoengga jēa, Ala mi njimi, na mapaloehoe kämi weling la tana Mesir, na ngea papa'atangoe mi lai noe.

Djāmāng njimi āmbi ningoe Marapoe hawiang.

Djāmāng njimi āmbi pandoi Marapoe kahāla tau, dāngoe da

mapahama da da manindja la awang, da manindja la tana, da manindja la wai la oenoe tana; djāmāng njimi āmbi karoedoek lai njoeda, āmbi hamajandja. Njoengga jèa ba Ala mi njimi ka, Njoengga Ala mamarāna ka, koe toendja hiloe da da ndjala da da ama da dāngoe da ana da, loepa koe toāma ha tiloe ndādik, patoe ndādik mboendāba da da tau da makaraoe ngga eti. Njoengga na moe-loeroe be ā na eti nggoe la tau harata, doea rata, da manamoe ka njoengga, da makikoenja na parèata nggoe.

Djāmāng njimi āmbi tiki ānga ānga ja na ngara na I Ala mi njimi; djāka nggamoe ja na matiki ānga ānga ja na ngara nggoe, ndena ndjala ā, nde wānggoe nja ka.

Njimi kai namoe ja na lodoe Sabatoe, kai hamajangoe wānja; nomoe mboe lodoe ā, kai rāma ha da parāma mi; tāka na lodoe pihoe, lodoe tanggoe na na Ala mi ja; na lodoe noena djāmāng āmbi rāma, da ana mi mini mātāng, da ana mi kawini mātāng, da ata mi kawini mātāng, na tau na matodoe la oema mi mātāng; ba nomoe mboea lodoe na na mandai na, djeā ja bana padika nja I Ala na awang, na tana, na tehik dāngoe mboendāba na na ibi na; toenanoe hina pāndjāng na lodoe pihoe; ba toenakanoe I Ala hina pahāmoe ja na lodoe noena.

Njimi kai rongoe ha da ina mi da ama mi, kada dangoe da ndaung mi, la tana na pawōna nggāmi I Ala.

Djāmāng njimi āmbi pameti tau.

Djāmāng njimi āmbi ndjoerākoe.

Djāmāng njimi āmbi manganga.

Djāmāng njimi āmbi tanggoeng poeti pāti kambālikoe la angoe mi patau.

Djāmāng njimi āmbi mangābanja na oema angoe mi patau; djāmāng njimi āmbi mangābanja na papaha angoe mi patau, na ata na mini djāmāng, na ata na kawini djāmāng, na karambo'a na, na ndjara na djāmāng, djāka nggāra nggāra ha da manindja la angoe mi patau djāmāng.

Toenanoe I Ala ba talānga panī toenanoe, mboendāba da da

tau Israël bada rongoe ja, laloe mangädätoe ha, ba djéa ja na kandöeröekoe, na kadjiläkoe, na palindi na makoetoeng.

Ba toenakanoe njoeda hida kandoeling, da ndöäläk marau; hida karai ja njoena I Moesa, hiwäda: njoemoe wiki kau panī dānggāma njoema, I Ala djāmäng; njoema bama mangädätoe pameti. Toenanoë njoeda da tau Israël hida pandjandjing, djäka nggära ja na papeäka na I Ala la I Moesa, njoema marongoe, makikoeng, wäda. Toenanoë bana häla ka papandjandjing, täka njoena I Moesa, hina tama ja la karoemang la pinoe palindi noena; patoekamboeloe mboea roedoeng na, patoekamboeloe mboea lodoe na na mandai na, bana pangèang lai noe; ngangoe ndena ngangoe, wai ndena oenoeng.

Toenanoë I Ala bana häla ka papeäka nja I Moesa, hina wönja ha dāmboe da da watoe da pahoerätoe na I Ala.

Toenanoë njoena I Moesa ba laloe mandai ma ja ka la palindi noena, ba ndena beli ndokoe ja pa, täka da tau Israël hida pa'oehi hida lo'a la I Haroen, hiwäda: mäla pandoi wa Marapoe nda nähoe, na malakoe la hangga nda njoeta; njoena I Moesa ndeta pinja pa, djäka na meti ka, djäka na loeri ka, ba laloe mandai ma ja ka nähoe la pinoe palindi.

Täka I Haroen hina heäma: toenanoë djäka wämi, äli ndja da tawoeroe, da poela, da mamoe li la papaba mi, la ana mi, kai ngändi ha nämoe, kata pandoi ha marapoe. Toenanoë njoeda hida äli ndja da ämähoe rara, da ämähoe bara, hida ngändi nja ha I Haroen, da pa'oehi häla ndja.

Toenanoë njoena I Haroen hina lala ha, hina pandoi ja he'au na na ana hapi, toe ja Marapoe wäna. Toenanoë bana häla ja ka, njoeda mboendäba da da tau Israël, hiwäda: ha tau Israël jeäna ja na marapoe mi, na mapaloehoe kämi weling la tana Mesir.

Toenanoë hadang la mbaroe hida remi nja, da ngändi nja kameti na ana hapi noena, hida karoedoekoe la hangga na, hida remi dira ma tiki.

Täka I Ala hiwäna nja I Moesa: poeroe kau wa weling la pinoe palindi, tängäroe ja na bandjaroe moe, na handjäliroe ka la ngarängia da.

Toenanoe I Moesa bana poeroe ja ka, bana tãka ka hoewawa, hina ita ja na ana hapi noena bada remi nja. Toenanoe ba laloe karaoe ja na eti na, njoena I Moesa hina wãroendja da hoerãtoe watoe, da pangãndi na weli ditang la palindi; da mbera karoe-roenggoetoe. Toenanoe hina piti ja na Marapoe ãmãhoe rara noena, hina toenoe ja la epi, loepa na lã-lãdjaroe ma, na pambeli ja aoe. Tãka hina opoe ja na aoe noena hina wewãroenja la wai: lo'a kai oenoenja na Marapoe na papandoi mi, wãnandja.

Toenanoe bana hãla ja ka, tãka njoena I Moesa hina beli ja la hangga na I Ala, hiwãna: ai ha, na bandjaroe jeãna na toe ja ka na mandjala bokoel, djãkau namoe ha, Toehan! kau mãta ndja da ndjala da; djãka ndau bihoe, mãla wa njoena, njoengga kakoe meti la hangga moe njoemoe.

Tãka hina heãma I Ala: djãka ndjala wiki moe, njoemoe ja, koe pameti kau; batoena nãhoe, lakoe wa njoemoe, kau kareãnja na bandjaroe jeãna, la pangea na papeãka nggoe nggau; malãnga tãka ja da malaikãt kada mangiloe nggãmi la katikoe halakoe mi; djãka na tãka ka na rehi, hãna ka hikoe toe ndja biloe da da ndjala da.

Toenanoe bana hãla ja ka, hiwãna I Ala; pandoi damboe watoe, hama toeda la pira na da papandoi nggoe; kau ngãndi ngga ha nãmoe la pinoe palindi; napa kakoe hoerãtoe beli ha, hama toeda la pira na da pahoeãtoe nggoe la watoe woengang.

Toenanoe njoena I Moesa bana tãka nja ka I Ala na mandai na 40 mboea lodoe na, 40 mboea roedoeng na, ba nde ngangoe ndokoe, ba nde oenoeng ndokoe.

Toenanoe I Ala bana wõndja ka hoerãtoe pareãta hiwãnanja I Moesa: pahada ngga pangea pahamajangoe mi kakoe ngeangoe la padoea mi njimi.

Toenanoe hi nindja da tau madoea, da manggãhoe hida woeloe ja na oema ngea pahamajangoe, laloe manandangoe ja bada pandoi.

Toenanoe marenì hau ndaung ã ma na ka, bada ndãdikoe la karaha palindi noena. Toenanoe na hau na lodoe, na kambaniroe karoemang hina hẽ ja weli ditang la oema ngea pahamajang noena.

16. Weling la palendi Sinai, loepa da toama la tana Kanaän.

Toenanoe da tau Israël hida kanoäma hida lakoe; da eti da njoeda laloe hämoe ha, wäda be ä da kanandi eti da: bama lakoe nähoe, na manggawang hämoe doena, loepa ma täka la tana na mambinoe wai hoehoe, dängoe manggaloeang.

Täka njoeda ndeda pi be nja handoeke da nähoe la ngarängia.

Toenanoe ba hīna tiloe mboea lodoe da nähoe bada lakoe, da oäta be ka da eti da.

Täka hi nindja da tau hawiang da ma'änga eti da, da mangäba toloeng ba ndaningoe ä; ngoeroe ngoeroe ä da bada lakoe, hi-wäda: ka nggamoe ja pa nähoe na mawönda toloeng kata ngangoe? Hau ma pa la tana Mesir, bata ngangoe hangia hangia, bawang, kariri, karohoe, ijang, toloeng, täka nähoe djè päkoe ha da mana da panganda.

Toenanoe hiwäna I Ala: i tängäroe njimi napa haromoe la mbaroe kai ngangoe ka toloeng; njimi bai kangoeroekoe, napa njoengga kakoe wönggämi toloeng, nde hau lodoe, nde dämboe lodoe ä, i kahaung woelang djoe-djoeang kai ngangoe toloeng, loepa na oela kämi; djè ja noena bai panī: kanggiki na ihoe hita loehoe änga weling la tana Mesir!

Toenanoe njoena I Moesa hina heäma: kanggiki na na dangoe na tau lai jehoe, harata harata ha! Täka hiwäna I Ala: njoengga bakoe wöndja toloeng, koe patoäma ndja bada ngangoe kahau woelang; kanggiki na na lima na I Ala ndena ätäl be ä?

Toenanoe hina täka na ngiloe na maweling la pahoenga lodoe, hina hoehäroe ndja da poäwa, hina papoeroe ndja la pangëa da da tau Israël, pawinggiroe da njoeda.

Toenanoe bada pandäni-ndäning rau halili ha djangga weling la tana. Toenanoe da tau Israël hida pa'oehi ndja da poäwa noeda, täka dämboe lodoe hida ngangoe toloeng djoea. Toenanoe hina karaoe ndja eti I Ala ba laloe mangäbäng da tau Israël. Täka hi meti meti

da nja ka, da dangoe da tau! Toenanoe ba laloe dangoe ma ha ka da reti tau mameti lai noe, hida pangaranja: „reti tau mama-ngäba” wäda.

Toenanoe da tau Israël, bada täka ka la maräda Paran, täka njoena I Moesa hina paleäwa tau: lo pangadoe ja na tana Kanaän, djäka nggi nggiki na na tau lai noe. Da tau da malo'a pangadoe, hakamboeloe madoea ha, haätoe haätoe patoenggöe mära habandja-roenja. Toenanoe njoeda bada lakoe nähoe, da hä-häla ja na tana bana hälätoe ha da paraing, da koätäk, da woäka. Toenanoe na manggawa na noena, djè ja na rapa päpoe na ha da woea anggoer. Toenanoe da tau da malo'a pahälätoe, hida kätähoe ja hara-nggöe na na woea anggoer, hida doekoe doea ja, kata ngändi nja ja I Moesa, wäda. Toenanoe njoeda da ngändi mboe woea ai hangia hangia, ka tanda wändja na tana Kanaän, ba laloe mahämoe ja länga täka.

Toenanoe ba 40 mboea lodoe na ka, na maläpähoe, bada lo pahälätoe nja na tana noena, beli da nja ka, kata peäkanja I Moesa, wäda. Toenanoe bada täka ka la I Moesa, hiwäda: njoema matoäma ka na ngea papaleäwa möe nggäma njoema, ba laloe mahämoe ma ja, na mbinoe ma nja wai hoehoe dängoe manggaloeang, jeäda da woea na; täka da tau da mangea nja na tana noena, käha päkoe tau bokoel, tau ätäloe; njoema mbäda pi ma nja ka na tau lai noe, laloe mbeni ja; njoeda hama toeda da kabala da dangoe da; täka da parai bokoel djoea ma ha; da pangea da, njoeta ndeta ngalang pabera ha; da tau noeda ba laloe ma'ätäloe ha; da rihi pa pa'ätäloe lai njoeta.

Toenanoe da tau Israël bada rongoe toeda noe ka mapanī, laloe mangädätoe ha, hida hī. Täka hida poeloe wänja njoena I Moesa dängoe I Haroen, hiwäda: djäka toe ma na kanoe, na hämoe ki pa läti djäka mameti ka la tana Mesir, djäka mameti ka nämoe la ngarängia; ka nggiki na I Ala hina kareända njoeta la tana Kanaän? njoeta djäka ta täka ka lai noe, oehoe kabeäla ta ka; da papaba nda njoeta, napa da wähi ha ka. Njoeda bada panī toedanoë, täka hida himboe haätoe, kana Marämba nggäma, kama beli la tana Mesir, wäda.

Toenanoe hi nindja da tau madoea, I Josoea dāngoe I Kaleb; da maweli pahālātoe ja na tana Kanaän, tāka njoeda hida pamanda-mandandja da tau Israēl, hiwāda: na tana Kanaän noena, tana mahāmoe ma doe ja, I Ala djāka na namoe ta njoeta, napa na patama nda la tana noena; djāmāng njimi āmbi i ndjala la I Ala, āmbi mangādātoe ndja da tau Kanaän noeda; napa I Ala na malakoe kareānda njoeta. Djēpa ba toe ā na njoena I Josoea dāngoe I Kaleb bada panī-nī, bada pamanda ndja, tāka da tau Israēl ndeda bihoe parongoe. Toenanoe da paroe-roekang ka i pakanjawoer; kata toekoe ha I Josoea dāngoe I Kaleb wāndja watoe kada meti, wāda be ā.

Toenanoe hiwāna I Ala la I Moesa: nggi toe ki na ka mandai na, da tau jeāda da mapahandoeka ka njoengga. Kanggika na ihoe hi ndeda monoengga njoengga, djēpa ndakoe pa'itandja tanda pahangātāroe wāngoe nde pira be da pa. Malānga tāka ja napa kakoe kakikoeng hama toena na papanī mi njimi; njimi mboendāba mi ndai tama la tana Kanaän, da ana mi, da oemboekoe mi, napa haromoe hikoe patama ndja la tana noena, na papa'aka mi njimi; njoeda djē ha da matanggoe nja, tāka njimi i meti la marāda, njimi kai lakoe hāla tana, loepa i meti mboeta bādi.

Toenanoe djē batoenanoe da tau Israēl hida hili la-lakoe la marāda, 39 mboea ndaung na na mandai na. Toenanoe mboendāba da da tau, da madoea kamboeloe mboea ndaung da, ba ndedi da loehoe weling la tana Mesir, nāhoe la ngarāngia da meti hāla, didi hang I Josoea dāngoe I Kaleb, da mande-meti loepa da tama ma la tana Kanaän.

Toenanoe ba ndedi pira na mandai na, hi ninja haātoe na tau, tau Lewi ja, I Kora ja na ngara na. Toenanoe hi nindja da tau da madoea tau Roebin ha, da ngara da, I Datan dāngoe I Abiram. Da tau madoea haātoe da noeda hau eti ha, kata patara dānja I Moesa, wāda be ā. Toenanoe hida pa'oehing tau, doea ngahoe lima kamboeloe ha, kada hama eti nggāma, wāda, kama dangoe wāngoe, wāda, kata patara dānja I Moesa, wāda. Toenanoe na hau na lodoe ba panggānāpoeng ka wiki da, hida lo'a la I Moesa dāngoe

I Haroen, hiwăda: kanggiki na I Moesa hina pabokoeloeng wiki na, njoema jeà ba bandjaroe na I Ala kăma! na hămoe ki pa djăka mboendăba na na tau kawăra pareàta ka, na parăma ratoe kama răma ja kai doema.

Tăka I Moesa bana rongoe toena kanoe bada panī, hi laloe karaoe ja na eti na, hiwăna: djăka toenanoe napa haromoe la mbaroe kai mai mboendăba mi la hangga na I Ala, kai kawăra ngăndi doepa haătoe haătoe, lai noe hi măngoe papinja djăka nggamoe ja na papindi na I Ala.

Toenanoe njoena I Kora dăngoe da angoe na mboendăba hida kabaung bada pa'oehi la hangga oema ngea pahamajang. Tăka hiwăna I Ala la I Moesa dăngoe I Haroen dăngoe da angoe na: pahilang la pangea da I Kora, I Daton, I Abiram, napa koe pameti ha da tau makaborang nida.

Batoenakanoe, na tana na ngea pandoălăkoe lai noe hina wăka hina hoăba ha njoeda, na kawăloekoe ndja parai tana, da tau madoea haătoe da noeda dăngoe da banda da mboendăba da, da tandoehoekoe kareândja. Tăka hina poeroe ja na epi weling la awang, hida kărang ndăba da tau da madoea ngahoe limakamboeloe da, da angoe na I Kora; da meti mboeta ma ha.

Tăka da tau Israël hida pahăngga dănja I Moesa dăngoe I Haroen, hiwăda: njimi ma pameti ha da bandjaroe na I Ala!

Toenanoe I Ala laloe karaoe ja na eti na; ba toenakanoe na lodoe noena, da tau da hakamboeloe patoe rata ha da mameti parai pahidoe.

Toenanoe ndedi nggi toena mandai na, tăka da nja ka da tau Israël la tana Kades; bada tăka ka lai noe, ndaningoe wai pa'oenoe da da tau dangoe; batoenakanoe da hili pahăngga dănja I Moesa.

Toenanoe I Ala hiwănanja I Moesa: piti ja wa, na tokoeng moe, kau pa'oehindja da tau dangoe, kau peăka nja na ngamba watoe noena la hangga tau dangoe, napa na ngamba watoe nina, kana talihoe na wai.

Toenanoe njoena I Moesa hina pa'oehindja da tau dangoe, bada nggănăp ndăba ka, wănandja I Moesa: rongoe wa njimi, ha tau

makaborang! tau mambotoe eti da, mǎla ka nggiki nda ka, paloehoe nggǎmi nja ja na wai la ngamba watoe jeàna?

Tǎka I Moesa ba talǎnga panī na toenanoe hina djidjikoenna na tokoeng na hina paloe ja na ngamba watoe, na pandoea nja bana paloe ja. Toenanoe loehoe na nja ka na wai, mboeloe ndāba da da tau da oenoenna; tǎka hida pa'oenoendja da ndjara da, da kamǎmbi da.

Batoe ǎ na noe njoena I Moesa dǎngoe I Haroen, ba ndeda paki-koenna na papanī na I Ala kawai, tǎka I Ala hiwǎnandja da tau madoea noeda: njimi tau madoea ba ndai rongoe ka Njoengga, ba ndai namoe ka la hangga da da tau Israēl, djè ja ba toenanoe ndakoe paheànggǎmi, kai tama kareàndja da tau Israēl la tana Kanaän, na pandjandji nggoe ndja njoeda. Toenanoe hida pangaranja na palindi noena: Meriba, djè ja, wai papahǎnggang wǎngoe ja.

Toenanoe da tau Israēl bada lakoe na mandai na 39 mboea ndaung da, hīna ka hida tǎka la tana Edom na marenī nja ka na tana Kanaän. Da tau Edom noeda, paweling la I Esau ha, ana na I Isǎkoe ha.

Toenanoe da tau Israēl, hida karai ha da tau Edom, kama li lai jehoe, wǎda, kama lakoe pangalang la tana Kanaän. Toenanoe da tau Edom ndeda pamǎdjang; ba toenakanoe da tau Israēl da li ka la ngarǎngia na mapawinggiroeng la tana Edom.

Toenanoe ba manggil da nja ka la ngarǎngia noena, da oǎta be ka da eti da, hida hili pahǎngga dǎnja I Moesa, hiwǎda: nggǎra ngarǎngia lai jehoe! kangoeta ndaningoe, wai ndaningoe, na oela be ta ka pangangoe Mana.

Batoenakanoe I Ala ba karaoe na nja ka na eti na hina patǎka ndja kataroe moeroe, da witoe ha da tau Israēl, da meti meà-meàmangoe ha, laloe dangoe ha da mameti.

Toenanoe da tau Israēl hida lo'a la I Moesa, hiwǎda: njoema mandjala ka, ba toenanoe karai ja I Ala kana pahilandja da kataroe moeroe jeàda.

Toenanoe njoena I Moesa hina hamajang, tǎka I Ala hiwǎnanja I Moesa: pandoi kataroe moeroe kali'angoe, kau toe ja la hapoengoe

ai madjangga; djäka nggamoe ja na pawitoe kataroe moeroe, djäka na tängäroe ja na kataroe moeroe kali'ang, hämoe meàmang ma.

Toenanoe njoena I Moesa hina pandoi na kataroe moeroe kali'angoe; malänga täka ma ja, djäka ninja ka na pawitoe kataroe moeroe, djäka na tängäroe ja ka, na hämoe meàmang ma, ndena meti.

17. I Bileam.

Toenanoe da tau Israël bada läpähoe nja ka na tana Edom, täka da nja ka la lokoe Arnon.

Toenanoe bada pala ja ka na lokoe noena, hili handoecka da nja. Täka hi nindja da Marämba da doea; na haätoe la tana Amon, na ngara na I Sihon ja; täka na haätoe la tana Basan, na ngara na I Og ja; da madoea noeda ndeda pamädja ndja da tau Israël pali lai noe. Toenanoe hida pahändjälöe dändja da tau Israël. Täka I Ala bana pandoelang ma, da Marämba noeda da käkoe; da taloe da tau Israël. Toenanoe hida wähi ha da paraing, täka hida ndä-dikoe hawiang lai noe. Täka da tau Israël da mandendädikoe lai noe, lakoe pangalang da nja ka. Toenanoe bada täka ka la padang Moäb, hida pändjang lai noe, la lihi lokoe Jordan, la hangga paraing Jeriko la hapapa lokoe.

Toenanoe hininja na Marämba Mo'äbi, I Baläkoe ja na ngara na; njoena bana pindja ka da tau Israël ba marenì ä ma da ka na paraing na, laloe mangädätoe ja. Toenanoe hina paleàwa tau, lo'a la tana Aram wäna, lo papa'au nja na nabi Bileam; toenanoe na papanì na na Marämba, wämoe, mai i, wäna nggau, wämoe nja; kau harandja da tau Israël, njoeda bada parihing pa pa'ätäloe, njoengga jeà ndakoe ätälöe päkoe.

Täka I Ala hiwänanja I Bileam: amboe rongoe ja na tau papa-leàwa na na Marämba Baläk, amboe harandja da tau Israël noeda, ba tau nggoe Njoengga ha.

Toenanoe na Marämba Baläk, bana pinja ka ba ndena bihoe njoena I Bileam, täka hina hili paleàwa nja tau, da parihing pa padangoe bada ngändi maländja hangia hangia, kada pamandanja I Bileam, wäda,

Toenanoe njoena I Bileam hina kareändja da tau papaleàwa noeda, hina lo'a la Marämba Baläk. Toenanoe ba la padoea ngarängia ja pa, täka hi ninja haätoe na na malaïkät, na mandöäläk la ngarängia, kakoe pätoe ja njoena I Bileam, wäna. Toenanoe na ndjara na pakaliti na I Bileam hina ita ja na malaïkat, na mandöäläk la hangga na la ngarängia, ningoe hapanda na la lima na. Toenanoe hina hiliroe na ndjara. Täka njoena I Bileam, ba ndena ita be ja na malaïkät, hina paloe ja na ndjara na, laloe karaoe ja na eti na, ba ndena bihoe ndokoe pa na ndjara palakoe. Toenanoe hina piti ai hina paloe ja na ndjara noena.

Toenanoe I Ala hina wanga ja na ngaroe na na ndjara noena, hina panī hama tau, hiwäna bana panī: nggiki na na ndjala nggoe njoengga lai njoemoe, hioe pandiloe woenda ngga papaloe ka!

Täka njoena I Bileam bana rongoe ja ka na ndjara bana panī, laloe katätäkoe ja hina mangädätoe mboe. Toenanoe I Ala hina pahari ha da mata na I Bileam, hīna ka hina ita ja na malaïkät noena, na madimbakoe ja na ndjara na. Toenanoe hiwäna na malaïkät: lakoe pangalang wa njoena, kau kareändja jeäda da tau, na ā njoena, amboe nggära ndokoe papanī moe; napa, djäka nggära na papeäka nggoe nggau, noena kau panī wängoe. Toenanoe I Bileam bana täka nja ka na Marämba Baläk, hida kareäng la pinoe palendi hau, ka pekoe ita na ka weling lai noe da tau Israël, ka harandja njoeda, wäna na Marämba.

Täka hiwānanja I Bileam: batoenakanoe bawāmoe, kanggiki hara ā nggoe ha ka da tau Israël; I Ala ndena hara ndja; I Ala ma ja na mapaleàwa ka nāmoe, hikoe mai; lo'a kau peäka ndja na mahāmoe, ba wānangga, kanggiki pätoe ā nggoe ja ka Njoena.

Toenanoe njoena I Bileam hina peäka ndja ja na mahāmoe da tau Israël; na papihoeng bana panī, ndena mäka ndokoe paharandja.

Toenanoe na Marämba Baläk, laloe karaoe ja na eti na; täka hina wangga ja I Bileam, hiwäna: ka nggära oela moe lai jehoe, bakoe lo papa'au nggau, kau mai, kau harandja da papa nggoe, bawänggoe doe nggau läti, täka njoemoe hi peäka be moe ndja mahāmoe, ndau hara ndokoe ndja; malänga täka ma ja, bakoe

peàka ja la mangiloe, oe woeloe meàmang, wǎnggoe ma doe nggau lǎti; batoena ka nǎhoe da pawǒnggoe nggau, ba wǎmoe nggau, nǎhoe ndakoe wǒnggau ha pa.

Toenanoe bana hǎla ja ka noena, tǎka I Bileam hi lakoe beli na nja ka la parai na.

18. I Moesa la palendi Nebo.

Toenanoe mboendǎba da da tau da paloehoe kareà na I Moesa weling la tana Mesir, da meti-mboeta ka, didi hang I Josoea dǎngoe I Kaleb da manda meti ka; I Haroen na meti mboe ka.

Toenanoe da tau Israēl bada pǎndjang i pa la tana Moabi, tǎka njoena I Moesa hina karai ja I Ala: ha Ala, mǎla noe, koe ngalang doe papala ja na lokoe Jordan, kakoe lo patǎngǎroe ja na tana mahǎmoe jeàna.

Tǎka hina beàma I Ala, hiwǎna: nde hi! amboe hili peàka ja i pa na poeloeng noena lai Njoengga; hē kǎmoe nā la pinoe palendi Nebo; lai noe kakoe patoedji nggǎmoe nja na tana Kanaän, na pawǒnggoe ndja da tau Israēl; da mata ǎ moe da ma'ita ja na tana noena, tǎka njoemoe ndau ngalang patama.

Toenanoe njoena I Moesa hina panamoe ndja ja da tau Israēl na ngarǎngia na I Ala, na ngarǎngia mahǎmoe, na ngarǎngia matǎndji, ka nggi nggiki na I Ala bana pandoela ha ka njoeda.

Toenanoe hina panamoe mboe ndja ja na pareàta na I Ala, na papeàka na ǎmang, djǎka nggǎra ngǎra ja na pandjandji na I Ala, na mahǎmoe, na mandehǎmoe; hina peàka hǎla ndja da tau, kai namoe ja, wǎnandja.

Toenanoe bana hǎla ja ka, hiwǎna I Moesa: napa I Ala hina wǒnggǎmi nja haàtoe na na nǎbi weling la padoea mi njimi, hama toena kai doekoe njoengga jea, kai rongoe ja njoena.

Toenanoe bana hǎla ka papanī, njoena I Moesa hina hē la pinoe palendi Nebo, hina meti ka lai noe, hama toena bawǎna I Toehan. Da mata na ndedi da hambala, na ǎtǎloe na ndedi na mboelang hamatang.

Täka da tau Israël hida hī nja njoena I Moesa, tiloe kamboeloe mboea lodoe na na mandai na bada hī nja; la padoea da njoeda ndaningoe pa mahama nja njoena I Moesa.

19. I Josoea.

Toenanoe I Moesa bana meti ka la pinoe palendi Nebo, täka njoena I Josoea na mahiloe ja njoena. Hama toena I Ala bana kareänja I Moesa, toena kai doena bana kareänja I Josoea. Hama toena I Moesa bana kareändja da tau Israël la hoepapa tehik Kolzoem, toena kai doena I Josoea bana kareändja njoeda la hoepapa lokoe Jordan, na lokoe Jordan na wäka ka i, hama toena na tehik ämang.

Toenanoe da tau Israël bada pala ka lai noe, da mädöe be ha da wihi da, ndeda mbaha ä, bada pala na lokoe noena.

Toenanoe bada häla ka papala ja na lokoe, täka da nja ka la paraing Jeriko, parai bokoeloe ma ja.

Toenanoe bada tama ka la tana Kanaän, ngangoe da nja ka ibi na na tana noena, pändjängoe da nja ka pangangoe Mana:

Na paraing Jeriko, parai mamändöeng ma ja. Täka I Ala mbäda pandjandjing ka dängga I Josoea, na paraing noena napa kau bera ja.

Toenanoe hiwäna I Ala: njoemoe oe lakoe winggiroe nja na paraing noena dängoe da tau mboendäba moe, hau lodoe handäkang bau lakoe winggiroe nja, loepa na toäma nomoe mboea lodoe. Täka na lodoe na papihoe wäna, da ratoe kada lakoe mangiloe, da woenda loedoe, täka na tau dangoe, malamiri ndja bada kareändja; na lodoe noena bada lakoe winggiroe nja, patoämang papihoeng, täka mboendäba da da tau dangoe, kada loedoe pawändingoe ma: djäka toena kanoe, napa da kilimbatoe na na paraingoe noena kada mbäpa!

Toenanoe na dening ka na papeäka na I Ala; mboendäba da da tau bada lakoe winggiroe nja ka bada papihoeng ka, bada woenda loedoe pawänding ma, täka hida tanjänggär da kilimbatoe na na paraingoe noena. Toenanoe pekoe tama da ka da tau Israël.

Batoenakanoe na paraingoe noena, da taloe ja ka njoeda, hida toenoe hāla ha mboendāba da da banda na, da oema na; da meti mboeta ka mboendāba da da tau.

Toenanoe I Ala kāli ni ma nja la lihi na I Josoea bana ndoela ja njoena, loepa da kākoe ha da Marāmba mboeloendāba da, da mapareāta la tana Kanaän; tiloe kamboeloe haātoe da da Marāmba.

Toenanoe ba ndedi hau ndaung na na mandai na, mboendāba da da paraing, I Josoea na wāhi ndāba ka. Batoenakanoe hina paberi-beri nja na tana Kanaän la tau Israēl. Tāka na tana la hapapa lokoe Jordan, I Moesa mbāda wō na ndja ka da tau Roebin dāngoe da tau Nggad dāngoe da tau Manāsa hawiang. Tāka da tau Lewi hi ndeda ngalang tana tanggoe meha da. Tāka njoeda da tanggoe be ā paraing, 48 mboea paraing, nggi nggini ka ka-doena; da tau Lewi da ihi parāma da, kai ndoela ha da ratoe la oema ngea pahamajang, wāna I Ala.

Toenanoe I Ala na wōndja mahāmoe da tau Israēl bada kākoe ndāba ha da papa da. Tāka na oema ngea pahamajang da da pahada ninja la paraing Silo.

Toenanoe I Josoea, 110 mboea ndaung na bana ndjāpoe ja na parāma na. Toenanoe hina pa'oehi ndja mboeloendāba da da tau Israēl la paraing Silo.

Na lodoe noena I Josoea hina panamoe ndja djāka nggi-nggiki na I Ala bana ndoela ha āmang, bana lakoe kareāndja njoeda; kai hamajanja I Ala ā, bai wāngoe tāndji eti mi, wāna, kai mangā-dātoenja I Ala; pakikoe ndja da pareāta na, da pahoerātoe na I Moesa; kai wāroendja da Marapoe tau hawiang; dira na kai hamajanja I Ala ā, wānandja, kada tāndji da eti mi la hangga na I Ala; bai pakaka ndja da eti mi: ndena hāmoe djāka ta hamajanja I Ala, djāka wāmi, nāhoe ma kai pindi ja, djāka nggamoe ja na pahamaja mi. Tāka njoengga dāngoe na ihi oema nggoe, njoema mboendāba mahamajanja I Ala ā.

Tāka njoena I Josoea hina toelihoe ha mboendāba da da poeloeng noeda, hina piti ja hau na na watoe bokoel, hina pandi ndi ja la loemboe ai la lihi na na oema ngea pahamajang,

hiwăna; malănga tăka ja na watoe jeăna, dje ja na tanda na, napa haromoe la malamiri na kai ambi kandoelinja I Ala.

20. I Nggidion.

Tăka da tau Israël, ba mbăda meti na ka I Josoea, njoeda nde padeninja pa na pandjandji da angoe da I Josoea, hida hamajangoe ka Marapoe hawiang. Djè ja batoenanoe I Ala hina poeli be ă ndja da tau Israël la lima papa da. Tăka da nja ka da papa, hida ata ndja ka da tau Israël.

Tăka da tau Israël hida mandjaréa, beli da nja ka la I Ala; hina ndoela ha da tau Israël, hina pahăla beli ha weling la lima da da papa da.

Toenanoe hinindja da tau papaleăwa na I Ala, da matanggoe boăta makaloētoe, da mapeăka ndja ja na ngarăngia na I Ala; da tau noeda, tau hakim ha.

Toenanoe tăka hi nindja da tau Midian, da hada madangoe, da mai pabera la tana Kanaän. Toenanoe da ramba ndja da ihi woăka da, da kamămbi da, da ăna nggăra da, da palai ngăndi hăla ha. Hau ndaung hau ndaung toe-toe ma na bada mai parambang; da kapihoe mboea ndaung bada mai parambang; ndaningoe haătoe mapatara dăndja bada mangăďătoe.

Toenanoe da tau Israël hida karai ja I Ala: ndoela ki kăma, wăda bada hamajang; batoenakanoe I Ala hina pindi ja haătoe na na tau, na ngara na I Nggidion ja, tau Manăsa ja. Toenanoe hina tăka haătoe na na malaikătoe la I Nggidion, hiwăna: I Ala, na kareănggau njoemoe. Tăka hina heăma I Nggidion: djăka malănga tăka ja, djăka ninja bana ndăki ka njoengga, kani hi toena i na handoeke dangoe ma; nggi ha năhoe da tanda da pahangă-tăroe wăngoe weling ămang, la bokoe ma, la ăpoe ma?

Toenanoe hiwăna na malaikătoe na I Ala: lakoe wa njoemoe, ba mbiha nggoe njoengga, napa kau pahăla ha da tau Israël weling la lima da da tau Midian. Njoengga jèa na mapaleăwa kau njoemoe.

Täka hina heäma I Nggidion: ba Toeban, ka nggiki pahäla nggoe ha ka da tau Israël? Malänga täka ja, djëä ka njoengga bakoe mila be ä la padoea da da tau Manäsa; täka njoengga jeä hi bidi mini pandokoeng be ka la oema ama nggoe.

Täka hiwäna na malaikät: malänga täka ja njoengga jeä mandäki kau, bakoe kareänggau, djë ja ba toenanoe, napa njoemoe kau taloe, da tau Midian da käkoe.

Toenanoe bana ndjöpoe ka, täka I Nggidion hina njänggäroe ja na marapoe ama na, täka na pangea na marapoe noena, na weharoe nja. Toenanoe I Nggidion laloe karaoe na nja eti tau la paraing noena; hida loa papeakanja na ama na, käräng bana njänggäroe ja na pangea na na marapoe, wäda. Toenanoe hiwäda bada peakanja na ama na: paloehoe ja na ana moe, kata pameti ja. Täka hina heäma na ama na: kanggiki na hi woenda ja na poeloeng na na marapoe, ba djë ja na poeloeng wiki na; mäta nja kadoena läti, na marapoe kana pameti wiki na nja ka na ana nggoe, ba njoena na manjänggaroe ja; njimi djämäng.

Toenanoe hili täka da nja ka da tau Midian, hida tama la tana Kanaän, na hada madangoe. Toenanoe I Ndewa na I Ala hina tama la oenoe eti na I Nggidion.

Täka na eti na, laloe katätäkoe ja, kakoe patara dändja da tau Midian, bawäna. Toenanoe na karai woenga ja pa I Ala, na karai tanda, kakoe pinja malänga täka na, bakoe taloe ba da papa nggoe. Toenanoe bana karai ja I Ala: na manoelang jeäna na maningoe woeloe ihing, koe bändjälöe ja la kawindoe, hau roedoe na; djäka hadang la mbaroe, kakoe tängäroe ja na manoelang noena, djäka didi ä jang na manoelang na mambaha parai wai mboeroeng, täka na tana la halinggi na, na mädoe be ä, hīna ka hikoe pinja malänga täka ja I Ala na ndoela ha da tau Israël.

Toenanoe na padening ka i njoena na pakarai na I Nggidion. Toenanoe bana hadang ka la mbaroe hina piti ja na manoelang noena, bana mbaha doe ka, hina pohoe ja, na pandeäma ja na wai mboeroeng la manoelang noena, hau kaba na, na mbinoe ma, täka na tana la halinggi pangea na, na mädoe be ä.

Toenanoe I Nggidion na patoroe mbeni wiki na ka i, hina hili karai ja I Ala: Toehan, amboe hängga ngga njoengga, mätä ki kakoe hili kamang ki handäkang; koe wänja jeäna na manoelang; na manoelang jeäna kana mädöe be ä, täka na tana la halinggi na nähoe mboeloendäba na, na mbaha häla bana mboeroenja.

Toenanoe na padening ka i njoena na pakarai na.

Toenanoe njoena I Nggidion hina pa'oehing da tau Israël, tiloe kamboeloe doea rata da.

Täka I Ala hiwäna: Amboe toenanoe, laloe dangoe na na tau na papa'oehi moe; napa da pabokoeloe wiki da, ätäl ma ma doema, wäda doe; batoenanoe nähoe, djäka nggamoe ja na mamangädätoe eti na, mätanja ka, kana beli ja la oema na.

Toenanoe da tau da madangoe noeda, da beli ha ka, da doea-kamboeloe rata da; toenanoe hida ndädikoe da hakamboeloe rata da.

Batoenanoe I Ala hiwänanja I Nggidion: djëpa batoe ä na, laloe dangoe ja jeäna na tau. Toenanoe hida hili beli ha hawiang, hida ndädikoe da tau ba tiloe ngahoe ha. Toenanoe hiwäna I Ala: ba tiloe ngahoe ha da tau jeäda, napa haromoe da taloe.

Batoenakanoe I Nggidion hina kawäri ha da tau ba tiloe ngahoe da noeda, na katiloe bandjaroe ndja. Toenanoe hina pakatandja haätoe haätoe talili dängoe woeroeng; täka la woeroeng hi nindja da hoeloe. Toenanoe ba mandalora ja ka, loehoe da nja ka da tau noeda, ba tiloe ngahoe ha; hida pawinggiroe ndja da papa da. Toenanoe I Nggidion hina wöndja tanda, i paremingoe ma, bai hapoei ha da talili, täka da woeroeng kawära bera ndäba ha parändja ndja. Batoenakanoe hida piti ha da hoeloe hida pakadäki ndja epi hida wara: hapanda na I Ala ja, hapanda na I Nggidion ja. Batoenakanoe da papa da, bada rongoe ka lai noe ré'au wäna, lai noe ré'au wäna, da mbingoe be ka da eti da, ndeda pi ndokoe nja pa pakaroema ja.

Toenanoe ndeda patanda pa dängga angoe da, ba laloe kapätängoe ja; da pakoädja dängga angoe da patau Midian, da meti hapäroe.

Batoenakanoe hida palai da tau Midian; tăka I Nggidion hina jauwoeloe ha, hina pameti ha, na wăhi ha da banda da parai na I Nggidion. Batoenakanoe I Nggidion, bana beli ja ka bana taloe ja ka na papa na, tăka da angoe na pabandjaroe, kata dandanja, kata pamarămba ja, wăda be ă; tăka hiwăna njoena I Nggidion: djămang nde toe na, didi ă jang I Ala na Marămba mi njimi.

21. I Simson.

Toenanoe da tau Israël da hili toe ja na mandjala la hangga na I Ala; batoenakanoe I Ala hina poelindja njoeda la lima da da tau Pilistin, 40 mboea ndaung na na mandai na.

Toenanoe na hau na lodoe I Malaïkătoe Toehan, papaleăwa na I Ala, hina pawoewang wiki na la papaha na I Mano'a, hiwănanja; malănga tăka ma ja, ba wănggoe nggau, njoemoe napa oe pa'ananja haătoe na na anakeăda mini; na anakeăda noena, ămboe na oenoeng woloe ara, na loenggi na ămboe na kikiroe ja; noe njoena haromoe tau papindi na nja I Ala; njoena haromoe djeà ja na mapahăla ha da tau Israël weli la lima da da tau Pilistin.

Batoenakanoe bana tăka ka rehi na na kawini noena hina pa'ananja haătoe na na anakeăda mini, na pangaranja I Simson. Toenanoe na anakeăda noena bana matăa ka, laloe parī lănga tăka ja, ndaningoe hama na. Na hau na lodoe I Simson hina lo'a la paraing Timna, la tana Pilistin, hina ita ja haătoe na na ana karia. Toenanoe hina beli ja la oema na, na lo'a papeăka ndja da ina na da ama na, hiwăna: piti ja noena bădi na kawini, kakoe paha ja, wănggoe. Toenanoe hida lo'a ndăba da ina na, da ama na la paraing Timna; bada tăka ka la padoea ngarăngia, njoena I Simson hina hiliroe la ngarăngia hau, lakoe meha na nja ka.

Toenanoe hamboeroe ja he'au na na singa, laloe mbeni ma ja. Tăka njoena I Simson hina jăpa ja, hina hira ja, hama toena bana hira tera be ja.

Toenanoe I Simson ndedi pira na na lodoe, hili lakoe na nja ka

ia paraing Timna; tãka hina ita ja na meti na na singa noena la hadidi ngarãngia; hina tãngãroe ja ja la kamboe na, hi ningoe be i hiboe bai manggaloeang. Toenanoe hina piti ja na wai manggaloeang noena, hina ngãndi ja, na lakoe nganja la ngarãngia. Toenanoe bana tãka ka la paraing Timna, remi da nja ka bana tama la koeroeng. Toenanoe hiwãna njoena I Simson, ba talãnga remi da da tau lai noe: nina na deãkanggoe njoengga, pihoe mboea lodoe na bai kanandi nja, loepa na ndjãpoe bata remi ja, djãka ningga na mapinja, koewonja 30 mbãla linggi manandang, 30 mbãla kalembi manandang, wãnggoe nggãmi njimi, djãka ndai pinja pa, da patiki nggoe kawai, hama da bãdi dangoe da kai wõngga njoengga. Tãka hida heãma: mãla kai doena, mãlau pa'ihì nda nja na deãkang moe.

Toenanoe njoena I Simson hiwãna: dika dika nggoe ana na I Oemboe Ratoe Djawa: na pangangoe na loehoe weli daloeng la mangangoe, na malãngga na loehoe weli daloeng la ma'ãtãloe.

Toenanoe mboeloendãba da njoeda da tau, nda ningoe ndokoe mapinja noena na deãkang na I Simson; tãka hiwãdanja na papaha na I Simson: pamandanja na tau angoe moe kana peãka nggau nja na deãkang na, ka ãmboe matoenoe ja na oema moe, mboeloendãba 'mi ña ama moe, na ina moe dãngoe da ihì oema moe.

Toenanoe na papaha na I Simson hina hì la hangga na njoena, hiwãna: karãoe ma moe ngga eti njoengga, nde mboeha ã moe ngga njoengga; oe deãka ndja da tau, tãka njoengga ndau peãka ngga nja, djãka nggãra ja na deãkang moe.

Toenanoe bana tãama ja ka ne rehi pihoe mboea lodoe, hina peãkanja na papaha na, ba laloe patidoeng ma na nja pakarai ja. Toenanoe bana pinja ka njoena hina pareãnggang papeãkandja da angoe da patau Pilistin. Tãka njoeda hiwãdanja I Simson ba djeà ja ka na lodoe pihoe, ba ndedi na tama na lodoe: nggãra ja na marihi lãngga na la wai manggaloeang? nggãra ja na marihi ãtãloe na la singa? Toenanoe hina heãma I Simson: djãka nde djeà ja ka na karambo'a nggoe njoengga, na padili wãmi lãtang, ndai ngalang papinja na deãkang nggoe.

Toenanoe I Simson hina lo'a la paraing Askelon la tana tau Pilistin, hina pameti ha da tau 30 da; hina piti ha da hinggi da, da kalembi da, hida ngāndi ha, hina wōndja ha njoeda da tau. Toenanoe bana hāla ka pawōndja ha, njoena I Simson ba laloe karāoe ma na nja ka na eti na, lakoe beli na nja ka la oema ama na.

Toenanoe I Simson, ndedi pira na na lodoe, hina hili lakoe la paraing Timna, ba talānga moeti da da tau Pilistin; koe loa patāngāroe ja na papaha nggoe, wāna. Toenanoe bana tāka ka lai noe, hiwāna na ama na: noena na kawini, nde mboeha na nja pa ihoe, wānggoe be ka doekoe; mbāda hāla nggoe nja ka dockoe pama-ngōama ja la tau haātoe.

Tāka njoena I Simson hiwāna: njoengga ndaningoe ndjala nggoe la tau Pilistin! djāka koe bera kāmī nāhoe, bera be nggoe nggāmi!

Toenanoe njoena I Simson hina lakoe ja hina loa pajāpa ha da lambākoe, 30 ngioe da, hina pandākiloendja doea ngioe doea ngioe na ha, hina hondoe ndja hapoengoe hapoengoe hoeloe roe kokoer, na toe ja la padoea da. Tāka hina pakādāki ndja epi la hoeloe na pahondoe la padoea da da lambākoe hina pahāla ha la woāka da tau Pilistin, ba talānga moeti da. Toenanoe moetoeng hāla da oehoe, da watār mboendāba da hau woāka hau woāka.

Tāka da tau Pilistin bada pinja ka I Simson, ba njoena na mapahāla ha da lambākoe bana kareāndja epi, hi hadang doe da nja ka, hida hoeloe ja na oema na noena na kawini, na papaha na I Simson, da toenoe mboe ja na kawini noena dāngoe na ama na, na ina na.

Toenanoe I Simson hina tama ja la leāng Etam la tana tau Jehoeda; tāka da tau Pilistin hida hadang, lo'a pabera ha da tau Jehoeda, bada kawini nja njoena I Simson, wāda. Toenanoe da tau Jehoeda hida hondoe ja I Simson hida iroe ja weli ditang la palendi noena, hida kareānja la hangga da da tau Pilistin. Toenanoe da tau Pilistin, da eti da laloe hāmoe ha, bada ita ja ka I Simson, ba pahondoe ja ka. Toenanoe da likoe noeda, likoe pabidi poeti ma ha. Tāka njoena I Simson na tingiri ka hawoetoe, mbōe-mbōetoe ma da bada mbōata da likoe, hama toeda da loeloe kamba da mamoe-

toeng. Toenanoe hina ita ja na ri ngora ndjara, hina piti ja hina paloe wändja da tau Pilistin, harata da na pameti wändja.

Toenanoe na hau na lodoe I Simson hina lo'a la paraing Nggasa, la tana tau Pilistin. Tăka da tau Nggasa bada pinja ka I Simson ba ninja noedaloe la paraing, hina bita nja na pindoe kandjangeroe. Toenanoe njoeda mboeloendăba da da tau Nggasa ndeda katikoe ndeda kapăkoe: mătanja ka, djăka ta pawăla haromoe la mbaroe, kata pameti ja, wăda be ă bada panī dăngga angoe da.

Toenanoe ba mandalora ja ka năhoe, njoena I Simson hina hadang; bana tăka nja ka na pindoe, hina boetoehoe ja na pindoe; da kambaniroe da, ba doea mboengoe da, na ngăndi ndăba ha; tăka hina ngăndi ha la mamarau, la pinoe palendi djangga, hina bândjăloe ha lai noe.

Toenanoe bana mandai ka năhoe; njoena I Simson na hili piti kawini Pilistin, na ngara na I Delila ja. Toenanoe mboeloendăba da da kapala tau Pilistin, hiwădanja noena na kawini bada peăka nja: pamandanja I Simson, djăka nggi paweli ni păkoe na, ba laloe ătăloe ja, laloe parī ja; pamanda-mandanja, kana peăka nggau njoemoe; djăkau pinja ka, kau peăka nggăma njoema; njoema haromoe mawōnggau woenda moe, haătoe haătoe harata hangahoe rimalokoe.

Toenanoe na tau kawini noena hiwănanja na tau angoe na: peăka ngga lăli, oemboe, djăka nggi paweli na na ătăloe moe, na parī moe, peăka nda nja, wănggoe noe, kakoe pi ă nja, wănggoe! Tăka hina heăma I Simson: djăka na hondoe ka, hondoe wăngga likoe kabaroe moeroe, pihoe walang, nă njoena ndakoe ătăloe ă pa.

Toenanoe na kawini noena hina hondoe wănja likoe kabaroe moeroe, ba talănga maheroe na njoena I Simson.

Toenanoe bana hăla ka pahondoe ja, hiwăna: ha Simson hadang nă hi! nămoe ndja ka da tau Pilistin! Tăka njoena I Simson hina hadang; na rămbitoe ha da likoe kabaroe noeda, hama toena bana boăta loeloe kamba da mamoetoeng.

Toenanoe pandoeangoe wăngoe na nja bana kama ka nja njoena I Simson parai na na kawini noena; tăka ndena ngalang patoămanja. Batoenakanoe na kawini noena, hau lodoe na karai ja, hau lodoe

na karai ja, hau lodoe na karai ja, ndena pändjäng ndokoe; laloe eti na nja ka I Simson, ba laloe patidoeng ma na kawini noena.

Toenanoe I Simson hina peäka ndäba nja na ihi eti na, hiwäna: na katikoe nggoe njoengga, djäka na boeloe, djäka kikiroe wänja kahidi, noe njoena dira nggoe ka pa'ätäloe, ndakoe mäka ä pa!

Toenanoe na kawini noena, ba mahoeroe na nja ka I Simson, bana mangandoe ka, hina pa'aung haätoe tau, hina kikiroe ja na katikoe na, na äli häla nja na roe loenggi na. Toenanoe hiwäna I Delila: ha Simson, hadang wa nä! nämoe ndja ka da tau Pilistin. Täka hiwäna I Simson bana hadang ka: njoengga koe pambirang be nähoe, bakoe loehoe bakoe pameti ha njoeda, wäna doe, ba ndena pi be nja pa, ba mbäda marau na ka I Ala, la ihi na njoena. Toenanoe da tau Pilistin hida jäpa ja njoena I Simson, da roeki ha da wöa mata na, hida ngändi ja la paraing Nggasa, da hondoe wänja bai nggili bähi. Njoena I Simson na mbotoe ka na paräma na la oema kapätang. Toenanoe na roe loenggi na, na ngeri malai-lai beli.

Toenanoe na hau na lodoe, hida pa'oehi mboeloendäba da da kapala tau Pilistin; da ama bokoel, ama bokoel mätoe ndäba ha; hamajang la marapoe ma, wäda. Toenanoe ba talänga remi da, hiwäda: pa'au nja I Simson; kata ita ä ja bana rèandja. Toenanoe hida paloehoe ja I Simson weling la oema kapätang, hida kareänja la oema nge'a pahamajangoe da; hida pandoäläköe ja la lihi kambaniroe oerätoeng.

Toenanoe njoena I Simson hiwäna la eti na, bana hamajang: ja Ala, namoe ki ka njoengga, pa'ätäloe ki ka nähoe, handäkang djoeang.

Toenanoe I Simson na hapapa na lima kawana na, hapoengoe kambaniroe, na hapapa na lima kalai na, hapoengoe kambaniroe, bana rohoe ha. Täka hiwäna: hämoe doeka na tau nggoe, meti pakareä ndäbang da tau Pilistin.

Toenanoe I Simson hina koekoetoeug wiki na; hina ndjoroe na oema noena, da pitäköe ndäba ndja da tau da manindja lai noe dängoe I Simson, meti pakareä ndäbang.

Toenanoe I Simson bana pameti tau Pilistin, ba ndedi na poki pa, ndeda dangoe padangoe da papameti na, da rihi pa noeda padangoe bada meti kareànja. .

22. I Roet.

Toenanoe ba talānga nindja da hakim, da mapareàta la tana Kanaän, tăka hi laloe rimbāngoe ma ja. Tăka hininja haätoe na na tau, na ngara na I Elimelek ja; tăka na papaha na, I Naomi ja; na ngea pangé'angoe da la koätäk Betlehem.

Toenanoe da tau madoea noeda, dāngoe da madoea da ana da, hida wāroenja na koätäkoe da, ba laloe rimbang ma ja; hida lakoe ha la tana Moabi. Toenanoe bada ndädikoe lai noe, bada mandai ka, tăka da ana da hi matōa da nja ka.

Toenanoe paha da nja ka kawini Moabi; na haätoe na ngara na I Orpa ja, tăka na haätoe I Roet ja.

Toenanoe ba nde nggiki mandai na, meti na nja ka I Elimelek, na tau angoe na I Naomi; tăka da ana na da madoea, da meti mboe. Toenanoe njoena I Naomi hina beli ja la pangea meàma na, tăka da ri ana na bada doea, na karèa mboe ndja.

Toenanoe ba la ngarāngia be ha pa, hiwāna I Naomi bana panī dāndja da ri ana na: na hāmoe ki pa lāti, djākai beli kāmī la oema ama mi haätoe haätoe. Toenanoe njoena na mangarang I Orpa na kikoenja na papeàka na na ina jenoe na; beli na nja ka la oema ama na.

Tăka njoena I Roet ndena bihoe pabeli ja; wānanja na ina jenoe na: amboe paroekang pākoe pawāmoe ngga: beli kau ba-wāmoe; djāka nggini kau oelakoe ningoe, njoengga koe ndāki kāmoe; na bandjaroe moe njoemoe, bandjaroe nggoe njoengga ja; na Ala moe njoemoe, Ala nggoe njoengga ja; djāka nggini kau oetodoe ningoe, njoengga lai noe mboe kakoe todoe ningoe; djāka nggini kau oemeti ningoe, njoengga lai noe mboe kakoe meti ningoe; dira na meti ma ja ka bādi hita māngoe papaheàwa.

Toenanoe da tau madoea noeda hida lakoe pangalang hida tăka la koătăk Betlehem.

Toenanoe I Naomi bana tama ka la koătăk noena, na dangoe na tau na tiki pande tanda ja ă mang. Toenanoe na tau lai noe bada panī dăngga angoe da: malănga tăka ja djê ja I Naomi?

Tăka hina heăma njoena I Naomi: ambi tiki ka pa Naomi (djê ja: tau mahămoe eti na) dira na, wămi ngga ka, I Mara ka ka (djê ja: tau mahandoeka eti na). I Ala ja na pahandoeka bobokœloe ka njoengga; bakoe lakoe weling lai jehoe, koe woeloe, bakoe beli ka, koe mila ka.

Toenanoe na patăka wăda njoeda, talănga moeti da oehoe. Ba-toenakanoe I Roet hina lo'a la lătang, na lo'a papoetoe ja na moeroe oehoe, na pihili tau; na ngea palo'a na I Roet, lătang na I Bo'as ja; njoena tau mawocloe ma ja; njoena bi kalembi na I Naomi mboe ja. Toenanoe na hau na lodoe I Bo'as hina mai la lătang; na lo patăngăroe ha da tau da mamœti lai noe. Toenanoe bana tăka ka lai noe, hiwăna: mala wa njoena I Ala na mandăki, na kareă nggămi njimi. Toenanoe hida heăma njoeda: măla wa njoena, I Ala kana wŏnggau njoemoe na mahămoe. Tăka I Bo'as hina karai ha da tau lai noe, hiwăna: na kawini nina, nggamoe ja doena na mapoetoe moeroe oehoe. Toenanoe I Bo'as ba pi ma na nja, ba djeă ja na ri ana na I Naomi, hina minang minang bana panī dănja, hiwăna: lănga tăka kai njoena, pi ma nggoe nja njoemoe bau toetoe la takoe wai, la toengoe păni manoe, la ama jenoem la ina jenoem, loepa na meti na tau angoe moe; măla wa njoena I Ala tau Israēl kana hiloe hama nggămoe nja ja na mahămoe.

Toenanoe njoena I Bo'as hina peăkandja da tau da mamœti, hiwăna: amboe karaoe doe nja eti na tau kawini nina, hi hili padaki nja oehoe kana dangoe ki na moeroe oehoe na papoetoe na.

Toenanoe bana maringoe ka na lodoe, I Roet bana beli ja ka la oema, hina peăkanja na ina jenoem na, na parongoe na lai Bo'as. Tăka hiwăna I Naomi: njoena I Bo'as mapa'eri mapa'ajangoem ma kăma! măla wa njoena I Ala kana wŏnja mahămoe lai njoena, bana hămoe eti la tau na maloeri, la tau na mameti.

Toenanoe njoena I Bo'as, weling ba lina moeting loepa na pandjapoeng, bana tangäroe ja na tau kawini noena, mamaräna ma doe ja. Toenanoe I Bo'as na ngäna ja na eti na bana ita ja na kawini noena. Toenanoe na hori da da tau Israël, djäka ninja na papaha aja na, djäka na meti wäroenja, djäka ndaningoe ana na, na kanoäma ja na eri na.

Toenanoe I Naomi hiwänanja I Roet, djäka nggi nggiki na na hori tau lai noe, djäka na täka la hangga na I Bo'as.

Toenanoe njoena I Bo'as bana pinja na eri na ba didi jang ba haätoe na, njoena ndena bihoe pakanoäma ja. Batoenakanoe I Bo'as hina paha wiki na nja njoena I Roet.

Toenanoe I Roet hina pa'ana nja haätoe na na anakeäda mini, na ngara na I Obed ja; täka I Obed hina pa'ana nja I Isai; täka I Isai hina pa'ana nja I Daoed, Marämba bokoel ja ka, na mapareäta ha da tau Israël.

23. I Eli dangoe I Samoeël.

Toenanoe hininja haätoe na na ratoe la tana Kanaän; na ngara na I Eli ja; na pangea na na oema na, la koätäk Silo ja; na oema ngea pahamjangoe da da tau Israël ni mboe nja lai noe. Toenanoe handäka-ndäka na lodoe bokoel lai noe ja na pa'oehi ningoe na tau dangoe, la oema ngea pahamjang. Toenanoe na hau na lodoe, na ratoe hina ita ja haätoe na na kawini na mangarang Ilana, bana hamajang la oema na I Ala.

Toenanoe I Eli bana ita ja ka na kawini noena, djè ja na täda ngaroe ä na na makamidoek, täka hi ndena parongoe ja i bana panī; na kawini noena hi panī na nja ka la eti na; maoekoe na nja ihoe jeäna na kawini, wäna be ä. Täka I Hana handoecka be na nja na eti na, na mandai ma ka ba ndaningoe ndokoe ana na. Batoenakanoe bana hamajang, na karai ja I Ala wäna: djäkau namoe doeka njoengga, kau wö ki ngga doekoe haätoe anakeäda mini, napa baromoe djäka na matöa ka, koe wö pabeli nja I Ala.

Täka njoena I Eli, hina hängganja na kawini noena; täka njoena

I Hana hina paloehoenja ja na ratoe na wini eti na, na pahandoeka wăna.

Toenanoe njoena I Eli hiwănanja na kawini noena: djăka toe be na noe la eti moe, lakoe wa, kau beli kau; napa I Ala na wŏnggă-moe nja ja na pakarai moe. Toenanoe I Hana beli na nja ka la oema na, na hămoe be ka na eti na bana pakakanja.

Batoenakanoe, ba ndedi mandai na, I Ala na padeninja na pakarai na noena na kawini. Toenanoe hina pa'ana nja haătoe na na anakeàda mini. Toenanoe hina pangara nja noena na anakeàda, I Samoeël ja na ngara na; djê doe ja ka noe ba anakeàda pakarai na nja la I Ala.

Toenanoe bana matôa ki ka hakoedoe na anakeàda noena, tăka da ina na da ama na hida kareànja noena na anakeàda la oema ngea pahamajang la koătăk Silo. Toenanoe bada tăka ka lai noe, na ina na hina wŏnja ja la lima na na ratoe Eli, hiwăna: ha oemboe, jeàna i âmang njoengga wiki makarai ja na anakeàda jeàna la I Ala; I Ala na wŏngga ka, hama toena bakoe karai ja; djê ja ba toenakanoe koe wŏnja ja ka I Ala na anakeàda jeàna.

Toenanoe I Hana dăngoe na tau angoe na beli da nja ka la oema da; tăka na anakeàda da pandădikoe ja ka la oema na na ratoe Eli.

Toenanoe hau ndaung hau ndaung da ina na da ama na, da kăli lo'a patadaloe ja noena na anakeàda; handăka-ndăka hida rongoe, laloe toetoeroe ja noena na anakeàda.

Tăka hinindja da ana na na ratoe noena, da doea, na haătoe na ngara na I Hopni ja; tăka na haătoe I Pine'as ja; da madoea noeda, laloe kaborangoe ha, tau kaboelăroe ha; ndeda mangădătoe ndokoe nja I Ala. Batoenanoe I Eli bana rongoe ha da ana na bada kaborang, na papeàka be ndja njoena, wăna: ambi toeminoe, djeà ja noena mandjala ja, hămoe kai mandjaréa, wănandja. Tăka njoena I Eli ndena hanggăritoe ndja da ana na. Tăka da ana na hi ndeda bihoe parongoe ja na ama da.

Toenanoe na hau na roedoeng I Samoeël ba hīna na mahoeroe la oema ngea pahamajang, tăka I Ala hina pa'aunja njoena I Samoeël.

Toenanoe njoena I Samocël hina hadang hina lakoe ja la I Eli, djè ja I Eli na mapa'aungga, wăna be ä. Batoenakanoe, bana pandiloe woendang ma ka I Ala bana pa'aunja I Samocël, toenanoe I Eli pi na nja ka, djè ja I Ala na mapa'aunja I Samoeël. Toenanoe hiwănanja I Samoeël parai na I Eli: djăka na hili pa'aunggau handăkang, panī toe moe noe, wămoe: măla wa njoena I Toehan kau panī dăngga njoengga, bakoe rongoe ja,

Toenanoe I Ala hina hili pa'aunja, wăna: ha Samoeël, ha Samoeël. Tăka hina heăma I Samoeël, hiwăna: panī wa njoena, Ala, ningga, koe rongoe. Toenanoe hiwăna I Ala: Njoengga patăka nja haromoe hau na poeloeng la padoea da da tau Israël, djăka nggamoe ja nama-rongoe ja, napa da kahiloe na da lingoe; napa haromoe Njoengga koe pameti ha I Eli dăngoe da ana na, da madoea; njoena I Eli bana pi ma doe ndja ndjala da da ana na, ndena pătœ ha njoeda.

Toenanoe ba hadang ka la mbaroe I Eli hina karai ja I Samoeël, wăna: nggi nggiki wăna nggau I Ala bana panī dănggau? peăka ngga njoengga, amboe kawini nja. Toenanoe I Samocël hina pa'ihî nja ja I Eli; tăka hina heăma I Eli: măla wa njoena I Toehan kana toe ja ka na mahămoe lai njoengga.

Toenanoe ba ndedi nggi mandai na, da tau Israël da papa-hăndjăloe dăndja da tau Pilistin. Batoenakanoe da tau Israël bada kăkoe ka, tăka mboendăba da da kapala da hida paleăwa tau, lo papiti ja na păti papandjandjing la oema ratœ la Silo, kai ngăndi ja nămoe, kama toe ja la padoea kada torœ mbeni da eti ma, wăda.

Toenanoe I Hopni dăngoe I Pinchas hida ngăndi ja noena na păti. Toenanoe ba talănga pahăndjăloeng da, tăka I Eli mandapœ na nja ka la hambeli pindœ koătăk; djăka ningoe matăka weling la pangea pahăndjăloe ningoe, kakoe pinja djăka nggi nggiki na na poeloeng bana ndjăpœ, wăna be ä.

Na lodœ noena na ndaung na I Eli, 98 mboea ndaung na, da mata na da hambala ka, na ihî na ndenaătăloe pa, djè mboe ja na handœka dănja na păti papandjandjing, bana ngăndi ja ka tau. Toenanoe hi djè ita be na nja haătœ na na tau, na wăngoe papalai

nāmoe; bana pakaka nja mangāndi poeloeng handoeke ja nāmoe, wāna la eti na njoena I Eli. Toenanoe bana tāka ka na tau noena la lihi na I Eli, toenanoe I Eli hiwāna: māla noe nggi nggiki na na poeloeng. Tāka hina heāma na tau noena, hiwāna: da tau Israēl mbada palai be ā la hangga da da tau Pilistin, tāka da ana moe da madoea, da meti ka, tāka na pāti papandjandjing na wāhi ja ka tau Pilistin.

Toenanoe I Eli bana rongoe ja ka noe, ba laloe katātākoe ma ja ka, hina ndjoroe, na mbata ma na pōala nggoroe na; meti ma ā na nja.

Tāka da tau Pilistin bada taloe ma ka, toenanoe hida ngāndi ja na pāti papandjandjing noena la paraing Asdod; tāka hida tama ngāndi ja la oema marapoe da. Batoenakanoe na marapoe noena na ndjoroe, na kamoengāl na katikoe na, da lima na da kamoengāl pahoeepoe koekoe lima na. Toenanoe da tau Pilistin bada pinja I Ala bana mbiha, hida paleli nja na pāti papandjandjing noena la hau paraing. Djēpa batoe ā na noe, djāka nggi nggini na nja na ngāndi ni ja na pāti, na hawoendāl na mahidoe hangia hangia; hi laloe dangoe ja na tau na mameti. Batoenakanoe ba pihoe mboea woela na ka na malāpāhoe, laloe handoeke ha da tau Pilistin. Toenanoe hida pangāndi beli nja na pāti papandjandjing noena la tau Israēl.

Toenanoe njoena I Samoeël, njoena ka na mahiloe ja I Eli, njoena ka na mahakim la tau Israēl. Toenanoe hina pa'ochi ndja da tau Israēl la paraing Mispa, hiwāna: njimi djākai mandjaréa lānga tāka ma, kanggiki na I Ala hi ndena pahāla kāmī la papa mi njimi. Batoenakanoe da tau Israēl hida wāroe ndja da marapoe hangia hangia da, tāka hida hamajang la I Ala ā. Tāka la mala-miri I Ala hina ndoela ha da tau tau Israēl. Toenanoe hida taloe; da tau Pilistin da papa da, da kākoe; mboendāba da da paraing da pawāhi da da tau Pilistin āmang da wāhi beli ha.

Toenanoe la ngea papadirangoe na na tana Pilistin dāngoe na tana Israēl njoena I Samoeël hina pandéndi ja na hau na watoe bokoel; djè ja ka na tanda na bana taloe ka na tau Israēl, wāna. Toenanoe hina pangara nja na watoe jéana lai noe: Eben Haēsar,

djè doe ja ka noe: loepa na toäma na lodoe nähoe I Ala bana ndoela käma njoema. Täka I Samoeël hina pareäta pahämoe hämoe ndja da tau Israël; njoena tau laloe matändji eti ja, na pingoe mboe papareäta.

24. I Samoeël dangoe I Saul.

Toenanoe hi nindja da ana na da doea, djè ha ka da mahiloe ja njoena I Samoeël, bana kawëäda ka.

Täka da ana na nde toena pa na ama da bana tändji na; ndeda kikoendja da pareäta na I Ala; ba hakim ha ka hi ndeda tändji eti da; djè doe ja noe djäka ningoe poeloeng mandjala da, kē ämähoe, da pandjala ni ja na mandendjala.

Batoenakanoe mboeloendäba da da tau matoea hida mai la I Samoeël la koätäk Rama, hiwäda: na hämoe ki pa kau danda nggäma marämba haätoe, hama toena doe na bandjaroe hawiang, kana pareäta käma, wäma noe hima mai lai njoemoe.

Täka I Samoeël bana kanandinja, ndena hämoe, wäna, da tau Israël bada karai toenanoe. Toenanoe hiwänanja I Samoeël parai na I Ala: mäla wa njoena, rongoe ha ka i doeda da tau noeda, nde djè kau njoemoe, djè ka Njoengga ä na pawäroe da, ka amboe na Marämba, wäda ngga.

Toenanoe hi ninja haätoe na na tau Benjamin, na ngara na I Kis ja; täka da mboelang da ndjara na hawiang. Toenanoe hina paleäwa ja na ana na, na mangaräng I Saul; haätoe na na anakeäda kareä na; lo panamätoe ha da ndjara noeda, wäna. Toenanoe nde pira mboea lodoe be da pa bada himboe ha da ndjara lai noe, lai nähoe, ka ndeda hoenggoe ndokoe ha; täka I Saul hiwänanja na kareä na: djäka toena, mäla nda kata beli ta la oema. Täka hina heäma na kareä na: la koätäk Rama lai jehoe, ninja haätoe na na nabi, na pi ndäba nja äna nggära ngära; na hämoe ki pa läti, djäka ta toäma lai noe, kana pa'ita nda ha, djäka nggini ni ha da ndjara kata himboe ni ka.

Toenanoe hiwäna I Saul: malänga täka ja heäna na papanī moe, mäla nda kata loa.

Toenanoe na hau na lodoe, ba ndedi na tåka pa I Saul, njoena I Samoeël mbåda peåka na uja ka parai na I I Ala: haromoe la mbaroe hama toena kai na mbaroe na nåhoe, nåmoe nja haåtoe na na tau mini; noena kau boeri nja doepa, kana maråmba, kana pareåta ba da tau Israël. Toenanoe I Samoeël tåka hina hamboeroe ja njoena I Saul la padoea koåtåk Rama, tåka hiwånanja I Ala: jeåna djè ja, pamaråmba ja, ba wånggoe nggau.

Toenanoe I Samoeël hiwånanja I Saul: mai kau, kau tama la oema nggoe, kau todoe hau na na roedoeng; djåka djè ha da ndjara da mamboelang, mbåda nindja ka la oema, amboe handoeaka ndja eti; rongoe kau, djåka nggåra ja na maninja la tau Israël, napa haromoe tanggoe moe njoemoe ha.

Tåka I Saul ndena pinja na ngaroe na I Samoeël. Toenanoe ba hadang ka la mbaroe, njoena I Samoeël hina kareånja I Saul la hambeli koåtåk. Toenanoe hina piti ja na kadoe na ma'ihing doepa, hina boerinja ja I Saul la katikoe na, tåka hina poedoekoe ja, hiwåna: I Ala ja na mapamaråmba kau la padoea da da tau Israël.

Bana håla ja ka, beli na nja ka I Saul; toenanoe ba nåhoe ja ka la ngarångia, tåka na nja ka I Ndewa na I Ala la eti na; bana kaka ja nåhoe nde toe na pa na eti meåma na, hau ja i ka na eti na. Toenanoe ndena peåka la haåtoe tau; ndaningoe å mapinja ba maråmba ja ka, loepa na toåma ja na lodoe, I Samoeël bana pamaråmba woewa ja la hangga mboendåba na na tau Israël.

Toenanoe ba ndedi nggi mandai na I Samoeël hina pa'oehi håla nja na tau Israël la Mispa, ka patoedji ndja ja, djåka nggamoe ja na papindi na I Ala, djè ja na maråmba. Toenanoe njoena I Saul, tau manandang ja, tau djangga ja, hina ndoålåkoe la padoea da njoeda. Tåka njoena I Samoeël hina pandoålåkoe ja la hangga da da tau dangoe; toenanoe mboendåba da da tau hida pa'aung pawånding: djè ja jeåna na maråmba ma njoema.

Toenanoe ba ndedi nggi mandai na I Saul, ba maråmba ka, hina lakoe kareåndja da tau Israël, pahåndjåloe dåndja da tau Amoni. Toenanoe bana pawoewang mbeni na, na koåtåk Jabes hina wåhi

beli ja weling la tau Amoni. Batoenakanoe mboendäba da da tau hida wotoe nja njoena I Saul.

Toenanoe na hau na lodoe hina peakanja I Samoeël parai na I Ala: lo'a la Marämba Saul kau peakanja njoena: hadang kau, wämoe nja, lo pahändjälöe dändja da tau Amalek, lo pameti ja na Marämba da, da kabihoe mboendäba da, da pawoeloe pawoeloe da pamboeta häla ha; djè ja ämang da tau Amalek, ba lälöe kaborangoe ha la tau Israël, ka wämoe nja, wänggoe nggau. Toenanoe I Saul hina lakoe, hina taloe, da tau Amalek da kākoe. Tāka hina bi ha na Marämba, dängoe da kamämbi, da karambo'a da mamboäka, na bi ha, ndena pameti ha.

Toenanoe beli na nja ka I Saul weling papabera, tāka I Samoeël hina hamboeroe ja la ngarängia, hiwäna: ka nggiki na hi ndau kikoenna na ngaroe na I Ala? bau pakaka ä nja na eti moe njoemoe, I Ala, na rihing pa ihoe pamhoehanja kameti, wämoe be ihoe doemoe; djäka ndea: pakikoe nja na pareäta na, mäla be ä, wämoe ihoe doemoe. Amboe toenanoe, djäkau kikoenna na parèata na I Ala, na rihi pa palingoe la kameti. Nāhoe njoemoe hau pangga ja na parèata na I Ala, batoenakanoe nde ä pa, ndau maramba ä pa, na wäroenggau ka.

Pakiri na noena na marämba Saul na rihing pa pakaborang; bana pakakanja na eti na, ndena pi ndokoe nja patoeba na. Batoenakanoe ndedi nggi mandai na, pajilang na nja ka I Ndewa na I Ala weling lai njoena

25. I Daud dangoe I Nggoliat.

Toenanoe I Ala hina peakanja I Samoeël: lo'a kau la oema na I Isaï, la köatäk Betlehem, mbäda häla nggöe ka papindi ja na haätoe na ana na, kana marämba la tau Israël, wänggoe. Batoenakanoe I Samoeël bana tāka ka la Betlehem, toenanoe hina pa'aunja I Isaï dängoe da ana na mboendäba da, kata hamaja ki nja I Ala, wäna be ä I Samoeël, kakoe tängäroe ha da ana da mboendäba da, wäna, djäka nggini ja na pahäla papindi na I Ala, kakoe boerinja doepa

wăna. Toenanoe njoena I Isaï hina kareàndja da ana na, da pihoe. Toenanoe I Samoeël hina tângăroe ha weli haätoe haätoe ndja, bana pakaka nja na eti na, napa da anakeàda da mapihoe jeàda I Ala hina pindi ja na haätoe, wăna be ă. Tăka handăka-ndăka I Ala hina peàkanja I Samoeël; jeàna ndea, jeàna ndea, wăna; na weli haätoe păkoe ndja, ndea, hiwăna ndja. Toenanoe I Ala hiwăna: nde hama toe ă na tau, bana tângăroe be ă na tau dăngga angoe na patau, na ita la hambeli ă; tăka I Ala djăka na tângăroe, na parăpang la eti na na tau.

Toenanoe I Samoeël hina karai ja I Isaï: măla năhoe ningoe pa ana moe anakeàda mini? Tăka hina heàma I Isaï: năhoe nja djê ja na mama'eri dehi; dai na nja kamămbi, na ngara na I Daud ja. Toenanoe I Isaï hina paleàwa anakeàda: lo papa'au nja I Daud, wăna. Toenanoe ndedi nggi mandai na, tăka na nja ka I Daud la hangga na I Samoeël. Toenanoe I Ala hina peàkanja I Samoeël: jeàna djê doe ja noena na pahăla papindi nggoe, ba wănggoe nggau, kau boeri nja doepa. Batoenakanoe I Samoeël hina piti ja na kadoe na ma'ihing doepa, hina boeri nja ja I Daud la padoea da da angoe na paloehoe.

Toenanoe pakiri na na lodoe noena, I Ndewa na I Ala na kăli kareànja I Daud. Tăka na Marămba Saul, na eti na na tama nja ka I Setan; na pakanandi wăna la eti na, nde pi ndokoe nja parkaroema ja; na hăara ănga ka bana pakakanja. Batoenakanoe hiwănanja tau: măla noe Marămba, kata himboe tau mapingoe padjoengga, napa hina hămoe ningoe ă na eti moe, djăka na tăka nggau Setan, na pakatoăba wămoe.

Toenanoe hi ninja haätoe na na tau, wăna bana panī: bakoe rongoe ja la tau, na ana na I Isaï la Bellehem, laloe pingoe ja padjoengga. Toenanoe na Marămba, hina paleàwa tau, lo papa'aunja I Daud, ana na I Isaï, wăna. Toenanoe I Daud hina mai, hina ndădikoe la oema na na Marămba; toenanoe I Daud hina piti ja na djoengga na, hina djoengga, tăka ndena mandai, I Saul hi hămoe beli be na nja i.

Toenanoe ndedi nggi mandai na, da tau Pilistin hida hili hadang.

Toenanoe da tau Pilistin da ndoäläkoe la hapapa loālang la pinoe palendi hau, tāka da tau Israēl la hapapa loālang la pinoe palendi lai jehoe ha. Toenanoe hina loehoe ja na haātoe na tau na mande'oekoe mbeni ja, na maweling la hapapa loālang la pinoe palendi noena; na ngara na na tau noena, I Nggoliat ja; na djangga na nomoe karoāka lima ja; na kalembi na, nepi bāhi ja; tāka la katikoe na, nggoebi kaleāngoe ja; na lima na na kawanang nimboe madita, laloe mbotoe ja. Tāka na tau noena hina wara, hiwāna: pindi nā hi, la padoea mi njimi, tau mambeni, kana mai nāmoe, kama pakapākākoeng; njoena djāka na taloe, njoema mboendāba ma kai ata ndāba nggāma ka; napa djāka koe taloe njoengga, njimi mboendāba mi ma ata nggāmi ka.

Batoenakanoe bada rongoe ja ka na poeloeng na I Nggoliat, laloe mangādātoe ja na Marāmba Saul; tāka mboendāba da da tau Israēl, da mangādātoe mboe.

Toenanoe da aja na I Daud, tau madoea haātoe ha, da kikoenja ka I Saul lo papahāndjāloeng; tāka I Daud mbāda beli na ka la oema ama na la Bettlehem, na dai ha kamāmbi, hama toena āmang. Toenanoe na hau na lodoe, hina paleāwa ja na ama na I Daud: lo patāngāroe ha da aja moe, wānanja. Toenanoe bana tāka ka I Daud, bana ita ha ka da aja na, tāka njoena I Nggoliat, talānga loehoe na i, talānga wara na, hama toena na patiki kawai. Toenanoe I Daud hina rongoe ndāba ja na poeloe na I Nggoliat, hina karai ha da tau da angoe ndoäläkoe na lai noe: nggamoe pākoe ja nina na tau Pilistin, na mapadjoeloe wāndja da tau na I Ala? Toenanoe hiwāna: nggamoe ja na matoroe mbeni papameti ja na tau nina, kana mboelang na pamakéa wāda da tau Israēl. Tāka hiwāda da tau dangoe: djāka nggamoe ja na mapameti ja na tau nina na ngalang woenda na, tāka na marāmba na wōnja ja na ana na, kana paha ja. Batoenakanoe njoena I Daud, ndena mangāba nja na pawoeloe wāngoe; na pahandoeka wāna na eti na, ba ndaningoe haātoe na na tau Israēl, na mamonoenja I Ala, hi ndena toroe mbeni paparari dānja njoena I Nggoliat.

Toenanoe bana rongoe ka na Marāmba, I Daud: koeaparari dānja

bawāna, hina paleāwa ja tau: lo papa'aunja I Daud, wāna. Toenanoe bana tāka I Daud hiwāna: amboe ningoe laātoe na mamangādātoe, njoengga māta kakoe parari dānja ka na tau Pilistin noena. Tāka hiwāna na Marāmba: bakoe kaka ā ja na eti nggoe, ndau ngalang parari dānja njoena; njoena hi tau mandāmāngoe ma ja papararing mānoe mānoe.

Tāka hina heāma njoena I Daud: ba talānga pawa nggoe ha da kamāmbi, mbāda pameti nggoe ka singa dāngoe baroeang; lānga tāka I Ala na madai ka la ngaroe singa dāngoe la ngaroe baroewang, toena ka i napa na dai ka la papa nda nina, wāna.

Toenanoe bana rongoe ja ka na papani na Daud, hiwāna na Marāmba: māla kai! māla wa njoena, kau lakoe, bana kareānggau I Ala. Batoenakanoe njoena I Saul hina āli ndja da paki na da bāhi dāngoe na toeboekoe kaleāngoe na, hina wōnja ha I Daud. Tāka I Daud hiwāna: malangoe Marāmba, ndakoe pingoe papangga wāndja jeāda da paki moe; toenggoe kanoe kakoe lakoe wāndja da paki ma nggoe doekoe. Toenaka i ndena ngāndi mboe hapanda, didi jang na tokoeng na, na pakāli kawana na hau lodoe hau lodoe. Toenanoe hina lakoe la lokoe, na lo pahimboe watoe da makangoedāhoe, lima mboea da; hina poehi ha la kaloemboetoe na.

Batoenakanoe bana ita ja ka I Daud parai na I Nggoliat, tāka hina mbeni hiwāna: njoengga jeā ahoe ka? bau mai nāmoe oengāndi be ngga tokoeng! mai kau nāmoe, na toloe moe kakoe wō ja la nggangga, kana nganja.

Tāka hina heāma I Daud hiwāna: njoemoe bau mai lai njoengga oewāngoe hapanda dāngoe nimboe, tāka njoengga jeā bakoe mai, koe wānja na ngara na I Ala panggoeboel awang mboeloendāba na, Ala na na tau Israēl; na lodoe nāhoe I Ala na wō kau la lima nggoe njoengga, mboendāba na na panggoeboel awang kana pinja hi ninja I Ala la tau Israēl.

Toenanoe njoena I Nggoliat: ndākoe ndākoe ma na nāmoe la hangga na I Daud; tāka njoena I Daud na palai ma i doena, kakoe tōama ja I Nggoliat, wāna. Toenanoe ba talānga lakoe I Daud, na

piti ja na watoe hau la kaloemboetoe na, hina toe ja la kapiti na hina wingoe wänja ja I Nggoliat, hina ngäna ja na katikoe na; täka hina ndjoroe panggoeboeloeng njoena I Nggoliat. Täka njoena I Daud hina dili ja na kajoemboe na I Nggoliat, hina piti ja na hapanda wiki na, hina kadipoe ja na katikoe na. Batoenakanoe bada ita nja ka I Nggoliat ba meti na nja ka, da tau Pilistin da eti da, ndeda ngéangoe pa pangéa da. Toenanoe hida palai parèa-rèanggang. Toenanoe da tau Israël hida jauwoeloe ha njoeda, da patoäma ndja la paraing Nggat dängoe Ekron. Da tau Pilistin laloe dangoe ha da mameti roekoe da da tau Israël, täka da parai da da wähi mboe ha da tau Israël.

Pakiri na na lodoe noena, na ana na na mărămba, I Jonatan ja na ngara na, pa'arijängoe dänja ka angoe da I Daud; da tau. madoea noeda da eti da da kawära pakadoepoel haätoe haätoe I Jonatan bana mboeha nja I Daud, hama toena bana mboehang wiki na. Toenanoe I Jonatan dängoe I Daud da pandjandji-ndja-ndjingoe ma bada pa'arijängoe. I Jonatan hina älinja na hinggi na, hina wönja ja I Daud, loepa na tōama ja na hapanda na bana wönja ja tanda papa'arijá wängoe, wäda. Toenanoe na Marämba I Saul ndena poelinja pa pabeli ja I Daud la oema ama na. Batoenakanoe hina danda nja kapala horodadoe parai na I Saul, bana paha ja ka na ana na.

26. I Daud bana palai la marada.

Toenanoe mboendäba da da tau dangoe da wotoenja I Daud, bana pameti doe ja ka I Nggoliat. Toenanoe da tau Israël bada beli ha ka pajauwoeloe ha da tau Pilistin, täka nde pira be da da kawini da maloehoe bada hamboeroe ha da tau da maweli papabera, da woenda loedoe, da tondoeng ana mongoe, laloe remi ha. Da tau kawini noeda bada loedoe, wäda: I Saul, bana pameti harata ä, I Daud bana pameti na wängoe hapakoe.

Batoenakanoe na marämba bana rongoe ja ka uoena, hiwäna la

eti na: djäka toena i kanoe, djäka mandai-ndai haromoe na katanja ka I Daud na pareäta wängoe.

Pakiri na lodoe noena njoena I Saul na käli panau ja I Daud, koe himboe woeloe aka, kakoe pameti ja wäna bé ä, ba karaoe na nja na eti na.

Toenanoe na hau na lodoe I Saul, ba talänga mandapoe na la oema na, hi djè täka be na I Setan, na tama la eti na. Toenanoe I Daud talänga djoengga na la hangga na I Saul, hama toena bana käli djoengga hau lodoe hau lodoe; täka njoena I Saul ba laloe karaoe ma ja na eti na, hina paliroe nja nimboe, hakoedoe ki ka läti hi ndena ngäna ja I Daud. Toenanoe I Daud hina lindjoeng, täka na nimboe hina ngäna la dinding paräpängoe ma.

Toenanoe I Daud lakoe beli na nja ka la oema na bana palai. Täka na Marämba hina paleäwa tau, nde pira be ha da tau da papaleäwa na: lo kai pameti ja I Daud, wänandja. Batoenakanoe na papaha na I Daud, na pingoe ma i doena woeloe aka; toenanoe hina paloehoe ni ja la kahoenga dinding, palai na nja ka I Daud. Toenanoe I Daud hina palai ja la köätäk Rama, la pangea na I Samoeël. Batoenakanoe njoena I Saul bana jauwoeloe ja lai noe lai nähoe, täka I Daud hina palai ja la tana Nggilja, kakoe poeloe dänja na arijä nggoe I Jonatan, wäna. Njoena I Jonatan ba laloe mbocha na nja I Daud, toenanoe hina kamang, koe pahämoe ha, wäna be läti, dängoe i ama dängoe I Daud, wäna. Täka na Marämba ndena bihoe parongoe ja na ana na, bana paloehoe nja na panī wängoe: I Daud loepang ma bädi na meti, wäna ma, ba laloe karaoe ma ja na eti na. Toenanoe I Jonatan bana panī la eti na, na hämoe ki läti kana palai njoena I Daud, kana manggang wiki na la Marämba, wäna.

Toenanoe I Daud bana palai-lai, täka na nja ka la köätäk Nob, na pangea na na ratoe Anggimelek. Toenanoe njoena I Anggimelek hina wönja I Daud pangangoe; täka hina piti nja ja na hapanda na I Nggoliat, ba lai noe ja na pahämoe ni ja.

Toenanoe I Saul bana rongoe ja I Anggimelek bana ndoela ja I Daud, hiwäna: noe I Anggimelek hau eti päkoe ha dängoe I Daud,

bada patarang lai njoengga Batoenakanoe njoena I Saul hina paleàwa tau: lo pameti ja I Anggimelek dāngoe da angoe na, waloe kamboeloe malima ha da ratoe, wānandja. Tāka na Maramba hiwāna: mboeloendāba na na ihi na na koātāk Nob, na tau, banda maloeri pameti hāla ha, pamboeta ha, wāna. Batoenakanoe da tau papaleàwa na I Saul hida pameti hāla ha da ratoe, didi jang haātoe na na tau na mapalai, ana na I Anggimelek ja, na ngara na I Abjatar ja. Toenanoe njoena I Abjatar hina lakoe papahangerangoe ningoe la I Daud; tāka la malamiri na I Daud hina dandanja ratoe bokoel. Toenanoe njoena I Daud hina palai ja la tandoelang la tana Jahoeda, la leāngoe ja nāhoe bana kawining ningoe.

Toenanoe mandai-ndai na ngeri da-dangoe ka da tau bada pa'oeli lai noe bada kikoena I Daud; nomoe ngahoe ha mboeloendāba da da tau noeda: kāha ma da nja da tau mbeni djoea. Batoenakanoe dangoe mboe da makaweāda, da kawini, da anakeāda, da kalembi na njoena, māla bada mangādātoe nja na Marāmba Saul, ba karaoe na nja eti I Daud. Djēpa ba toe ā na noe I Daud ba palai na nja ka, tāka I Jonatan ndjāpa ma na pa'arijāngoe da angoe da I Daud, ndeda papoeling. Tāka njoena I Daud ndena pandjiloeng na eti na la Marāmba, ndena bihoe pahama hiloe ja la pakaborangoe wāngoe; ndena marōamba nja I Saul ba Marāmba ja, ba ama jera ja, tāka I Jonatan ba arijā ja.

Toenanoe bana ndjāpoe ka, bada hāla ha ka papameti da ratoe la koātāk Nob, toenanoe njoena I Saul, hadang na nja ka, na kareāndja da tau tiloe rata ha, mboeloendāba da noeda da tau, kāha pākoe mini papindi ha: kata lo pajāpa ja I Daud la tandoela Jahoeda, wāna na Marāmba. Toenanoe na hau na lodoe I Saul hina tama ja la leāngoe hau, hina mahoeroe ningoe lai noe. Tāka I Daud dāngoe da angoe na mboendāba da, lai noe mboe ha doeda da kawining ningoe, bana mandjoloeng na leāngoe noena. Toenanoe hiwāda da angoe na: tāngāroe ja na papa moe, I Ala na wō be nggāmoe nja la lima moe njoemoe. Tāka hina heāma I Daud: pamarau ka I Ala njoengga, ndakoe toroe mbeni patoenja lima nggoe na Marāmba jeāna, palili wāna.

Toenanoe I Daud hina ngeri meli nja na pangea pamahoeroe na na Marāmba, hina kadipoe hakoedoe hoepoe hinggi na. Toenanoe I Saul bana lochoe ka weling lai noe, tāka njoena I Daud hina loehoe ja i doena. Toenanoe hina pa'aunja la kadjéa na I Saul, hiwāna: ha miri nggoe, ha Marāmba, malānga tāka ja na lodoe nāhoe, wō ma na ngga ka lāti la lima nggoe njoengga I Ala; tāka njoengga doekoe ai ā nggoe nggau toe malangoe, ai ā nggoe nggau nde hawaloe; tāngāroe na hoepoe hinggi moe njoemoe, ninja jéa la lima nggoe njoengga, kau tāngāroe ja. Batoenakanoe njoena I Saul bana rongoe ja ka na papanī na I Daud, batoenanoe hī na nja ka I Saul, hiwāna: ha ana nggoe, pi doe nggoe nggau ka bau panamoeng; njoengga jéa, tau mandjala ma doe ka doekoe njoengga. Toenanoe njoena I Saul beli ngāndi na nja ka pamakéa wāngoe.

Toenanoe ndedi nggi mandai na, hili hadang na nja na Marāmba Saul, lo pajāpa ja I Daud, wāna. Toenanoe na hau na roedoeng, njoena I Daud dāngoe na angoe na haātoe, na mangarang I Abisāi, hida tama kangoendoehoe la pangéa na na Marāmba. Batoenakanoe na Marāmba mahoeroe be na nja ka, tāka da tau da madai ja na Marāmba da mahoeroe winggiroe nja. Toenanoe I Daud hina piti ja na nimboe na na Marāmba, dāngoe na kadihi pa'oenoe wāna wai, hina palai ngāndi ha.

Toenanoe ba hadang ka la mbaroe I Daud hina ndoālāk la hoepoe palendi hau, hina pa'aung: ha Abner ha Abner! Noena djè doe ja na tau na mabokoeloe la karaha na na Marāmba. Toenanoe hina hadang njoena I Abner hina karai: ngga kāmoe nāhoe mapa'aung. Toenanoe hiwāna I Daud: ka nde mini be kau heāna? nggamoe ja na mahama nggau la padoea da da tau Israēl? ka nggiki na hi ndau manggang pahāmoe nja na Marāmba, hina ngalang be papameti ja na miri moe tau! jeāda da nimboe na na Marāmba, dāngoe da kadihi la katikoe na, njoengga mapiti ha.

Tāka na Marāmba bana tanda ja ka bana pa'aung I Daud, hiwāna bana karai ja: ha ana nggoe, njoemoe be ā mapa'aung? Tāka hina heāma I Daud: njoengga jéa mapa'aung, ata moe! ka nggāra ja na kiring hioe jauwoeloe ka? nggāra na ndjala na na ata moe, hi mbāda

loehoe moe ka bau kareang tau madangoe? bau lo pajauwoeloe ja ja he'au na na manoe tata! Tăka hina heăma na Marămba: njoe-ngga jėa mandjala ka ka; beli kau wa, ba ana nggoe, ndea pa, ndakoe hili kaborang ă pa lai njoemoe.

Tăka I Daud, ba pi ma na nja ka na Marămba, ndena monoe ndokoe ă nja pa i. Toenanoe hiwăna I Daud: jeăda da nimboe dăngoe da kadilhi, paleăwa nămoe tau, kana piti ha. Pakiri na na lodoe noena ndeda hili pahamboeroe pa na Marămba dăngoe I Daud.

Batoenakanoe I Daud bana lakoe ka, hiwăna I Saul: ha ana nggoe lakoe pahămoe hămoeng wa!

Toenanoe I Daud lakoe na nja ka, bana karėang tau, hina lo'a la tana Pilistin; bana tăka ka lai noe, hina karai ja na Marămba: patoedji ngga pangea pandădikoe ningoe nggoe njoengga, wăna nja. Toenanoe na Marămba Pilistin hina wŏnja ja na kŏatăk Sikalak. Batoenakanoe I Daud na ndădikoe lai noe, na mandai na hau ndaung rihi na.

Tăka na Marămba Saul bana rongoe ja ka, I Daud ba mbăda palai na ka la tana Pilistin, hi păndjang na nja ka pajauwoeloe ja.

27. Na meti ka I Saul, njoena I Daud na mahiloe ja.

Toenanoe ba ndedi nggi mandai na I Daud bana ndădikoe la tana Pilistin, tăka mboeloendăba da da Marămba Pilistin hida hadang, parari dăndja da tau Israėl, wăda. Djė ja batoenakanoe I Daud, laloe handoe ka ja na eti na, na Marămba Pilistin bana peăka mboe nja I Daud, kikoeng mboe doemoe njoemoe, wăna nja. Toenanoe na Marămba Saul, bana ita ja ka na papa na ba laloe dangoe ja, na eti na laloe kandăďakoe ja. Batoenakanoe ba handoe ka ja na eti na, njoena I Saul hina karai ja I Ala, wăna: nggiki ă nda ka jėa na papa nda bana tăka nda ka? Tăka I Ala ndena heăma ndokoe ja i.

Toenanoe da papa na, da ndăkoe ma da, loepa da toăma la palendi Nggilboa, lai noe hida parari ningoe. Tăka da tau Israėl da

käkoe ka, da palai ka mboeloendäba da, laloe dangoe ha da tau da mameti la pinoe palendi noena. Toenanoe I Jonatan, na arijá na I Daud, na meti mboe; tåka da eri na da madoea da meti mboe. Tåka njoena I Saul na ngåna mboe ja pana, na madåkang ma bana manoea. Toenanoe I Saul hiwåna nja na angoe na: piti ja na hapanda nggoe jeåna, kau tåtåroe wångga ja, kakoe meti; ka amboe na toåma ngga tau Pilistin; napa djåka da pameti ka ka, da poeloe wa å ngga. Tåka na angoe na ndena toroe mbeni papameti ja na Maråmba. Toenanoe njoena I Saul hina hoendjoe wiki na; meti na nja ka i. Toenanoe na angoe na bana ita ja na Maråmba bana meti, hina piti ja na hapanda na, hina patoåmba nja, hina ndjoroe, meti na nja i la lihi na Maråmba.

Toenanoe ba tiloe mboea lodoe na ka na malåpåhoe, toenanoe hi ninja baåtoe na na tau, na malo'a la I Daud la kåatåk Sikalak, na ngåndi ja na poeloeng, djåka nggi nggiki na meti na I Saul, bada palai da tau Israål, djåka pira pira ja na tau na mameti; tåka na ana na na Maråmba, I Jonatan, na meti mboe, wåna; toe å na noe na pangåndi na na poeloeng. Batoenakanoe laloe handoeaka ja na eti na I Daud, tåka hiwåna: I Saul dångoe I Jonatan bada loeri pa, bada panamoeng dångga angoe da, djåpa ba toe å na njoeda ndeda pakawåring mboe bada meti ka; ba kiri na noena, ba aja nggoe Jonatan, ba meti moe ja ka, handoeaka na nja ka doekoe na eti nggoe; njoengga bakoe mboehanggåmoe njoemoe, koe rihi pa pamboehanggau la tau mboeloendåba na; bau mboehangga njoengga, oerihhi pa njoemoe la kawini, na mamboehangga.

Toenanoe bana ndjåpoe ka noena, tåka I Daud beli na nja ka la paraing na, bana kareåndja da tau mboendåba da. Toenanoe bana tåka ka la paraing Hebron hida mai da tau Jahoeda, kata pamaråmba ja I Daud, wåda, kana pareåta ta njoeta.

Toenanoe hi ninja i na ana na I Saul, na ngara na I Isboset ja; toenanoe hida danda nja tau hida pamaråmba ja njoena; batoenakanoe madoea ha ka da Maråmba, da mapareåta ha da tau Israål.

Toenanoe ba nomoe mboea ndaung na ka na malåpåhoe, toenanoe da ata wiki na hida pameti ja na Maråmba Isboset; batoenakanoe

pamehang na nja ka I Daud bana pareàta ha da tau Israël mboe-loendäba da.

Toenanoe bana ndjöpoe ka noena, tåka I Daud hina badang, hina parari dändja da tau Jeboesi, ka njänggäroe ja na paraing Jeroesalem dängoe na köatåk Sion, wäna. Toenanoe bada wähi ja ka, hida toera ja parai da na paraingoe noena; tåka njoena I Daud hina woeloe ja na oema na lai noe, hina ndädikoe lai noe bana pareàta. Na paraing Jeroesalem noena, djè ja ka na paraing na mabokoel la tana Israël.

Toenanoe njoena I Daud hina paleli nja na päti na papandjandjingoe wängoe, hina ngändi ja la paraing Jeroesalem. Toenanoe na lodoe na noena, na Marämba laloe hämoe be ä ka na eti na, tåka mboeloendäba da da tau da loedoe, nde oekoe remi ma ha. Batoenakanoe na Marämba hina panamoe ndja ja da tau Israël bana woenda ja na papareàta na I Moesa ämäng, kana panggänäp beli la oema ngea pahamajang, ba mandai na nja ka njoeda ndeda namoe ndokoe mboe ja pa na parèata na I Ala.

Toenanoe na Marämba Daud handäka ndäka na pararing; batoe nakanoe da dangoe ma ka da paraing da pabera na; lerang na nja ka na ngea papareàta na nähoe; bana tängäroe ja, na ngea papareàta na weling la tehik bokoel, loepa na toäma na lokoe Euprat; njoena I Daud, djäka nggini nggini ja nähoe bana lakoe, I Ala na ndoetoe karèa ma nja. Njoena I Daud bana pareàta ha da tau Israël, na patändjing, laloe hämoe eti ja bana pareàta.

Batoenakanoe I Daud bana pakaka ja nähoe na eti na, bana länjöp häla ka na tana, bana hämoe mboe ka, ndaningoe pa pambimbitoe na; tåka hiwäna nja na nabi Natan parai na I Daud: kanandi nja, njoengga jéa koe mandapoe la oema na mamana-ndang, na mande'oekoe paki ja; tåka I Ala hi la oema tera be ja na mandapoe ningoe; ndena nggepi wa i nja bakoe pakaka nja.

Tåka hina heäma na nabi Natan: na hämoe doe läti noe, oemboe, kau padeninja na pakanandi eti moe njoemoe noena. Batoenakanoe na roedoeng noena I Ala hina panī dänja na nabi

Natan, wāna: kau peāka nja na Marāmba Daud: ndau ngalang pawoeloe ja na oema nggoe, njoemoe ba tau na kāli pabera kau, djè ja hiwānggoe, da dangoe ka da wai ria tau da mamboengoe roekoe moe njoemoe, djè ja mātang, hiwānggoe nggau. Njoengga napa kakoe pamāndoe nja ka na oema moe njoemoe. Napa na ana moe njoemoe kana pahadangga ka hau oema ngea pahamajangoe. Njoengga kana ama ngga ka njoengga, tāka njoena kakoe ana ja i njoena. Na oema moe dāngoe na pareāta moe, koe hondoe oendoenja, koe kandoetoe koe māndoenja.

Toenanoe na Marāmba Daud bana rongoe ja ka na panī na I Ala, tāka hina ndoālāk la hangga na I Ala, hiwāna: nggāra ja ka, nggamoe ā ja ka na ata moe jēa dāngoe na ihi oema na jēa, bau rada ngga, bau ndāhi ka, bau kareāngga loepa na toāma na lodoe nāhoe. Batoenakanoe, māla wa njoena kau padeninja, djāka nggāra na papanī moe, na ngara moe kana bokoel ka nggi nggini ja toāma ningoe.

28. Na ndjala na I Daud.

Toenanoe ba ndedi nggi mandai na I Daud hina paleāwa ja haātoe na na tau, na mangarang I Jo'ab kana kareāndja da tau horodadoe: kau lo'a pabera ha da tau Amon, wānanja bana paleāwa ja, kau winggiroenja na paraing Raba, ba djeā ja na paraing bokoel la tana Amon.

Tāka na Marāmba hi la Jeroesalem ja na ngea ningoe. Toenanoe na hau na lodoe na Marāmba, talānga mbawa na noedita la pinoe oema na; hina ita ja haātoe na na kāwini, ihoe be na nja, papaha na I Oeria ja; na tau angoe na na lo'a mboe pabera na paraing Raba. Na kawini noena laloe manandangoe ja, I Batséba ja na ngara na. Toenanoe na Marāmba bana ita ja ka na kawini noena, laloe mangābang na nja ka. Toenanoe hina pangāndi hoerātoe la I Jo'ab; wāna na hoerātoe: djāka na mbana bau kaka ja, toe ja wa la mangiloe I Oeria kana meti

Toenanoe I Jo'ab bana kikoe nja ka na pareāta na na Marāmba,

ndedi nggi mandai na, meti na nja ka I Oeria. Toenanoe I Oeria ba mbāda meti na ka. tāka I Jo'ab hina pangāndinja hoerātoe na Marāmba, na meti ka I Oeria, wāna. Toenanoe ndedi nggi mandai na na lodoe, hiwāna na Marāmba: lo'a papiti ja I Batséba, kareānja la oema nggoe lai jehoe. Tāka hina paha ja na kawini noena. Na pawoenda na I Daud noena, mandjala bokoeloe ja la hangga na I Ala.

Batoenakanoe I Ala hina paleāwa ja na nabi Natan, hina lo'a la Marāmba Daud, hiwāna: ninja na paraing hau na, la paraingoe noena, da doea da tau mini; na haātoe na woeloe, na haātoe na mila. Na tau mawoeloe noena, laloe dangoe ha da karambo'a na, da ndjara na, da kamāmbi na. Tāka na tau mamila noena nda-ningoe na, didi ma ki jang ba he'au na na ana kamāmbi na; njocna laloe mboeha ma nja na ana kamāmbi noena, ba didi ma ki jang. Na ana kamāmbi noena, bana ngangoe na ngangoe la tāba lima na, bana oenoeng, na oenoeng la kaba wai pa'oenoe wāna, na mahoeroe la baba na; na ana kamāmbi noena, hama toena na ana wiki ma na. Toenanoe na hau na lodoe hina tāka nja arijá na na tau na mawoeloe noena. Tāka na tau mawoeloe noena hina namoe ha da pawoeloe wiki na, hina piti ni ja na ana kamāmbi na na tau mamila, hina rori ja hina wōnja ja na arijá na na matāka nja kawai.

Toenanoe i nabi Natan bana hāla ka papanī, hiwāna nja na Marāmba: māla noe na patoe noena bau kaka ja la eti wiki moe, na tādji? Tāka hina heāma na Marāmba bana wāngoe karaoe eti na: na tau na mawoeloe noena, pameti ja bādi, hina hāmoe na eti nggoe.

Toenanoe hiwāna I Natan: ha Marāmba, njoemoe nā, toe doe moe i doemoe, bau woenda ja na mandjala; māla kau rongoe ja la ngaroe na I Ala: njoengga ma pamarāmba kau, njoengga koe hāla papahāla kau la lima na I Saul; ka nggiki na hi toemoenoe, hi piti kanoāma moe nja i Batséba!

Batoenakamoe I Ala hiwāna: napa kakoe patāka nggau nja na handocka bokoel la oema moe njoemoe.

Toenanoe na Marāmba bana rongoe ja ka na papanī na I Ala, noe pāda na nja ka nāhoe na ndjala na, bana pakakanja. Toenanoe hina pēaka ba da ndjala na, na ringoe langoe la eti na, hiwāna: Ala, namoe ja na ata moe, ba toe i nggoe ka bakoe woenda ja na mandjala: njoengga handjāliroe nggoe nja ka la hangga moe, kau moeloeroe ki nja na ata moe, kau māta ndja da ndjala nggoe njoengga; amboe namoe ni ki ha pa; njoemoe laloe lerangoe ja na eti moe bau panamoeng; kau pajaba pahā-hāmoe ndja wa da ndjala na na ata moe; djeà la Njoemoe bakoe pi ma nja i doekoe na ndjala nggoe; tāka da ndjala nggoe hānī djoea ma da la hangga nggoe; la I Ala wiki ma bakoe ndjala! Batoenanoe Ala, wōngga wa eti tādji, eti jahang, bidi eti, kakoe oendoeng la ngarāngia na mahāmoe.

Tāka hiwāna na nabi Natan: nā I Ala na djāma ndja ka da ndjala moe, ka amboe meti na Marāmba; djēpa ba toe ā na noe, na na ndjala na Marāmba na kadjāri ka na ngara na I Ala; ba toe ā na noe na ana na I Batsēba, djāka na dedi ka haromoe, na meti.

Toenanoe bana ndjāpoe ka bana panī, njoena I Natan beli na nja ka la oema na.

Toenanoe bana lāpāhoe ka noena, bana dedi ka na ana na Marāmba, hidoe bokoel na nja ka. Batoenakanoe nā Marāmba bana handoecka dānja na ana na, pihoe mboea lodoe na, pihoe mboea roedoe na bana tanggiloeng la tana, bana rotoe wiki na, bana loemoenja na ana na, na hī bana hamajang; kana loeri ki na ana nggoe, wāna be ā.

Toenanoe bana meti ka na ana na, tāka na Marāmba hina hadang hina ihoe ja, loendoeng na nja ka na handoecka na; tāka hina tama ja la oema na I Ala, hiwāna bana wotoenja I Ala: ha ndewa nggoe, wotoenja na ngara na I Ala; djāka nggāra na maninja la oenoe eti nggoe, wotoenja I Ala; ha ndewa nggoe, djāmāng amboe maroāmbanja I Ala bana moeloeroe eti na; njoena na madjāmandja da ndjala moe, na mapalānga ndja da pahidoe moe, na mapamandanja na eti moe, djāka na handoecka; bana

moeloeroe nggau eti, bana namoe kau njoemoe. Na tau mboe-ndäba na bana loeri hama toena na roemba be ä; hama toeda da wäla ai la maräda, na ngiloe djäka na roroe ja ka, na mboelang na pangea na, nde papinja djäka nggi ja la pira na. Weling handäka-ndäka na, loepa na toäma nggini nggini ja, I Ala na moeloeroe nja eti mbocloendäba na na tau na mamangädätoe nja Njoena; na namoe ha da ana na, da oemboekoe na na tau, na mandemaroömbang na pandjandjingoe na Njoena, na makikoenja na parëata na Njoena.

Toenanoe bana läpähoe ka noena, I Batséba, hina hili pa'ananja haätöe na na anakeäda mini; hida pangara nja I Salomon. Täka I Ala hina namoe ja na anakeäda noena. Toenanoe hina paleäwa ja I Natan, pahiloe nja na ngara na, wäna, pangaranja Jedidoe, djeä ja: pamboeha ma na nja I Ala.

29. I Absalom.

Toenanoe mboeloendäba da da tau Israël, ndaningöe hama manandangöe na I Absalom, ana na I Daud; na manandangöe ja weli ditang la katiköe na, loepa na töama la täba la wihi na; laloe paräka mini ja länga täka. Da tau pakareä na, lima kamboeloe ha, laloe manandangöe ha da kalembi da, da hinggi da, da tera da, bada lakoe la mangiloe.

Njoena I Absalom na hadang ka la mbaroe hina ndöaläkoe la karaha ngarängia, la kambata paraing. Toenanoe djäka ningöe ka tau, na malo'a la Marämba, kakoe lo'a papa'ili ja na poeloengöe, djäka wäna ka, täka njoena I Absalom hina pa'aunja na tau noena, hina pa'aranja: nggi weli ni möe? nggini ja na paraing möe? nggiki na na poeloeng möe? Toenanoe na tau noena hina pa'ili ja na poeloeng na; täka njoena I Absalom hiwäna: malänga-täka ja ka i njoena na poeloeng möe, matändji ja bau pa'ili ja; djäkau lo'a la Marämba, ndena bihoe ä parongöe kau, ndena höata ä ja na poeloeng möe. Mäla läti, djäka njoengga läti mapa-

reàta la paraing jehoe, kakoe ndoelang lăti doekoe, kakoe patăndji ha da poeloeng mi lăti.

Tăka djăka ningoe ka tau makaroedock la I Absalom, njoena ndena bihoe, na jăpa be ja na lima na, hina pandŏalăkoe ja, hina poedoekoe ja. Batoenakanoe na hoeri na I Absalom, piti na nja ka na eti tau dangoe.

Toenanoe bana mandai ka năhoe, na hau na lodoe hina kanoăma njoena I Absalom hina lakoe la paraing Hebron; da tau karèa na doea ngahoe ha da padoenda na. Ba ndedi na kanoăma pa, na paleăwa ma ka tau, lo'a patandang hau paraing hau paraingoe tau Israël, kai pamanda-mandandja da tau dangoe, wăna. Napa haromoe doea modoeng mboendăba na na tau, djăka na rongoe ka da ana mongoe, kada heăma, ka wăda: I Absalom Marămba ja ka i, ka kăhang pawăda be ă.

Toenanoe I Absalom bana wăhi ja ka na pareàta ama na, da tau da makikoenja njoena da boăndja-boăndja be ă angoe da. Tăka I Daud bana rongoe ja ka, hiwăna ba handoecka na nja ka na eti na: djăka toema na ka noe, na hămoe ki pa lăti, kata palai ndăba, ka amboe na jăpa ta njoeta; la paraing lai jehoe nde nggiki manggang nda wiki nda.

Toenanoe na Marămba Daud hina wăroenja na paraing Jeroesalem, hina pala ja na lokoe Kidron.

Batoenakanoe bana lakoe na Marămba, halăpa da da wihi na ndaningoe be pa, panoewăngoe hī na, mboendăba da da tau da kareà na, da hī ndăba bada lakoe. Malănga tăka ja na lodoe noena I Daud na pădanja handoecka bokoel. Toenanoe ba laloe handoecka ja na eti na na Marămba, tăka na nja ka haătoe na na tau, na mangarang I Simeī, hina tŏalanja na Marămba, hina toekoe wănja watoe. Tăka hi ninja haătoe na na tau la lihi na na Marămba, I Abisai ja na ngara na; njoena bana rongoe ja ka, laloe karaoe ja ka na eti na, na tiki pakadipoe ja ka ă mang na katikoe na I Simeī. Tăka na Marămba hina pabeătang: mătang wănanja ka, măta nja ka kadoena, poeloeng na I Ala ma ja kadoena lai njoena.

Toenanoe bana ndjăpoe ka, tăka nja ka na Marămba la kŏatăk

Mahanaïm. Tăka njoena I Absalom, mbăda tăma na ka la paraing Jeroesalem, hina ngea nja la oema na na Marămba.

Toenanoe ndedi nggi mandai na, hina hili pa'oehinja tau, lo pahimboe ja na Marămba, na ama nggoe, kata hoenggoe ja, wăna. Tăka njoena I Daud hina pawandaloe ndja da tau na, ka parari dăndja da tau na I Absalom, wăna. Tăka njoena ndena kikoeng ă palo'a papararing; didi jang ba wănandja da tau na: kai namoe ja i doena I Absalom, ba bidi mini ă ja pa, ambi pameti doe ja!

Batoenakanoe da tau na na Marămba hida pahăndjăloe dăndja da tau na I Absalom, la oămang Epraim; mambana ja bada pahăndjăloeng. Toenanoe da kăkoe ka da tau na I Absalom, hida palai hau iha hau iha da. Njoena I Absalom na palai mboe, bada palai kareăndja da tau na; na kaliti ja na ndjara pakaliti na. Toenanoe bana hamboeroe ha da tau na na Marămba parai na I Absalom, toenanoe na ndjara na pakaliti na hina tama ja la woekoe roemba, la loemboe ai bokoel. Batoenakanoe hina nggăpi ja ai na katikoe na, hina tiwăloeng be ka wiki na la ai, tăka na ndjara na hina palai la loemboe na.

Toenanoe hi ninja haătoe na na tau pinang, bana ita ja ka I Absalom, bana tiwăloeng be ka wiki na la ai, toenanoe hina palai, lo'a papeăka nja I Jo'ab, wăna. Tăka njoena I Jo'ab hiwăna: ka nggiki djăkau ita doe ja, hi ndau pameti ja i, koe wănggau woenda moe lăti! Toenanoe hina heăma na tau noena: djêpa ndau wăngga harata ri malokoe, ndakoe ngalang patoroe mbeni, patoe wănja lima nggoe la ana Marămba; bakoe rongoe wiki nggoe njoengga na Marămba, bawăna nja na tau dangoe. Tăka njoena I Jo'ab hina heăma: njoengga ndakoe bihoe papani dănggau lai jehoe! Toenanoe hina piti ha, tiloe mboengoe da da nimboe, hi lakoe na nja ka. Toenanoe bana tăka ka la ngea pakandiwăloe na I Absalom, hina koădja ja, na ngăna ja na eti na.

Toenanoe I Daud bana rongoe ja ka, meti na nja ka na ana moe bawăna, laloe handoecka ja na eti na, hī na nja ka dira matiki; hiwăna bana hī: hē ha ai, ha ana nggoe Absalom, na hămoe ki pa lăti, djăka koe meti hiloe kau njoemoe, hē ha ai, ha ana nggoe!

Toenanoe ndedi nggi mandai na, lakoe beli na nja ka na Marāmba la paraing Jerusalem, la pangea meāma na. Da makarai ja ka na Marāmba, kau beli kau la paraing ba wādanja, da hamboeroe ja na Marāmba la padoea ngarāngia, kata kareānja ba wāda. Batoenakanoe da tau Israēl hawiang, karaoe be da nja ka da eti da.

30. Na meti ka I Daud.

Toenanoe djēpa ba toe ā na I Absalom ba mbāda meti na ka, ndedi na lānjāp ndāba na tana Israēl. Toenanoe hi ninja haātoe na na tau, na ngara na I Seba ja, djeā ja na makaborang, na pakanjawoer njawoeroe ha da tau la hau paraing hau paraing. Hiwāna njoena I Seba: njoeta kanggiki na hita tangara ningoe la I Daud! hau bandjar hau bandjar kana toe ka i doena Marāmba wiki na! Batoenakanoe ba laloe dangoe ina ja ka na tau, na makikoe nja I Seba, toenanoe njoena I Jo'ab hina hadang, koe pameti ja njoena I Seba, wāna. Toenanoe hina pameti ja la oema na ba mehang na nja ka. Tāka da tau na hida palai; beli da nja ka la pangea da haātoe haātoe.

Toenanoe na Marāmba Daud hiwāna: napa na ana nggoe I Salomon, haromoe kana Marāmba hiloe ka njoengga, wāna la hangga tau dangoe; bakoe kaboeboeloe ja njoena I Salomon, kana Marāmba tai la malamiri na, wāna.

Toenanoe ba ndedi da dandanja na Marāmba Salomon, na tana Kanaān na ngāna ja handoeke bokoeloe.

Toenanoe na pakiri na. Na hau na lodoe njoena na Marāmba Daud hina palo'a nja poeloeng la I Jo'ab, kana lo'a padiha ha da tau, djāka pira da la tana Kanaān. Tāka njoena I Jo'ab hina heāma hiwāna: batoenanoe bakoe pakakanja ndena hāmoe, djāka ta lo'a padiha tau. Tāka hiwāna na Marāmba: lakoe wa njoena, amboe patarang. Toenanoe lakoe na nja ka njoena I Jo'ab. Batoenakanoe na mandai na bana lakoe li hau paraing hau paraing, hiwa mboea woela rihi na; ndaningoe pahili na. Toenanoe I Jo'ab bana hāla

ka padiha ha da tau, hina peàkanja na Marämba, pira pira da da tau; da tau Israël 800,000 ha, tăka da tau Jehoeda 500,000 ha, mboendäba da da tama ndäba palo'a papabera, tau ätälöe djoea ha.

Toenanoe na eti na na Marämba, na kadändäkoe bana pakakanja năhoe, ndena hämoe ihoe bakoe diha ha da tau. Tăka hiwăna bana hamajanja I Ala: ndjala ma nggoe nja ka bakoe diha ha da tau; djăma ki ndja da ndjala nggoe, eti moe-panamoe ka!

Toenanoe I Ala hina paleäwa ja na nabi Nggad: lo'a kau peàkanja na Marämba: njoena I Ala karaoe ma nja na eti na, bau diha ha da tau; tiloe ngea da da poeloeng da pangăndi na I Ala: măla kau pindi ja na hangéa: măla noe, oe mboehang parimbang katiloe mboea ndaung? djăka ndéa i pa noe, kana jauwoeloe kau papa moe tiloe mboea woelang mandai na; djăka ndéa i pa noe, na tăka nggau pahidoe wăngoe katiloe mboea lodoe la parai moe; nggăra na papindi moe?

Tăka hina heăma na Marämba bana katakoe ja na li na na nabi: ba toenanoe kadoena, hämoe ki pa, djăka na pahandoeka ta I Ala; noe ki njoena, amboe na lima nda tau.

Toenanoe njoena I Ala hina papoeroenja na pahidoe wăngoe, na malaloe hanggări na, hida meti laloe dangoe ha da tau, 700,000 ha. Toenanoe na Malaikat na mangăndi na pahidoe wăngoe noena, hina padjoălanja na lima na la paraing Jeroesalem, tăka hiwăna I Ala: djêka kă kadiroe.

Toenanoe na Marämba Daud na ita ja na Malaikat la kiri awang, bana ndădikoe la lihi wăaka bokoel; na wăaka noena, wăaka na I Aroena ja. Toenanoe na Marämba hina kē ja na wăaka noena la I Aroena, tăka hina toe ha da watoe da papatindjang, hina hamajangoe ningoe lai noe.

Na lodoe noena njoena I Ala hina pajilanja na pahidoe wăngoe noena, ndena tama ä pa la paraing Jeroesalem.

Toenanoe na Marämba bana kaka ja năhoe, marenı meti ä ma nggoe nja ka, bawăna, tăka hina pa'ochindja mboendäba da da kapala. Toenanoe hida mai patadaloe ja na Marämba la Jeroesalem. Na lodoe noena na Marämba hina poelinja na parcăta na njoena

la I Salomon, hiwānanja: amboe maroāmbanja, amboe mboelanja, kau pawoeloe oema hau, oema na I Ala, oema ngea pahamajangoe.

Toenanoe hina wōnja ha da banda na, ngara doeka da da manindja la oema na; mboeloendāba da noeda da banda kau woeloe wāndja oema na I Ala, wāna doeka.

Tāka hiwāna na Marāmba: batoenakanoe doena lakoe nggoe nja ka la paraing ndāba nda, njoemoe pamāndoenja na eti moe, hama toena na mini dedi kau, kau katoendoenja na ngarāngia na I Ala, kau namoe ha da pareāta na, tāka njoena I Ala na lakoe kareānggau, ndena māta meha nggau!

Toenanoe ndedi nggi mandai na, meti na nja ka na Marāmba; hida taninja la parai na I Daud: na mandai na bana pareāta ha da tau Jehoedi, patoekamboeloe mboea ndaung ha.

31. Maramba Salomon.

Toenanoe bana meti ka na Marāmba Daud, tāka njoena I Salomon, hina hiloe ja na ama na, hi pareāta na nja ka mboendāba na na tana Israēl.

Toenanoe na Marāmba Salomon katoendoe nja na ngarāngia na I Ala, mboendāba na na pareāta na, na kikoe ndāba nja, hama toena na ama na.

Toenanoe na hau na lodoe njoena I Ala na mai patoe nja manggadipang, hiwāna: djāka nggāra na pakarai moe, njoengga koe wōnggau. Tāka hina heāma njoena I Salomon: Toehan! njoemoe ma doe na mapamarāmba ka njoengga, na ata moe jeāna bidi mini pandokoeng, ndedi bakoe māka papareāta ha da tau Israēl, ba laloe dangoe ha; batoenanoe wōngga eti nggoe mapingoe pakana-nding, kakoe pingoe patāngāroe ja na poeloeng na mabokoel, na ma-koedoe, kakoe pingoe pakawāri ja na makalōangga, na mandekalōangga.

Toenanoe I Ala na wōnja ja ka i njoena hama toena njoena bana karai na Marāmba; tāka hiwāna I Ala: batoenanoe bau karai be ja noena noe, ba ndau karai ka pa, na dangoe na ndaunggoe, nde wāmoe; pawoeloe wāngoe, nde wāmoe; pameti ja na papa

nggoe, nde wămoe; batoenanoe ka doena, koe wōnggau eti nggāhoe, didi meha kau njoemoe manggāhoe, weli handāka na ndedi ningoe hama moe, tāka la malamiri ndaningoe hili hama moe. Na pandekarai moe, koe wō mboe nggau: pawoeloe wāngoe, bokoeloe katikoe poengoe, mbālāroe kambiha, didi kau njoemoe ndaningoe hama moe pa bokoeloe moe, hau tana hau tana, wānggoe noe. Djākau katoendoe ma nja na ngarāngia na na ama moe, koe wōnggau ndaung malai.

Toenanae ndedi nggi mandai na na Marāmba Salomon, hina palēawa tau la Marāmba Hiram: loa pakarai ja kana ndoela ta la ai hangia hangia, ta woeloe wānja oema ngea pahamajangoe, wāna. Batoenakanoe bana patōama nja ka noena na poeloeng, na tau papalēawa na na Marāmba Salomon, tāka njoena na Marāmba Hiram bana rongoe ja ka, na kaka ja la eti na, na nggepi. Toenanoe da tau mapingoeh papandoi ai, na Marāmba Salomon dāngoe na Marāmba Hiram da pahama ndja la papoenggoe ai; da dangoe da ai da papoenggoe da.

Toenanoe bana lāpāhoe ka ba pihoe mboea ndaung da, hida pahadanja na oema ngea pahamajangoe, la palendi Moria. Toenanoe bada hāla ka pahadanja tāka na Marāmba Salomon hina pa'oehi ndāba ndja da tau Israēl mboendāba da. Na lodoe noena da ratoe hida ngāndi ja na pāti papandjandjingoe hida toe ja la oema ngea pahamajang. Toenanoe bada hāla ka papatama nja na pāti noena, tāka hida loehoe ha da ratoe weli daloeng la koeroeng bokoel, tāka hi poeroe na nja I Ala karèang karoemang, hina pinoe ja na oema ngea pahamajangoe noena. Toenanoe na Marāmba Salomon hina panī pahāmoe hāmoe ndja da tau Israēl mboendāba da da manindja lai noe, hiwāna bana woelākoe ha da lima na la awang bana hamajang: Toehan, Ala tau Israēl mboeloendāba da, na awang ndena ngalang pawinggiroe nggau njoemoe, nggāra ki ka na oema na pawoeloe nggoe jēana! Malānga tāka ja Toehan batoenanoe! Rongoe ja ka i doena na hamajangoe, māla noe, da mata moe njoemoe, kau panau ja ka oema jēana māngoe roe-doeng, māngoe lodoe; da tau Israēl, dāngoe da tau hawiang

mboe da mamai pahamajangoe lai jehoe, heàma ja ka i doena na li na.

Toenanoe bada hăla ka pahamajang, toe da nja ka kameti; da kameti wiki na na Marămba 20,000 ngioe da da hapi, 20,000 ngioe da da kamămbi. Na lodoe noena laloe remi ha, 14 mboea lodoe na mandai na bada remi dira matiki. Toenanoe bada hăla ka paremi lakoe da nja ka la oema, bada pakaka ndja da eti da, na nggepi ndăba.

Mboeloendăba da da Marămba hau tana hau tana, didi jang na Marămba Salomon na marihi woeloe na.

Toenanoe bana pareăta pa na Marămba Salomon na lănjăp ndăba, ndaningoe poeloeng maharoeka, la pabera ndăa; batoenakanoe haătoe haătoe mandapoe kandī la oema da, la kaheli da.

Toenanoe na hau na lodoe, nindja da doea da kawini da ngăndi poeloeng la hangga na na Marămba, hiwăda: tăngăroe ja, miri; njoengga dăngoe na kawini jeàna mandapoe la hau na oema; na ana na kawini jeàna na meti la roedoeng bana napoenja. Toenanoe ba mandalora ja hina piti ja na ana nggoe njoengga la karaha nggoe, tăka na ana na njoena na mameti hina băndjăloe ngga njoengga. Toenanoe bakoe pawăla ka la mbaroe kakoe pahoehoe ja na ana nggoe, wănggoe doekoe lăti, tăka hi nde djeà ja i na ana nggoe.

Tăka hiwăna na kawini na haătoe: nde toe ă na noe, ana rara jeàna na maloeri, ana ma nggoe nja doekoe; ana rara na mameti nina, ana ma na nja doena.

Tăka hiwăna na Marămba: piti nda kabeăla hapoengoe. Toenanoe hida ngăndi nja kabeăla na Marămba hida wŏnja, hiwăna na Marămba: kadipoe padoea ja na ana rara nina na maloeri, na hapapa kau wŏnja na kawini na haătoe, na hapapa na kawini jeàna, kai măra hapapa ja.

Tăka hiwăna na kawini na haătoe: toenanoe, djăka wămoe ma doe ka, miri, hămoe ki pa, măta nja ka doena la kawini nina, na ana rara amboe pameti doe ja. Tăka hiwăna na kawini na haătoe: batoenanoe, njoengga ba nde ana pa, hamangoe i doemoe njoemoe ba nde ana moe nja, măla kadipoe padoea ja.

Toenanoe hiwāna na Marāmba: toe doena bādi noe, nana na ana rara, wōnja ja la kawini haātoe noeloa na mandebihoe papameti ja, djeā ma doe ja nina na ina na.

Batoenanoe bana boāta ja noena na poeloeng na Marāmba, mboendāba da da tau da wotoenja na Marāmba Salomon, bana nggāhoe la paboāta poeloeng makaloētoe.

Toenanoe na Marāmba Salomon ba laloe nggāhoe ja, Marāmba hau tana hau tana bana rongoe ja, na mai ndāba la Jeroesalem papoeloe dānja, kada ita ja na bokoeloe katikoe poengoe na, na mbālāroe kambila na, dāngoe na woeloe na. Toenanoe na ngāndi nja banda hangia hangia, āmāhoe rara, āmāhoe bara, bana ngāndi nja nāmoe haātoe haātoe.

Toenanoe na Marāmba kawini Seba, na maweling la tana Arab, na mai mboe patadaloe ja, kakoe ita ja na Marāmba bokoel, wāna be ā. Toenanoe bana beli ka la oema na hiwāna: bakoe wāngoe parongoe ja la tau, ndedi pākoe bakoe monoenja, hīna ka bakoe ita wānggau mata, bakoe rongoe wānggau kabiloe, malānga tāka ja njoena, na tau na mapanī ngga; ndena panī ānga na, na panī hawoetoe ā ngga.

Toenanoe na Marāmba Salomon, bana pareāta ha da tau Israēl, 40 mboea ndaung na na mandai na.

32. I Rehabeam dangoe I Jerobeam.

Toenanoe bana meti ka na Marāmba Salomon, da tau Israēl hida pa'ochi la paraing Sikem, kata dandanja na Marāmba Rehabeam, wāda, kana hiloe ja na ama na, wāda. Toenanoe njoena I Rehabeam na lakoe mboe lai noe. Batoenakanoe bada pa'ochi ka, hiwāda njoeda la I Rehabeam: na ama moe āmang na toe nggāma pambotoe wāngoe: batoenakanoe nāhoe, pahalimoe ki nda, wāma noe, kau kanandi hili weli hili weli ja, wāma nggau na, mboendāba ma jēa, kau tau nggāma, wāma noe.

Toenanoe njoena I Rehabeam hina karai ha da ama bokoeloe da mamatoe'a, tāka hida heāma: madja ka toenanoe, palohanja

ka i doena, pakikoendja ka i doena bada karai i kau. Tāka na Marāmba ndena rongoe la tau mamatoea, na mboehang pa parongoe ha la tau bidi mini; hiwānanja la tau dangoe: i ama djāka na pambotoe nggāmi ngāndi mi, njoengga koe parihi nggāmi papambotoe nggāmi; i ama nggoe bana paloe kāmi, na wānggāmi iwi, njoengga koe wānggāmi tamihikoe.

Bana pakakanja na eti na na Marāmba, kada mangādātoe, wāna be ā. Tāka hiwāda da tau dangoe, djāka toema doena kanoe, nggāra toebe na, nggāra hi nggoema uja i pa na Marāmba jeāna; māla nda wa, ta lakoe la oema nda.

Toenanoe da tau Israēl hida dandanja haātoe na na kapala pabera, na ngara na I Jerobeam ja; didi hang da tau Jehoeda dāngoe da tau Benjamin da makikoenja na pareāta na I Rehabeam.

Toenanoe na Marāmba Rehabeam na pa'oehi nja na tau na, kakoe lo'a pabera ha da tau Israēl, kada rongoe ja na pareāta nggoe njoengga, wāna be ā. Toenanoe na lodoe noena I Ala hina paleāwa ja na nabi Semaja, kau lo'a la Marāmba Rehabeam, kau pa'ihhi nja na poeloeng weling lai Njoengga: djāmang amboe pabera dāngga angoe moe, ndena nggepi wānja, beli kāmi la oema mi haātoe haātoe, ba Njoengga ma doe mapabi wānja na poeloeng mboendāba na.

Batoenakanoe bana pātoe ha ka I Ala, beli da nja ka la oema da haātoe haātoe.

Pakiri na noena hi nindja la tana Kanaän doea bandjaroe ha na pareāta da. Na hangéa, na pareāta na tau Jehoeda; na mandapoe ja la paraing bokoel la Jeroesalem. Tāka na hangéa, na pareāta na tau Israēl, na paraing da, paraing Sikem ja na mandapoe ningoe; toenanoe ndedi nggi mandai na hida leling la paraing Samaria.

Toenanoe I Jerobeam ba Marāmba ja ka, hiwāna bana kanandi ja la eti na: da tau dangoe djāka da lo'a pahamajangoe la Jeroesalem, la oema ngea pahamajangoe, da beli ha i la Marāmba Rehabeam, Marāmba tau Jehoeda. Batoenakanoe hina pandoi ha da kahāla hapi āmāhoe rara, kada hamajangoe ningoe da tau dangoe jeāda, wāna doe. Toenanoe hina bāndjāloe ja na he'au la kōatāk Dan; na

pa'oehi ndäba nja na hoeri marapoe, ka amboe da lakoe da tau dangoe la Jeroesalem, wäna.

Batoenanoe na Marämba Jerobeam na pangga na pareäta na I Ala, djépa I Ala bana paleäwa ja na ratoe haätoe, lo'a kau pèakanja ba wänanja, amboe na maroämba ngga, ba wäna I Ala, ndena bihoe parongoe, djeà ma ha da pakatikoe na noeda da marapoe.

Djeà batoenanoe doe ka hiwäna I Ala: ba woeloe doe ka marapoe meha moe, hīna doe ka hikoe wäroendja da ihi oema moe! Tāka na ana na I Jerobeam, na hiloe nggöe ba wäna läti, na wäroenja njoena I Ala. Toena ka i mboendäba na na Marämba na pamalamiri, ndena mandai bana pareäta.

33. I Elia.

Toenanoe hi ninja na Marämba haätoe, Marämba tau Israël ja, I Ahab ja na ngara na, laloe kaborangoe ja; njoena na rihi nja i pa na Marämba hawiang, bana hamajangoe marapoe hawiang hawiang. Na piti mboe kawini Sidon, kawini hindoe ja hina paha ja. Tāka hina woeloe ja na oema marapoe na noena na kawini, la paraing Samaria. Na Marämba kawini noena, na kareà mboe ratoe, 450 da da ratoe na; na ngara na na marapoe noena, I Baäl ja, marapoe tau Sidoni. Tāka da tau Israël da mahamajang la I Ala, njoena na Marämba kawini hina pameti ha hawiang, na wängga mboe ha hawiang.

Toenanoe na hau na lodoe, na nabi Elia, hina lo'a la Marämba Ahab bana ngändi nja na poeloeng na I Ala hiwäna: malänga tāka ma ja, I Ala tau Israël, ndena papoeroe na oerang, djäka wänggoe ma ja, ndena oerang länga tāka, dira na djäka wänggoe njoengga, na njoena na poeroe.

Toenanoe na padening bawäna na nabi Elia; ndedi nggi mandai na, rimbang ma, ba ndena oerang ndokoe. Tāka njoena I Elia hina kawining wiki na la lokoe Krit; na oenoeng wai la lokoe lai noe; na mbaroe, na maling da nggangga da ngändinja pangana.

Toenanoe mandai-ndai, bana mihi ka na wai lai noe, hina lakoe ja la koätäk Sarfat, bana kikoenna na papani na I Ala. Toenanoe bana täka ka la pindoe köatäk, hina hamboer ja haätoe na na kawini ndoänang, pa'ohoe na nja ai. Toenanoe I Elia hina karai ja wai dängoe pangangoe. Täka hina heäma na kawini: ndjaka ma na nja na pangangoe, didi jang na oeta kangoeta la woeroeng ha-woetoe ki na ka, dängoe na wai loänähoe la boti hakiri ki na ka, didi doe ha noeda da manindja; napa tai djäka koe kanoäma ha ka noeda, didi ma doe ha, djäka mangangoe ka dängoe na ana nggoe, djäka ma häla ha ka, meti ja doena.

Toenanoe hiwäna nja I Elia: amboe mangädätoe, lakoe wa njoena, kau kanoäma pangangoe; kanoäma mangiloe päkoe ngga ka njoengga, kau ngändi ngga nämoe, kakoe ngangoe; djäkau häla ka pawöngga, kau hili kanoäma pangangoe mi njimi; ba I Ala mängoe wängoe: na oeta kangoeta la woeroeng ndai häla ä ja, na wai loänähoe la boti, ndai häla mboe ja, loepa na toäma bana papoeroe nja na oerang I Ala.

Toenanoe lakoe na nja ka na kawini noena, hama toena bana panī I Elia. Toenanoe bana häla ka pakanoäma hida ngangoe, njoena I Elia, na kawini noena dängoe na ana na; hau ndaung na na mandai na bada ngangoe; täka na oeta kangoeta la woeroeng ndena häla ja, na wai loänahoe la boti ndena kawawakoe.

Toenanoe na hau na lodoe na ana na na tau kawini noena, na hidoë bokoel, na meti wa ma nja. Täka hiwäna njoena na kawini: ha, ratoe, bau todoe lai jehoe la oema nggoe njoengga, kakoe pa'itanja ja na poeloeng na I Ala, wämoe ka ihoe, hina meti ma ka na ana nggoe jéa!

Toenanoe I Elia hina piti ja na anakeäda noena la ina na, hina hē ngändi ja la koeroeng, hina bändjälöe ja la pangea pamahoeroe na; täka hina jäbähoeng wiki na la pinöe noena na anakèada na mameti, na pandiloeng ma; hina hamajang la I Ala, kana beli ja na ndewa na na anakeäda noena, wäna. Toenanoe I Ala hina heäma ja na hamajangoe na I Elia, na anakeäda noena hina loeri beli ja. Toenanoe I Elia hina ngändi beli nja na ina na hina wönja

ja; tåka hiwåna noena na kawini: malånga tåka ma ja, ratoe na I Ala kau, na poeloeng na I Ala ningoe la ngaroe moe.

Toenanoe ba tiloe mboea ndaung na, nomoe mboea woela na mandai na, ndena handåkang ndokoe pa'oerang. Tåka hiwånanja I Elia parai na I Ala: lakoe, kau pa'itang wiki moe la Maråmba Ahab, ba långa tåka ja, koe papoeroe nja na oerang.

Toenanoe njoena I Elia, hina lo'a la Maråmba Ahab; tåka hiwåna njoena na Maråmba: njoemoe ma jåa mapahandoeka ha da tau Israël! Tåka hina heåma I Elia, nde njoengga ki na mapahandoeka ha da tau Israël, njoemoe ma na dångoe mboendåba moe na ihi oema moe, njoemoe bau wåroenja I Ala, bau hamajangoe ninja na marapoe Baål.

Toenanoe bawåna ka I Elia, tåka njoena na Maråmba Ahab na pa'oehindja da tau Israël mboendåba da, dångoe da ratoe na I Baål, la palendi Karmel, na pa'oehi ndåba ndja lai noe. Batoenakanoe bada pa'oehi ndåba ka, tåka hiwåna I Elia: pirang pa hi påndjång pakahanga ha da eti mi, hi påndjång pakadoea ngea ndja da eti mi? I Toehan djåka Ala ja, måla kai kikoe ninja njoena; I Baål djåka Ala ja, håmoe ka i kai kikoe ninja njoena. Batoenakanoe ndeda heåma ndokoe nja. Tåka I Elia hi hili wånandja njoeda: njoengga jåa didi kang, tåka da ratoe na I Baål 450 ha! Batoenanoe nåhoe, ngåndi nda doea ngioe da da ana karambo'a, na he'au wøndja da ratoe na I Baål kada toe ja la pinoe ai, tåka na he'au wøngga njoengga kakoe toe ja la pinoe ai; njoengga dångoe njimi ndeta padoekoeloe ndja epi. Njimi dimi kai pa'aunja na marapoe mi Baål, tåka njoengga kakoe tiki ja na ngara na I Ala; djåka nggamoe ja na maheåma wångoe epi, djeà ja ka I Ala.

Toenanoe hida heåma da tau dangoe noeda: måla wa njoena! Batoenakanoe da ratoe na I Baål hida toboenja na ana karambo'a na he'au, da båndjåloe ja la pinoe ai. Toenanoe bada håla ka patoenja, hida reåndja winggiroenja noena na kameti, ba hori ma na marapoe Baål, hida wara bada pa'aunja weli mbaroeng loepa na tidoeng na lodoe, hiwåda: ha Baål, rongoe kåma, heåma ki ka kåma njoema. Toenanoe nde parongoe maheåma. Toenanoe bana

tidoeng ka na lodoe, ba nde nggära ndokoe parongoe na, tăka njoena I Elia hiwăna bana jiki ha: pawănding ki bai pa'aunja na marapoe mi, napa hi kananding be na nja, napa hi ninja oela na; napa hi ninja palo'a na, napa hi mahoeroe na nja!

Batoenakanoe da ratoe na I Baäl da wara dira matiki, da hoe-ndjoe mboe wiki da, loepa na loehoe na wai ria, kărăng ba ndena heăma ndokoe ka na marapoe nda, wăda. Djèpa batoe ă nanoe nde parongoe makapăkoe.

Toenanoe bana maringoe ka na lodoe, tăka njoena I Elia hina piti ha da watoe, hakamboeloe damboe da, hina woeloe ha pangea pabăndjăloe ja na ana karambo'a.

Tăka hina ăki winggiroe nja loănda la hadidi watoe. Toenanoe bana hăla ja ka, hina toe ha da ai, hina wotoe ja na ana karambo'a, na pahăla patoboeng; tăka hiwăna: boeri nja wai kana mbaha hăla, kana mbinoe na loănda.

Tăka I Elia hina hamajang la I Ala, hiwăna: Ja Toehan, Ala na I Ibrahim, Ala na I Isak, Ala na I Jakoeb, măla wa njoena, kana woewa na lodoe năhoe, ba didi kau njoemoe Ala la padoea tau Israël, ba njoengga jéa na ratoe moe, na mamonoe nggau!

Heăma ka njoengga, Ala! Heăma ka njoengga kada pinja na lodoe nahoe, da tau da madangoe jeăda, ba didi kau njoemoe Ala; măla kau pabelindja da eti da; heama wăngga epi!

Toenanoe ndedi nggi mbădikoe na bana hăla pahamajang, poeroe ma na nja epi weli ditang la awang, na toenoe ndăba ja, da ai dăngoe na kameti, dăngoe na wai, na mihi mboe la loănda. Toenanoe na tau dangoe bana ita ja ka noena, da karoedock, da toăma la tana da kaba mata da, tăka hiwăda: didi jang njoena I Ala; didi jang njoena I Ala. Toenanoe I Elia hiwăna: jăpa ha da ratoe na I Baäl, pameti pamboeta ma ha.

Toenanoe I Elia na papihoeng bana hamajang, bana karai oerang la Ala; na paleăwa ja na tau na pakăli karèa na: lo'a patăngăroe ja na oeraug la toebe tehik. Batoenakanoe bana papihoeng ka hiwăna: koe ita ja na karoemang na mahē weli wăng la tehik, hama tăba lima ă ja mbălăroe na. Tăka hiwăna I Elia bana peăka

nja na Marāmba Ahab: parèanggang kau lakoe beli la oema moe, tai na oerang, mbaha doe kau la padoea ngarāngia.

Batoenakanoe ndedi nggi mandai na, timbi ma na nja na karoe-mang, kapātāng ndāba nāhoe, na kabānda oerang ka, hama toena na boeri wai la mbaloe. Tāka hi beli na nja ka na tau dangoe, haātoe haātoe la oema na.

Toenanoe na Marāmba kawini Isébel bana rongoe ha noeda da poeloeng pa'ita na na Marāmba Ahab, laloe karaoe ja na eti na: pameti ja I Elia, wāna. Batoenakanoe I Elia palai na nja ka la marāda la mamarau; hina ita ja hareti na na pingi ai hina mandapoe lai noe.

Toenanoe ba laloe handoecka ja na eti na, hiwāna bana hamajang: hāmoe ki pa djāka koe meti nāhoe; na palingoe ki, ba laloe handoecka ka ka jēa. Toenanoe hina tanggiloeng lai noe, hina mahoeroe. Toenanoe ndedi nggi mandai na hina poeroe haātoe na na malaikāt hina benginja njoena I Elia hiwāna: hadangoe na, kau ngangoe, na ngea palakoe moe na marau i pa. Toenanoe I Elia hina hadang, hina ita ja na wai la katoendoel dāngoe na pangangoe la lihi katikoe na. Tāka hina ngangoe hina ocnoeng, bana hāla ka panga-ngoe da pangangoe noeda, ka laloe ātāloe ja. Toenanoe lakoe na nja ka; bana lakoe patoekamboeloe mboea lodoe na, patoekamboeloe mboea roedoeng na, hina māngoe patāka la palendi Horeb; ngangoe ndena ngangoe, wai ndena oenoeng bana lakoe. Toenanoe bana tāka ka lai noe, hina todoe ja la léang hau.

Toenanoe hina tāka na poeloeng weling la I Ala bawāna: nggāra oela moe lai jehoe, Elia! Tāka hina heāma njoena I Elia: djèa doe ja ka noena na poeloeng na maweling la Njoemoe, djeà doe ja na mapakehang ningoe, tāka mboendāba da da tau Israēl hida wāroe be nja na poeloeng la I Njoemoe; da njānggār mboc ha da ngea pahamajangoe, da marōamba nja ka na parèata moe, da pameti mboe ha da ratoe moe mboendāba da, didi djoea ki ka ka njoenggang, haātoe tau nggoe, tāka njoeda: pameti mboe ja njoena, wāda ngga!

Tāka hiwāna I Ala: lochoeng kau weli daloeng la léang, kau

ndöäläk la pinoe palendi; malänga tăka ja, Njoengga kakoe lakoe läpăhoe nggau la hangga moe. Toenanoe hina loehoe njoena I Elia, hina ndöäläk la pinoe palendi. Toenanoe tăka na nja ka bai läpir; bana ndjăpoe ka noena, na oepoeng na tana; bana ndjăpoe ka noena, na loehoe na epi. Tăka njoena I Ala nde ni ă nja noe la oenoe epi, la oenoe oepoeng, la oenoe läpir.

Toenanoe hina pădănja bana pariripoe na ngiloe, ninja I Ala la oenoe na. Toenanoe bana ndjăpoe ka noena, I Ala hina paleăwa ja I Elia, hiwăna: kau beli kau, kau lakoe, kau boerinja doepa la katikoe na I Elisa, kana hiloe kau njoemoe haromoe. Tăka hiwăna I Ala: amboe mangădătoe, nde didi kau, nindja pa da pihoe rata da da tau da mandedi hamajang la marapoe Baäl.

Toenanoe I Elia lakoe na nja ka, bana tăka nja ka I Elisa, hina boerinja doepa: kau hiloe ka njoengga haromoe, hiwănanja.

Toenanoe ba ndedi mandai na, I Ala ba laloe karaoe ja na eti na lai Marămba Ahab, batoenakanoe bana lakoe papabera, hina ngăna ja nimboe, hina meti.

Tăka na mahiloe ja njoena, na ana na, na mangarang I Ahasia, toena ka kaborangoe la hangga na I Ala.

Toenanoe na hau na lodoe, ba talănga hidoe na na Marămba Ahasia, hina paleăwa tau: lo pakarai ja na marapoe Baäl, marapoe tau Pilistin, djăka koe hărmoe beli ka ka doe, bakoe hidoe jéa!

Toenanoe da tau papaleăwa na na Marămba bada loehoe ka weling la paraing, tăka njoena I Ala hina peăkanja I Elia: lakoe kau hamboeroe ha da tau papaleăwa na I Ahasia, ka wămoendja njoeda: măla noe, ka ndaningoe pa I Ala la padoea tau Israël lai jehoe, hi lo'a pakarai ja na marapoe tau Pilistin? batoenakanoe na pahidoe wăna noe, ndena ngalang pahadang beli na Marămba, na meti wănja, wăna I Ala, ka wămoe ndja.

Toenanoe da tau papaleăwa na na Marămba hida beli ha la paraing, hiwăda bada tăka ka: bama tăka ka la padoea ngarăngia, tăka hima hamboeroe ja na tau pinang, na makalamboeng hinggi ma-noelang; toenanoe hiwăna nggăma njoema, bana peăka nggărna: I Ala măngoe wăngoe, na Marămba, na meti wănja na pahidoe wăna noe.

Toenanoe bana rongoe ka na Marāmba, tǎka hiwǎna: noena, ba wǎmi djeà ja na ratoe Elia! Tǎka hina paleàwa ja haàtoe na na kapala, lima kamboeloe da da tau horodadoe da kareà na: lo'a pajāpa ja I Elia, wǎna ndja. Toenanoe lakoe na nja ha na kapala, hiwǎna bana ita ja ka I Elia, bana mandapoe la libi ngarāngia la palendi hau: ha, ratoe na I Ala, poeroe kau, wǎna na Marāmba, wǎnggoe nggau.

Tǎka hina beàma njoena I Elia hiwǎna: njoengga jéa djǎka ratoe na I Ala ka, mǎla wa njoena kana poeroe ja na epi weli ditang la awang, kada kehi ndǎba na kapala dǎngoe da horodadoe!

Toenanoe ndedi nggi mbǎdikoe na, bana panī I Elia, poeroe na nja na epi, na pamboeta ma ha da tau noeda.

Toenanoe na Marāmba hina hili paleàwa ja haàtoe na na kapala, lima kamboeloe da da horodadoe dǎ kareà na: lo'a kau jǎpa ja I Elia, wǎna.

Da malamiri toeda ka i bada meti. Toenanoe na Marāmba na hili paleàwa ja haàtoe na na kapala, lima kamboeloe da da horodadoe da kareà na. Tǎka na kapala noena na pingoe papanī; na lakoe toǎma ja I Elia hina karoedoek la tana, hiwǎna: ratoe na I Ala, namoe ka njoengga, namoe ha da tau nggoe, ba lima kamboeloe da jéa, da pakareà nggoe. Batoenakanoe poeroe na nja ka I Elia hida kareàng la Marāmba. Toenanoe bana tǎka ka láinoe, hiwǎna I Elia: toenanoe na poeloeng na I Ala: bau paleàwa doe ja tau palo'a pakarai ja na marapoe tau Pilistin, hama nda-ningoe I Ala la padoea tau Israël, ka karai ni ja, batoenakanoe doena ndau ngalang papoeroe weling la ngea pamahoeroe moe, oe meti wǎnja haromoe.

Toenanoe na Marāmba Ahasia, meti na nja ka, hama toena bawǎna I Ala, na deningoe ka.

34. I Elisa.

Toenanoe I Elia, ba marenī meti ǎ ma na ka, bana mai papiti ja I Toehan, hina lo'a pangǎdǎloe ja I Elisa, kana hiloe ka njoengga,

wăna. Toenanoe na hau na lodoe hida lakoe kareång angoe da I Elisă. Toenanoe bada tăka ka la lokoe Jarden, njoena I Elia hina ălinja na hinggi na, hina koeloeroenja, na paloe wănja na wai la lokoe. Tăka na wai noena na kawări hapapa hapapa, na mihi la padoea, hida li ningoe bada pala. Toenanoe bada la-lakoe ki ka, noe panî-nî da nja ka, ndedi nggi mbădikoe na, hi djê poeroe be na hama toena na karêta epi dăngoe da ndjara epi. Toenanoe hina kawări haătoe haătoe, tăka njoena I Elia hē na nja ka la awang. Tăka nioena I Elisa hina hiloe ja; na mbiha, hama toena ka i I Elia ămăng, ba tau papaleăwa na I Ala ja.

Toenanoe njoena I Elisa, lakoe na nja ka la Bêtêl, ngea na na kahăla hapi, na papandoi na na Marămba Jerobeam. Toenanoe bana tăka ka lai noe, hina hamboeroe ha da anakeăda, da maloehoe weling la paraing; da anakeăda noeda, laloe kadjălikoe ha, da jiki ja I Elisa hiwăda: ha boeloe katikoe, hē kau, ha boeloe katikoe hē kau! Tăka njoena I Elisa hina tăngăroe ha noeda da anakeăda, hina harandja njoeda, na wănja na ngara na I Ala; toenanoe ndedi mbădikoe na, loehoe da nja ka da beroeang doea ngioe da, weli daloeng la oămang hida hira ha da anakeăda noeda, patoekamboeloe madoea ha; da palai hawiang.

Toenanoe I Elisa hina toăma ja la hau paraing, la paraingoe noena ningoe bakola ana ratoe. Toenanoe bana tăka ka lai noe hina mai haătoe na na tau kawini la I Elisa; pakarai ja kana pandoelang, wăna: njoengga jêa na tau angoe nggoe mbăda meti na ka, laloe handoeaka nggoe nja năhoe na woeta nggoe. Na mai papiti ha da ana nggoe da madoea, kakoe ata ndja, wăna. Tăka hina heăma I Elisa, hiwăna: măla noe, pira ă năhoe maningoe unggau la oema moe? Toenanoe hina heăma na kawini noena hiwăna: ana nggă nggăra nda ningoe ndokoe, na marăkang maninja, didi jang ba hau boti na na wai loănăhoe.

Tăka hiwăna I Elisa: lo'a karai woeroeng mandaningoe ihi da, la arijă moe, la kalėmbi moe; karai padangoe; djăkau ngalang ka, kau ngăudi ha la oema moe, kau toe ha la koeroeng noedaloe; njoemoe kau tama dăngoe da ana moe, kau bitanja na pindoe,

kau piti ja na wai loănăhoe, na maninja la boti, kau boeri ja la woeroeng, kada mbinoe ndăba mboeloendăba da da woeroeng.

Toenanoe na kawini noena, na kikoenja na papani na I Elisa, hina boeri ja na wai loănăhoe la woeroeng; bada mbinoe ndăba ka da woeroeng, na wai loănăhoe weling la boti, na pândjang pakobăkoe.

Tăka hiwăna I Elisa: lo'a kau dangganja na wai loănăhoe noena, djăkau kē ka ămăhoe, kau wŏnja na woetang, tăka da marihi kau piti ha, kē wăngoe pangangoe mi, kai malandja wăngoe.

Toenanoe hi ninja haătoe na na kapala la Marămba Sjam, I Naăman ja na ngara na, hidoe kila na nja.

Tăka na tau angoe na I Naăman hi ninja haătoe na na ata na, tau kawini Israēl ja, pajăpa ja ămang bana pabera.

Toenanoe na hau na lodoe, hiwăna na kawini noena: lăti oemboe, djăkau lo'a la hangga na na ratoe Elisa, la tana ngea paweli nggoe, la tana Kanaän, njoena na pahămoe be doe kau na pahidoe wăngoe na.

Toenanoe ba ndedi mandai na, lakoe na nja ka I Naăman; na ngăndi malandja dangoe, da mambotoe wili da; kakoe ngăndi nja na ratoe, wăna be ă. Toenanoe bana tăka ka I Naăman hina pândjang la pindoe oema na I Elisa. Tăka njoena I Elisa, ba ndedi na poeroe weli la karêta na njoena I Naăman, hina paleăwa ja haătoe na na anakeăda hiwăna: lakoe wa njoena kau ihoe la lokoe Jarden, papihoeng paroenoe, oe hămoe mêmangoe ma, wăna na ratoe, wănggoe nggau!

Tăka njoena I Naăman, laloe karaoe ja na eti na, hiwăna: bakoe pakakanja na eti nggoe, njoena na ratoe, napa kana mai la lihi nggoe ihoe, wănggoe păkoe ă; kana răma ha da pahidoe wănggoe, wănggoe be ă; kana tiki ja na ngara na I Ala, kakoe hămoe, wănggoe be ă lăti, na tau nggoe njoengga; tăka hiwăna noena na ratoe: lo'a pa'ihoe kau la lokoe Jarden; bana kaka, ndaningoe lokoe la tana nggoe njoengga! da dangoe da lokoe! hămoe ki pa da lokoe lai njoengga; da lokoe la tana Kanaän nggăra ki ka! Măla tabeli păkoe!

Toenanoe hiwăna na kareâ na: măla noe, oemboe! na ratoe djăka na peăka nggau mambotoe, njoemoe ndau kikoenna? Batoenakanoe doena, ba ndena mbotoe be doe ă, bawăna be nggau noe, lo pa'ihoe la lokoe Jarden, oe hămoe meâmangoe ma, ba wăna be doe nggau, kanggikina njoema ndau bihoe?

Toenanoe hina poeroe ja la lokoe Jarden njoena I Naăman hina ihoe, na papihoeng paroenoe la wai; toenanoe na tăngăroe ja năhoe na ihi na, nda nggara pa maningoe na, hama toena na ihi meăma na. Tăka njoena I Naăman hina beli ja oema na I Elisa; kakoe lo'a pangăndi nja malandja hakoedoe hakoedoe, bakoe hămoe i ka jêa, wăna. Toenanoe bana tăka nja ka hiwăna: ratoe! hîna năhoe hikoe pinja, la panggoeboel awang ndaningoe Ala na, didi jang la padoea tau Israël. Batoenakanoe djăkau mboehang, koe wōnggau ăna nggăra nggăra, ana manoe, ana tera.

Toenanoe I Elisa hina heăma: wămoe ka ka njoena, ndakoe bihoe pakē ana hau ndoi; beli kau la oema moe.

Toenanoe hi ninja haătoe na na anakeăda la I Elisa, Gehasi ja na ngara na; tăka njoena bana rongoe ja na oemboe na, ba ndena bihoe pakē la da malandja manandang, hi laloe mangăbang ma na ndja noeda da malandja.

Toenanoe I Naăman bana lakoe ka, ndedi na marau, tăka njoena I Gehasi hina kakikoenja. Toenanoe bana toăma nja ka I Naăman hiwăna: papaleăwa na I Oemboe ka nămoe, hîna kawai da ratoe da mamila da madoea, da mai la oemboe nggoe; toenanoe hina paleăwa ka i oemboe nămoe, karai lai njoemoe ămăhoe dăngoe hinggi, kakoe wōndja njoeda, wăna. Tăka njoena I Naăman hina wōnja ămăhoe dăngoe hinggi, hina paleăwa tau da madoea: lo patoe ha noeda da malandja, wăna.

Toenanoe beli na nja ka njoena I Gehasi, hina kawini ndja da malandja noeda. Toenanoe hîna na tăka la oema, hiwăna I Elisa: ka nggi weli ni moe, Gehasi? Tăka hina heăma: nde nggi weli ni ă nggoe! Toenanoe hiwăna I Elisa: koe pinggau njoemoe, I Naăman bana poeroe ja weli ditang la kareăta na bana poeroe toăma kau; măla noe bau pakakanja, na hămoe wa i nja ka noe bau kē ămă-

hoe dāngoe hinggi manandang? Batoenakanoe doena da kila na I Naāman kada karitākoe kau njoemoe, kau meti ngāndi ha!

Toenanoe marau na nja ka I Gehasi la lihi na I Elisa, bana ngāna ja ka kila.

Toenanoe na manggawa na na Marāmba Joram, bana pareāta lai noe, da tau Sjam hida mai pabera ha da tau Israēl.

Toenanoe da tau Sjam bada panī doeda la oema da, tāka njoena I Elisa na pinja, hina pa'ihī hāla ja la Marāmba Joram da pakanandi eti da da papa na.

Batoenakanoe na Marāmba Sjam hina paleāwa ha da horodadoe; lo'a pawinggiroenja na paraing Dotan, na pangea na I Elisa kai jāpa ja, wāna. Toenanoe mboeloendāba da da horadadoe bada tāka ka la Dotan, wāngoe mandalora, hida winggiroe nja noena na paraing.

Toenanoe bana pawāla ka la mbaroe, tāka na anakeāda la lihi na I Elisa bana ita ha ka da horodadoe bada winggiroe nja na paraing, na hangātāroe be ka. Toenanoe hiwāna na anakeāda: ka nggiki nda ka nāhoe, oemboe, na winggiroe nda ka jeā tau! Tāka hina heāma I Elisa: amboe mangādātoe, na maninja la karaha nda njoeta, na rihi pa padangoe, nggāra dangoe ki ka njoeda!

Toenanoe I Elisa hina hamajang hiwāna: Toeban, paharī ha da mata na jeāna na anakeāda, kana itang doena!

Tāka I Ala hina paharī ha da mata na na anakeāda noena; tāka njoena hina ita ja la pinoe palendi, na mbinoe kareāta epi, ndjara epi, laloe dangoe ma ha, bada winggiroenja noena na paraing.

Toenanoe na papa da: kakoe tama la paraing, wāna lāti, tāka njoena I Ala hina papoki ha da mata na. Toenanoe njoena I Elisa hina loehoe jā weli la paraingoe noena, hina lo patoe ha la paraing Samaria; na tama kareāndja hoedaloe la paraing; tāka njoena I Elisa hina hamajang: paharī ha da mata na, wāna; ita beli da nja ka maharī.

Tāka njoena na Marāmba, laloe hāmoe ja na eti na, bana ita ha da papa na: pameti ndāba ha lāti, wāna.

Tāka njoena I Elisa: ndea, wāna, kanoāma ndja pangangoe,

wăna. Toenanoe bada hăla ka pangangoe, lakoe beli da nja ka la paraing da njoeda da papa da.

35. I Jonas.

Toenanoe hi ninja haătoe na na ratoe, I Jonas ja na ngara na; tăka njoena I Ala hina paleăwa ja: kau lóa la paraing Niniwe, wănanja, la tana Asoer. Tăka na paraingoe Niniwe, bai paraing bokoeloe ma ja; djăka wăngoe palakoe winggiroenja, tiloe mboea lodoe hi pahamboeroe nja. Da tau lai noe laloe kaborangoe ha lănga tăka.

Toenanoe I Ala bana paleăwa ja I Jonas: kau lo'a la paraing noena, kau peăkanja mboendăba na na tau lai noe: I Ala napa haromoe kakoe njănggăroe ja na parai mi wăna I Ala, wămoe. Tăka njoena I Jonas ndena bihoe pakikoenja na pareăta na I Ala; tăka hina hē la kapal, palai nggoe nja, wăna doeka, la paraing Tarsir hapapa tana, wăna be ă.

Toenanoe bada tăka ka la liboe moeroe, njoena I Ala hina papoe-roenja ngiloe bokoel, bai ngaling; na kapal hakoe-koedoe ki ka hi ndena tamboeloe. Toenanoe mboendăba da da tau la kapal, laloe mangăďătoe ha; haătoe haătoe ha ka hamamajangoe na marapoe na Da malandja la kapal, da wăroendja la tehikoe, kana halimoe ki na kapal, wăda.

Tăka njoena I Jonas, na tama ma ja ka la kiri kapal, mahoeroe hămoe păkoe ă na nja. Toenanoe na mapareăta kapal hina lo'a lai njoena hina benginja hiwăna: kanggiki na ni, hi mahoeroe păkoe ă moe nja njoemoe! hadang na hī, hamajang lai Ala moe, ka amboe tameti hăla.

Toenanoe hiwăda da tau la kapal bada panī dăngga angoe da: măla kata poi moăwăł, djăka nggiki na hita hoenggoe ja ma handoecka toena jeă.

Toenanoe hida poeai moăwăł, tăka hina kăna ni ja I Jonas. Tăka njoena I Jonas hiwănandja njoeda: piti ka njoengga, kai wăroengga la liboe moeroe, kana păndjăng pangaling, kana păndjăng pangiloe;

njimi hi hoenggoe ja na läpiroe jeäna, djeà ba ningga njoengga la kapaloemi!

Täka da tau noeda ndeda reänggāng kakikoenja na papani na I Jonas; da boehi dira matiki: kata ngāndi ja la makārāhoe na kapal, wāda. Batoe ā na noe paroekangoe na pabokoel na ngaling; na ngiloe paroekangoe na nja pambangatoe; täka hida hamajaug hiwāda: Toehan, amboe pahandoeka kāma njoema, amboe pandjala kāma njoema, ba djeà ja na tau, wāroe ngga la tehik, bawāna. Toenanoe hida piti ja njoena I Jonas hida ndoeha ja la liboe moeroe; pāndjāngoe na nja ka pangaling, pāndjāngoe na nja ka pangiloe.

Toenanoe bada hāla ka pawāroe nja njoena I Jonas la tehikoe ba mbiha ma na nja I Ala, hi nāmoenja na ijang bokoel, täka hina hoāba hina kawāloekoenja Toenanoe I Jonas bana todoe la kamboe ijang, tiloe mboea roedoe, tiloe mboea lodoe na. Täka hina mandjaréa, namoe ka njoengga, Ala, wāna; täka na ijang noena hina moeta beli nja la mara.

Toenanoe bana ndjāpoe ka noena, hina täka na poeloeng na I Ala la I Jonas, pandoeang wāngoe hiwānanja: lakoe wa na la paraingoe Niniwe, kau peāka ndja njoeda da tau, hama toena ba wānggoe nggau. Toenanoe I Jonas lakoe na nja ka; bana täka ka la paraingoe Niniwe, hina peāka hāla nja mboeloendāba na na tau na mandādikoe lai noe la paraing, hiwāna: patoekamboe-loe mboea lodoe ki ka na mandai na, na njānggāroe ja Ala na paraing.

Toenanoe da tau la paraingoe noena hida mandjaréa, bada rongoe ja ka bana panī I Jonas. Batoenakanoe da pindi ja hau na na lodoe; ndeda ngangoe ndeda oenoeng weli mbaroeng loepa na maling; da kalamboeng hinggi kahirā bada handoeka dāndja da ndjala. Täka na Marāmba hina pareāta hiwāna: tau, ndjara, banda mboendāba la oāka la marāda, amboe ngangoe; njimi mala-ngoem Ala, ka wāmi paweli eti ma mi, haātoe haātoe ka mandjaréa, ba ndjala ma nda nja; djāka ni doe nja na eti namoe na nda I Ala, ka amboe na njānggāroe ja na paraingoe nda.

Toenanoe I Ala na namoe ja ka i noena na paraing, mboendäba na na ili na; ndena njäggäroe ja ka.

Täka njoena I Jonas hi laloe karaoe ja na eti na, hiwäna bana panī: batoe ma ä kanoe, na hämoe ki pa, djäka koe wängoe pameti. Toenanoe hina loehoe ja weli daloeng la paraing, djäka na njä-nggäroe ja I Ala, wäna be ä. Toenanoe na hau na roedoeng I Ala hina patoemboe ja hareti na na pingi ai bokoel, la pinoe maoe na I Jonas, kana pamaoenja, wäna. Batoenakanoe I Jonas, laloe hämoe ja na eti na, bana ita ja noena na pingi ai, bana pamaoe hämoe bana tängäroe ja.

Toenanoe bana pawäla ka la mbaroe I Ala hina poelindja da ana kataroe koedoe hida nganja na roe na na pingi ai noena, meti wängoe na nja ka noena. Toenanoe bana djangga ka na lodoe, na ngäna ja ka lodoe njoena I Jonas; na mbana nja ka lodoe. Täka njoena, laloe karaoe ma ja na eti na, käräng bana mbana ngga lodoe, hiwäna: djäka koemeti na palingoe ki pa.

Toenanoe hiwäna I Ala: ka nöe bana karaoe na eti moe, na hämoe wa i nja? Täka hina heäma I Jonas: djeà doe ja noe hi, na hämoe ki pa djäka koemeti, wänggoe doe noe hi! Toenanoe hiwänanja I Ala: namoe be ja i na pingi ai na patoemboe la pinoe maoe moe, na pande mangahoe moe, na matoemboe kahau roedoeng ä, na mamboelang kahau lodoe ä! njoengga koe rihi pa panamoe ja na paraing bokoel jeäna; la paraingoe nöena nindja da anakeäda 120,000 da, da mande pinja na lima kawana da, dängoe na lima kalai da, amboe peäka ha pa da mini, da kawini, da ndjara, da banda la oäka la maräda.

36. Tana pareäta tau Israël.

Toenanoe bana meti ka na Marämba Ahab, täka hi ninja da Marämba hakamboeloe madoea; da pahiloe hiloeng, bada pareäta ha da tau Israël. Mboendäba da da Marämba Israël, na dangoe da, hakamboeloe hiwa ha. Batoenanoe dangoe da da Marämba nde da paloendoe nja na pareäta da; käli ningoe tau na mahadang hina

wāhi ja na pareāta na; na pameti ja na Marāmba, na jāpa mboe da ihi oema na. Na papa na na mai mboe, na wāhi ja na tana, na njānggāroe ha da paraing. Tāka da ratoe da kāli peāka ndja, ndeda bihoe parongoe, ndeda bihoe pawāroe ndja bada hamajangoe marapoe hangia hangia; paroeka-roekang be da nja patoenja boāndja na pandjala wāngoe,

Toenanoe ba mandai ka nāhoe, na Marāmba Asoer na wāhi ja na tana Israēl, tāka hiwānandja: haātoe haātoe wōngoe hiloe katikoe, hau ndaung hau ndaung.

Na manggawa na noena, na Marāmba Hosea, njoena na mapareāta ha da tau Israēl. Toenanoe hau eti ha na marāmba Mesir dāngoe na Marāmba Hosea: kana pahāla nda, amboe na pareāta ta na Marāmba Asoer, wāna njoena. Batoenakanoe na Marāmba Asoer, hina hadang makareāng horodadoe; nde oekoe dangoe ma ha; tiloe mboea ndaung na bana dengi ja, bana winggiroe nja na paraing. Toenanoe hina tama la paraing, hina bera ja, na tanjānggāroe hāla ma ja na paraingoe noena. Toenanoe na Marāmba Asoer hina palakoe ha da tau Israēl la tana Medi, hawiang na pamarau ha la hau paraing hau paraing; ndena dangoe padangoe pa da tau Israēl, na mandādikoe la tana Israēl.

Toenanoe na Marāmba Asoer, hina palakoe ha da tau hindoe la tana Israēl, hina pandādikoe ni ha lai noe. Toenanoe da tau Asoer, da tau Babel, da tau hindoe mboendāba da, hida ndādikoe lai noe, ba ndaningoe pa tau da, ba tana djoea ja ka.

Toenanoe da tau hindoe ba hīna pa da ndādikoe lai noe, laloe handoeaka ha ba nindja da singa, da mangangoe tau; laloe dangoe ja na tau na mameti.

Toenanoe hiwāda: jeāna hita hoenggoe ja na handoeaka toenanoe, ba ndeta pinja pa na hori na na tau Israēl, bana hamajang. Batoenakanoe na Marāmba Asoer hina paleāwa ja haātoe na na ratoe tau Israēl: lakoe kau papeākandja da tau hindoe, da mandādikoe la tana moe, hiwānanja, kada pinja na hori hamajang.

Batoenakanoe da pakili koroeng da tau hindoe dāngoe da tau Israēl la tana lai noe. Na pakiri na ka da tau Samaria.

37. Tana pareàta tau Jehoeda.

Toenanoe na pareàta na tau Israël bana ndjāpoe ka, tākā na pareàta na na tau Jehoeda ninja pa, hangahoe mboea ndaung na mandai na.

Toenanoe da Marāmba Jehoeda da pahiloe hiloeng bada pareàta ha; doeakamboeloe ha da Marāmba: mboeloendāba da noeda, oemboekoe na ha na Marāmba Daoed. Tākā ningoe ma da Marāmba makaborang, da mahamajang marapoe hangia hangia; da Marāmba da matāndji eti da, da hamajang la I Ala, ndeda dangoe padangoe pākoe; da madoea haātoe ā ha, da makikoenja na pareàta na I Ala. Da Marāmba hāmoe, didi hang I Josafat, I Jehiskia dāngoe I Josia.

Toenanoe hi ninja haātoe na na Marāmba, I Achas ja na ngara na; na woeloe oema marapoe la hau paraing hau paraing; la libi ngarāngia, na mahangga ningoe la Jeroesalem, na pahadandja pangēa pahamajangoe ningoe la marapoe Baāl. Tākā na oema na I Ala la Jeroesalem hina bitandja mboendāba da da pindoe na, hama toe be na ka na oema mandaningoe ihi na.

Toenanoe bana meti ka njoena I Achas, tākā na ana na hina hiloe ja na ama na. I Jehiskia ja na ngara na. Na Marāmba noena na boāwa beli ha da pindoe na na oema na I Ala; na wāroe ndāba ndja da marapoe, da pangāndi na ama na la Jeroesalem. Toenanoe hina paleāwa tau, na mangāndi ndja hoe-rātoe la hau paraing hau paraing: kai beli kāmī, kai hamajanja I Ala mi, wānandja bana peākandja, mai kāmī kai remi nja na lodoe Pasa.

Toenanoe na manggawa noena na Marāmba Jehiskia bana pareàta ha da tau Jehoeda, tākā na Marāmba Salmanesar hida palakoe ha da tau Israël, ba hakamboeloe bandjaroe ha, la tana Asoer. Batoenakanoe dangoe ha da tau Israël da palai ningoe la tana pareàta na Jehoeda lāti, dangoe doe da nja ka bada bōaharoeng angoe da, njoeda mboeloendāba da da tangara ningoe la Marāmba Jehiskia.

Toenanoe ba ndedi mandai na, hina hadang na Marämba Asoer kakoe lo'a pabera ha da tau Jehoeda, wäna.

Toenanoe hina wähi ndäba da da paraing dängoe da koätäk mboe; täka na paraing Jeroesalem hina winggiroenja. Toenanoe I Sanherib Marämba Asoer laloe bokoeloe ja eti na, na padjoeloe wa be ä nja I Ala.

Täka na Marämba Jehiskia bana rongoe ja na poeloeng na maweling la I Sanherib, laloe handoeke ja na eti na hina hira ja na hinggi padoekoe na, hina tama ja la oema na I Ala, hina hamajang: ndoela käma njoema hiwäna. Toenanoe ba mandalora ja ka hina poeroe ja haätoe na na malaikät, papaleäwa na I Ala, hina pameti ndäba ha da tau Asoer, 180,000 rata ha.

Batoenakanoe da tau Jehoeda bada hadang ka la mbaroe, da ita ha da tau Asoer, bada meti hapäroe. Toenanoe na Marämba Sanherib hina palai beli ja la parai na Niniwe.

Toenanoe ba ndedi nggi mandai na, na Marämba Jehiskia hidoe ma na nja. Toenanoe hina täka na nabi Jesaja la hangga na na Marämba, hiwäna: pamboeloe nja wa na poeloeng mboendäba moe la oema moe; njoemoe loepang ma bädi, oe meti ba hidoe moe nja. Toenanoe laloe handoeke ja na Marämba hina hi, na hamajang la I Ala, hiwäna: pamarau ki ngga lodoe pameti wängoe läti.

Toenanoe na nabi Jesaja ba ndedi na loehoe ja pa weling la oema na na Marämba, täka ma na nja na poeloeng na maweling la I Ala, wäna nja: beli kau kadiroe, kau peäkanja na Marämba: koe rongoe ja ka bana hamajang; da wai mata na da makamböetöekoe, koe ita ha ka; ba toenakanoe koe peäkanja rehi ndaung na: hakamboeloe lima mboea ndaung pa, hina mängoe pameti.

Toenanoe na nabi Jesaja, bana ngändi ja ka na poeloeng noena la hangga na na Marämba, täka njoena na Marämba bana rongoe ja ka, laloe hämoe ja na eti na.

Toenanoe na nabi Jesaja hina lo'a papiti wöa ara, kau toenja na manggäri moe, kau hämoe, wäna. Toenanoe bana läpähoe ka tiloe mboea lodoe, länga ma na nja ka na manggäri na; ba toenakanoe

na Marämba na tama ja la oema na I Ala, hina hamajang ba laloe hämoe ja na eti na.

Toenanoe bana meti ka na Marämba Jehiskia, täka hi ninja na ana na, I Manase ja na ngara na, hina hiloe ja na ama na bana pareäta.

Njoena I Manase lima kamboeloe ndaung na bana pareäta ha da tau Jehoeda. Toenanoe ndena kakikoenja na hoeri na na ama na; njoena na pawoenanja na tau dangoe la pahamajang marapoe; na hoeri na njoena laloe kaborangoe ja. Toenanoe na Marämba Manase bana kawëäda ka, njoena I Ala hina poelinja la papa na, hida jäpa ja, hida ngändi ja la paraing Babel, hida tama ja la oema kapätang. Toenanoe na Marämba ba ninja la oema kapätang, hina mandjaréa, na beli ja la I Ala na eti na. Täka I Ala bana rongoe ja bana hamajang I Manase, malangoem bawäna, hina hili pabeli nja la ngea pareäta na. Toenanoe I Manase bana tama beli ja ka la paraing Jeroesalem, hina piti ha da marapoe mboendäba da, hina wäroendja.

Toenanoe bana meti ka na Marämba Manase, täka na ana na, I Amon ja na ngara na, na hiloe ja na ama na. Täka njoena na Marämba Amon, laloe makaborang länga täka ja, ndena bihoe pamandjaréa, hama toena na ama na. Batoenanoe ndena mandai ndokoe bana pareäta. Toenanoe ba dämboe ndaung na ka, mboe-ndäba da da kapala na, hida pahadang, hida pameti ja njoena na Marämba la oema wiki na.

Toenanoe hi ninja na ana na, I Josia ja na ngara na, waloe mboea ndaung ä na pa bana hiloe ja na ama na. Täka njoena I Josia laloe matändji eti na, na kikoenna I Ala, hama toena na Marämba Daud, na bokoe na.

Toenanoe njoena I Josia ba doeakamboeloe mboea ndaung na ka, hina piti ndäba ha da marapoe la Jeroesalem, hina wäroendja la hambeli pindoe; täka na oema na I Ala, na mamboäwa, hina pahämoe beli ja.

Toenanoe bada pahämoe ja na oema na I Ala, täka njoena na ratoe hokoel, I Hilikia ja na ngara na, hina hoenggoe ja na hoerätöe

pareàta, na mamboelang ba ninja pa na Marãmba Manase. Toenanoe hina badja ja na hoerãtoe noena la hangga na na Marãmba. Tãka na Marãmba bana rongoe ja ka na hoerãtoe noena, bawãna na hoerãtoe: karaoe ma na nja na eti na I Ala la tau mboeloendãba da, bada maroãmba nja na pareàta na I Ala, batoenakanoe na beli ja ka na eti na, hina hira ja na hinggi na. Toenanoe hi ninja haãtoe na na nabi kawini, I Hoelda ja na ngara na; tãka njoena hina ngãndi ja na poeloeng maweling la I Ala, la hangga na na Marãmba noena, hiwãna: bana beli doe ja ka na eti moe, bau rongoe doe ja ka na hoerãtoe pareàta na I Ala, djeã ja batoenanoe doe, djãkau meti, kau poeroe ja la reti moe, hãmoe ma na nja ka na pareàta moe, da mata moe ndeda ita ja pa na handoeka bokoel, na matãka teãngoe la malamiri, bakoe reãnda ja na paraingoe jeãna.

Toenanoe na Marãmba Josia na pamarãna ja papalãnjãpoe nja na hoeri na na tau Israël, bana kikoenna hama toena bawãna I Moesa ãmãng. Toenanoe hina paoehi ndãba nja na tau madangoe la paraing Jeroesalem, hiwãnanja I Hilkia parai na Marãmba: kau badja ja na hoerãtoe jeãna, na pabidi hoenggoe, la hangga na na tau mboeloendãba na, kana rongoe ja, djãka nggiki na wãna. Toenanoe bana ndjãpoe ka noena, hiwãna bana peakandja mboeloendãba da da tau: paweli eti ma mi kai kikoenna na pareàta na I Ala? Tãka mboendãba da da tau bada heãma, ma djea ndãba ja. Toenanoe na Marãmba na njãnggãroe ndãba ha da oema marapoe la Jeroesalem, nggi nggini ha da pangea da, na njãnggãr mboe na kahala hapi ãmãhoe rara, na papandoi na na Marãmba Jeroboeam, hida toenoe ja na kahala hapi; da toenoe pa angoe mboe ndja da ri da da ratoe, da pa'ãling weling la reti la lihi na noena.

Toenanoe bana meti ka na Marãmba Josia, tãka hi nindja da ana na, madoea haãtoe da, tãka hi ninja na oemboekoe na; toenanoe hida pahiloeng pahiloeng bada pareàta ha da tau Jehoeda la Jeroesalem. Toenanoe noeda da Marãmba, ba patoe da, ndaningoe haãtoe mamaloendoeng, ndeda mandai bada pareàta.

38. Na ndjapoe ka na pareàta na tau Jehoeda.

Toenanoe handäka na, da mapapeäka ja na poeloeng na maweling la I Ala, djeà ha da nabi, da matanggoe lakoe ngändi ja. Na poeloeng na pangändi da da nabi, dangoe ma ja bada toelihoe la hoerätoe bokoel. Da nabi noeda, I Ala na mapaleäwa ha, kada papeäka ndja na pamboeha na I Ala la tau dangoe, kada panamoendja ja na pareàta na I Ala; kana tanda ja I Ala parai na ka tau dangoe, ka ämboe na handoecka.

Toenanoe I Ala bana paleäwa ha da nabi, da lakoe ngändi ja na poeloeng la tana papareàta na Israël, la tana papareàta na Jehoeda, dängoe la Jeroesalem. Toenanoe hi nindja da nabi da maweling la mabokoel, nindja da nabi da maweling la makoedoe. Hama toeda I Jesaja dängoe I Safanja, kalembi Marämba ha: täka I Jeremia dängoe I Esekiel, ana ratoe ha. Täka njoena I Elia, I Elisa, I Joenoes dängoe I Mika, nabi koedoe ä ha; na nabi Amos, tau mapawang kamämbi ä ja, tau mamila ä ja.

Toenanoe na nabi Jeremia bana ngändi ja na poeloeng la Jeroesalem hiwäna: napa na täka nggämoe papa moe, na bera ja na paraing!

Täka hiwäna: djëpa ha toe ä na, djäka da beli ha da eti mi, kai mandjarea, na handoecka bokoel, bawänggoe nggämi, ndena loendoeng lai njimi. Doeakamboeloe matiloe ndaung na na mandai na bana papeäka ndja, bana panamoe ndja ja na poeloeng; täka njoeda ndeda bihoe parongoe, ndeda bihoe pamandjarea.

Batoenakanoe hina hili täka na poeloeng na maweling la I Ala, na peäkanja na nabi, hiwäna: na handoecka bokoel, loepang ma bädi na täka loendoeng; nämoe nja na papa moe, na wäroenja mboeloendäba na na pareàta Jehoeda la paraing Babel; na mandai na 70 mboea ndaung na, hina mängoe papabeli ndja la paraing Jeroesalem.

Toenanoe na hau na lodoe, hiwäna na nabi Jeremia bana peäka li pangerang: njoengga hikoe lo'a la oema tau, na mapingoe pipi woeroeng; toenanoe bakoe täka ka lai noe hikoe ita ja bana pipi

woeroeng; na tana noena ba hakawoenggiloe na la lima na, bana pipi ja na woeroeng, na mätöendäba woeroeng hangia hangia; woeroeng manandang, woeroeng änga, woeroeng bokoel, woeroeng koedoe. Toenanoë bakoe ita ja ka noena, täka hiwäna I Ala: njoengga hama na ka doci doekoe na papinggöe njoengga; hama toena na tau nina na mapipi woeroeng, toe doe nggöe nggämi njimi mboeloendäba mi, ha tau Jehoeda.

Hama toena na tana bana lämbi, la lima na tau na mapipi woeroeng, njimi toe mi kai la lima nggöe njoengga.

Toenanoë na hau na lodoe, na nabi Jeremia hina kē ja hau na na kadihi; täka hina pa'oehi ndja da tau da mabokoel dängöe da ratöe mboeloendäba da. Toenanoë bada mätöe ndäba ha, täka njoena I Jeremia hina piti ja na kadihi noena hina bera ja la hangga da da tau dangöe hiwäna: toenanoë na poeloe na I Ala, na mapareäta hau tana hau tana; toena ka i bakoe bera ja na bandjaröe jeäna dängöe na paraing; hama toena na woeroeng bana bera ja tau, ndena ngalang papadoemboekoe beling; mboeloendäba da da oema la Jeroesalem, da oema Marämba, koenjänggar hapäroe ha, kiring bada hamajang marapöe hangia hangia.

Toenanoë ba ndedi mandai na, hina hadang I Neboekadnesar. Toenanoë na Marämba Neboekadnesar hina japa ja na Marämba Jo'akim hina ngändi ja la Babel; da tau da mapangarang, ba 10,000 da, na jäpa mboe ha hina palakoe ha la Babel; da tau da mapandoi ai, da mapandoi bähi, na jäpa mboe ha, hina ngändi ndäba ha. Toenanoë na Marämba Neboekadnesar hina pamarämba ja na ana na I Josia, I Zedekia ja na ngara na, kana hiloe ja na Marämba Joakim, wäna.

Toenanoë na Marämba Zedekia, ba ndedi na mandai bana Marämba, täka hina wända ja na Marämba Mesir: mäla kata angöe hadang, kata lo'a pabera la Marämba Neboekadnesar. Batoenakanöe na Marämba Neboekadnesar, bana rongöe ja ka noena, täka hina reängga hadang, na mai pawinggiroe nja na paraing Jeroesalem.

Toenanoë hina pätoe ha da tau Jehoeda la paraing Je.oesalem, dämböe ndaung na na mandai na. Toenanoë mboendäba da da

tau, laloe mahandoeka ha, bana winggiroe ndja papa da; laloe rimbangoe ha; hawiang da tau kawini da hoendjoe ma ha da ana wiki da hida roepoe ha hida ngandja, ba rimbang da nja ka: Toenanoe mandai-ndai na papa da hida tama la paraing. Tăka na Marămba Zedekia hina palai; na keha nja papa na, loepa na toăma nja hida jăpa ja hida roeki ha da wăa mata na, hida kareanja la paraing Babel.

Noena na dening, bawăna na nabi Jeheskiel: haromoe na Marămba Zedekia na jăpa ja papa na hina ngăndi ja la paraing Babel, bana tăka lai noe loepa na meti, ndena hili ita ja pa na paraingoe noena.

Toenanoe ba ndedi da roeki ka da wăa mata na, na ita ha pa da ana na bana pameti ha papa da bada katikoe ha.

Toenanoe da tau Babel hida njănggăroe ha mboeloendăba da da oema la paraing Jeroesalem; bada hăla ka panjănggăroe ha hida toenoe ha; da moetoeng ndăba, ndaningoe kanănda da.

Tăka na oema hamajang da ihi na, da mbotoe wili na, hida piti ha hida ngăndi ha la paraing Babel, hida patama ndja la oema marapoe da. Mboeloendăba da da tau Jehoeda, na palakoe ndăba ha la paraing Babel njoena I Neboekadnesar. Didi ă ha hawiang da tau mapangarang dăngoe da tau mamila da pamăta na la Jeroesalem.

Toenanoe hina palelindja da tau Jehoeda, la hau paraing hau paraing bana wăroendja; da tanjalang hama toeda da wala witoe bada hawoeroeng lai noe lai noe.

Toenanoe hi ninja haătoe na na ama bokoel, na pamăta na I Neboekadnesar; I Gedalia ja na ngara na; hina pamarămba ja njoena I Gedalia. Tăka ba ndedi mandai na I Gedalia bana pareăta, hi nindja da tau Jehoeda, ndeda angoe eti nja njoena, hida pameti ja njoena I Gedalia.

Tăka na nabi Jeremia hina măta be nja na Marămba bana ndădikoe la tana Jehoeda.

39. I Daniel.

Toenanoe da tau Jehoedi bada ngeangoe la paraing Babel, laloe handoeke ha da eti da, bada marau nja na tana da, na parai da dāngoe na oema ngea pahamajangoe da; kārāng hana pareāta kāma na Marāmba hindoe, wāda. Njoeda nde toe pākoe da, hama toeda da ata, nindja da angoe da bana wōndja pareāta njoena na Marāmba Babel.

Toenana hi ninja da bidi mini da pakaboeboeloe na njoena na Marāmba, da ngeangoe la oema wiki na na Marāmba hina papeāka-ndja, mātōe papi-pi da. La padoea da njoeda nindja I Daniel, I Sadrak, I Mesak, I Obed Nego; la malamiri da ngalang ka papareāta hama toena na tau bokoel, na mapareāta ndāba ja na tau lai noe. Toenanoe ha talānga pareāta da, na hāmoe ndāba la angoe da patau Jehoedi. Njoeda da papeāka mboe ndja da tau hindoe na pareāta na I Ala. Tāka njoeda da hoenggōe mboe ja na pahandoeka wāngoe.

Toenanoe I Daniel dāngoe da angoe na, ha nindja pa la oema na na Marāmba, njoena na Marāmba na wōndja pangangoe; tāka njoeda ndeda bihoe pangangoe da panga na na Marāmba; wāda njoeda: nda oekoe ma njoema pangangoe da pangangoe tau hindoe. Toenanoe njoeda hida karai ja na kapala na matanggōe wongoe pangangoe, hiwāda: na pakarai ma njoema, wonggāma rī, na matoembhoe nāhoe la wōaka, la marāda, dāngoe wai ā, kau wōnggāma, kama oenoeng.

Toenanoe na kapala la oema Marāmba, na pakarai da njoeda hina kikoeng. Tāka la malamiri na, njoeda da rihi pa pakambombhoe, da tau da mangangoe na pangangoe na na Marāmba, nde toe pākoe da njoeda.

Toenanoe bana toāma ja ka na rehi, tāka hina kareāndja mboe-ndāba da da bidi mini noeda la hangga na na Marāmba; hina tāngāroe ha. Toenanoe na Marāmba bana karai-rai ha, ndaningoe hama da I Daniel dāngoe da angoe na bada heāma; njoeda da rihi papingoe bada nggāhoe ma.

Toenanoe na hau na lodoe na Marāmba Neboekadnesar hina pa'oehi ndja da āmahoe rara, da pawāhi na lai noe lai noe bana lo'a papabera. Toenanoe hina woeloe ja kahāla tau, na djangga na nomoe kamboeloe karōaka lima ja. Toenanoe bana hāla ja ka hina pa'oehi ndāba nja na tau la paraing; kada hamajanja na kahāla tau, wāna. Tāka hina paleāwa tau; peākanja na tau dangoe: toenanoe na pareāta na na Marāmba: ha njimi mboeloendāba mi hau bandjar hau bandjar, rongoe pahāmoe! djākai rongoe ja, djāka da lingoe da ana mongoe, mamātoe na malingoe, kai patika, kai karoedoek la hangga na na kahāla tau āmahoe, na pawoeloe nggoe njoengga; djāka nggamoe na mande kikoeng na pareāta nggoe njoengga, toenoe ja la epi, wāna na Marāmba, kai wāmi nja na tau dangoe.

Toenanoe I Sadrak, I Mesak, I Obed Nego, da lo'a ha i njoena ba la oema Marāmba ha; da eti da njoeda da kananding: ndema bihoe pahamajang la kahāla tau āmahoe, wāda.

Toenanoe mboeloendāba da da tau da mabokoel, da makoedoe da hamajang bada karoedoek la hangga na na kahāla tau āmahoe noena; tāka njoeda ndeda bihoe, ndjāpa be ā bada ndōalākie.

Toenanoe hida peākanja na Marāmba; tāka na Marāmba: kareā ndja nāmoe, wāna. Toenanoe hina karai ha na Marāmba: ka nggiki na hi ndai bihoe pahamajang la kahāla tau na pawoeloe nggoe! nāhoe mātā kakoe tāngāroe kāmī, djāka nggi Ala ja na mapahāla kāmī njimi weling la lima nggoe njoengga.

Toenanoe hida heāma da madoea haātoe da noeda: I Ala ma njoema na pahamaja ma, njoena na ma mbiha, na ngalang papahāla kāmā weli la epi na madoeroe nina; djēpa I Ala ka ndena bihoe ā papahāla kāmā, nde ndokoe ka ka doena, ndema bihoe pahamajang la kahāla tau na pawoeloe moe njoemoe.

Toenanoe na Marāmba bana rongoe ha ka bada panī toedanoe, na kaba mata na, hau i ja ka ba laloe karaoe ja na eti na, tāka hiwāna: papapihoe nja papambana ja na epi kana doeroe hāmoe.

Toenanoe bana mbana ka na epi, na hondoe māngoe paki da; bana hāla ka pahondoe ha, hida ndoeha ha la epi. Toenanoe ba laloe mbana ma ja, da tau da inadandandja I Sadrak, I Mesak,

I Obed nego, kada ndoecha ha la epi bawăda, da meti meămang da tau noeda.

Toenanoe da tau madoea haătoe da noeda, bada tama ka la epi, tăka njoena na Marămba na hangătăroe bana ita ha njoeda, palo'a-ngga maing păkoe ă da nja la padoea epi; da tawăkăhoe be ă da likoe pahondoe wăndja. Tăka hina ita mboe ja haătoe na na angoe da, hama toena na tau awang.

Toenanoe na Marămba hina ndăbhăroeng la pindoe epi, hina pa'au ndja, hiwăna: ha Sadrak, ha Mesak, ha Obed nego, njimi tau na I Ala kămi! loehoe kămi nămoe, mai kămi! Toenanoe loehoe da nja ka da tau madoea haătoe noeda. Toenanoe na Marămba hina tăngăroe ha da paki da ndeda moetoeng, da roe loenggi da ndeda moetoeng; nde nggăra elhi ndokoe da, wau epi ndé mboe. Toenanoe hiwăna na Marămba: wotoenja na ngara na I Ala, na mapaleăwa ka na malaikătoe na; na ndoecha ha da tau da mamonoeng lai Njoena. Tăka hiwăna na Marămba bana pareăta: djăka nggamoe ja na mapadjoeloe wănja na ngara na I Ala da I Sadrak, I Mesak, I Obed nego, loepang ma bădi koe pameti ja.

Toenanoe na Marămba hina wăndja poeloeng pareăta, bokoeloe da nja ka, pareăta ndăba da nja ka na tau la paraing Babel.

Toenanoe I Daniel na bokoeloe ja la hangga na na Marămba Neboekadnesar, dăngoe la hangga na na Marămba Belsasar, na mahiloe ja ka njoena.

Toenanoe na Marămba Darioes, na Marămba la malamiri hina wănja ja I Daniel hang'e'a na pareăta na, na maweling la tiloe ngea pareăta. Toenanoe na Marămba hina ndoălăk hina tăngăroe ja bana poelinja ja ka na pareăta la I Daniel, bana kanandinja na eti na: kakoe wă ndăba nja ha I Daniel mboeloendăba da da pareăta nggoe njoengga, wăna. Kiring na noena mboeloendăba da da mabokoel mabokoel da karaoe da eti da, bida himboe himboe nja oekoe kana ndjala ăroe I Daniel, wăda. Batoenanoe ndeda ita nja ndjala na I Daniel, ha tau matăndji eti na nja bana pareăta.

Toenanoe njoeda da mabokoel hida kahili: kata pandjala ja njoena I Daniel, wăda. Toenanoe hida pamanda-maudanja na Marămba

kana peàkandja mboeloendäba da da tau la hau paraing hau paraing, hiwäda: djäka nggamoe ja, ba tiloe kamboeloe mboea lodoe mandai na, na mahamajang la marapoe dängoe la tau, dira na bana hamajang la Marämba Darioes, kau poeha ja la leängoe singa. Toenanoë na Marämba hina kikoendja da papani da njoeda da tau mabokoel; täka hina pareäta hama toena kawai na papeäka da.

Batoenakanoe njoena I Daniel nde bihoe papändjang pahamajang la I Ala; na ndämang ma doena, hau lodoe hau lodoe na pandiloeng bana hamajang la I Ala.

Na ngea pahamjangoe na la oema wiki na, na pindoe na na mäta be nja na mböawa. Toenanoë da tau mabokoel hida lo'a patängäroe ja bana hamajang la I Ala; bada pinja ka da papa na ba ndena kikoenja na pareäta na na Marämba, täka hida pareänggang papeäka nja na Marämba.

Täka njoena na Marämba Darioes, hi laloe handoecka ja na eti na bana rongoe ja ka na poeloeng noena; bana namoe ja I Daniel: kakoe ndoela ja läti, wäna be ä läti, bana pakakanja na eti na.

Täka da tau mabokoel mabokoel hiwäda: loepang ma bädi I Daniel, pameti ja bädi. Toenanoë hida ndoecka ja njoena I Daniel la leängoe singa. Täka na watoe bokoel na bita na na leängoe noena, hida toe ja la ngaroe pindoe hida toelihoe ja na ngara na na Marämba Darioes; bada häla ja ka, beli na nja ka na Marämba la oema na. Toenanoë na Marämba ndena mahoeroe ndokoe; hada roedoeng hina lo'a la leängoe da da singa; bana täka ka lai noe, hina dandanja na watoe pindoe hina pa'aunja I Daniel hiwäna: ha Daniel, oe loeri be pa heäna? I Ala na ngalang papahäla kau heäna? Täka hina heäma I Daniel: Marämba! I Ala mbäda paleäwa na ka häätöe na na malaikätöe na, na woenggoendja da ngaroe singa! Toenanoë laloe hämoe ja na eti na na Marämba bana rongoe ja I Daniel, bana panī noedaloe la leängoe. Toenanoë hina paleäwa tau, jila beli ja I Daniel weli daloeng la leängoe, wäna. Täka da tau da makaraoe nja eti I Daniel: lo'a kai jäpa ha, kai ndoecka ha la leängoe singa, wäna na Marämba. Toenanoë hida jäpa ha hida ndoecka ha la leängoe, ba ndedi da toäma la tana

noedaloe la leängoe noena, hi jăpa ma da ndja da singa, hida hi-hira ha.

Toenanoe bana ndjăpoe ka noena, na Marămba hina paleăwa ja I Daniel pangăndi hoerătoe la hau paraing hau paraing, hiwăna bana pareăta: njoengga jėa bakoe pareăta; njimi mboeloendăba mi kai mangăďătoe nja I Ala na I Daniel; njoena Ala maloeri ja, na matăama nggi nggini ja; njoena na ndoela ha da tau da mamonoenja njoena; njoena na toe ja tanda na pahangătăroe wăngoe la awang la tana.

40. Da hili woeloe ja na paraing Jeroesalem.

Toenanoe da tau Jehoedi, ba 70 mboea ndaung da ka la paraing Babel, tăka hi ninja haătoe na na Marămba Parsi, I Kores ja na ngara na, na mapareăta la tana Asoer, la tana Medi, la paraing Babel.

Toenanoe na ndaung noena ba hīna na pareăta lai noe, hina peăkandja da tau Jehoedi, mboeloendăba da la hau paraing hau paraing: i ngalang pabeli kămi la tana mi la parai mi, wăna.

Toenanoe bana pareăta na Marămba Kores hiwăna: I Ala la awang, na mawăna ngga: woeloe ja na oema ngea pahamajanggoe la paraing Jeroesalem! Batoenakanoe djăka nggamoe ja na mabeli ja la tana na, la parai na, njoena I Ala na makareă nggămi; djăka nggamoe ja na mamboehang palakoe, măta nja kana lakoe.

Toenanoe na Marămba Kores, na piti mboe ha da ihi na na oema ngea pahamajanggoe, hina pabeli ndja; Ămăhoe rara, Ămăhoe bara, na pawăhi na na Marămba Nehoekadnesar Ămang bana bera paraing Jeroesalem, na pabeli ndăba ndja.

Toenanoe da tau Jehoedi bada namoe namoe ja na tana da, na parai da, kanăa-noăma ma da nja; laloe hămoe ha da eti da, ba beli ma nja ka, wăda. Tăka hawiang da tau Jehoedi, da mandădikoe la paraing Babel, mbăda pa'oema ma da ka. Toenanoe da mabeli ha la parai da, 42,000 da, tau da mapa'oema djoea Ă.

Toenanoe na kapala da, na makareăndja, I Seroebabel ja na

ngara na, oemboekoe na na Marāmba Daud āmang; tāka hi ni mboe nja na ratoe Josoea, na makareāndja.

Batoenakanoe bada tāka ka la paraing Jeroesalem, pakiri ma da nja pawoeloe ja na oema ngea pahamajangoe da. Toenanoe bada rāma ja na oema ngea pahamajangoe, da wotoenja I Ala, nde oekoe remi ma ha. Toenanoe bada hāla ja ka na oema noena, laloe hāmoe ha da eti da; tāka da makaweāda bada pi ki nja njoeda āmang, na oema ngea pahamajangoe woengang, hida hī, da kaladāk dira matiki, ba ndea hama manandangoe na.

Toenanoe da tau Samaria, da mbochang mboe pawoeloe dāndja da tau Jehoedi, na oema ngea pahamajangoe. Tāka da tau Jehoedi ndeda pamādjang. Kiring noena da tau Samaria, hida hadang hida njānggāroe ja na parāma noena; hida lo'a papeāka roenda ha da tau Jehoedi la Marāmba Parsi.

Tāka na Marāmba bana rongoe ha ka, hiwāna bana pareāta: djè ka nja wa na oema parāma ja. Toenanoe laloe handoecka ha da eti da da tau Jehoedi.

Na manggawa na noena, talānga nindja da nabi da doea, I Hadjai na haātoe, I Zakaria na haātoe.

Da tau madoea noeda hida pamanda-manda ndja da tau Jehoedi. Toenanoe hida hāmoe ki da eti da da tau Jehoedi bada rongoe: loepang ma bādi kata hāla ja na oema ngea pahamajangoe, bawāda da nabi noeda.

Toenanoe hida rāma pangalangoe noena na oema, loepa da hāla ma ja. Toenanoe bada hāla ja ka na oema noena, tāka hida pahāmoe ja na paraing Jeroesalem.

Tāka njoeda da tau Samaria hida hili mai, kata njānggāroe ja na paraing Jeroesalem, wāda ka. Kiring noena da tau Jehoedi, hawiang da rāma hawiang da manggang. Ni mboe ndja da tau, na lima kawana na na rāma, na lima kalai na na jāpa madāka.

Toenanoe ba talānga rāma da na parāma da, hi ninja na Marāmba Artasasta, na mahiloe ja na Marāmba Kores. Toenanoe bana Marāmba ka njoena I Artasasta, tāka hi ninja la tana Parsi haātoe

na na tau Jehoedi, I Esra ja na ngara na; na Marämba noena hina poelinja; beli kau wa la tana moe la parai moe, hiwānanja.

Toenanoe njoena I Esra hina kanōama; tākā hi nindja da ratoe dāngoe da tau Lewi, da kareānja njoena. Toenanoe na Marämba hina wōngoe ha da ibi na oema nge'a pabamajang, da pandedi wō hāla na na Marämba Kores.

Njoena I Esra, tau mapingoe ja, na nggāhoe la hoerātoe, tau tändji eti ja. Toenanoe bana tākā ka la paraing Jeroesalem hina palānjāpoe pahāmoe ja na poeloe na I Ala; na hoeri hamajang āmang hina kikoenna, hama toena āmang ba nindja pa da bokoe da; na papeāka hāla ndja ja na hoeri āmang, bana nggāhoe la hoerātoe.

Toenanoe na Marämba Artasasta, hina hili poelinja na haātoe, I Nehemia ja na ngara na: lakoe wa doemoe la tana moe, la parai moe, djākau tākā lai noe kau toe ha da kilimbatoe na na paraing Jeroesalem. Batoenakanoe hina danda mboe nja kapala I Nehemia. Malānga tākā ja da Marämba Parsi, laloe hāmoe ndja eti da da tau Jehoedi. Haātoe na na Marämba da, njoena I Xerxes hina paha kawini tau Jehoedi, na mangarang I Ester.

Tākā hi ninja haātoe na na tau Jehoedi, na mangarang I Mordekai, djeā ja na ama na, na makaboeloe ja njoena I Ester. Toenanoe na hau na lodoe njoena I Mordekai hina pa'ilinja ja na Marämba: nindja da tau da makaleāka eti da, pameti ja na Marämba, wāda, wānanja na Marämba. Toenanoe njoena I Mordekai, laloe hāmoe ja na ngara na; tākā na Marämba hina patama nja na ngara na la hoerātoe tau Parsi.

Toenanoe njoena I Nehemia ba kapala ja pa la Jeroesalem, ndena bilhoe papiti nggā-nggāra la tau papareāta na njoena. Hau lodoe hau lodoe njoena na wōndja pangangoe da tau ba 150 ha. Njoena na ndoela ha da tau da mamila; āmāhoe wiki na njoena bana wōndja; na paroetang mboe āmāhoe la tau, djāka ningoe makarai ja; ndena bilhoe papahoeroe nja.

Njoena ndena manggang wiki na; djāka nggāra na parāma na, na mambotoe, na mahaleāla, na padjeā ndāba ja. Da angoe na

mboeloendäba da da mangeang la oema na, räma ndäba bada toe ha da kilimbatoe la paraing Jeroesalem. Toenanoe bana mangiloe na njoena, täka da tau hawiang, da ama bokoel, da tau mawoeloe, da kikoeng ndäba, bada poeli mboe ndja da woetang la tau mamila.

Toenanoe laloe hämoe ha da eti da bada pahadanja na oema ngea pahamajangoe da, bada pahämoe mboe ja na paraing Jeroesalem.

Na mamarämba palängatäkang, ndedi na täka. Djeà doe ja noena na papandjandjingoe na I Ala la nabi Maleäki; toenanoe bawäna: njoengga napa koe paleäwa ja na papaleäwa nggoe la mamangiloe, kana löatanja na ngarängia, na ngea pali na; teängoe tai bana täka la tau na; djeà doe ja noena I Toehan, na pahimboe mi njimi, na pambocha mi njimi. Malänga täka ma ja, nämoe nja nämoe, wäna I Ala panggoeboel awang.

41. I Ajoeb.

Toenanoe hi ninja haätoe na na tau la tana Oes. I Ajoeb ja na ngara na. Njoena tau matändji eti ja; na pamaraung wiki na weli tau makaborang. Da ana na njoena, tau mapihoe ha, madoea haätoe ha da kawini. Täka da pawoeloë na la maräda: pihoe rata da da kamämbi, 3000 da da onta, 500 da da hapi, 500 da da bai ndjara.

Toenanoe da ana na mini, na lodoe dedi da, da pahiloe-hiloeng bada remi la oema da; täka da eri da, da tau kawini da lo'a mboe paremi. Toenanoe bada häla ka pangangoe bada häla ka paremi, täka njoena I Ajoeb hina pa'au ndäba ndja hina toboeng ana karämbö'a, tahamaja nja I Ala, wäna, bakoe pakaka ä nja la eti nggoe, nä hi ningoe be ndjala da la hangga na I Ala, wänggoe ä noe.

Toenanoe na hau na lodoe, da ana na mini I Ajoeb da pa'oelhi la oema, kata remi, wäda. Njoena I Ajoeb ninja la oema wiki na, ndena lo'a paremi la oema ana da.

Toenanoe hina täka hära bända ja haätoe na na tau la I Ajoeb, hiwäna: da tau Sabe mbäda täka da ka, da häla ka pawähi ha da

hapi dāngoe da bai ndjara, mbāda pameti ndāba ha ka da tau da madai ha, didi kang njoengga na mapalai nāmoe hikoe `mai papeāka nggau.

Toenanoe ba panī i na nja pa na tau noena, tāka ma na nja na haātoe, hiwāna: na epi weli ditang la awang, na poeroe ja ka hida moetoeng mboendāba da da kamāmbi, ndeda bingoe kanānda da; da tau da madai ha da meti hāla mboe; didi kang njoengga na mapalai nāmoe, hikoe mai papeāka nggau.

Toenanoe ba panī i na nja pa na tau noena, tāka ma na nja ka na haātoe hiwāna: da tau Kasdim da mai ka pawāhi ha mboeloendāba da da onta, tāka da tau da madai ha, da pameti hāla ka; didi kang njoengga na mapalai nāmoe, hikoe mai papeāka nggau.

Toenanoe ba panī i na nja pa na tau noena, tāka ma na nja na haātoe hiwāna: da ana moe, oemboe, da mini, da kawini, ba talānga ngangoe da, na toengoe na ngiloe mambangatoe hina ndjoroe na oema ngea papa'oehi da, hina pitākoe ndāba ndja; da meti ndāba, didi kang njoengga na mapalai nāmoe hikoe mai papeāka nggau.

Toenanoe I Ajoeb bana rongoe ja njoena hina hadang hina hira-hira ha da hinggi na, da tera na, hina karoedoekoe la tana hiwāna: I Toehan na mawōngga ha, I Toehan na mapiti beli ha, māla wa njoena, wotoenja na ngara na I Toehan.

Toenanoe I Ajoeb hidoe na nja ka, na toe ja manggāri weli ditang la katikoe na, mboendāba na na ihi na, na mbinoe.

Toenanoe I Ajoeb hina piti ja kawita loādja hina kāoe wāndja da manggāri, hina mandapoe la hambeli oema; ndena tama ndokoe la oema, na todoeng la talora.

Toenanoe na papaha na hiwānanja: māla noe njoemoe, toe toe-nggoe ka noe na tādji eti nggoe, wāmoe? wāroe nja ka doena I Ala, nggāra toe ja, ba ndena mangga ā nggau!

Tāka hina heāma I Ajoeb: njoemoe bau panī hama toena kawini katoāba; bana wōnda I Ala mahāmoe djoe-djoea ka, wāmoe, ka ndena wōngga pahandoeka wāngoe?

Noe mboeloendāba da, I Ajoeb ndena ndjala, la ngaroe na ndena handjāliroe la hangga na I Ala.

Toenanoe ndedi nggi mandai na, hida tǎka da arijá na I Ajoeb, tau madoea haätoe ha, I Elifas, I Bildad, dǎngoe I Sofar, da ngara da da tau noeda; kata l'o kata pamandanja, ka amboe handoeke na eti na, wǎda; toenanoe hida mai. Toenanoe bada tǎngǎroe marau ja I Ajoeb, ndeda tanda ja pa hida hī. Toenanoe bada tǎka nja ka hida mandapoe kareǎnja la tana, 7 mboea lodoe, pihoe mboea roedoe na na mandai na; noe haätoe haätoe ndaningoe mapanī dǎnja, hau lawiti ndea; bada tǎngǎroe ǎ ja laloe dangoe ja na handoeke na I Ajoeb.

Toenanoe hiwǎna I Ajoeb: na hǎmoe ki pa lǎti, ka amboe na pa'ana ngga ina nggoe, na palingoe ki ka.

Toenanoe da arijá na, hīna ka hida panī dǎnja, hiwǎdanja: ka nggiki na njoemoe hioe hoenggoe ja nā na handoeke bokoel! bama pakaka i nja la eti ma, ningoe ma ka ka doena ndjalamoe, da makawining, da pande pima njoema? Tǎka njoeda ndeda hoenggoe kiri na.

Toenanoe I Ala hina peǎka meha nja I Ajoeb, djǎka nggi nggiki na hina hoenggoe ja na handoeke bokoeloe nöena.

Toenanoe I Ala la malamiri na hina pahǎmoe pabeli nja I Ajoeb; na hili woeloe beli, mboeloendǎba da da pawoeloe na ǎmang, da pandoeang pahama dangoe da. Toenanoe na hili pa'ana nja da ana na, da pihoe da mini, da doea haätoe da da kawini.

Toenanoe da ndaung na I Ajoeb 140 mboea ndaung na bana ita ha da ana na loepa da oemboekoe na hina mǎngoe pameti.

42. I Hakaria.

Toenanoe handăka na hi ninja haătoe na na Marămba, na ngara na I Herodes ja, tăka hi ninja haătoe na na ratoe, na ngara na I Hakaria ja, na papaha na, I Elisabet ja na ngara na; la palendi ja na koătăkoe da. Da tau madoea noeda, tau tăndji eti ha; kawêada ma da nja ka, ndaningoe i ana da.

Toenanoe na hau na lodoe, I Hakaria hina lakoe la paraing Jeroesalem, na răma ja na parăma ratoe na lai noe. Toenanoe ba talănga toenoe ja na mawau hiritoe noedaloe la oema na I Ala, tăka da tau dangoe la hambeli hamajangoe da nja; toenanoe hi djeă pawoewang be na wiki na haătoe na na Malaikătoe. Toenanoe hina peăkanja I Hakaria parai na na Malaikăt, hiwăna: haromoe na papaha moe I Elisabet, na pa'anang anakeăda mini; djăka na matoea, haătoe nabi ja; da dangoe da tau da papabeli na la I Ala; njoena noe na mangiloe la hangga na I Toehan; tau manggăna eti ja, na mbiha mboe hama toena na nabi Elia. Djăka na dedi ja na anakeăda noena, bau pangara nja I Johanis ja na ngara na.

Tăka I Hakaria ndena bihoe parongoe ja na papeăka na na Malaikăt; bana pakakanja na eti na: ndena patoebang i, ba kawêada ma da nja ka. Toenanoe I Hakaria hina karai tanda la Malaikăt, kakoe pi ă nja, wăna. Tăka hina heăma na Malaikăt noena: Njoengga jêa I Nggabriel ka; bana paleăwa ka I Ala hikoe peăka nggau nja na poeloeng noena; ba toenanoe, ba ndau bihoe parongoe ja na papani nggoe, napa kau kambănga năhoe, loepa na dedi na anakeăda.

Toenanoe ba malănga tă-tăka ja na papani na na Malaikăt, ndedi nggi mbădikoe na, kambănga ma na nja ka I Hakaria, ndena pingoe ndokoe papani. Toenanoe bana loehoe ka weli daloeng, na

toäina ha da tau dangoe, koepanī wăna, hi ndena pingoe, hangia pata ä ndaningoe ndokoe. Toenanoe hina pajepoe be ndja da tau dangoe. Tăka hina beli ja la koătăkoe na la palendi

Toenanoe ba nomoe mboea woelang ka na malăpăhoe, toenanoe I Ala hina hili paleăwa ja I Nggabriel la koătăk Nasaret; lai noe ninja haătoe na na ana karia. I Maria ja na ngara na; na angoe na pakaranding na kawini noena, I Joesoef ja na ngara na. Toenanoe na Malaïkăt bana tăka ka lai noe, hiwăna nja: ha Maria, njoemoe na namoe kau I Ala. I Toehan ninja la oenoe eti moe; njoemoe pangarang pa kau la padoea da da tau kawini mboeloendăba da. Toenanoe I Maria ba tau mila ma ja, na eti na na mărăhoe.

Toenanoe hina katătăkoe bana rongoe ja na papanī na Malaïkăt: ha Maria, njoemoe amboe mangădătoe, malănga tă-tăka ma ja, ba namoe na nggau ka la I Ala; batoenanoe djeà ja hi wănggoe nggau, haromoe oe pakamhoe, oe pa'anang anakeăda mini haătoe; bau pangara nja, I Jesoes ja; na anakeăda noena napa na bokoel; bana tiki ja tau, Ana na I Ala ja; I Ala napa na wŏnja ja na pareăta na I Daud bana pareăta ja na bandjaroe na; nggi-nggini na toăma, ndena păndjăng ndokoe.

Toenanoe I Maria hina karai ja na Malaïkat: kakoe pi ä nja, wăna, kanggiki nggoe ka njoengga anakaria ka, ndedi ningoe lē nggoe.

Tăka hina heăma na Malaïkat: I Ndewa na I Ala na tăka nggau, na pambiha wăna I Ala na pamăoe nggau njoemoe; djeà ja batoenanoe djăkau pa'ana nja ka, na ngara na: ana na I Ala ja. I Ala djăka na panī, loepang ma bădi ningoe; djăka wăna, na dening.

Toenanoe bana hăla ka papanī, tăka I Maria na parahaja ja ka I Nggabriel.

Toenanoe na Malaïkat hina moenang be ä. Toenanoe ndedi nggi mandai na, njoena I Maria hina lo'a la I Elisabet, la koătăk na la palendi. Toenanoe bana tăka ka lai noe, tăka I Elisabet bana ita ja ka I Maria, laloe hămoe ja na eti na hiwăna: nămoe nja ka na ina na I Toehan.

Toenanoe hiwăna I Maria: na ndewa nggoe njoengga, na wotoe

nja I Toehan, na eti nggoc na mbocha-mbocha nja I Ala. I Toehan na ngadoc ja ka na ata na; pakiri na năhoc hau bandjar hau bandjar, na wotoc nja na ngara nggoc. I Ala ba mbiha ma ja hina toc ja na poelocng na mabokoel lai njoengga.

Na mandai na I Maria bana todoc la ocma na I Elisabet, tiloc mboca woelang na na mandai na.

Toenanoc ndedi nggi mandai na bana lakoc ka I Maria la ocma wiki na, tăka I Elisabet hina pa'ananja na ana na, anakeăda mini ja, hama toena bawăna na Malaikăt. Toenanoc ba waloc mboca lodoc na na mandai na, hina papocroenja la wai, hina toenja ngara na. Toenanoc bana pa'ocli na tau dangoc lai noc, hiwăda: pangara nja ka Hakaria, wănda nja ka. Tăka hina heărna na ina na, hiwăna: ambi timi noc, na ngara na jeăna na anakeăda, I Johanis ja doena.

Toenanoc lida karai na ama na. Na ama na ndedi na pingoc papani; batoenanoc hina karai wotoc pahocerătoc wangoc. Toenanoc hina toclicoc ja, bana toc ja na ngara na na anakeăda noena, I Johanis ja ba wăna ka. Toenanoc bana hăla ka patoclicoc ja na ngara na na ana na, hi pingoc be na nja i papani.

Toenanoc mboendăba na na tau na ma'ita ja na pocloeng noena, laloc hangătăroc ha, hiwăda haătoc haătoc: bau pakakanja la eti moc, nggiki na ihoc ja haromoc na anakeăda jeăna.

Tăka I Hakaria talănga mbinoc ma na Ndewa na I Ala lai njoena hiwăna bana pani: wotocnja I Ala tau Israěl, bana ngadoc ja, bana pamanda nja na bandjaroc na, hama toena I Toehan bana peăkanja la ngaroc da da nabi nabi. I Toehan na namoc ja na ndjandji na bana harang la bokoc nda ămang; ha ana nggoc, njoemoc haromoc bana tiki kau tau, nabi ja, wăna nggau; njoemoc lakoc mangiloc la hangga na I Toehan, pakaloăngga ja na ngarăngia na; na bandjaroc na I Toehan kana ngalang mahămoc, da ndjala na mboeloendăba da na măta be ndja I Ala.

Toenanoc I Johanis na ngeri matoă-toă ka. Toenanoc hina lakoc ja, na nge'ang ningoc la marăda, na ndădikoc ningoc la mamalinggiloc, loepa na toăma ja na lodoc bana pa'itang wiki na lai bandjar Israěl.

43. Bethlehem.

Toenanoe na manggawa na noena, ba talānga pareāta na na Marāmba Roem, I Augustus ja na ngara na, hiwāna bana pareāta: mboeloendāba na na tau na hoehoeng la parai na, kakoe toelihoe ha da ngara da mboeloendāba da da tau la panggoeboel awang. Toenanoe mboeloendāba na na tau na kakikoeng na pareāta na. Toenanoe hida lakoe la paraing bokoe da āmang. Toenanoe I Maria dāngoe I Joesoep, ba oemboekoe na ha I Daud, hida lakoe weling la koātākoe Nasaret, la Bethlehem, paraing na I Daud.

Toenanoe bada tāka ka la Bethlehem mboeloendāba da da oema da mbinoe ka tau weli nāmoeng; ndaningoe ndokoe oema mande ningoe iling, da mbinoe ndāba ma ka tau. Toenanoe hida tama ha la oāka ndjara, hida todoe lai noe. Toenanoe I Maria hina pa'ana nja na ana na, anakeāda mini ja, na kawoenga ana na. Toenanoe bana pa'ana nja ka, na kamboeroe wānja katāri; hina bāndjāloe ja la karaba oehoe ndjara.

Toenanoe talānga ninja la pamangahoe da tau, dai da nja kamāmbi na roedoeng noena. Toenanoe ndedi mbādikoe na, hi djeā poeroe be ā haātoe na na malaikātoe na I Ala; na ndoālāk la hangga da da tau da madai kamāmbi.

Na kadjilākoe na I Ala na winggiroe be ndja njoeda, laloe mangādātoe ha.

Toenanoe na malaikāt hiwānandja njoeda: ambi mangādātoe, na langoe na pangāndi nggoe lai njimi, pahāmoe wādanja da eti mi njimi; mapalingoe ja hau bandjar hau bandjar; na lodoe nāhoe la paraing na I Daud, mbāda dedi na ka I Kristus, na ma tanggoe pahāmoe! Batoenanoe na anakeāda noena, i ita ja pakamboeroe wāngoe ja katāri, la karaba ndjara be ja.

Toenanoe ndedi mbādikoe na hida poeroe ha da malaikātoe, laloe dangoe ha, da poeroe toāma ja na mapoeroe mangiloe. Toenanoe hida woenda nja loedoe I Ala hiwāda: Wotoenja I Ala na mange'ang la madjangga, na lānjāp ndāba hau tana hau tana, na namoe ha da tau.

Toenanoe bada həla ka paloedoe hē beli da nja ka la awang da malaikāt.

Toenanoe hiwāda da madai kamāmbi, bada panī dāngga angoe da: māla nda kata lo'a la Betlehem, talo'a patāngāroe ja na poeloeng na parongoe nda kawai, bada peākanda da malaikāt. Toenanoe lakoe da nja ka, da parè-reānggangoe ma. Toenanoe bada tāka ka hida hoenggoe ja I Maria dāngoe I Joesoef, dāngoe na anakeāda, na mamahoeroe la karaba ndjara.

Toenanoe da tau da madai kamāmbi, hida pa'ihinja ja I Maria, na parongoe da kawai. Toeda ka i bada hamboeroe tau da pa'ihij ja na wai ngera na na anakeāda noena; djāka nggāra na pa'ita da, djāka nggāra na parongoe da, da pa'ihij ndāba ja. Toenanoe mboendāba na na tau, da hangātāroe nja na poeloeng jeāna, na parongoe da la tau da madai kamāmbi.

Tāka I Maria, na kanandi-nandi nja la eti na, mboendāba na na poeloeng na parongoe na.

Toenanoe ba waloe mboea lodoe na ka, hida papoeroenja la wai na anakeāda noena, hida pangaranja I Jesoes, hi wādanja.

Toenanoe ba patoekamboeloe mboea lodoe na ka hida hē ngāndi ja la oema ngea pabamajang la Jeroesalem, bada kikoenja na pareāta na I Moesa. Toenanoe hi ninja haātoe na na tau, I Simeon ja na ngara na, talānga ninja la oema ngea pabamajang. Toenanoe na Ndewa na I Ala mbada peākanja njoena: djāka ndedi tāka na mangāndi mahāmoe, ndedi oe meti; na tāka pākoe bādi kau māngoe pameti.

Toenanoe da ina na, da ama na bada kareānja ka na anakeāda noena, tāka njoena I Simeon, mbāda tama mangiloe na ka lai noe. Toenanoe I Simeon bana ita ja ka na anakeāda noena, hina piti ja hina loenggoe ja, hina wotoenja I Ala, hiwāna: Toehan māla wa njoena, nāhoe djāka koe meti, koe ngalang mahāmoe, bama toena na papeākamoe ngga, mbada həla nggoe nja ka pa'ita nja na Mangāndi mahāmoe, na papeākam.

Tāka hi hili wānanja I Maria; jeāna na anakeāda, malānga tāka ja hau kiringoe pakanaboe wānanja, pahadang wānanja; kana

woewa na pakanandi eti na na tau. Batoenanoe ha Maria: oepăda wiki moe nja na makatie, hama toena na hapanda na ma tandjoe nja na eti moe

Toenanoe na lodoe noena talănga ninja mboe haătoe na na tau kawini, makaweăda ka, na ngara na I Ana ja; njoena mboe na wotoenja I Ala, na pa'ihî mboe ja na wai ngera na na anakeăda noena la tau dangoe, na mapateănja na Mangăndi mahămoe la Jeroesalem.

44. Da Maramba weling la pahoenga lodoe.

Toenanoe ba ninja pa I Jesoes la Bettlehem, tăka hinindja da Marămba, da maweling la pahoenga lodoe; njoeda da mai pakaroe-doekoe lai njoena. Toenanoe ba ndeda pinja na pangea na I Jesoes, hida hanggangoe ningoe la paraing Jeroesalem, napa hi la Jeroesalem ja na dedi nina na ana Marămba, wăda be ă.

Toenanoe bada tăka ka lai noe hida pa'ăra-ăranja: nggini ja ihoe na Marămba Israël na ma bidi dedi? Njoema ma ita ja ka na kandoenoe na la pahoenga lodoe; toenanoe hima mai jehoe, mai ma nja pakaroedoe lai njoena, wăma be ă.

Toenanoe na Marămba Herodes bana rongoe ja ka na poeloeng noena, na katătăkoe, bana mangădătoe. Toenanoe hina pa'ochindja da ratoe, hina pa'ărandja njoeda: măla noe I Kristus djăka na dedi, nggini ja ihoe na dedi ningoe? Toenanoe hiwăda bada heăma ja na Marămba: loepang ma bădi la Bethlehem, la tana Joedea, na dedi ningoe; bana panî ja i nabi Mika, toenanoe wăna: ha Bethlehem la tana Joedea; malănga tăka ma ja laloe koedoe kau la padoea mboeloendăba da da paraing Joedea, tăka weling lai njoemoe, napa na loehoe na madai ja na oema Israël.

Toenanoe bana hăla ka parongoe na Marămba hina pa'au kanoendoehoe ndja da tau bokoeloe noeda hina pa'ărandja: măla noe, nggăra lodoe ja ka noe bana hoenga na kandoenoe na. Toenanoe hida paloehoe ja na poeloeng papida. Tăka hina peăka ndja parai na na Marămba: lakoe pangalang ma la Bethlehem,

hiwăna: lakoe wa kai himboe pahămoe hămoe nja na anakeâda noena; djăkai hoenggoe ja ka, beli kămi, kai peăka ngga doekoe njoengga, kakoe lo'a mboe pakaroedoek lai njoena.

Toenanoe lakoe da nja ka da tau bokoel noeda; bada lakoe, laloe hămoe ha da eti da, bada ita beli ja na kandoenoe na, na malakoe mangiloe la hangga da njoeda; hina ndădikoe la toeba na na ngea pangeangoe na nocna na anakeâda.

Toenanoe da tau noeda bada tama ka la oema, da ita ja na anakeâda dăngoe I Maria na ina na. Toenanoe hida karoedoek lai njoena na anakeâda; da pangăndi dănja ămăhoe rara, ămăhoe bara, dăngoe doepa hangia hangia.

Toenanoe beli da nja ka la parai wiki da; ndeda lakoe li ja pa na Marămba Herodes papeăkanja na pangeangoe na na anakeâda noena. I Ala na kahiri ha, ambi lakoe li, wănandja, himboe ngarăngia hau mi, kai li ningoe. Toenanoe da tau bokoel noeda, ba hambăda da ka, tăka I Joesoef na roedoeng hina manggadipang, na malaikătœ na I Toehan hina panī nja njoena I Joesoef: hadang, palai ngăndi ja na anakeâda dăngoe na ina na la tana Mesir; ndădikoe lai noe, loepa koe hili lo'a papeăka nggau; I Herodes na himboe ja na anakeâda, wăna, pameti ja, wănanja.

Toenanoe hina hadang I Joesoef; na piti ja na anakeâda dăngoe na ina na hina palai ngăndi ha la tana Mesir.

Tăka I Herodes bana pi ma nja da tau bokoel ndeda beli ha pa, toenanoe laloe karăoe ja na eti na, hina paleăwa tau: pameti hăla ha da anakeâda la Bethlechem, da madămboe ndaung da, da mahau ndaung da, pameti hăla ha, wăna bana pareăta.

Toenanoe bana mandai ka năhoe, meti na nja ka I Herodes; tăka na malaikăt hina lo'a papeăka nja I Joesoef la tana Mesir: piti ja na anakeâda noena dăngoe na ina na, kareă beli ndja la tana Kanaän; na mapatiking papameti ja na anakeâda, mbăda meti na ka.

Toenanoe hida pamaing la tana Joedea hida ndădikoe la koătăk Nasareth la tana Galilea.

Toenanoe I Jesoes na ngeri matoă toă ka, na ngeri ătaloe ka la

Ndewa na I Ala; na mbinoe nja ka manggäna na, na panamoe na I Ala ninja la oenoe eti na.

45. Jesoes ba bidi mini a ja pa.

I Joesoef dängoe I Maria da ndämäng hau ndaung hau ndaung bada lo'a la paraing Jeroesalem la lodoe bokoel Pasa.

Toenanoe I Jesoes bana toäma ka na ndaungoe na, hakamboeloe dämboe ndaungoe na hina kikoe ndja da ina na da ama na bada lakoe la Jeroesalem. Toenanoe bana ndjäpoe ka na lodoe bokoel noena, beli da nja ka la koätäkoe da.

Täka I Jesoes na ndädikoe la paraing Jeroesalem, da ina na da ama na ndeda pinja, djäka nggini ja ka; bada kanandi nja, nähoe nja ka doena, la angoe na pabidi mini da kareäng. Toenanoe da ina na da ama na, hida lakoe pangalang, hau lodoe na ka na maläpähoe, hida himboe ja na anakeäda; ndeda hoenggoe ja. Toenanoe da pa'ära-äranja la kalembi na, la aja na, la angoe na pa'anakeäda; ndeda hoenggoe ja pa I Jesoes; beli da nja ka la Jeroesalem; napa hi ni be nja lai noe, wäda be ä.

Toenanoe ba tiloe mboca lodoe na ka nähoe da maläpähoe, hida hoenggoe ja I Jesoes la oema ngea pahamajang, mandapoe be na nja la padoea da da ratoe, bana rongoe ja na poeloeng hangia hangia, bana pa'ära-äranja. Mboendäba da da tau da marongoe ja, laloe hangätäroe da nja na heäma na, na manggäna na. Toenanoe I Maria dängoe I Joesoef, bada ita ja ka, laloe hangätäroe da nja. Täka hiwäna na ina na: ha anakeäda, kanggiki na hi toemoe noe, njoengga dängoe na ama moe bama himboe kau, laloe handoeaka ha da eti ma. Täka hina heäma I Jesoes: kanggiki na njimi hi himboe ka njoengga? njimi ndai pinja, ha loepang ma bädi la oema Ama nggoe, koe ndädikoe ningoe?

Täka njoeda ndeda pingoe ndokoe ja na papani na I Jesoes. Täka I Maria na pakäpa ja la eti na na poeloeng jeäna.

Toenanoe I Jesoes hina kikoendja da ina na da ama na, hida beli ha la koätäk Nasareth.

Njoena na kikoena na pareña na na ina na, na ama na, na toetoeroe.

Toenanoe I Jesoes na ngeri matoã toã ka, na manggãna na na boã-boãndja ja.

46. I Jesoes na ihoe ja parai na I Johanis.

Toenanoe I Johanis na ngeangoe pa la mamalinggitoe; na pateanja I Ala bana paleawa ja njoena, hina pa'itang wiki na la tau Israël.

Toenanoe hina pamaingoe ja la pawinggir lokoe Jarden, hina papeakandja mboendäba da ta tau; hiwãna bana peaka: mandjare'a wa njimi, marenì ã ma na ka na pangea papareata na I Ala.

Da hinggi na manoelang, na roehoe bånggi na manoelangoe ja; da panga na, kabala dångoe manggaloeang oãmang.

Toenanoe mboeloendäba na na tau da mai lai njoena, tãka hina ihoe ha parai na I Johanis. Toenanoe da tau bada kanandinja: djeà ja I Kristus ihoe, na pamonoe nda, na matãka bawãnda.

Tãka I Johanis hiwãnandja njoeda: malãga tãka ja, njoengga je'a, nda djeà ja njoena; ihoe wa ã nggoe nggãmi wai; na matãka tai la malamiri, nãmoe nja nãmoe; njoengga ndakoe ngalang pawãkãhoe ha da likoe halapa wihi na; njoena na rihi ngga pa pambiha; njoena napa na ihoe wãnggãmi ndewa dångoe epi.

Toenanoe I Jesoes ba tiloekamboeloe mboea ndaung na ka, hina mai ja weling la tana Nggalilea, na tãka lai Johanis la lokoe Jarden, kana ihoe ka, wãna. Toenanoe I Johanis hi ndena bihoe; hiwãna bana panì: na hãmoe pa lãti djãkau ihoe ka njoengga; noe ja doena hina nggepi wãnja; heãna ihoe ka bawãmoe, ndena hãmoe i. Tãka hina heãma I Jesus hiwãna: mãla noe ihoe ka njoengga, kata patoebanja mboendäba na na poeloeng na matãndji.

Toenanoe I Johanis hina ihoe ja I Jesoes. Toenanoe hana hãla ka pa'ihoe ja, hina hẽ ja I Jesoes la mamara, hina hamajang. Toenanoe ba talãga hamajangoe na, na awang na hanganga.

Toenanoe hi ninja na mapanì la awang hiwãna: Jeãna ana nggoe njoengga, na pamboeha nggoe. Njoengga koe namoe ja njoena.

47. I Jesoes dangoe I Setan.

Toenanoe I Ndewa na I Ala hina kareànja I Jesoes la marăda mamalinggitoe

Toenanoe I Jesoes hina ndădikoe lai noe patoekamboeloe mboea lodoe, patoekamboeloe mboea roedoeng na; ndena ngangoe ndokoe, ndena oenoeng ndokoe wai. Toenanoe hina pădang mandjioe na.

Tăka I Setan hina mai ja la lihi na, hina kamanja I Jesoes hiwăna: djăka malănga tăka ka ja djăka ana na I Ala kau, măla peăka ndja da watoe jeăda, kada pambeli ha oehoe. Tăka hina heăma I Jesoes: ninja na hoerătoe bawăna: bana loeri wăngoe na tau, nde oehoe ă djoea paloeri wăna, dira na na papani na mboendăba na la ngaroe na I Ala.

Toenanoe bana hăla ja ka hina kareànja I Jesoes la Jeroesalem, hina hăndjăloe ja la kawoekoe oema ngea pahamajangoe hiwăna: djăka malănga tăkă ka ja, djăka ana na I Ala kau, măla pandoeha wiki moe hoewawa; ba ninja na hoerătoe bawăna: I Ala napa na paleăwa ha da malaikătoe na, kada padeăma nggau, ka amboe toendjoer la watoe da wihi moe. Tăka hina heăma I Jesoes: nindja da hoerătoe: ambi kama nja I Ala mi.

Toenanoe bana hăla ja i ka noena hina hili kareândja la hau palendi, na malaloe djangga ja. Toenanoe bana tăka ka lai noe hina patoedji nja ha mboendăba na na pareăta tana la panggoeboel awang, hiwăna: mboendăba da jeăda da pa'ita moe, koewōnggau ha, djăkau karoedoek bădi lai njoengga.

Tăka hina heăma I Jesoes: ha Setan pajilang la lihi nggoe, nindja da hoerătoe: dira na bădi kai karoedoek la I Ala, kai hamajang njoena ă meha.

Batoenakanoe I Setan hina pajilang la I Toehan, lakoe na nja ka.

48. I Jesoes na pindi ha da tau moerid.

Toenanoe hau na na lodoe I Johanis dăngoe da tau madoea, tau papapeăka na, talănga ninja ndăba la hingi lokoe Jarden.

Toenanoe I Johanis bana ita ja I Jesoes bana lakoe, hiwăna bana panī: tǎngǎroe ja na ana bimbi na I Ala, na matanggoe ndja da ndjala da mboeloendăba da da tau.

Toenanoe da tau madoea noeda, da papeaka na I Johanis, hida kikoenja I Jesoes. Toenanoe I Jesoes hina wilăkoe, tăka hina ita ha bada kikoenja.

Toenanoe hiwăna I Jesoes: nggăra pahimboe mi? Toenanoe hida heăma bada karai ja: na oema moe nggi ja? Tăka hina heăma I Jesoes hiwăna: mai kămi, kai tǎngǎroe ja. Toenanoe hida lakoe bada kikoenja I Jesoes; da tǎngǎroe ja na oema na, na ngea pangeangoe na.

Tăka hi ndădik pakaha ndabang da nja ka. Da ngara da da tau madoea noeda: I Johanis dăngoe I Andreas.

Toenanoe I Andreas hina hamboeroe ja I Simon, na aja na, hiwănanja: njoema mahoenggoe ja ka I Kristus. Toenanoe hina kareănja na aja na la I Jesoes.

Tăka I Jesoes bana ita ja ka I Simon hiwănanja: năhoe koe pandjiloenja na ngara moe, I Kepas ja ka, djea ja I Petroes.

Toenanoe bana hadang ka la mbaroe, tăka I Jesoes hina hamboeroe ja I Pilipoes, hiwănanja: kikoe ngga njoengga. Toenanoe I Pilipoes hina hamboeroe ja I Natanaël, hiwănanja: njoema mahoenngoe ja ka na tau na patiki âmang la hoerătoe, djea ja I Jesoes maweling la Nasaret. Toenanoe hiwăna I Natanaël: ai ha kanggiki na noe, hi djè ni be nja na maweling la Nasaret! Tăka hina heăma I Pilipoes: mai kau, kau tǎngǎroe ja. Toenanoe I Jesoes bana ita ja ka I Natanaël, hiwăna: tǎngǎroe ja nina na tau, ndaningoe makambălikoe la eti na.

Toenanoe hiwăna I Natanaël: ka nggini oe tanda ni ka? Tăka hina heăma I Jesoes: ba ndedi na pa'aunggămoe I Pilipoes, ba ninggau pa la măoe pingi ai ara, njoengga koe ita kămoe njoemoe. Toenanoe I Natanaël na hangătăroe hiwăna: malănga tăka ja njoemoe Ana na I Ala kau, Marămba Israël kau.

49. I Jesoes la Kana.

Toenanoe ba tiloe mboea lodoe na ka, tăka hi ninja haătoe na na tau na mareming mamoha la koătăk Kana; na ina na I Jesoes, ni mboe nja lai noe. I Jesoes dăngoe da tau papapeăka na na doenda mboe ndja.

Toenanoe ba pėra doea remi na ka, na ndjăpoe ka na woloe lăngga. Toenanoe I Maria hina pa'ihinja ja I Jesoes, da ndjăpoe ka da woloe lăngga, hiwănanja. Tăka I Jesoes na heăma ja na ina na: ka nggiki ă nggoe ka!

Toenanoe I Maria hiwănandja da tau: djăka nggăra papeăka na nggămi na ana nggoe, i kikoe nja bădi.

Toenanoe nindja lai noe nomoe mboea da da kihi bokoel. Toenanoe I Jesoes hina paleăwa ha tau, hiwănandja: pa ihi ndja da kihi nida. Toenanoe bada hăla ka papa'ihini ndja wai, hiwănandja I Jesoes: năhoe takoe ja kai ngăndi nja ja la malanggoe wăngoe pa'oenoeng.

Toenanoe na tau noena hina pădănja na wai, na mapambeli ja woloe lăngga. Toenanoe ndena pinja djăka nggi weli ni na na woloe lăngga noena. Batoenanoe hina pa'aunja na mangoe oemang, hiwăna: na hoeri na na tau pamangiloe ja kadiroe na woloe lăngga na mahămoe; bana oela ja ka, hina măngoe pawăngoe ja na woloe lăngga na mande-hămoe, kanggikina na woloe lăngga na mahămoe pa, hi hīna i pa oewăngoe ja năhoe?

Toenanoe na tau mini noena ndena pinja, djăka nggini woloe lăngga ni ja; da tau da matakoe ja da pinja ba I Jesoes na ma toe ja ka na pahangătăroe wăngoe jeăna.

50. I Jesoes bana papeăkang la pinoe palendi.

Toenanoe I Jesoes bana lakoe la pawinggir tana Nggalilea, na papeăka ndja da tau bana ngăndi poeloeng mahămoe, bana pahămoe ha da tau mahidoe; laloe dangoe ja na tau na makikoe nja I Jesoes. Toenanoe hau na lodoe hina lakoe ja la hau palendi; hina papeăkang

lai noe. Toenanoe bana mandapoe ka, tãka da tau papapeàka na, hida mai la lihi na. Toenanoe I Jesoes hiwãna: hãmoe wa na tau na mamila eti na; na tau noena, awangoe na nja na awang.

Hãmoe wa na tau na mahandoeka eti na; na tau noena na ngalang pamandangoe wãngoe.

Hãmoe wa na tau na mameloer eti na; na tau noena, tana na nja na tana.

Hãmoe wa na tau na mamandjoé, na mamadáu nja na matãndji, na tau noena na mbihoe ja haromoe.

Hãmoe wa na tau na mameloer eti na; na tau noena na moeloeroe nja eti I Ala.

Hãmoe wa na tau na majahang eti na; na tau noena, napa njoena na ita ja I Ala.

Hãmoe wa na tau na mandekarãoe eti na; na tau noena, napa na ngara na: ana na I Ala ja.

Hãmoe wa na tau na mangalang handoecka, ba djeà ja bana tãndji eti na; na tau noena awangoe na nja na awang.

Hãmoe wa njimi, djãka na pahandoeka kãmi tau, djãka na poeloe wa nggãmi, ba djeà ka Njoengga; napa na dangoe na woenda moe la awang.

Njimi jea mehi tana kãmi. Njimi jea harĩ tana kãmi. Batoenanoe na harĩ mi kana handoãrãk la hangga ndãba na na tau, kada ita ja njoeda na tãndji mi, kada wotoenja na Ama mi, na maninja la awang.

Ambi kanandi ninja, njoengga bakoe mai nãmoe, nde mai nggoe nja pawãroendja ha da pareàta, da hoerãtoe da da nabi; bakoe mai nãmoe, kakoe padenindja, wãnggoe. Malãnga tãka ja, bakoe panĩ lai njimi: loepa na moeloeng na tana, loepa na tanjãnggãr na awang, da pareàta ndeda mboelang hau kadoetoel; loepa ma bãdi mboeloendãba da kada padening.

Namoe ja na papa moe, toenja mahãmoe na tau na matoãla-nggãmoe njoemoe; panĩ pahãmoe ja ka i na tau na makarãoe nggãmoe eti; djãkau hamajang, karai nja mahãmoe la I Ala na tau na makaborang lai njoemoe, na tau na mapahandoeka kãmoe njoemoe.

Djāka toemoe i noe, ana na I Ama kau; na Ama moe njoemoe ba djeà ja na mapahoenga ndja ja na lodoe da tau kaborang, da tau mahāmoe eti; na papoeroe ndja ja na oerang, da tau matāndji eti, da tau mandetāndji eti.

Njoemoe djākau mboehanja na tau, na mamboeha nggau njoemoe, nggāra ka woenda moe? na tau na mandjala toena ka i doena njoena.

Njoemoe māla kau tādji, hama toena na Ama moe bana tādji.

Djākau hamajang, tama kau la koeroeng, kau bitanja na ngaroe koeroeng; toenanoe kau karai ja na Ama moe na mandewoewa. I Ama moe na ma'ita ndāba ja mboeloendāba na na makawining, na pabeli nggau nja bana pawoewa ja.

Djākau hamajang, amboe toe ja na panī padā-dāngoe moe, hama toena tau hindoe; nde nggāra ndoema na na tau hindoe; bana pakakanja la eti na: djāka koe hamajang pamalai-laingoe, koe ngalang wānja, wāna.

Djākau hamajang, toenanoe na pakiri na. Ama ma njoema, na maninja la awang, na ngara moe kana wotoenja tau; na pangea papareāta moe, kana tāka ja nāmoe; na pabihoe moe, māla kana padening, hama toena la awang, toenaka i la tana.

Wōnggāma ma njoema na lodoe nāhoe na parāka pangama. Māta ndja da ndjala ma, hama toena doema njoema bama māta ndja da tau da mandjala lai njoema.

Amboe toe kāma njoema la pakamangoe wāngoe; pahāla kāma njoema weling la makaborang; ba Njoemoe na mapareāta, na mambihā, na mapawotoe, toāma nggi nggini.

Njoemoe djāmang, amboe woeloe paboc-boendoeng banda la tana, pangea pangada ha da kapingi, dāngoe na tai bāhi; la tana pangea pamanganga na ha na tau bana āki ha.

Na hāmoe pa djākau pa'oehindja da banda moe la awang; lai noe ndaningoe kapingi, tai bāhi na mangandja; ndaningoe na mamanganga ha bana āki ha.

Djāka nggini ha da banda moe pa'oehi nindja, na eti moe lai noe ja.

Tāngāroe ha da mahawoeroeng, ndeda hābāroe, ndeda moeti,

ndeda pa'oeching la oema da, djèpa ka toe ä na noe, na Amamoe la awang na marada ndja. Njoemoe oe rihi ndja i pa da mahawoeroeng.

Kanggiki na njoemoe hina handoeke na eti moe, ba djeà ha da hinggi moe, da tera moe.

Namoe ni ha da wăla ai, djăka nggiki na bana toemboe la tana; ndena răma ndena tinoeng mboe, djèpa ba toe ä na noe, na Marămba Salomo djèpa nde oekoe woeloe na, da hinggi na da tera na ndeda toăma ha da wăla ai noeda, na manipa da, na manandangoe da.

Ha tau na mande monoeng, djăka toenanoë I Ala bana wŏnja ja na paki na na wăla ai noena, na parèangga wăroeng la epi, njoemoe rihi pa bana wŏnggămoe I Ala.

Batoenanoë himboe ja kadiroe na pangea papareàta na I Ala dăngoe na tăndji na, tăka mboeloendăba na na poeloeng na wŏnggămoe nja I Ala.

Djămang amboe pandjala ja na tau, ka amboe na pandjala kămoe njoemoe; na pandjala doe kămoe njoemoe, ba djeà ja bau pandjala ja njoena. Djăka nggăra ja na pamboehamoe la angoe moe pa-tau, kana toenggau ja na mahămoe, măla ka i doemoe njoemoe, ka toe moe nja ka i njoena.

Tama wa la pindoe na makăha; bana bokoel na pindoe, bana lèrang na ngarăngia na mahangga ningoe la pameti wăngoe; na dangoe na tau na mali lai noe; na koedjoer na pindoe, na kăha na ngarăngia na mahangga ningoe la paloeri wăngoe; hakoedoe ä na tau na mali lai noe.

51. I Jesoes bana pahamoe ha da tau mahidoe.

Toenanoë bana toăma ja ka na lodoe bokoel, I Jesoes talănga ninja la paraing Jeroesalem.

Tăka la parai noena, ninja hau na na ramoek koedoe, pangea pa'ihoe ningoe tau; Betesda ja na ngara na; la hadidi ramoekoe noena ninja na oema hau, oema tau mahidoe ja; lima mboea da da koeroeng na. Da tau mahidoe noeda, da napa ja na wai noena bana unggăboenja bădi parai na I Malaïkăt, hida măngoe

papoeroe pa'ihoe. Djäka nggamoe ja na mapoeroe mangiloe, na hämoe ja na hidoe na.

Toenanoe ninja haätoe na na tau, na mandai na tiloekamboeloe waloe mboea ndaung na bana hidoe, bana ndädikoe la oema noena. Toenanoe I Jesoes bana ita ja ka na tau mahidoe noena la pangea pamahoeroe na, hiwänanja, bana pi ma nja mandai na bana hidoe; hiwäna I Jesoes: njoemoe oe mboehang pahämoe? Täka hina heäma na tau mahidoe noena: wö oemboe, ndaningoe haätoe tau mandoela ka, kana papoeroe ngga la wai talänga nggäboeng na nja; djäka koe täka ka, mbäda ningoe ka ma'ihoe mangiloe, handäka täka handäka täka nggoe.

Toenanoe hiwäna I Jesoes: hadang kau, danda nja na topoe moe kau lakoe. Toenanoe ndedi mbädikoe na, hina hadang, hina danda nja na topoe na, hina doekoe, hi lakoe na nja ka.

Toenanoe hi ninja la Kapernaem haätoe na na kapala horodadoe. Täka hi ninja haätoe na na ata na, na pamboeha na; hidoe bokoel na nja ka, na tiki pameti ka ä mang. Toenanoe na miri na bana rongoe ja I Jesoes bana täka ka, hina paleäwa nja tau I Jesoes, tau matoewa Jehoedi ha: kai lo'a papa'ihinja kana mai i, kana pahämoe ja na ata nggoe, ba hidoe na nja, wäminja, wänggoe nggämi.

Toenanoe bada täka nja I Jesoes da tau papaleäwa na, da karairai patidoenja, hiwädanja: tau hämoe ja noena, ndoela ki ja; bana mboehanja na bandjaroe nda njoeta, na pahada mboe nja na oema pangea pahamajangoe nda.

Toenanoe I Jesoes hidä kareäng; ndedi nggi toe na na marau na, täka na kapala horodadoe hina hili paleäwa i tau, tau arijä na, da lo'a pahämboeroe ja I Jesoes, wäda bada panī: Oemboe, amboe pamänggil wiki moe, ndena nggepi wa i nja, djäkau tama la oema nggoe, djeä ja ba toenanoe hi ndakoe lo'a wiki nggoe pahämboeroe kau; bakoe pakakanja ndena hämoe wa i na, dira na I Toehan kana panī hangia pata ä, kana hämoe meämang nähoe na ata nggoe.

Hama toena njoengga, ninja pa na mapareäta ka; täka njoengga nindja i doekoe da papareäta nggoe da tau horodadoe; njoengga djäka koe peäkanja na haätoe: lakoe djäka wänggoe nja: ndäkoe,

wăna; djăka koe peăkanja na haătoe: mai kau, djăka wănggoe nja, na mai ja; djăka koe peăkanja na ata nggoe: răma jeăna, djăka wănggoe nja, na răma ja.

Toenanoe I Jesoes bana rongoe ja na tau noena bana panī toenanoe, na hangătăroe nja. Tăka hi wănanja na tau dangoe na makikoenja: malănga tă-tăka ja, ndedi koe hoenggoeng tau mamonoeng toengoe noe, djêpa la padoea tau Jehoedi, ndedi koe hoenggoe.

Tăka da tau papalcăwa na na miri na na ata na mahidoe, bada beli ka, bada tăka ka la oema, noena na ata mbăda hămoe na ka.

Toenanoe na hau na lodoe, talănga ninja I Jesoes la paraing Kapernaem. Toenanoe bada rongoe ja ka I Jesoes, ninja la paraing, bawăda, na dangoe na tau na pa'oehi lai noe, loepa na kăha na oema noena; nde haătoe na mapekoe tama na. Toenanoe I Jesoes ba talănga papeăka na nja na tau dangoe, tăka da nja ka da madoekoe ja na tau na makalipăroe, tau mapatoe ha da madoekoe ja; njoeda da mai pakarai ja I Jesoes kana pahămoe ki ja na tau na makalipăr, wăda. Toenanoe nde pekoe tama da hoedaloelae oema, ba laloe dangoe ja na tau lai noe. Toenanoe hida hē ngăndi ja la kawoekoe oema. Toenanoe bada hăla ka pahē ngăndi ja, hida bŏwa nja pangea pa papoeroe da nja. Toenanoe bada hăla ka hida doelocroe nja la toebe na I Jesoes. Toenanoe I Jesoes bana ita ja na tau noena, bana monoe nja njoena hiwănanja: ha ana nggoe, da ndjala moe mbada măta nda ka, njoengga bakoe panī lai njoemoe: hadang wa, danda nja na topoe moe, kau beli kau la oema moe. Toenanoe na tau kalipăroe noena hina hadang meămang, hina danda nja na topoe na hina pangga la hangga na na tau dangoe. Toenanoe da tau dangoe noeda, laloe hangătăroe ha hida wotoenja I Ala hiwăda: weli handăka na loepa năhoe, ndedi ta itang matoengoe noe, hīna păkoe ka hita itang.

Toenanoe na hau na lodoe I Jesoes hina lakoe la paraing Jerosalem, hina lakoe li ja la tana Samaria. Toenanoe bana tăka ka la hau na koătak hina hamboeroe ha da tau, hakamboeloe ha; tau mahidoe kila ha.

Toenanoe bada marau i pa, da karai ja I Jesoes: ndoela ki kăma; wăda. Toenanoe I Jesoes bana tăngăroe ha ka, hiwănandja: lakoe wa, kai pa'itang wiki mi la ratoe.

Toenanoe malănga tăka tăka ja bada lakoe ka, bada toăma la padoea ngarăngia, da tăngăroe ha năhoe da ihi da, mbăda lăngăng da ka.

Toenanoe na haătoc bana tăngăroe ja na ihi na bana lăngăng ka, hina beli ja bana wotoe nja I Ala. Toenanoe hina karoedoek la wihi na I Jesoes; laloe hămoe ja na eti nggoe, bana lăngăng ka na ihi nggoe, wăna; na tau noena tau Samaria ja.

Toenanoe hiwăna I Jesoes: kani hi tau hakamboeloe kămi kawai mahămoe? ka da mahiwa nggini ha ka? Ndaningoe pa mabeli, kada wotoenja I Ala, ka didi jang ma haătoc na jeăna, tau bandjar hawiang? Toenanoe hiwăna I Jesoes: hadang wa kau lakoe, na eti monoeng moe na mapahămoe kau.

Toenanoe I Jesoes bana lakoe ja weling la tana Joedea, na mareninja na paraing Sidon dăngoe Tiroes. Toenanoe bana tăka ka lai noe, hina tama ja la hau na na oema, ka amboe na ita ka tau, wăna. Djêpa ka toc ă na noe bana kawining bana pakakanja na eti na, na reănggang pinja tau. Toenanoe hina tăka na haătoc na kawini hina karoedoek la hangga na I Jesoes, bana karai ja: namoe ka njoengga, wănanja, kau wăroe ă nja na Setan la ana nggoe, wăna. Toenanoe na tau kawini noena, tau hindoe ja; batoenanoe I Jesoes ndena rongoe ja. Toenanoe I Jesoes hiwăna: da mbihoie păkoe bădi da anakeăda, ndena hămoe ă djăka koepiti ha da pangada da anakeăda hikoe toendja ahoe. Toenanoe hina heăma na kawini noena: lănga tăka njoena, oemboe, na papani moe, djêpa da ahoe da ngalang pangangoe da makanaboe weling la ngea pangangoe na miri da. Toenanoe bana rongoe ja ka na papani na na kawini noena, tăka hiwăna I Jesoes: ha kawini, laloe eti monoeng kau, na dening na pakarai moe!

Toenanoe ndedi mbădikoe na, hămoe na nja ka na ana na na kawini noena,

52. I Jesoes bana pahada beli ndja da tau mameti.

Toenanoe na hau na lodoe I Jesoes hina lakoe ja la koätäk Näin. Da tau papapeäka na, dängoe da dangoe tau hawiang da kareänja njoena. Toenanoe bada marení nja ka lai noe, tãka talänga ninja haätöe na na tau mameti bada doekoe ja tau, lo'a pataninja, wäda. Na ina na na anakeäda noena, kawini ndoänangoe ja; na ana na didi jang noena ba haätöe na. Dangoe na tau na maweling la koätäk noena, na malo'a pataninja na anakeäda noena. Toenanoe I Jesoes bana ita ja na kawini noena, ba laloe handoecka ja na eti na, hi laloe handoecka ja na eti na njoena, bana namoe ja noena na kawini. Toenanoe hiwänanja: amboe hī. Toenanoe I Jesoes hina lakoe ja hina lihi nja na nggala na padoekoe wänja na mameti noena. Toenanoe I Jesoes hina räma ja, tãka da tau da madoekoe ja hida bändjälöe ja la tana. Toenanoe hiwäna I Jesoes: ha tau mahalimoe, bakoe panī nggau njoemoe, hadang! Toenanoe na anakeäda noena, hadang meämangoe ma na, hina panī. Toenanoe I Jesoes hina loända ja hina wönja ja na ina na. Toenanoe da tau lai noe, laloe mangädätöe ha, hida wotoenja I Ala, hiwäda: na tau jeäna nabi bokoeloe ja, na mahadang la padoea nda njoeta. I Ala na ngadoe ja ka na bandjaroe na.

Toenanoe ba ndedi mandai na, hina beli ja I Jesoes la paraing Kapernaem. Toenanoe bana tãka ka lai noe, tãka hi ninja haätöe na na tau, I Jäiroes ja na ngara na, na matanggoe dai ja na oema ngea pahamajang. Toenanoe hina mai lai Jesoes, hina karoedoek, hiwäna: namoe ka miri, na ana nggoe, hidoe na nja ka; kau mai i, kau pahämoe ja, ba didi jang ba haätöe, marení meti ä ma na ka. Tãka I Jesoes hida lakoe kareäng la oema na I Jäiroes; na dangoe mboe na tau na makareänja. Toenanoe bada toäma ka la padoea ngarängia, tãka na ata na I Jäiroes hina mai pahämboeroe ja na miri na, hiwäna: na ana moe mbäda meti na ka; nggära toe ja hioe pahandoeka ja I Jesoes. Toenanoe I Jesoes bana rongoe ja ka na poeloeng noena, tãka hiwäna: amboe mangädätöe, monoe-ngga njoengga njoena hi! na ana moe napa na hadang beli,

Toenanoe bana tǎka ka la oema na I Jairoes, njoena I Jesoes na ita ha da tau da mahī, bada kaladǎkoe, ba hīna na meti na anakeàda noena. Toenanoe hiwǎna I Jesoes: djǎmang hi! ambi hī, nde mēti ā na nja na anakeàda, mahoeroe ā na nja.

Toenanoe da tau, da rikinja I Jesoes bada rongoe ja bana panī toenanoe; njoeda ba pi ma da nja meti na na anakeàda noena.

Toenanoe I Jesoes hina peàka ndja da tau: loehoe kǎmi weling la oema. Da tau madoea haǎtoe ha da mandeloehoe, da kareà na njoena, I Petroes, I Johanis, I Jakoboes, dǎngoe da ina na da ama na na anakeàda mameti, da nindja la oema. Toenanoe I Jesoes hina piti ja na lima na anakeàda noena hiwǎna: ba anakeàda hadang. Toenanoe hina belinja na ndewa na na anakeàda noena, hina hadang meǎmang. Tǎka da ina na da ama na laloe hangǎtǎroe ha.

Toenanoe I Jesoes hiwǎnandja: wǒnja kana ngangoe.

53. Na meti ka I Johanis na ma'ihoe.

Toenanoe I Herodes, Marǎmba la tana Nggalilea, tau makaborangoe ja, laloe dangoe ha da ndjala na. Toenanoe hina piti ja na papaha na na angoe na paloehoe; I Herodias ja na ngara na na tau kawini noena. Toenanoe I Johannis na matanggoe pa'ihoe, hina panī nja na Marǎmba Herodes bana papeàkanja na ngarǎngia mahǎmoe; na toroeng mbeni eti na bana paloehoe nja ja na poeloeng noena na mandjala, na pawoenda na I Herodes: ndena hǎmoe djǎkau piti ja na kawini jeàna, bau paha ja, wǎnanja.

Na papanī na I Johanis ndena bihoe parongoe ja njoena na Marǎmba. Toenanoe hina poehi ja la makapǎtang I Johanis parai na I Herodes; pameti ja, wǎna be ā; na mangǎdǎtoe i nja na tau dangoe bana pinja I Johannis ba nabi ja. Toenanoe I Johannis ba ninja pa la makapǎtang, na rongoe ja na poeloeng na I Jesoes. Toenanoe hina paleàwa ha da tau papapeàka na da madoea, hida lo'a pa'ǎranja I Jesoes hiwǎda: djè kau ka ihoe Kristus, na matǎka bawǎda, na papateà ma? nde'a ihoe ā i, nǎmoenja pa ihoe haǎtoe? Toenanoe I Jesoes hina heàma hiwǎna: Beli kǎmi kai

peàkanja I Johanis, djäka nggära na pa'ita mi, djäka nggära na parongoe mi. Tau na mapoki na ita; tau makandjikoe na pangga pahämoeng; tau na mahidoe, na hämoe; tau na makawanga, na rongoe; tau na mameti na hadang beli; na poeloeng mahämoe papeäka nja na tau na mamila; laloe hämoe ja na tau na mande-handoecka eti na, ba djëä ka njoengga.

Toenanoe ba ndedi mandai na, maren i ä ma na ka na lodoe dedi na na Marämba Herodes. Toenanoe hina remi dira matiki. Toenanoe ba pera doca remi na ka, täka hi ninja na ana na na Marämba, na maninggoe la hangga na I Herodes; na ngara na na ana kawini noena I Salomi ja. Toenanoe na Marämba Herodes, laloe hämoe ja na eti na bana ita ja, bana ninggoe na ana na.

Toenanoe hiwäna bana ndjandji ja: djëpa ndakoe wönggau na tana paparcäta nggoe njoengga, koe pera doca ja, bakoe wönggau.

Toenanoe na ana na ndena pinja djäka nggära ä ka pakarai na. Toenanoe hina tama ja la oema na, lo pakarai ja na ina na.

Toenanoe I Herodias, ba karaoë na nja pa na eti na ba djëä ja I Johanis, täka hiwäna nja na ana na: na hämoe pa, kau karai ja na katikoe na I Johanis na matanggoe pa'ihoe, la toboeng jëäna.

Toenanoe I Herodes bana rongoe ja ka na pakarai na na ana na, laloe handoecka ja na eti na. Batoenanoe ba läpähoe loehoe ma na ka weling la ngaroe nggoe, wäna, nde nggiki kandoeling na pa. Täka hi ningoe mboe arijä na, tau bokocloe djoca da marongoe ja na harangoe na; ba mangädätoe na nja ka, toenanoe hina wönja, ja na pakarai na I Salomi. Toenanoe hina paleawa ja haätoe na na horodadoe: lo pakatikoe ja I Johanis la oema kapätang, wäna. Toenanoe bana häla ja ka hina ngändi ja na katikoe na I Johanis, hina toe ja la toboeng, hina wönja ja I Salomi.

Täka na anakeäda noena hina ngändi nja ja na ina na. Täka hida mai da tau papapeäka na I Johanis hida danda nja na meti na, hida taninja. Toenanoe bada häla ka pataninja hida lakoe, hida lo'a papa'ili nja ja I Jesoes,

54. I Jesoes la tehikoe.

Toenanoe na hau na lodoe I Jesoes bana hăla ka papapeăka ndja da tau dangoe, toenanoe hiwăna ndja da tau papapeăka na: măla nda kata lakoe, ta hē la teăna; kata pala la hapapa tehikoe Nggenesareth. Toenanoe bada pera doca ja ka na tehikoe noena, I Jesoes mahoeroe be na nja. Toenanoe hina toengoe na ngiloe, laloe mbangatoe ja; hamang na ngaling, na tiki pambinoe ka ă mang wai na teăna. Tăka da tau papapeăka na, laloe mangădătoe ha; toenanoe hida benginja I Jesoes, hiwăda: ha Nggoeroe ha Nggoeroe, ta tamboeloe ka tai. Tăka hina heăma I Jesoes: ka nggikina hi mangădătoe ha! ndena măndoeng na eti monoeng mi.

Toenanoe I Jesoes hina hadang, hiwănanja na ngiloe dăngoe na ngaling: păndjang wa pambangatoe. Toenanoe ndedi mbădikoe na, na kahănăroe ka na ngiloe. Toenanoe laloe hangătăroe ha da tau, da mangădătoe mboe, hiwăda: nggăra tau ja ihoe jeăna, na ngiloe, na ngaling na kakikoenja na pareăta na. Toenanoe I Jesoes hida lakoe pangalang, loepa da toăma la tana Nggadara. Toenanoe bada tăka ka lai noe, hina hē ja I Jesoes la mamara, tăka hina hambocroe ha da tau da madoea, da patama setan, laloe kaborangoe ha. Toenanoe bana hăla ha ka papahămoe ha da tau mahidoe noeda, hina beli ja la paraing Kapernaem.

55. Da tau malima rata.

Toenanoe na hau na lodoe I Jesoes hina hili hē la teăna, da tau papapeăka na na kareăndja; na ngea palo'a da, marenî la koătăk Betsăida. Toenanoe da tau bada pi ma nja, mbăda lakoe na ka I Jesoes, na dangoe na tau na maweling lai noe lai nămoe, da li la wihi bada kikoenja njoena. Da reăngga ma bada lakoe, da tăka mangiloe la ngea papocroe na I Jesoes. Toenanoe bana hē ka I Jesoes la mamara, hina ita ha da tau, laloe dangoe ma ha bada pa'ochi. Toenanoe I Jesoes laloe namoe na ha, ha hama toe be da ka, da bimbi da mandaningoe madai ha. Toenanoe I Jesoes

hina papeākandja poeloeng hangia hangia; mboeloe ndāba na na tau na mahidoe, na pahāmoe ha. Toenanoe ba maringoe na nja ka na lodoe, tāka da tau papapeāka na hida mai la lihi na I Jesoes hiwāda: lai jehōe nde nggāra maningoe, roedoeng na nja ka; poelindja wa da tau kada lakoe, kada himboe pangada la koātāk, la woāka, ba ndeda ngāndi ā hāla da.

Tāka hina heāma I Jesoes: mātang amboe da lakoe, njimi kai wōndja pangada. Toenanoe hiwāda da tau papapeāka da: ka nggini ningoe ā ka, tangalang ningoe pangangoe, kata wōndja da tau da madangoe toedanoe; didi hang doea ngahoe ā dang da ndoei da manindja la lima ma; pira ka ka djāka ta kē wāndja, ndena loepa toāma mboe ha da tau. Tāka I Jesoes hina karai ha: da kangoeta da manindja lai njimi pira mboea da? Toenanoe hida heāma: da manindja, lima mboe da da kangoeta, doea ngioe da da ijang; nggāra toe ba na ka na tau na madangoe? Toenanoe I Jesoes hiwānandja da tau: mandapoe wa la roemba. Toenanoe hida mandapoe, bada mandapoe habandjaroe habandjaroe da; ninja na malima kamboeloe na habandjaroe, ninja na mahangahoe rihi na habandjaroe. Toenanoe I Jesoes hina piti ha da kangoeta lima mboe da, da ijang doea ngioe da; toenanoe hina tangara la awang hina hamajang. Toenanoe bana hāla ka hina piti ha da kangoeta hina kawita ha, hina wōndja ha la tau papapeāka na, hida paberi ndja la tau; da ijang na paberi mboe ndja la tau noeda. Toenanoe ngangoe da nja ka, mbihoe da nja ka doeda bada ngangoe. Toenanoe bada hāla ka pangangoe bada mbihoe ka, tāka I Jesoes hina peākandja da tau papapeāka na, hiwāna: lo'a kai pa'oehi ndja da tādi ngada da tau, ka amboe na mboelang nggāra nggāra; haka-mboeloe dāmboe mboāla da da tādi ngada da tau da pande hāla da.

Anakeāda dāngoe kawini nde padiha ā ha, da tau mini da mangangoe, lima rata rihi da.

Toenanoe da tau bada ita ja I Jesoes, bana toe ja na pahan-gātāroe wāngoe noena, hida panī dāngga angoe da: malānga tāka ja, djè ma ja na nabi na panapa nda weli āmang. Toenanoe

bada pakakandja da eti da, kata dandanja I Jesoes, ka Marämba pareäta ja, wäda be ä läti. Toenanoe I Jesoes bana pi ma ndja na pakanandi eti da, hina lakoe kangoendoehoe la palendi, na lakoe pahamajang lai noe.

56. I Jesoes bana li la pinoe wai tehikoe.

Toenanoe ba maren i roedoeng na ka, hida poeroe ha da tau papapeäka na I Jesoes la wara hida hē ha la teäna; kata beli la paraing Kapernaoem, wäda be ä. Toenanoe roedoeng na nja ka.

Täka I Jesoes ndena täka ndokoe bada pateänja. Toenanoe hida paliroeng; täka na tehik noena, na mbangat na ngaling. Toenanoe ba mandalora ja ka, I Jesoes hina kikoe ndja da tau papapeäka na, na pangga be ä la pinoe wai, hina toämanja na teäna la padoea tehikoe. Toenanoe I Jesoes bana täka maren i nja na teäna, laloe mangädätoe ha, da kaladäk mboe parai pamangädätoe; na pakanandi eti da, patau tehikoe ja ihoe, na mapangga la pinoe wai. Toenanoe hiwäna I Jesoes bana hänggändja: pamändoe ndja da eti mi, ambi mangädätoe; njoengga je'a. Toenanoe I Petroes hiwäna: djäka toenanoe Toehan, 'paleäwa ka doekoe njoengga, kakoe pangga doekoe la pinoe wai. Täka hiwäna I Jesoes: mai kau!

Toenanoe I Petroes hina poeroe ja weling la teäna, hina pangga la pinoe wai, hina toäma ja I Jesoes. Toenanoe I Petroes bana ita ja ka na ngaling, na ngiloe, ba laloe mbangatoe ja, toenanoe laloe mangädätoe ja na eti na; na tiki pamoemoehoe ka ä mang. Toenanoe na kaladäk bana pa'aunja I Jesoes. Täka I Jesoes hina pareänggang, hina padjoälänja na lima na, hina japa ja, hiwänanja: ha tau, ma nde bokoel monoeng moe! kanggikina hi toenanoe na eti moe mangädätoe na. Toenanoe hida hē paka-reäng la teäna; pändjäng na nja ka na ngiloe, na ngaling pambangatoe.

Toenanoe mboendäba da da tau la teäna da karoedoek la I Jesoes, hiwäda: malänga täka ja jeäna, Ana na I Ala ja.

57. I Jesoes la oema na I Simon.

Toenanoe hi ninja haätoe na na tau Parihi, I Simon ja na ngara na, hina wändanja I Jesoes paloa pangangoe la oema na. Toenanoe ba talänga ninja I Jesoes la oema na I Simon, ba talänga ngangoe da, hina tama haätoe na na kawini käli ndjoeräk. Na kawini noena na häla pamandjarea ja na ndjala na.

Toenanoe na kawini noena hina tama bana ngändi hau boti na na doepa. Toenanoe bana tama ka, hina mai ja la lihi na I Jesoes, hina ndoäläkoe la kadjë'a na, hina hī dira matiki; na wai mata na noena na baha ha da wihi na I Jesoes. Tāka hina kangocli wändja roe linggi na. Tāka hina poedoekoe ha da wihi na, hina boeri nja la wihi na na doepa noena. Toenanoe na mǎngoe oemang bana ita ja noena na kawini, bana mǎta be nja parai na I Jesoes, tāka hina panī la eti na, hiwǎna: na tau jeāna, djāka nabi ja lāti, na pi doe nja lāti na kawini noena, ba kawini kaborangoe ja. Tāka I Jesoes hiwǎnanja mǎngoe oemang: ha Simon, ningoe papanī nggoe; ninja haätoe na na tau bana paroetang āmāhoe, lima ngahoe da la haätoe, tāka la haätoe limakamboeloe da; toenanoe da tau madoea noeda, ba ndeda pabeli ndokoe ndja da āmāhoe, ba tau mamila ha, toenanoe njoena mǎngoe āmāhoeng, hiwǎna-ndja: mǎta ndja ka doeda da āmāhoe. Toenanoe hiwǎna I Jesoes: mǎla bau pakakanja; nggini ja na tau na marihi mboehanja mǎngoe āmāhoeng.

Tāka hina heāma I Simon hiwǎna: bakoe pakakanja na eti nggoe, na marihi mboehanja mǎngoe āmāhoeng, djeà doe ja noena na makē lima ngahoe.

Toenanoe hiwǎna I Jesoes: lǎnga tāka na pakaka eti moe; mǎla noe, oe ita ja na kawini nina? kanandi pahāmoe hāmoe nja, bakoe tama la oema moe ndau wǒngga i wai kakoe baha wändja da wihi nggoe. Tāka na kawini nina, bana baha ha da wihi nggoe, da baha wändja wai mata na. Toena ka i doe i noe, ba ndau poedoekoe ka njoengga, na kawini jeāna ba hīna na tama lai jehoe la oema moe, ndena pǎndjǎng ndokoe ngga papoedoekoe ha da

wihî nggoe. Tăka njoemoe ndau boeri ngga doepa la katikoe nggoe, tăka na kawini nina na boeri be ngga doepa la wihî nggoe. Bakoe panî lai njoemoe, na kawini nina djèpa nda nggiki dangoe da da ndjala na, na ngalang ka mahămoe, ba djè ja ba laloe namoe na nja; djăka nggămoe ja na ma ngalang mahămoe hakoedoe, na namoe hakoedoe ă.

Toenanoe hiwănanja na kawini noena I Jesoes: da ndjala moe koe mătă be ndja ka; beli wa la oema moe.

58. I Zacheoes.

Toenanoe I Jesoes lo'a na nja ka la paraing Jeroesalem. Tăka hina lakoe li la koătăk Jericho. Toenanoe hi ninja lai noe haătœ na na tau, na mande'oekoe woeloe ja; na ngara na I Zacheoes ja; njoena na kapala matanggœ kē hiloe katikoe ja. Toenanoe I Zacheoes laloe mboehangœ ja pa'ita ja I Jesoes. Toenanoe nde pekœ ita na nja ka, ba lalœ dangœ ja na tau la ngarăngia; njoena ba tau pândăkœ ja. Toenanoe hina himboe woelœ aka, hina lakœ mangilœ hina tăngăroe ja la ngea pali na I Jesoes, hina hē ja la kapœka ai. Toenanoe I Jesoes bana toăma ka la toeba na na pingi ai, na ngea pahē na I Zacheoes, toenanoe hina tangara ja hina ita ja I Zacheoes. Toenanoe hiwănanja; ha Zacheoes poeroe kau, na lodœ năhoe, kœ lakœ li la oema moe. Toenanoe I Zacheoes hina poeroe pareănggang, hina karcănja la oema na; na eti na lalœ hămœ ja.

Toenanoe mboeloendăba na na tau na ma'ita ja I Jesoes bana tama ja la oema na I Zacheoes, hiwăda bada panî la eti da: na hămœ be ihœ bana tama la oema tau mandjala?

Tăka I Zacheus hina ndoălak hiwăna: Toehan, da banda nggoe hawiang kœ paberinja na tau mamila; djăka kœ piti palaping na malandja tau, djăka kœ pabeli ndja năhoe, patœ ndăni da.

Tăka hina heăma I Jesoes hiwăna: na mahămœ na tăka ka la oema moe njoemœ na lodœ năhoe. Malănga tăka ja na Ana tau bana poeroe ja la tana, na mai pahimbœ ja na tau na mamboe-lang, pahămœ ja, wăna be ă.

59. Li pangerang.

I Jesoes bana papeàka ndja da tau papapeàka na, na wǎngoe li pangerang. Toenanoe na hau na lodoe I Jesoes, ba talǎnga mandapoe na la karaba tehikoe, laloe dangoe ja na tau na mamai lai njoena. Toenanoe hina hē ja la teàna, hina papeàkanja na tau na mapa'oehi la mamara bana wǎngoe li pangerang.

Toenanoe ninja haǎtoe na na tau na mǎngoe woǎkang. Toenanoe na tau noena hina loehoe ja hina lo pahǎbǎroe nja wini na na woǎka. Toenanoe bana hǎbǎroe nja wini tana noena, hawiang na kanaboe la ngarǎngia. Tǎka da tau da malakoe li, da dili palo-pamainja; da tǎka da ngara mahawoeroeng, da tǎhikoe hǎla ja. Tǎka hi ninja na makanaboe la tana maningoe watoe; bana manipa ǎ na tana na, toenanoe hina toemboe pareǎnggang; djǎka na tǎka nja ka lodoe, malāi na nja ka, ba ndaningoe amoe na, meti na nja ka.

Tǎka hi ninja na makanaboe la padoea kalǎla. Toenanoe da kalǎla da toemboe pakareǎngoe ka, hida nǎpoe nja kalǎla.

Tǎka hi ninja na makanaboe la tana mahǎmoe. Toenanoe hina toemboe, hina toe woǎ na; nindja da mahangahoe da, nindja da manomoekamboeloe da, nindja da matiloekamboeloe da. Djǎka nggamoe ja na maningoe kahiloeng, mǎla wa kana rongoe.

Toenanoe da tau papapeàka na, hida kara ja na pingi na na li pangerang noena.

Toenanoe hiwǎna I Jesoes: da wini ba wǎnggoe, djè ja na papaní na I Ala. Na makanaboe la ngarǎngia, ba wǎnggoe, djè ja na tau na marongoe ja; toenakanoe tǎka na nja ka I Setàn hina manganga ja na papaní na I Ala, na maninja la eti na, ka amboe na monoeng ja, ka amboe na ngalang mahǎmoe, wǎna. Na makanaboe la watoe, ba wǎnggoe, djè ja na tau na marongoe ja, tǎka hina pakǎpa ja la eti na, laloe mboehangoe ja; ba toenanoe ba ndaningoe amoe na, ndedi nggi mandai na na mboelang; djǎka na kamanja ka tau, na kandoeling.

Na makanaboe la padoea kalǎla, ba wǎnggoe, djè ja na tau na

marongoe ja, tãka na banda na, na hidoe na, na handoeke na, noe ha da pakãkoe wãna; toenanoe hi ndaningoe wõa na. Na maka-naboe la tana mahãmoe, bawãnggoe, djè ja na tau na marongoe ja na papaní na I Ala, na pakãpa ja la eti na na malãndji; toenanoe hina kikoe nja, hina kãli woã.

Na nge'a papareãta na I Ala, hama toena haãtoe na na tau na mahãbãroeng wini tana mahãmoe la woãka na. Toenanoe bana mahoeroe ka, tãka na nja ka na papa na bana ngãndi wãla witoe, hina hãbãroenja la woãka noena. Toenanoe bana hãla ja ka, lakoe na nja ka. Toenanoe bana toemboe ka na wini tana, ba ningoe ka roe na, ningoe mboe woã na; na witoe hamang bada toemboe pakareang.

Toenanoe hida lakoe da tau da madai ja na woãka noena, hida peãka nja na miri da hiwãda: ha oemboe, ka ni bau hãbãroeng wini tana, wini tana hãmoe ja, ka nggi weli ni da ihoe da roemba? Tãka hina heãma na miri da, djè ja na papa nggoe na matoe-toena ngga noe la woãka nggoe.

Toenanoe hiwãda da tau da madai ja na woãka noena: mãla noe, oemboe, kama lo'a paboeta ja na roemba, kama pa'oehinja. Tãka hina heãma mãngoe woãkang: mãtang, djãkai boeta ja na roemba, djẽngoe i boeta ja na oehoe, bana pahama ndãba; mãtanja ka kana toemboe pakareang; napa doena ba ta toãma ja ka na rehi moeti nda; djãka ta moeti, napa kakoe peãkanja na tau: pa'oehi ja na roemba kahau nja, na oehoe kahau nja, ka wãnggoe nja; na roemba, toenoe ja la epi, na oehoe wotoe ja la oema eri kahau nja.

Toenanoe I Jesoes bana hãla ka papaní, lakoe na nja ka. Toenanoe bana tãka ka la oema na, hida lo'a pakarai ja da tau papapeãka na: peãka nggãma nja na pingi na na li pangerang kawai, na parongoe ma, wãda. Toenanoe I Jesoes hina heãma: na tau na mahãbãroeng wini tana hãmoe, ba wãnggoe, djè ja na Ana tau; na woãka ba wãnggoe, djè ja panggo boel awang; na wini tana mahãmoe, ba wãnggoe, djè ha da ana awang; na roemba, ba

wänggoe, djè ha da ana makaborang; na papa nggoe na mahăbă-roeng roemba, djè ja I Setan; tăka la pamoeti, ba wänggoe, djè ja bana moeloeng na tana, na tanjănggăr na awang; da tau da mamoeiti, ba wänggoe, djè ha da malaikătœ. Hama toena na roemba, ba toenoe hăla ja la epi, toena ka doe i doena, djăka na moeloeng ka na tana, na tanjănggăroe ka na awang. Na Ana tau napa na pareăta ha da malaikăt, da pa'oehinja na tau na mandjala, na makaborang; ba toenakanoe hi wăroendja la epi mandembăda; lai noe hī dăngoe kakehoekoe woă ngăndœ. Tăka na tau na matăndji etí na, napa na kadjilăk hama toena na lodœ, la nge'a papareăta na I Ala, Ama nggoe njoengga.

Djăka nggamœ na maningœ kahiloeng, măla wa kana rongœ.

Na nge'a papareăta na I Ala, hama toena na karohœ sawi mărăkœ na; bana piti ja tau, hina tondœnja la woăka na. Djêpa ba toe ă na noe ba ana kœ-koedœ ă na nja, na rihi ndja pa bokoel da pingi ai hangia hangia, bana toembœ.

Na pingi ai noena bana bokoelœ ka, ba ningœ ka lai na, toenanœ mboelœ ndăba da da ngara mahawoeroeng hida mai hida woelœ hibœ da la lai na noena na ai.

Na nge'a papareăta na I Ala, hama toena na tai wolœ mbana; bana piti ha haătœ na na kawini da tilœ mboea nggatang da oeta kangoeta hina pakoroeng, hina oerăk-oerăkœ ja, loepa na majiloeng hă hămoeng.

Na nge'a papareăta na I Ala hama toena na tau na makabelibatœ, na mahimbœ ihi niripœ. Toenanœ bana hoenggoe ja ka hau na, lalœ bokoelœ ma ja; toenanœ hina lakœ ja hina danggandja da ăna nggăra na la oema na. Tăka hina kē ja ihi niripœ noena.

Na nge'a papareăta na I Ala, hama toena na ămăhœ na makawining la tana. Toenanœ hininja haătœ na na tau na mahoenggoe ja na ămăhœ noena; hina hili kawini nja. Toenanœ ba lalœ mboehangœ ja, hina lakœ ja hina danggandja da ăna nggăra na

la oema na, hina kē ja na woäka noena; hina äki ja na ämähoe na makawining noena.

Na nge'a papareäta na I Ala, hama toena na ndjeri wari, na pandoeha la tehikoe, bana pa'oehi nja mboendäba na na ijang hangia hangia.

Toenanoe djäka na mbinoe ka hina jila ja tau hina hē ngändi ja la mamara. Toenanoe hina mandapoe ja hina pindi ha da ijang da mahämoe, na toe ha la katanga; da ijang da mande hämoe, na wäroendja. Djè ja ba toenanoe, toena kadoe i doena haromoe, djäka na moeloeng ka na tana. Da malaikät da kawäri ja na tau na makaborang dängoe na tau na matändji eti na, na kahau nja. Toenanoe bada häla ka, na tau makaborang da poeha ja la epi na mande mbäda, lai noe hī dängoe kakehoek woä ngändoe.

60. Na tau mangoe woakang.

Toenanoe hiwäna I Jesoes na nge'a papareäta na I Ala, hama toena haätoe na na tau mängoe woakang. Toenanoe hadang la mbaroe hina loehoe ja weling la oema na hina himboe tau: kakoe wöndja woenda da, kada räma la woäka nggoe, wäna be ä. Toenanoe bana hoenggoe ka tau hina padenindja da woenda da, hau tali na haätoe na hau lodoe; toenanoe hina paleäwa ha, lakoe paräma la woäka nggoe, wänandja. Toenanoe ba pera doea pahē na ka na lodoe, na hili lakoe pahimboe tau. Toenanoe hina ita ha da tau la ngarängia da manderäma, hiwänandja: lakoe njimi kai räma la woäka nggoe, djäka pira pira bakoe wönggami, koe padenindja.

Toenanoe hida lakoe da tau noeda. Toenanoe na hili loehoe ja bana tidoeng ka na lodoe; na hili lakoe ba hapoengoe kokoer djangga na na lodoe, na hili itang tau, hiwänandja: lakoe kämi kai räma la woäka nggoe. Toenanoe ba hapoengoe kokoer pändäkie na ka na lodoe, na hili lo'a pahimboe tau, hina itang tau da manderäma, hiwänandja: ka nggiki na njimi hi ndoäläkie djoea; nda

nggära paräma mi hau lodoe hau lodoe? Toenanoe hiwäda bada heäma: ndaningoe na mawönggäma woenda ma, kama räma. Toenanoe hina heäma mängoe woäkang hiwänandja: djäka toenanoe, imai kämi, kai räma la woäka nggoe, kakoe wönggämi woenda mi.

Toenanoe bana roedoeng ka, hina paleäwa ja na matanggoe pareäta, hiwänanja: lo wa papa'au ndja mboendäba da da tau da maräma, kata wöndja ha da woenda da; kau pa'aunja na matäka malamiri, dängoe na tau na matäka mangiloe.

Toenanoe bada täka ka da tau noeda, da tau da matäka malamiri, da ngalang mboe hau tali haätoe haätoe. Toenanoe da tau da matäka mangiloe bada pakakandja da eti da: da dangoe pa ihoe da woenda ma njoema, paräma weling mbaroe ma loepa na maling i. Täka hida ngalang haätoe hau tali, haätoe hau tali.

Toenanoe bada kē ha ka hida lakoe la mängoe woäkang, hiwäda: ha oemboe, bana diha nggäma, na pahama päkoe nggäma na tau na matäka malamiri; da tau noeda bada räma hakoedoe ä, täka njoema päkoe, bama räma weling mbaroe loepa ma pamalinja. Toenanoe hina heäma mängoe woäkang hiwäna: ha tau arija nggoe, ndakoe ndjala ä lai njimi; mbäda peäka moe ka lai njoengga hau lodoe hau tali, mbäda wänggoe nggämi. Piti ja na tanggoe moe, kai lakoe; da tau da matäka malamiri, koe pahama dändja da woenda mi.

Mäla noe bau pakakanja na eti moe, ndakoe ngalang ma pawängoe eti nggoe bakoe wöngoe ämähoe nggoe la tau? Mäla noe, na karäoe ma na eti mi, djäka na hämoe na eti nggoe la angoe nggoe patau?

Toenanoe da tau da malamiri, napa djè ha da mamangiloe; da tau da mamangiloe napa djè ha da mamalamiri; na dangoe na tau na padoendang, hakoedoe ä na papindi.

61. I Ala na namoe ha da tau.

Toenanoe I Jesoes bana papeäkang, laloe dangoe ja na tau na mamai lai njoena; da tau da matanggoe kē hiloe katikoe dängoe

da tau da makaborang, da mboehang parongoe ja I Jesoes bana paní. Toenanoë da tau Parihi da poeloe wǎnja I Jesoes, hiwǎda: na tau jeàna na mboeha-mboeha ndja da tau da mandjala, na nga dǎndja njoeda.

Toenanoë I Jesoes hina woenda ndja ja na li pangerang jeàna:

Djǎka nggamoe ja na maningoe kamǎmbi hangahoe da, djǎka na mboelang na he'au, mǎla noe na mǎta be nja? Toenanoë hina mǎtandja ba hiwakamboeloe hiwa ngioe da, hina lakoe pahimboe ja na he'au na mamboelang, loepa na hoenggoe ma ja.

Toenanoë bana hoenggoe ja ka hina doekoe ja la koendoe na, laloe hǎmoe ja na eti na. Toenanoë bana tǎka ka la oema na hina pa'aundja da arijǎ na, da kalembi na hiwǎnandja njoeda: mǎla wa kai kawǎra hǎmoe eti nda, ba djè ja bakoe hoenggoe ja ka na kamǎmbi nggoe na mamboelang.

Toenanoë hiwǎnggoe nggǎmi njimi bakoe paní: djǎka haǎtoe na na tau na mandjala, djǎka na mandjarea ka, toeda ka doe i la awang, da malaikǎt bada hǎmoe da eti da.

Toenanoë ninja haǎtoe na na tau kawini, na maningoeng haka-mboeloe ndoei; toenanoë hina mboelang na hau; toenanoë bana mboelang ka, hina toenoë ja na palita na, hina kandjǎkoe ja na oema na, na himboe himboe ja na ndoei na mamboelang, loepa na ita ma ja. Toenanoë bana ita ja ka, na pa'aundja da arijǎ na, da tau angoe koǎtǎkoe na, hiwǎna: mǎla wa kai kawǎra hǎmoe eti nda, ba djè ja bakoe ita ja na ndoei nggoe na mamboelang. Toenanoë bakoe paní nggǎmi njimi, toeda ka doe i la awang da malaikǎt mboendǎba da bada hǎmoe da eti da, ba djè ja na tau ba haǎtoe ǎ na na mamandjarea.

62. Na ana mini na mamboelang.

Toenanoë ninja haǎtoe na na tau, da doea da ana na mini. Toenanoë na haǎtoe na mama'eri, hiwǎnanja na ama na bana karai ja: ha ama, wǒngga wa doekoe tanggoe nggoe banda, kakoe kē ha, kakoe lakoe la hau tana.

Toenanoe na ama na hina wõnja tanggoe na banda. Toenanoe bana hãla ka, na bidi mini noena hina pa'oehindja da banda na da pawõna nja na ama na, hina lakoe ja la hau paraing, la mamarau.

Toenanoe lai noe na malandja wãndja da âmãhoe, na wãroe wãroe ndja bana remi dira matiki; bana ndjoeräkoc wãndja la kawini. Toenanoe loepa na hãla ma ha da banda na, ndaningoc ndokoe pa ana nggãra nggãra na. Toenanoe la paraing lai noe, rimbang mboe na nja, ndaningoe pa pangangoe. Toenanoe hina tama parãma la haãtoe na tau mawoeloe, hina paleãwa ja: lo padai ha da wē nggoe, wãnanja. Toenanoe laloe mangãbãngoe ja pangandja da oehoe da da wē ba laloe mandjoe ja, tãka haãtoe tau ndaningoe mawõnja ja.

Toenanoc bana kanandi hili weli hili weli ja na eti na, hina namoe beli ja na oema ama na, hiwãna: la oema ama nggoe da tau da marãma, bada ngangoe, da ngangoe padangoe, tãka njoengga jea, hikoe meti rimbang be ka.

Na hãmoe pa, djãka koc hadang, djãka koc lakoe lai ama nggoe, ka wãnggoe nja bakoe paní: ha ama! njoengga koc ndjala la I Ala, lai njoemoe; ba toenanoe âmboe tiki pa ana nggoe ja, âmboe wãmoe pa; pahama ngga ka la tau na marãma lai njoemoe.

Toenanoe hina hadang, hina lakoe la oema ama na. Toenanoe bana marau i pa, bana ita ja ka parai na na ama na, laloe namoe na nja na ama na, hina hadang, hina palai pahamboeroe ja na ana na, hina rohoe ja, hina poedoekoe ja bana hĩ. Tãka hiwãna na ana na: ha ama! mbãda ndjala nggoe ka la I Ala, lai njoemoe, ndena hãmoe pa, ana nggoe ja, djãka wãmoe ngga pa.

Tãka hina heãma na ama na, bana peãkandja da tau papaleãwa na: ngãndi nda paki na da manandang kata pahau nja; toenja tawoeroe la woã lima na dãngoe halapa la wihi na; kai ngãndi nda karãmbõ'a mamboãka, toboeng; mãta kata ngangoe kata remi; na ana nggoe jeãna, hama toena ba mbãda meti na ka, tãka hi hadang beli na nja ka nãhoe; na mboelang ka, koc hoenggoe beli ja ka. Toenanoe remi da nja ka.

Toenanoe na mama'aja la woăka be ja ka; ba mareni nja ka na oema, hina rongoe maremi dăngoe lingoe ana mongoe.

Toenanoe hina pa'aunja haătoe na tau lai noe, hina karai ja, hiwăna: nggăra oela na hina remi noena? Toenanoe hina heăma na tau noena, hiwăna: na eri moe mbăda beli na ka, na ama moe hina toboeng karămbo'a na mamboăka; bana hoenggoe beli ja ka na ana na na mamboelang, wăna.

Toenanoe na mama'aja, laloe mbeni ja, ndena bihoe patama la oema. Tăka hina loehoe ja na ama na: koe lo'a papamandanja, wăna be ă.

Toenanoe na mama'aja hiwăna, bana heăma ja na ama na: tăngăroe, njoengga pira mboea ndaung be nggoe ka bakoe ndădikoe la oema moe njoemoe; ndedi koe handăkang papatara lai njoemoe, djêpa batoe ă na, ndedioe wŏngga he'au kamămbi, kakoe rori, kakoe pa'oehindja da arijă nggoe, kakoe remi; tăngăroe ja noe, bana tăka ka na ana moe, bana hăla ha ka da banda moe la kawini ndjoerăk, tăkau toboe be nja karămbo'a na mamboăka.

Toenanoe hiwăna na ama na bana heăma: ha ana nggoe, njoemoe ba la lihi i nggoe nggau pa, da banda nggoe njoengga mboeloendăba da, banda moe njoemoe ha. Hămoe doe i ja noe, ba tăka na nja na eri moe hila toboe nja karămbo'a, taremi mboe; na eri moe, hama toena ba mbăda meti na ka, na loeri beli ja; mbăda mboelang na ka, tahoenggoe beli ja ka.

63. Na tau mawoeloe banda dăngoe I Lasaroes.

Toenanoe ninja haătoe na na tau na mawoeloe; da hinggi na, da tera na, kăha păkoe hinggi manandang djoea; hau lodoe hau lodoe noewang naingoe ma na, na remi na; na ngangoe mahămoe djoea. Tăka hi ninja haătoe na na tau na mamila, na mangarang I Lasaroes; bana ngangoe na wăngoe pakarai djoea be ă; na ihi na na mbinoe nja mapongoe manggări; na mahoeroe la pindoe la tau na mawoeloe noena.

Toenanoe laloe mangăbăngoe ja pangangoe na tădi ngana na tau

na mawoeloe noena. Tăka njoena ndena wŏnja ja. Toenanoe da ahoe na na tau mawoeloe noena, hida lo'a padjăli ha da mapo-
ngoe na.

Toenanoe ndedi mandai na, meti na nja ka na tau mamila noena, hina piti ja malaikăt hina kareanja, hina bândjăloe ja la baba na I Abraham. Tăka na tau na mawoeloe na meti mboe, hida tani nja tau. Toenanoe na tau na mawoeloe, ba ninja ka la epi mande mbăda, tăka hina ita marau ja I Abraham, I Lasaroës ba ninja la baba na.

Toenanoe hina pa'aung hiwăna: ha ama Abraham, namoe ka njoengga; paleawa i ja I Lasaroës, kana hăboe ja la wai na hoepoe wŏa lima na, kana dătăloe nja na lăma nggoe, kana maringoe ki hakoedoe, ba laloe haroëi ja lai njoengga la epi jeàna.

Tăka hina heàma I Abraham, hiwăna: ha ana nggoe, namoe ni ja bau loeri pa, bau kē mahămoe, tăka I Lasaroës bana kē maharoëi; ba toenanoe năhoe na ngalang ka mahămoe, tăka njoemoe oe pădăngoe i maharoëi.

Toenana tăka hi ninja i la padoea nda na mapadimbăkoe; na tau lai jehoe ndena ngalang palo'a lai heàna, na tau lai heàna ndena ngalang pamai lai jehoe.

Tăka na tau na mawoelo: noena hiwăna: ha ama, djăka toenanoe, paleawa ja I Lasaroës la oema ama nggoe, ba nindja da eri nggoe da malima, kana peăkandja I Lasaroës, ka âmboe da tama lai jehoe, la pange'a nggoe njoengga na maharoëi

Toenanoe I Abraham hiwănanja njoena: nindja da hoerătoe, na hămoe ka kada rongoe ha.

Tăka hiwăna na tau na mawoeloe: âmboe toemoe noe ama, na hămoe pa djăka haătoe na na tau mameti, djăka na hadang beli, bana pawoewang wiki na, kana peăkandja kada pinja.

Toenanoe hiwăna I Abraham: djăka ndeda bihoe parongoe ja na hoerătoe, ndeda rongoe mboe ja na tau na mameti, djăka na hadang beli.

64. Da anakeàda la lihi na I Jesoes.

Toenanoe na hau na lodoe, tãka da tau papapeàka na I Jesoes, hiwãdanja bada karai ja: nggamoe ja na marihi bokoeloe na la nge'a pareàta na I Ala? Toenanoe I Jesoes hina pa'aunja haãtoe na na anakeàda koedoe, hina toe ja la padoea da, hiwãna: malãnga tãka ja, djãka ndai pambeling hama toena jeàna na anakeàda, ndai ngalang patama la nge'a pareàta na I Ala; djãka nggamoe ja na mamãrãhoe eti na, hama toena nina na anakeàda, djè ja na marihi bokoeloe na la nge'a pareàta na I Ala; djãka nggamoe ja na mapabeànja na anakeàda jeàna, ba djeà ja na ngara nggoe, na paheangga njoengga. Djãmang ãmbi poeloe wãndja da ma'ana koe-koedoe da jeàda, ba djeà ka njoengga; bakoe paní nggãmi njimi, da malaikãt na na anakeàda ndeda pãndjãng pa'ita ja na mata na i ama nggoe la awang.

Toenanoe na hau na lodoe hi nindja da anakeàda bana kareàndja ina da ama da, kana rãma ha I Jesoes, wãda be ã. Tãka da tau papapeàka na, hida pãtoe ha da tau, ãmbi kareàndja da anakeàda, wãda. Toenanoe I Jesoes bana ita ha ka, hiwãna: mãta ndja ka da anakeàda kada mai lai njoengga, ambi pãtoe ha; da matocda noe da awanja na awang.

Malãnga tãka ja bakoe paní nggãmi njimi, djãka nggamoe ja na mandekẽ ja na nge'a pareàta na I Ala, hama toena na anakeàda koedoe bana kẽ ja, njoena ndena ngalangoe ã patama.

Toenanoe I Jesoes hina rohoe ha da anakeàda noeda hina toe ndja lima na la katikoe da, hina peàkandja na mahãmoe.

65. Na tau Samaria.

Toenanoe na hau na lodoe bi ninja haãtoe na na tau na mappingoe hoerãtoe pareàta. Toenanoe hina lo'a hina kamanja I Jesoes, hiwãna: ka nggãra ã ja ka na pakikoe nggoe, kakoe ngalang loeri panoewang? Tãka hina heàma I Jesoes: nggãra pahoeãtoe la Torãtoe; nggiki na ban badja? Toenanoe hina heàma na tau noena

hiwăna: njoemoe mboeha păkoe nja na Ala moe, eti hakahaung, kahaung ndewa moe, kahaung ătăloe moe, kahaung manggăna moe, tăka na angoe moe patau mboeha păkoe nja hama toena bau mboeha-nja na ihi wiki moe njoemoe, wăna.

Tăka I Jesoes hina beăma: kikoe toemoe nja noe, oeloeri pa-noewang.

Toenanoe hiwăna na tau noena, bana bokoeloe eti na: nggamoe ja na angoe nggoe patau?

Toenanoe hina beăma I Jesoes, bana wăngoe li pangerang toenanoe.

Ninja haătœ na na tau Pinang, na maloehoe weling la paraing Jeroesalem, na lakoe la paraing Jericho. Toenanoe bana tăka ka la padoea ngarăngia, hina hamboeroe tau makaborang, da ma kăli pakoădja. Toenanoe da tau kaborang noeda hida jăpa ja njoena, hida koădja ja; toenanoe bana manoea ka hida wăhi ha da ngăndi na, hida palai wăroe be nja.

Toenanoe ninja haătœ na na ratœ, na mali ja la ngarăngia noena. Toenanoe hina ita ja na tau noena, na mamanoea kawai. Tăka na ratœ noena bana ita ja ka, lakoe pangalang be na nja.

Toenanoe ndedi nggi mandai na, haătœ na na tau Lewi na li ja la ngarăngia noena. Toenanoe bana ita ja ka na tau mamanoea noena, lakoe pangalang be na nja ka.

Toenanoe hi ninja haătœ na na tau Samaria, na mali ja la ngarăngia noena. Toenanoe bana ita ja ka na tau noena hina lakoe ja, hina lihi nja; na eti na lalœe namœ na nja na tau na mamanoea. Toenanoe hina baha ha da mamanoea la ihi na na tau noena, hina toe ndja moeroe, hina wotœ ja la pakaliti na, hina kareănja la oema ngea pali patodœ. Toenanoe bana hadang ka la mbarœ, na tau Samaria noena hiwănanja măngœe oemang: tăngăroe pahă-mœe hămœ nja na tau mahidœ jeăna; jeăda da âmăhoc kau kē wăndja panga na; djăkau hăla ha ka da âmăhoc, djăka ningœe âmăhoc lai njoemœ, kē wăndja kadiroe panga na; napa djăka koc beli ka, kakœe hilœ ha ka da âmăhoc mœ, wăna bana paní.

Toenanœ lakœe na nja ka, na tau Samaria noena.

Māla noe bau pakakanja la eti moe, da tau da madoea haātoe da noeda, da mali la ngarāngia noena: nggamoe ja na angoe na patau na tau mamananoea noena.

Tāka hina heāma na tau na pakarai na: na tau na manamoe ja na tau mamananoea noena.

Toenanoe hiwāna I Jesoes: lakoe wa, toenanoe toemoe ka i doemoe njoemoe.

66. Na tau na mawoetang amahoe.

Na nge'a pareāta na I Ala, na pangera wānja na tau na madiha āmāhoe na la tau na mawoetang lai njoena. Toenanoe bana diha diha ha, hina tāka haātoe na na tau, na mawoetang lai njoena nomoe kamboeloe riwoe da. Toenanoe ba ndaningoe ndokoe ma pa pawōngoe ha da woeta na, toenanoe māngoe āmāhoeng hiwāna: dangga ndja njoena dāngoe na papaha na, dāngoe da ana na, dāngoe da āna nggāra nggāra da la oema na, kana wōngoe ha da woeta na. Toenanoe hina karoedoek na tau noena la hangga na, hiwāna: malangoem oemboe, napa pākoe, koe ngeri wōnggau ka. Toenanoe ba laloe namoe na nja na tau noena, hina māta be nja, hiwāna: batoenanoe māta ndja ka doeda da āmāhoe, āmboe wō doe ngga ha pa.

Toenanoe ba hīna na loehoe ja lai noe, bana toāma ka la hambeli, hina hamboeroe ja na angoe na, na mawoetang lai njoena hangahoe da da āmāhoe. Toenanoe hina jāpa ja hina kohoeloe ja na nggoroe na, hiwāna: wōngga ha wa da āmāhoe nggoe. Toenanoe na angoe na hina karodoek la wihi na hiwāna: napa kadiroe, napa koe ngeri wōnggau ha, wānanja.

Toenanoe ndena biboe parongoe, hina poeli ja la makapātāng, loepa na hāla ndāba ha da āmāhoe nggoe papabelinja, hikoe māngoe papahāla ja, wāna be ā.

Toenanoe da angoe na bada ita ja na poeloeng na matoenanoe, hida lo'a papeāka la miri da. Tāka na miri da bana rongoe ka hina pa'aunja na tau na mande panamoeng, hiwānanja:

ha tau makaborang, da woetang ma lai njoengga, koe mǎta be nggau; na hǎmoe doe lǎti, djǎkau namoe ja na angoe moe patau, hama toena doekoe njoengga bakoe namoe kau njoemoe. Toenanoe laloe mbeni ja na miri na, hina poehi ja la makapǎtang, loepa na pabeli hǎla ndja da ǎmǎhoe na na miri na.

Toena ka doe i na ama nggoe na maninja la awang, djǎka ndai djǎmandja da ndjala da da angoe mi patau.

67. Na tau na mandetandji eti na.

Toenanoe I Jesoes hina paní ja na li pangerang hau: mahǎmoe ja na tau, djǎka na hamajǎng noewang naingoe ma na, hiwǎna: njinja la hau paraing haǎtoe na na kapala na matanggoe pareha poeloeng. Na tau noena ndena mangǎdǎtoe nja I Ala; haǎtoe tau ndena mangǎdǎtoe nja. La paraing noenǎ ni mboe nja haǎtoe na na kawini ndǔalǎk; toenanoe hina lo'a njoena, kana bǔata ja na makaloētoe nggoe, wǎna Toenanoe laloe mandai ja na kapala ndena bihoe ndokoe papaní ja na makaloētoe, na pangǎndi na na kawini noena. Toenanoe hina kanandi nja la eti na: djǐpa ndakoe mangǎdǎtoe nja I Ala, na tau ba ndakoe nggoema nja, jeǎna na kawini, mǎta kakoe bǔata ja na makaloētoe na, ba laloe handoeke na ngga, bana teǎngoe mai teǎngoe mai, ndena pǎndjǎng ndokoe.

Toenanoe hiwǎna I Jesoes: rongoe, bana paní toenanoe na tau noena na mande tǎndji eti na. Mǎla noe I Ala ndena rongoe ja na tau, na makarai wǎngoe roedoeng wǎngoe lodoe?

Bakoe paní lai njimi: I Ala na mareǎngga pakataka ja na pakarai na.

68. Na tau Parihi dangoe na tau na matanggoe ke hiloe katikoe.

Toenanoe I Jesoes hina hili paní li pangerang, hiwǎnanja na tau na makananding wiki na, na tandji ka doekoe na eti nggoe, bawǎna be ǎ, tǎka hina poeloe wǎnja na tau hawiang, hiwǎna:

Nindja da tau da madoca, da tama ha la oema na I Ala, kama hamajang, wăda be ă; na haătoe tau Parihi ja, tăka na haătoe tau na matanggoe kē hiloe katikoe ja, Toenanoe na tau Parihi hina hadang hina ndŏalăk, hina hamajang la eti na, hiwăna: Ja Ala, koe wotoenja na ngara moe, njoengga jeă nde toena na tau hawiang, hama toena na tau na mapahandoeka ja na angoe na patan, na mapameti tau, tau na mandjoerak, hama toena na tau na makē hiloe katikoe; hau minggoe hau minggoe bakoe rotoe wiki nggoe, koe pandoe'ang. Njoengga bakoe namoe ha da tau mamila, djăka hakamboeloe da lai njoengga, koe wŏnja ja na hau.

Tăka na tau na matanggoe kē hiloe katikoe, na ndoălăkoe marau, bana pakakanja na eti na ndena toroe mbeni patangăra la awang, dira na na tăba ja na koeroe na, hiwăna: Ja Ala, namoe ka njoengga, tau mandjala ka.

Bakoe paní nggămi njimi, na tau noena bana beli ja la oema na, na rihi nja pa patăndji eti na, na tau Parihi noena kawai.

Djăka nggamoe ja na mapabokoeloe wiki na, napa I Ala na pamărahoe ja; djăka nggamoe ja na mapamărahoe wiki na, napa I Ala na pabokoeloe ja.

69. Na tau kawini na mamila.

Toenanoe na hau na lodoe I Jesoes na mandapoe la lihi păti kanai ămăhoe; noena kanai ămăhoe papahămoe wănja na oema ngea pahamajang.

Toenanoe I Jesoes hina tăngăroe ha da tau da mapoehi ămăhoe; na tau na mawoeloe na toe padangoe.

Toenanoe tăka na nja ka na haătoe na kawini, mbăda meti na ka na mini lē na, nde'oekoe mila ma ja.

Toenanoe bana tăka ka la lihi păti noena. hina toe ha dămboe ndoei ă dang.

Tăka I Jesoes hina pa'aundja da tau papapeăka na, hiwănandja: malănga tăka ja bakoe peăka nggămi njimi, tăngăroe na haătoe na kawini bana poehi ămăhoe la pati, na ribinja mboendăba na na tau

bana toe ha; ba dangoe da nja hina poehi ha, tãka na kawini jeàna, na poehi mǎngoe didingoe ha.

70. Nggamoe ja, wada ngga?

Toenanoe na hau na lodoe I Jesoes hina karai ha da tau papapeàka na: da tau bada kanandindja la eti da, bai rongoe ǎ bada paní: nggamoe ja, wǎda ngga? Toenanoe hida heàma: „hawiang I Johanis na matanggoe pa'ihoe; hawiang I Elias; hawiang I Jeremia; hawiang haàtoe nabi na mahadang beli, wǎda be ǎ.” Tãka I Jesoes hiwǎnandja: mǎla noe njimi, bai pakakandja da eti mi, ngga ka njoengga jeà? Toenanoe hina heàma I Petroes, hiwǎna: Njoemoe I Kristus, Ana na I Ala kau. Tãka hina heàma I Jesoes: hǎmoe wa, ha Simon, nde njoemoe ǎ ma pi wiki moe nja, I Ala na mapeàka nggǎmoe nja noe, hioe pinja.

Toenanoe hina I Jesoes hina peàkandja da tau papapeàka na: loepang ma bǎdi njoengga koe lo'a la paraing Jeroesalem, koe pǎdang maharoēi, mahandoeka; da tau mamatoea, dǎngoe da ratoe napa da pameti ka; tãka tiloe mboea lodoe nggœe kǎ hikoe hadang beli.

71. I Jesoes la Betania.

Toenanoe hininja na hau na koătǎk, na ngara na Betania; lai noe nindja da tau da madoea haàtoe, da mapa'eri-ajang; na ana mini da I Lasaroes ja; tãka da ana wini na I Marta dǎngoe I Maria. Da tau noeda da arijǎ na I Jesoes; na kǎli lo'a I Jesoes lai noe. Toenanoe na hau na lodoe I Jesoes hina lo'a lai noe, mboeloe ndǎba da ihi oema laloe hǎmoe ha da eti da. Toenanoe I Maria hina mandapoe la toeba wibi na I Jesoes bana patingi ja, bana papeàkang. Tãka I Marta laloe mǎrana ja bana kanǎamanja panga na I Jesoes. Toenanoe I Marta hina mai la lihi na I Jesoes hiwǎnanja: ha oemboe, ka nggiki na njoengga, laloe handoecka ka bakoe rǎma; peàkanja I Maria kana rǎma dǎngga. Toenanoe hina heàma

I Jesoes hiwăna: ha Marta, njoemoe pabandoeka wiki moe, bau răma ha da parăma moe; dira na I Maria na mapindi ja ka na tanggoe na na mahămoe, na pandengalang pawăhi tau lai njoena, ba didi jang na ma palingoe.

Toenanoe na hau na lodoe I Jesoes ba ninja la tana mamarau, hina rongoe: la Betania na arijă moe bidoe na nja, wăda. Tăka I Jesoes bana rongoe ja ka, hiwăna: na bidoe na noena, ndena - meti wa ă nja, dira na kana wotoe wănja na Ana na I Ala, wăna. Batoenakanoe na hili todoe dămboe roedoe na lai noe. Toenanoe bana lăpăhoe ka dămboe lodoe na, hiwăna I Jesoes bana peăka ndja da tau papapeăka na: na arijă nda I Lasaroes mahoeroe na nja; măla nda kata lo'a pabénginja.

Tăka da tau papapeăka na hiwăda bada heăma: djăka mahoeroe na nja, na hămoe! I Jesoes bana paní ndja: djè ja bana meti I Lasaroes: na pakandi eti da njoeda, mahoeroe be na nja, wăda be ă.

Toenanoe hiwăna I Jesoes bana paní pataloeloekoendja: I Lazaroes mbăda meti na ka, măla nda kata lo'a lai noe. Tăka I Thomas hiwăna bana paní la angoe na: măla nda wa kata lakoe, kata meti karèanja.

Na koătăk Betania, marení na nja la paraing Jeroesalem; toenanoe laloe dangoe ha da tau Jehoedi da malo'a lai noe, kata pamandandja da eti da I Marta dăngoe I Maria, wăda, ba handoecka dănja na ana mini da, bana meti.

Toenanoe I Marta bana rongoe ja ka I Jesoes: nămoe nja, ba wăda da tau, toenanoe hina hadang hina lakoe pahamboeroe ja I Jesoes la hambeli koătăk; toenanoe bana tăka ka lai noe hiwăna: ha Toeban, djăka ninggau lăti lai jehoe. nde toe ă lăti kana meti na ana mini nggoe, hiwănanja.

Tăka I Jesoes hina heăma hiwăna: na ana mini moe, na hada belingoe ja! Tăka I Marta hiwăna: koe pinja i doekoe njoengga, heăna bawămoe, djè ja bana moeloeng ka haromoe, hina măngoe pahadang. Toenanoe hina heăma I Jesoes: Njoengga jea matanggoe pahadangoe ka, matanggoe paloeri mboe ka; djăka nggamoe ja na

mamonoengga njoengga, na loeri, djépa ba meti na nja ka; djäka nggamoe ja na maloeri bana monoengga njoengga, njoena ndena meti ndokoe. Mäla noe, ndau monoengga njoengga?

Toenanoe hina heäma I Marta: malänga täka ja, koe monoenggan, I Toehan jeäna Ana na I Ala ja. na mapoeroe ja la tana!

Toenanoe bana häla ka papaní, hina lo'a papa'an kanoendoehoe nja I Maria. I Jesoes ninja, wäna nja. Täka I Maria bana rongoe toena kanoe, hina loe hadang, hina lakoe ja. na toäma ja I Jesoes, hina karoedoek la wihi na. hiwäna bana paní: ha Toehan, djäka ninggau läti lai jehoe, nde toe ä na na ana mini nggoe kana meti.

Toenanoe I Jesoes bana ita ja ka I Maria bana hī, dāngoe da tau Jehocdi da kareä na, toenanoe I Jesoes laloe handoeke ja na eti na, hina karai ha: nggini i tani ninja, hiwānandja. Täka hida heäma: mai kau, kau tängäroe ja.

Toenanoe I Jesoes hina hī. Täka hiwäda da tau Jehocdi: tängäroe ja, ba laloe mboeha ma na nja na arijä na, hina hī.

Toenanoe hida lakoe la reti na I Lasaroës; na reti noena, leāngoe ja, panggäbi wa be nja watoe la ngaroc na. Toenanoe hiwäna I Jesoes: boenggähoe ja na watoe jeäna. Täka I Maria hiwäna: ha Toehan ba patoe mboea roedoe ma na ka, na wau kadoena.

Toenanoe hina heäma I Jesoes: kani, mbäda häla nggoe ka papeäka nggau, monoengga njoengga, ba wänggoe ma doc nggau.

Toenanoe hila boenggähoe ja na watoc nggäbi na. Toenanoe I Jesoes hina tangära la awang hiwäna: Ila Ama, koe wotoc nggämoe njoemoe, njoemoe Ama bau rongoe doe ja ka na pakarai nggoe; koe pi ma nja i Ama bana rongoe ja na pakarai nggoe, kada pi ma nja mboendäba da da tau, i Ama ma na mapaleäwa ka njoengga.

Toenanoe I Jesoes bana häla ka hina pa'aunja, na pawādingoe ma: ha Lasaroës, lochoe kau! Toenanoe hina lochoe ja na tau mameti nocna; da wihi na da lima na papai wängoe ha tera; täka na mata na pakamboeroe wängoe tera ja. Toenanoe laloe dangoe ha da tau Jehocdi da mamonoenja I Jesoes, bada ita ja

na pahangätäroe wängoe noena. Tăka da ratoe dăngoe da tau Parihi da himboe woeloe aka, kata pameti ja, wăda be ă.

Toenanoe ba nomoe mboea lodoe ki ka, hi măngoe palodoe bokoel ja; toenanoe I Jesoes hina hili lo'a la koătăk Betania. Toenanoe bana tăka ka la noe, hida kanoăma nja pangangoe la oema na I Simon na makila. I Marta njoena na matanggoe pakē ndja pangangoe, tăka I Lasaroes mboe na mandapoe kareândja.

Toenanoe tăka ma nja ka I Maria, bana ngăndi ja hau boti na na doepa, na madangoe wili na; hina boeri ndja ja da wihi na I Jesoes, hina kangoeli wăndja roe loenggi na da wihi na. Toenanoe la oema noena laloe wau kati mboendăba na. Tăka na haătoe na na tau papapeăkang, I Joedas ja na ngara na, hiwăna: kanggiki na hi nde padangganja na doepa ni; na wili na ba tiloe kamboeloe da da ămăhoe, ka wo ă nja na tau mamila ă lăti. Na tau noena bana paní toenanoe, nde namoe na nja na tau mamila, na kanandi eti na, kakoe manganga ha hawiang, wăna bé ă.

Tăka I Jesoes hiwăna: kanggikina hioe pahandoeka ja na kawini nina bana toe i ja na mahămoe lai njoengga. Da tau mamila ni mănoe mănoe ndja la padoea mi njimi, tăka njoengga jeà nde ni mănoe mănoe ngga la padoea mi njimi. Na kawini jeăna, djăka nggini ja na poeloeng bana ngăndi ni ja na tau, na peăka mboe ja na wai ngera na na kawini jeăna.

72. I Jesoes na tama la paraing Jeroesalem.

Toenanoe hadang hama toena haromoe, I Jesoes lakoe na nja weling la koătăk Betania. Toenanoe I Jesoes bana mareninja ka na koătăk Belfage, tăka hina paleăwa ha da tau papapeăkang da madoea, hiwănandja: lakoe la koătăk năhoe la hangga mi, djăkai tăka lai noe, hi itang he'au na na koeldi bai na, ningoe ana na, kai wăkăhoe ja, kai iroe ja nămoe.

Djăka ninja măngoe koeldi: kanggiki na hi iroe ja, djăka wăna nggămi, wămi bai heăma: I Jesoes, koe kaliti ja, wăna; toenanoe

na poeli nggämi nja noena na koeldi. Toenanoe lakoe da nja ka da tau noeda, toenanoe bada ita ja ka na koeldi, hida iroe ja, da ngändi nja I Jesoes. Toenanoe hida pawälähoë nja hinggi la kadjeä na na koeldi noena, hina kaliti ja I Jesoes. Toenanoe padeningoe na nja ka na papani na na näbi ämäng, bawäna: tängäroe ja na Marämba mi njimi, bana pamaing lai njimi, bana märähoë eti na, hina kaliti koeldi bai na, na maningoe ana. Toenanoe I Jesoes ba la ngarängia be ja pa, dangoe ha da tau da mawälähoë ha da hinggi na la ngarängia; hawiang da poenggöe karangga ai kokoer, hida pawilikoeng wängoe; laloe dangoe ja na tau na mamangiloe na mamalamiri, bada loedoe: Hosäna Ana na I Daud, hämoe ba mai ja la ngara na I Toehan! Hosana la nge'a madjangga! Täka da tau Parihi hiwäda bada pani dängga angoe da: djëka ka nähoe, napa haromoe kata pameti ja, wäda be ä; laloe karaoë ha da eti da, bada ita ka mboendäba da da tau bada kikoe nja I Jesoes.

Toenanoe I Jesoes, bana mareninja ka la Jeroesalem hina hiwäna: no djäkau pinja läti, djäka nggära ja na pahämoe wängoe läti, djëpa na lodoe nähoe läti; täka nähoe da mata möe da kapoe-dang ka; napa ja ka i na papa mi. kana ndoäläk la kandjangaroe mi, bana winggiroe nggämi; napa na paraing Jeroesalem kana pamelaroenja hama toena na wara; ndaningoe ndokoe watoe hau mapanoenggoeloeng.

Toenanoe I Jesoes bana tama ka la paraing, mboendäba na na ihi paraing na pahänggäng dängga angoe na: nggamoe ja ihoe, ba wäda. Täka hida heäma: jeäna djë ja I Jesoes, haätoë na na näbi weling la koätäk Nasaret, la tana Nggalilea.

Toenanoe I Jesoes hina tama ja la oema nge'a pahamajang hina wangga ha da tau da madanggang da makë lai noe; hina toeläkoe pahanggaba ha da leänang, da kandjäka da da tau da madanggang mbära, hiwäna: ninja na hoerätoë na mapeäka: na oema nggöe njoengga, oema nge'a pahamjangoe ja, täka njimi i toë ja pange'a papameti ningöe mi.

Toenanoe da ratöe dängoe da tau Parihi, bada rongöe ha ka da

anakeàda bada loedoe: Hosăna Ana na I Daud, laloe karaoe ha da eti da, hiwădanja: ha Toehan, noe rongoe ha da anakeàda bada loedoe! Tăka hiwăna I Jesoes: koe rongoe; ka nledi i badja la hoerătoe: da ngaroe da da anakeàda dăngoe da ana rara da loedoe bada wotoenja I Ala?

Toenanoe I Jesoes hina loehoe ja weling la paraing noena, hina lakoe beli ja la Betania, hina todoe lai noe.

73. Na woaka anggoer.

Toenanoe na hau na lodoe, talănga ninja I Jesoes la paraing Jeroesaleim; na papeàkanja na tau dangoe, da ratoe, da tau Parihi, da dangoe da marongoe ja; hiwăna I Jesoes bana paní: ninja haătoe na măngoe oemang; toenanoe hina toărăkoe ja na woăka anggoer hau, hina toe winggiroe nja kilimbatoe na, hina âki ja na lambo-
ngoe pahohoe ningoe wai anggoer; toenanoe hina woeloe ja hau na na oema djangga Toenanoe bana hăla ja ka, hina băndjăloe nja tau; djăka da dedi ka da ibi na, da pera ha, da wŏnja mă-
ngoe woăkang hawiang. Tăka hina lakoe ja la hau paraing la mamarau na măngoe woăkang noena. Toenanoe na măngoe woăkang bana pi ma nja ba rehi woă da, tăka hina paleàwa tau, lo pakē ha da tanggoe nggoe, da ibi na na woăka noena, wăna. Toenanoe lakoe da nja ka da tau papaleàwa na; bada tăka ka lai noe, tăka da tau da madai ja na woăka noena, hida jăpa ha; na haătoe da pameti ja, na haătoe da paloe ja, na haătoe da toekoe wănja watoe. Toenanoe hina hili paleàwa i tau, da dangoe pa; toena ha kai, hama toenandja da matăka mangiloe. Toenanoe na măngoe woăkang hina hili paleàwa ja na ana wiki na, hiwăna: da namoe ja ka doena na ana nggoe, ba ana wiki păkoe nggoe nja. Toenanoe da tau da madai ja na woăka bada ita ja ka na na na măngoe woăkang hiwăda dăngga angoe da: jeăna djê ja ka haromoe na matanggoenja na woăka, măla wa kata pameti ja, njoeta kata tanggoenja na woăka jeăna.

Toenanoe hida jăpa ja hida karăanja la hambeli woăka, hida

pameti ja lai noc. Batoenakanoe djäka na täka ka mängoe woäkang, nggikina ha ka da tau makaborang noeda?

Toenanoe hida heäma ja I Jesoes, hiwäda: na pameti doe ha da tau makaborang noeda. Täka hina hili bändjälöe nja tau hawiang, hida dai ja; djäka na toäma ja ka na rehi woä da, hau ndaung, hau ndaung da wönja mängoe woäkang. Toenanoe hiwäna I Jesoes: djè doe ja hiwänggoe nggämi njimi, napa I Ala na piti ja na pange'a pareäta mi, hina pakē nja la bandjaroe hau.

74. Na remi bokoel.

Toenanoe na hau na lodoe hamajang, hininja haätoe na na tau Parihi, na mamai pawānda ja I Jesoes, lo pangangoe la oema nggoe wānanja.

Toenanoe da ratöe hida boeti boeti nja I Jesoes.

Toenanoe I Jesoes bana mandapoe ka, hiwānanja na tau na mawānda ja: djäkau remi, ambi doenda nja da eri moe, da aja moe, da arijä moe, da tau mawoeloe banda; napa haromoe na hili doenda beli doe nggau njoemoe; hama na i doena, bana doenda ngga doekoe njoengga, wāna doe. Na hämoe ki pa, doenda ninja na tau na mamila, tau na mahidoe, tau na makatidi, tau na mapoki, noe ja doena, hina hämoe wānja; njoeda ndeda doenda beli nggau, ba nda nggära maningoe ndja; napa ja ka ka doena la malamiri na, kana hiloe hama nggau I Ala la awang.

Toenanoe hininja haätoe na na tau, na angoe ngangoe na I Jesoes lai noe hiwāna: hämoe wa na tau na mangangoe la ngea pareäta na I Ala.

Täka I Jesoes hiwānanja na tau noena: ninja haätoe na na tau pinang, na maremi dira matiki; toenanoe hina doendang tau dangoe. Toenanoe bana toäma ja ka na rehi lodoe ngangoe, hina palëawa ha da ata na, lo papa'aundja da tau da pahäla padoendang, kai peäka ndja njoeda, mai kämi wa, na nggänäp ndäba ka, wānandja. Toenanoe mboendäba da da tau, hau eti päkoc ha; da himboe woeloe aka, ka ämboe malo'a, wäda. Toenanoe hiwāna na haätoe:

mbäda häla nggoe ka paké woäka; batoenanoe, nde pekoe lo'a nggoe paremi; mäla kakoe lo'a i patängäroe ja na wöaka, wänggoe. Toenanoe hili wäna na haätoe: hīna koe häla patama la koeroeng; batoenanoe nde pekoe lo'a nggoe.

Täka da tau papaleäwa noeda bada beli ha ka, hida peäkänja na miri da, mboendäba da da poeloeng noeda. Toenanoe laloe mbeni ja na miri da, hiwänandja: lakoe nggi-ngini ka ka doena nähoe, kai pa'aunja na tau na mamila, na tau na mahidoe, na tau na makatidi, na tau na mapoki, kai kareänja nämoe. Toenanoe lakoe da nja ka da tau ata na. Toenanoe bada beli ha ka, hiwändanja na miri da: na deding na papaní moe kawai; ndedi na mbinoe na nge'a pamandapoe, na dangoe ki pa bādi na mamai, hīna mängoe pambinoe. Täka hina heäma na miri da: lakoe la ngarängia nggi-ngini ka ka doena nähoe; pa'au patidoe ma ndja, kada tama, kana mbinoe na oema nggoe tau; länga täka bakoe paní njoengga, na tau na padoendang kawai, ba wänggoe, ndaningoe haätoe mangalang pangangoe.

75. Na moeloeng na tana.

Toenanoe I Jesoes bana loehoe weling la oema nge'a pahamajang la Jeroesalem, täka da tau papapeäka na, hida patoedji nja ha mboendäba na na maninja la oema nge'a pahamajang noena; da watoe, da ai, da ämähoe, da mamanandang. Täka hiwäna I Jesoes; bakoe paní nggämi njimi, ba länga täka ma ja, napa la malamiri na haromoe, ndaningoe ndokoe watoe hau mapanoenggoeloeng, djèpa hau, nde'a ndokoe; napa na njänggäroe ndäba ha. Napa kai tängäroe ja haromoe; djäka na winggiroe nja ka papa na na paraing Jeroesalem, djè ja ka bana mareni ka bana njänggäroe ja. Ba talänga winggiroe na nja haromoe, mäta nja ka na tau, kana palai la palendi. Noena djè ja na lodoe na pahepang wängoe, kana padening na poeloeng na pahäla pahoerätoe.

Batoenanoe laloe handoeke ha da tau da mapakamboe, dängoe da mapahoehoe ana da; napa hi ninja na handoeke bokoel la

paraing noena. I Ala na karaoe nja eti na bandjaroe noena. Da tau la paraingoe noena, hawiang da roekoe ndja hapanda, hawiang kana wäroendja la panggoeboel awang.

Toenanoe I Jesoes ba talänga ninja la palendi Sion, tăka da tau papapeäka na hida karai ja: patalaloekoe dänja na poeloeng, kau peäka nda nja, wădanja, djäka pirang bana hili poeroe na Ana tau, bana ndjäpoe ka bana moeloeng ka na tana.

Tăka hina heäma I Jesoes: kanandi pahămoe-hămoe nja, bakoe pani nggămi njimi, napa hi ninja la malamiri na na mangăndi ja na ngara nggoe njoegga; wăna nggămi: njoengga jeä Kristus ka, wăna nggămi bana pa'ănga kămi; napa njoeda da kambălikoe ja madangoe. Napa haromoe njimi kai rongoe ka na bandjar bana patarang dăngga angoe na pabandjar, na marămba na pahăndjăloeng dăngga angoe na pamarămba; napa haromoe laloe rimbangoe ja; na hewitoe bokoel mboe. Na lodoe noena na pahandoeka kămi njimi tau; na pameti kămi njimi tau; na dangoe na tau na maharoei eti na; na kawăra padanggang dăngga angoe na; na pakaraoeng eti haătoe haătoe.

Na poeloeng mahămoe kai peäka ja la panggoeboel awang, ka tanda wănja mboendăba da da bandjar. Batoenakanoe bana hăla ka papèaka ja, hīna ka hina moeloeng na tana. Na lodoe noena ninja na handoecka bokoel, hama toena ba ndedi ninja weling handăka na loepa toăma ja na lodoe năhoe. Na lodoe noena djäka ninja na mawăna nggămi: tăngăroe ja I Kristus ninja lai jehoe, la noe ja, ämbi nggoema nja, ndaningoe haătoe na mapinja; na tăka na I Kristus haromoe hama toena na kabilăkoe, weling la pahoenga lodoe loepa toăma la patama lodoe, toena ka doe i, djäka na tăka na Ana tau.

Toenanoe djäka na hăla ja ka na handoecka noena hīna ka na lodoe dăngoe na woelang hina kapătang, mboeloendăba da da kandoenoe da moendjoe hăla; na awang na nggădăkoe mănoe mănoe. Na lodoe noena da woewang da tanda la awang; da dangoe da tau la panggoeboel awang, da hī bada ita ja I Jesoes bana mai beli ja noedita la karoemang. Toenanoe I Jesoes na paleăwa ha

da malaikätöe, kada kawäri ha da tau mboendäba da la panggoeboel awang, da papindi na I Ala. Na lodoe na patäka wäna, ndaningoe haätöe tau mapinja, da maläikät la awang ndeda pi mboe nja, didi jang I Ama na mapinja. Batoenanoe djè ja hiwänggoe nggämi njimi, mānggang, ba ndai pinja na lodoe patäka wäna na Ana tau.

76. Da ana karia, ba hakamboeloe ha.

Na nge'a pareäta na I Ala hama toeda da ana karia, ba hakamboeloe ha. Da ana karia noeda da piti ha da palita da hida lakoe pandapoe nja haätöe na na tau mini na malo'a papiti kawini. Toenanoe hi nindja da malima da manggähoe, täka da malima da kambānga. Da makambānga da pa'ihä ä ndja da palita da, ndeda hili ngändi wai löanähoe la boti; täka da manggähoe, ndeda maroämba nja na wai löanähoe bada ngändi ja. Toenanoe na tau na panapa da ndena loe täka; toenanoe tälikoe da nja ka, hida mahoeroe ndäba. Toenanoe ba mandalora ja ka hida rongoe mapa'aung: tängäroe ja na mini na mabidi lalē nämoe nja ka, hadang, lakoe kai hamboeroe ja. Toenanoe hida hadang da ana karia noeda hida toenoe ha da palita da. Toenanoe hiwäda da makambānga, bada paní la manggähoe: wö i nda wai löanähoe, kama toendja da palita ma, da loendoeng ma ka njoema da wai löanähoe da da palita ma. Täka hida heäma da manggähoe: bama pakakanja ndena toäma kämi, dira na ka i lo'a pakē la tau mada-nggang.

Toenanoe ba talānga lakoe da, palo'a pakē löanähoe, täka na nja ka na mabidi lalē. Toenanoe mboendäba na na tau na maninja, bada kikoenna, hida tama kareä ndäba ndja la oema na; hina bitanja na pindoe. Toenanoe bana häla ka, täka da nja ka da ana karia da malima hiwäda: ha oemboe, ha oemboe, boäwa nda pindoe. Täka hiwäna bana heäma: malānga täka ja bakoe paní, ndakoe pinggämi njimi.

Djè doe ja ba toenanoe, na hämoe pa, djäkai pandapoe-ndapoeng, ba ndai pinja na lodoe patäka wäna na Ana tau.

77. Na tau na malakoe la hau paraing.

Na nge'a pareàta na I Ala, hama toena haätoe na na tau, na malakoe la hau paraing la mamarau. Toenanoe hina pa'aundja, da ata na mboendäba da, hina wöndja ha da banda na la lima da njoeda.

Toenanoe na haätoe na wönja lima mboea talenta; tåka na haätoe damboe talenta, tåka na haätoe hau talenta. Toenanoe bana häla ka pawöndja ha, hi lakoe na nja.

Toenanoe na tau na mangalang lima mboea talenta, hina kabeli batoe ha, na ngalang pa'oetoe lima mboea talenta. Toena ka i na mangalang damboe talenta, na oetoe ka i damboe talenta.

Tåka na haätoe na mangalang hau talenta, hina lo'a, hina äki nja la tana hina poehi ja na ämähoe noena.

Toenanoe ba mandai-ndai ka, tåka na nja ka na miri da; toenanoe hina pa'aundja, hina karai ha da malandja da pawönandja. Toenanoe noena na mangalang lima mboca talenta, hiwäna: längäroe ha, oemboe, ba lima da bau wöngga ha, koe oetoe lima mboea talenta, jeäda ha. Tåka hiwäna na miri na: tau hämoe kau, bau maränanja ba hakoeäoe ä nang, batoenanoe oe ngalang padangoe, koe toe kau kapala madangoe.

Tåka na haätoe na pawöna damboe talenta, hina mai la lili na na miri na, hiwäna: jeäda da damboe talenta da pawömoengga; längäroe ha jeäda da pa'oetoe nggoc, damboe talenta. Tåka na miri na, na paní toenanoe ka i kawai.

Toenanoe na haätoe, na pawöna hau talenta, na mai mboe la lihi na na miri na, hiwäna: oemboe, ba pi ma nggoc nggau, ba tau mbeni eti kau, bau päpoe be ja na pandetondoengmoe, bau moeti be ja na pandehäbäroeng moe; djè ja ba toenanoe hikoe mangädätoe, hikoe äki nja na talenta, hikoe kawini nja la tana jeäna na ämähoe moe. Tåka hina heäma na miri na hiwäna: ha tau kaborang, tau mamajau eti na, djäkau pi ma ngga, bakoe päpoe la ngea pandetondoenggoc, kanggiki na hi ndau paroetanja na ämähoe nggoc la tau, djäka koe beli ka, kakoe kē ja, ka ningoc

ana na lāti. Batoenakanoe piti ja na hau talenta lai njoena, wōnja ja na mahakamboeloe talenta; djāka nggamoe ja na maningoeng, na hili ngalang da dangoe ka, djāka nggamoe na mandaningoeng, djāka nggāra ja na maningoe lai njoena, na piti paloendoeng.

Wāroenja na tau jeāna na mandehāmoe la nge'a na makapātang; nā lai noe hī dāngoe kakehoekoe woā ngāndoe.

Djāka na tāka na Ana tau haromoe bana mai ja, na wāngoe kadjilākoe na, na mandapoe ja la kandjāka kadjilākoe na; mboendāba na na bandjaroe tau, na pa'oehi la hangga na, napa hina kawāri ja haātoe māra haātoe nja. Na tau na matāndji eti na, hina toe ha la kawana na; na tau makaborang na toe ha la kalai na. Toenanoe hi māngoe pawāna na Marāmba bana paní nja na tau la kawana na: mai kāmī, kai kē banda da pahāla pabi nggāmi, ba hīna mihi wai, kārang tana, weling hāndāka ndāka na. Njoengga bakoe mandjoé, hi wōngga pangangoe; bakoe madau, hi wōngga wai pa'oenoeng; bakoe pālākoe la hau paraing, hi paheāngga; bakoe kaloeloe, hi wōngga hinggi nggoe, tera nggoe; bakoe hidoe, hi dai ka; ba la makapātang ka hi lo patāngāroe ka.

Hi māngoe pawāda da tau da matāndji eti da: ha oemboe, pira bama ndoela kau njoema? Tāka hina heāma na Marāmba: malānga tāka ja bakoe paní, djāka pira pira na bai ndoela ja na tau nggoe na ma ana koedoe ā na, pangerang ndoela mi ngga njoengga doe!

Tāka hiwānandja na Marāmba na tau la kalai na: pajilang la hangga nggoe, tau makaborang, tama kāmī la epi mande mbāda, la pange'a na I Setan dāngoe mboendāba na na tau na. Njoengga bakoe mandjoé, ndai wōngga kakoe ngangoe; bakoe madau pa, ndai wōngga wai pa'oenoeng; bakoe pālākoe la hau paraing, ndai paheāngga; bakoe kaloeloe, ndai wōngga hinggi nggoe, tera nggoe; bakoe hidoe, ba la makapātang ka, ndai lo'a patāngāroe ka.

Tāka hida heāma da tau makaborang: ka pirang oemboe, bama ita kau, bau handoeke toenanoe, ba ndema ndoela kau! Tāka hina heāma na Marāmba: malānga tāka ja bakoe paní, djāka ndai

ndoela ja na tau nggoe, na ma ana koedoe ä na, pangerang ndea ndoela mi ngga njoengga. Da tau noeda da tama ha la epi mande-mbäda; täka da tau matändji da tama ha la pange'a paloeri panoewang.

78. I Jesoes bana ngangoe Pasa.

Toenanoe I Jesoes bana pandjöpoe ja ka na paní wäna noena, täka hiwäna ndja da tau papapeäka na: haromoe doea modoeng ba marení na nja ka na lodoe Pasa, na lodoe noena na Ana tau hida dangganja, hida paharikanja.

Täka da ratoe, da tau matoea hida batang, da himboe woeloe aka: nggiki ä nda nja ka I Jesoes kata jäpa ja, kata pameti ja, wäda. Toenanoe hi djè täka be na haätoe na na tau papapeäka na I Jesoes, na ngara na, I Joedas ja, hiwänandja: njoengga kakoe dangganja lai njimi. Pira pawö mi ngga!

Toenanoe laloe hämoe ha da eti da, hida ndjandji nja hiwäda: mawönggau tiloe kamboeloe ämähoe bara. Pakiri na noena I Joedas hina himboe manggawa na: kakoe dangganja la tau na angoe nggoe papandjandjing, wäna.

• Toenanoe na kawoenga lodoe bada ngangoe kangoeta pande pakoroeng, hiwädanja da tau papapeäka na I Jesoes: nggini ja na nge'a pamboeha moe, kata kanöama ninggau pangangoe, kata ngangoe ningoe Pasa. Toenanoe I Jesoes hina paleäwa ha I Petroes dängoe I Johanis: lakoe kai tama la paraing Jeroesalem, napa kai hamboeroe ka tau na matidoeng woeroeng; kikoenja njoena, loepa täka la oema nge'a patama na; ka wämi nja mängoe oemang noena: wäna I Jesoes, nggini ja na koeroeng na nge'a pangangoe dängoe da tau papapeäka nggoe, wäna. Napa kana pa'ita nggämi nja na koeroeng na malerang; lai noe kai kanöama ngga nge'a pangangoe nggoc.

Toenanoe lakoe da nja ka; toenanoe bada täka ka la paraing, hida ita ja haätoe na na tau na matidoeng woeroeng, hama toena na papaní na I Jesoes kawai; toenanoe hida kikoenja njoena hida kanöama ja Pasa lai noe.

Toenoe bana roedoeng ka, lakoe na nja ka I Jesoes la paraing Jeroesalem, da tau papapeàka na hakamboeloe madoea ha, da lakoe mboe. Toenanoe hida tama ja la oema noena hida mandapoe hida ngangoe.

Toenanoe I Jesoes ba pera doea ngangoe da ka hina hadang hina piti ja tera bara hina boroe bănggi na. Tăka hina boerinja wai na toboeng, ka baha wăndja da wihi da da tau papapeàka nggoe, wăna. Toenanoe hina baha ha da wihi da, hina piti ja na tera boroe bănggi na, hina kangoeli wănja da wihi da. Toenanoe bana tōama ja ka I Simon Petroes, hiwăna I Petroes: ha Toehan, ka nggiki na hi toena noe hioe baha ha da wihi nggoe? Tăka hina heăma I Jesoes: djăka nggăra ja na patoe nggoe năhoe, ndau pinja, napa la malamiri na kau pinja ka. Toenanoe hiwăna I Petroes: koe baha ha da wihi moe, bawămoe ngga, ndakoe bihoe. Tăka hina heăma I Jesoes: djăka ndakoe baha ha da wihi moe, ndau ngalang tanggoe moe lai njoengga! Toenanoe I Petroes bana rongoe toena nja noe ka I Jesoes, tăka hiwăna: djăka toenanoe, baha nda ka na katikoe nggoe, mboendăba na na ihi dănggoe.

Toenanoe hiwăna I Jesoes: na tau na mahăla pa'ihoe, jahang na nja ka na ihi na, nggăra toe ja hi hili ihoe ja i, didi hang da wihi na kana baha ha. Njimi bai jahang ndai jahang ndăba. I Jesoes bana pi ma nja na tau na madangganja, toenanoe hiwăna: ndai jahang ndăba njimi.

Toenanoe I Jesoes bana hăla ka pabaha ha da wihi da da tau papapeàka na, hina mandapoe beli ja, hiwănandja: măla noe njimi i pinja na pingi na, bakoe baha ha da wihi mi?

Njimi bai tiki ka njoengga: Miri dăngoe Toehan, ba wămi; toebe ma na, djè doe ka jeà. Batoenanoe ba miri ka, ba Toehan ka, bakoe baha be ha da wihi mi, toemi kai dimi njimi, bai pakawăroe baha dăngga angoe mi. Batoenanoe ba mhăda pa'ita nggoe nggămi ka pakiri na, bakoe baha ha da wihi mi, toemi kai dimi njimi, hama toena doekoe njoengga.

Malănga tăka ja bakoe paní lai njimi: na ata ndena rihi nja na miri na, na tau papaleàwa ndena rihi nja na tau na mapaleàwa ja.

Njimĩ djákai pi be nja na ngarǎngia mahǎmoe, kakikoe ma nja bǎdi.

Toenanoe I Jesoes bana hǎla ka hi hili wǎna: njoengga laloe mangǎ-bǎngoe ka panga dǎnggǎmi Pasa jeǎna, ba ndedi koe meti. Ba malǎnga tǎka ma ja, bakoe panĩ lai njimi: na haǎtoe la padoea mi njimi, djè ja na madangga ngga la papa nggoe. Toenanoe laloe handoeaka ha da eti da mboendǎba da, hida pakarai weli haǎtoeng hiwǎda: Njoengga jeǎ Toehan? Njoengga jeǎ Toehan? Tǎka hina heǎma I Jesoes: djǎka nggamoe ja na mahǎboe kareǎngga la toboeng, djè ja na ma dangga ngga. Na Ana tau, mǎla wa kana meti, hama toena na pahǎla pahoerǎtoe ǎmang, ná ā njoena na tau na madangganja, napa na ngalang handoeaka bokoeloeng. Na hǎmoe ki pa na tau noena, ka amboe na dedi lǎti.

Toenanoe I Joedas hina heǎma, hiwǎna: Njoengga jeǎ? Tǎka hina heǎma I Jesoes: hama toena na papanĩ moe heǎna. Toenanoe I Setan hina tama la eti na I Joedas, tǎka I Joedas hina loehoe ja, mandalora ja ka nǎhoe.

Toenanoe bana hǎla ka noena, tǎka I Jesoes hina piti ja na kangoeta, hina hamajauja, hina kawita-wita ja, hina wǒndja ha da tau papapeǎka na mboendǎba na, hiwǎna: piti ja kai nganja, djè ja na ihi wiki nggoe, na pawǒna nggǎmi njimi; jeǎna tanda ja kai namoe wǎngga njoengga.

Tǎka hina piti ja na kaba pa'oenoenng wǎngoe; bana hǎla ka pahamajang hiwǎna: oenoenja njimi mboeloendǎba mi jeǎna djè ja na wai re'a nggoe na pabidi pandjandji, bana mboengoe ba djeǎ kǎmi njimi, dǎngoe na tau dangoe, kada mboelang da ndjala da.

Bakoe panĩ lai njimi: pakiringoe na nǎhoe, ndakoe hili oenoenja pa na wai anggoer jeǎna, loepa na lodoe nǎhoe njoengga dǎngoe njimi hita mǎngoe pa'oenoenng la pange'a pareǎta na I Ama nggoe.

79. I. Jesoes la woaka Nggetsemané.

Toenanoe bana ndjǎpoe ka noena, I Jesoes dǎngoe da tau papapeǎka na hida loedoe wotoeng, hama toena na hoeri na na tau

Jehoedi. Toenanoë bada häla ka paloedoe, I Jesoes hina loehoe ja, hida lakoe ha la palendi Sion. Toenanoë I Jesoes ba la ngarängia ha pa, hiwänandja da tau papapeäka na: na roedoeng na nähoe, njimi mboendäba mi, i kandoelingga njoengga. Täka hina heäma I Petroes: mboeloendäba djäka da kandoeling, njoengga haätoe tau nggoe, ndakoe bihoe pakandoeling. Toenanoë hiwäna I Jesoes: malänga tä-täka ja bakoe paní, na roedoeng na nähoe tai na manoe ba ndedi na hakoekoe, njoemoe pandiloeng pakambälikoe ngga njoengga. Täka hina heäma I Petroes: djëpa ndakoe meti karèanggau ka, ndakoe kambälikoe nggau njoemoe. Toeda ka i mboendäba da da tau papapeäka na. Toenanoë täka da nja ka la wöaka hau, na ngara na na wöaka noena Nggetsemané! Toenanoë hida tama kareänja la wöaka noena, täka I Jesoes hiwäna: mandapoe kämi lai jehoe, loepa koe häla pahamajang lai noe. Toenanoë hina kareänja I Petroes, I Johanis, I Jakoboes, hida tama pangalang hiwänandja da madoea haätoe da noeda: na eti nggoe laloe handoecka ja, bakoe kaka ja hama toena bakoe meti; njimi ndädikoe kämi lai jehoe, kai kawära dai dängga njoengga.

Toenanoë hina hili lakoe marau ki hakoedoe, hina karoedoek, na kaba mata na la taua, bana hamajang hiwäna: ha Ama nggoe njoengga, djäka na manggawa doe nggau, kau pahila nja na kaba wai pa'oenoenng wängoe jeäna; mili amboe pabihoe nggoe njoengga doe ja njoena, mili pabihoe moe njoemoe doe ja njoena.

Täka I Jesoes hina beli ja patängäroe ha da tau papapeäka na; mahoeroe be da nja ka. Toenanoë hiwäna nja I Petroes parai na I Jesoes: nggikina hi toenanoë, njoemoe ndau ngalang padai dängga hakoedoe? mánggang bau hamajang, ka amboe tama la maharoëi, djëpa na ndewa na mboehang pakikoeng, na tau na na hoämba.

Toenanoë I Jesoes bana pandoeang wängoe, hina hamajang hiwäna: ha Ama, na kaba wai pa'oenoenng wängoe jeäna, djäka ndena ngalangoe ma papahila ngga njoengga, mäla wa njoena, ba pabihoe na I Ama ma ja.

Toenanoë I Jesoes hina hili beli patängäroe ha da tau papapeäka

na; bana tǎka ndja mahoeroe be da nja, ba laloe tǎtikoe ha da mata da.

Toenanoe hina mǎta be ndja, hina hili lakoe hina hamajang, hama toena ka i kawai.

Toenanoe hina poeroe weling la awang haǎtoe na na malaĩkat, na mapamandanja njoena. Toenanoe ba handoeke bokoeloe ma nja, na hamajang mǎnoe mǎnoe, ndena pǎndjǎng ndokoe; na wai hanggoboe na bana kanaboe la tana, hama toena na kadoetoel wai re'a na.

Toenanoe bana hǎla ka pahamajang, hina hadang, hina lakoe toǎma ha da tau papapeǎka na, hiwǎnandja: nǎhoe mahoeroe pangalang wa njoena; malǎnga tǎka ja, toǎma ma na nja ka na rehi na na Ana tau, bada dangganja da tau makaborang. Hadang wa, kata lakoe, tǎngǎroe, na tau na madangga ngga, marenĩ ǎ na nja ka.

80. I Joedas dangoe I Petroes.

Toenanoe I Jesoes ba talǎnga panĩ i na pa, tǎka da nja ka da tau dangoe, da papaleǎwa da da ratoe dǎngoe da mamatoea. Toenanoe I Joedas, njoena ma na mamangiloe, hiwǎnandja bana peǎkandja tanda: djǎka nggamoe ja na papoedoekoe nggoe, djè ja ka, wǎmi ma doena, kai jǎpa ja. Toenanoe I Joedas bana toǎma ja ka I Jesoes, hina poedoekoe ja. Tǎka I Jesoes hiwǎna: ha Joedas, bau dangganja na Ana tau, oedangga wǎnja poedoekoe be ja.

Toenanoe da tau papapeǎka na I Jesoes bada ita ja ka noena, hiwǎdanja: mǎla jeǎ mapatǎtǎr! Tǎka I Petroes hina boetoehoe ja na hapanda na, hina tǎtǎroe ja na ata na na ratoe bokoel, na ǎlingoe ma na kahiloe na. Toenanoe hiwǎna I Jesoes: patikoenja na hapandam; na kaba wai pa'oenoeng wǎngoe na pawǎnangga I Ama ndakoe oenoenja ka pa? Toenanoe I Jesoes hina rǎma ja na kahiloe na na tau noena, hina palǎnga belinja. Tǎka da tau papapeǎka na, bada ita ja I Jesoes ba ndena patarang, toenanoe palai ndǎba da nja ka. Toenanoe hida kareǎnja I Jesoes

la oema na I Kajapas, na nge'a pa'oehi da da ratoe dāngoe da mamatoea.

Toenanoe I Petroes bana namoe i ja pa bada pandjandjing angoe da I Jesoes, toenanoe hina kikoenna, loepa na tākā la oema na I Kajapas; bana tākā ka lai noe hina tama, hina mandapoe kareānja na tau dangoe, kakoe rongoe ā ja na poeloeng na I Jesoes, djāka nggiki boāta na nja.

Toenanoe bana mandapoe ka, tākā na nja ka haātoe na na anakeāda kawini, hina tāngāroe ja hiwāna: njoemoe djē kan makikoenna I Jesoes, tau Nggalilea. Tākā I Petroes bana heāma hina kandoeling, hiwāna: ndakoe pi ā nja I Jesoes, djāka nggamoe ja, ndakoe pi mboe nja na papani moe, djāka nggāra ja.

Toenanoe tākā hi hili ninja na kawini haātoe, hiwāna bana pani dāngga angoe na lai noe: jeāna djē mboe ja tau papapeāka na na I Jesoes.

Tākā I Petroes hina hila kandoeling, hiwāna: ndakoe pi ā nja doe ka na tau noena, djāka nggamoe ja.

Toenanoe ndedi nggi mandai na, hi hili ninja na haātoe; noe djē ja na aja na na patālāroe na I Petroes kawai, hiwāna: njoengga koe ita kau la woāka, ba kareā moe na tau noena. Toenanoe na tau dangoe na angoe mandapoe da hiwādanja: njo moe mboe jeā angoe moe I Jesoes, na hiloe moe, hiloe tau Nggalilea. Tākā I Petroes hina harang, hiwāna: ndakoe tanda ā ja doekoe na tau noena.

Toenanoe ba talānga pani i na pa, na manoe hakoekoe na nja ka. Taka I Jesoes hina wilākie nja, hina tāngāroe ja I Petroes. Toenanoe I Petroes hīna hina namoe ja na papani na I Jesoes lai njoena; tākā hina loehoe ja hina hī dira matiki.

81. I Jesoes la hangga da da ratoe.

Toenanoe da tau Jehoedi mbāda kareā da nja ka I Jesoes la oema na I Kajapas. Toenanoe ba da tākā ka lai noe, hida karai ja I Jesoes: nggi nggiki na wāmoe, bau papeākang, hiwādanja.

Täka hina heäma I Jesoes: bakoe papeäkang, koe paloeroehoe ma ja; bakoe käli papeäkang la oema nge'a pahamajang ka, la nge'a pamandapoe na na tau dangoe; ndakoe paní kawining, ka nggikina hioe karai ka njoengga? na hämoe pa djákau karai ja na tau na marongoe ka, bakoe papeäkang; njoeda da pinja djäka nggära ja bakoe papeäkang. Toenanoë I Jesoes ba talänga paní i na pa täka hininja haätoe na na tau hina täba ja I Jesoes hiwäna: oe heäma toemoe noe be ä la Ratoe bokoel. Täka hina heäma I Jesoes, hiwäna: djäka na ndjala bakoe heäma, peäka ngga nja na ndjala nggoe, kata pinja; djäka koe patoebanja na papaní wängoe, ka nggiki na hioe täba ka njoengga?

Toenanoë da ratoe hida himboe tau boäwa ngaroe koehi päti, kata läpi ja Jesoes, wäda be ä, kata pameti ja, wäda be ä. Toenanoë ndeda höenggoeng. Batoenakanoe hina hadang na Ratoe bokoel, hiwäna: njoemoe ndau ngalang ma paheäma ha da tau jeäda, da koehi päti boäwa ngaroe? Täka I Jesoes ndena heäma ndokoe, hangea pata nde'a ndokoe. Toenanoë na Ratoe bokoel hi hili wäna: njoengga bakoe harang, mäla noe kau paloeroehoe nda nja na papaní wängoe, I Kristoes kau, Ana na I Ala kau?

Täka hina heäma I Jesoes: hama toena bau paní heäna; napa njoemoe kau ita ja na Ana Tau bana mandapoe la kawana na I Ala na mambiha bana poeroe ja la karoemang.

Toenanoë na Ratoe bokoel hina hira hira ha na kalembi na, na hinggi na, hiwäna: djämang wa pahimboe koehi päti boäwa ngaroe, ba rongoe wiki ma dimi njä! mäla nggiki na bai pakakanja? Toenanoë hida padeninja na ndjala na I Jesoes, hiwäda: loepang ma bädi na meti.

Toenanoë hi nindja da tau da madjoeki ja I Jesoes hida panggäbi ndja da mata na, hida täba ja hiwäda: mäla, peäka ja, djäka nggamoe ja na matäba kau.

Toenanoë ba mbaroe ja ka, da ratoe dängoe da mamatoea hida batang, ka pekoe pameti da nja I Jesoes, wäda. Toenanoë hida hondoe ja I Jesoes täka hida kareänja la hangga na I Pontioes Pilatoes.

Toenanoe I Joedas na madangganja I Jesoes bana ita ja ka na poeloeng bana ndjapoe ka: kata pameti ja bawāda, toenanoe hina ringoe langoe na eti na. Tāka hina ngāndi beli ja na āmahoe, ba tiloe kamboeloe da, la ratoe, hiwāna: njoengga jeā koe ndjala ka bakoe dangganja na tau na mandaningoe ndjalang. Tāka njoeda hiwāda bada heāma: njoema ndema handoeke nja lai noe, njoemoe ka ka doemoe kau tāngār wiki moe nja ka. Toenanoe I Joedas hina wāroendja da āmahoe la toebe wili da la oema nge'a paha-majang, hina loehoe ja, hina lakoe hina kandila wiki na. Tāka da ratoe hida piti ha da āmahoe noeda hiwāda: ndena hāmoe jeāda da āmahoe, djāka ta pahāmoe ha, ba wili wai re'a ha. Toenanoe da āmahoe noeda hida kē wāndja tana, kata tani ningoe tau hau bandjar, wāda. Toenanoe hida pangara wānja na tana noena, tana wai re'a ja, wāda.

82. I Jesoes la hangga na I Pilatoes dangoe I Herodes.

Toenanoe da tau Jehoedi da makareānja I Jesoes la I Pilatoes, njoeda ndeda tama la oema nge'a papani, ba lodoe Pasa ja. Toenanoe hina loehoe ja hina karai ha, hiwāna: māla bai ita ja na ndjala na na tau jeāna, nggiki na doena? Tāka hida heāma da ratoe hiwāda: bama ita ja na ndjala na tau noena, toenanoe na pakiri na: bana pamanda-manda nja na tau dangoe, bana pātoe ha, ambi wōngoe hiloe katikoe la I Kaisar, bawāna ndja; Kristoes ka, wāna, Marāmba ka, wāna.

Toenanoe I Pilatoes hina hili tama ja hoedaloe la oema na, hina karai ja I Jesoes, hiwānanja: māla doe moe, Marāmba tau Jehoedi kau? Tāka hina heāma I Jesoes, hiwāna: na nge'a pareāta nggoe njoengga, nde djeā la tana: djāka pareāta tana ja na pareāta nggoe, djēngoe lāti na tau nggoe na ndoela ka njoengga, bana ita ka bana jāpa ka tau!

Toenanoe I Pilatoes hi hili wāna bana karai ja: djāka toenanoe, Marāmba kau? Tāka I Jesoes hiwāna bana heāma: hama toena

bau tiki ja heàna, njoengga jeà Marãmba ka; djeà ja batoenanoe à hikoe dedi, hikoe poeroe ka la jehoe la tana, ba ngãndi nggoe nja na matãndji à! djãka nggamoe ja na matãndji, djeà ja na marongoe ka njoengga bakoe tãndji.

Toenanoe I Pilatoes hiwãna: nggãra ja noena na matãndji? Toenanoe I Pilatoes hina hili loehoe ja hiwãna: njoengga bakoe pakakanja na eti nggoe, ndaningoe ndjala na na tau noena na pakareà mi la hangga n,goe! Tãka njoeda bada heàma, da patidoeng ma, hiwãda, na pakanjawoeroe ndãba ja na tau bana papeàkanja nãhoe, pawinggir mboendãba da da koătãk, weling la tana Nggalilea loepa na toãma lai jehoe. Toenanoe hana rongoe ja ka I Pilatoes, bada tiki ja na tana Nggalilea toenanoe hina karai ha: na tau jeàna, tau Nggalilea ja, hiwãnandja. Toenanoe bana pinja ka I Jesoes ba papareàta na I Herodes ja, na Marãmba Nggalilea, toenanoe hiwãna: kareànja la Marãmba Herodes. Na Marãmba Herodes talãnga ninja la paraing Jeroesalem.

Toenanoe I Herodes bana ita ja ka I Jesoes, laloe hãmoe ja na eti na, mandai ma ka nãhoe, na mboehangoe i pa'ita ja I Jesoes; na pakanandi eti na bana pakakanja: kakoe ita ja bana pa'itang pahangãtãroe wãngoe. Toenanoe I Herodes bana karai-rai ja I Jesoes, nde pira be da pa da maweling la ngaroe na Herodes, bana pa'ãra-ãranja; tãka I Jesoes ndena heàma ndokoe ja. Toenanoe da tau horodadoe na I Herodes da djoeki-djoeki ja I Jesoes, hida pahaunja kalembi mamandandang, na makadjilak, hida hili kareà belinja la I Pilatoes. Na lodoe noena I Pilatoes dãngoe I Herodes, hãmoe wãngoe ma na nja; i àmang ba ndeda papoeloe dãngoe lãti, da papapang i pa.

Toenanoe la lodoe Pasa I Pilatoes na ndãmãng ka bana kãli pahãla tau weling la oema kapãtang, na pakarai na ka ka doena na tau dangoe. Na lodoe noena talãnga ninja la makapãtang na haãtoe, laloe kaborangoe ma ja, na ngara na I Barabas ja, tau makãli pameti angoe na patau ja.

Toenanoe I Pilatoes hina karai ha da tau Jehoedi da mapa'oehi la hangga oema nge'a pãpani, hiwãna: mãla noe, nggamoe

ja na pamboeha mi kakoe pahāla, I Jesoes, djāka nde'a, I Barabas.

Tāka da ratoe hida pawoenanja na tau dangoe kada karai: pahāla ja I Barabas, ka wāda.

Toenanoe da tau dangoe bada ka'ōka hau ngaroe pākoe ha, wāda: wāroe nja I Jesoes, pahāla ja I Barabas, na tanggoe ma njoema. Tāka hiwāna I Pilatoēs: kanggiki nggoe nja I Jesoes? Toenanoe njoeda hida hili ka'ōka, wāda: paharikanja I Jesoes, paharikanja I Jesoes. Tāka I Pilatoes hiwāna bana hili karai ha, pandiloeng wāngoe na nja ka: māla noe, nggāra pākoe ja ka na pakaborangoe wāna I Jesoes? Tāka hida hili kaōka, da pawāding ma: paharikanja njoena.

Toenanoe I Pilatoes hina tama beli ja la oema hina peāka ndja da horodadoe: piti ja I Jesoes kai rāmbāhoe ja. Toenanoe bada rāmbāhoe ja ka hida toenja toboek ri paketoe la katikoe na; tāka hida pahaunja kalembi mamananlang, hida wōnja tokoeng hida pakatanja. Toenanoe bada hāla ka hida karoedoek la wihi na hiwāda: hāmoe marāmba tau Jehoedi! Toenanoe hida tāba ja I Jesoes, hida paloe wānja na katikoe na na tokoeng, hida pangandji ja.

Tāka I Pilatoes hina loehoe, hiwāna: djè doe ja kai pinja, njoengga bakoe pakakanja na eti nggoe ndaningoe ndjala na na tau noena! Tāka hina loehoe kareānja I Jesoes, ba talānga toe na nja na toboek ri paketoe, dāngoe na kalembi mamandang; toenanoe hiwāna: ha tāngāroe ja na tau! Tāka da ratoe dāngoe mboendāba da da tau bada ita ja ka I Jesoes, hiwāda: paharikanja njoena! paharika ma nja bādi! Tāka hina heāma I Pilatoes: na ndjala na ndakoe hoenggoeng habata! Tāka hida heāma da tau Jehoedi: njoemoe djākau pahāla ja na tau jeāna, nde arija moe nja I Kaisar! djāka nggamoe ja na ma pamarāmba wiki na, na ndjala la I Kaisar.

Toenanoe I Pilatoes bana kaka ja nāhoe, bana paní la eti na: ba ndeda bihoe ma pa pakikoenja na papaní nggoe, ba laloe kanja-woeroe ha bada paloemoenja na poeloeng noena, māla wa njoena

wăna; tăka hina piti ja wai hina baha ha da lima na la hangga da da tau dangoe, hiwăna: tângăr, njoengga koe jahang weling la wai re'a na na tau nina na matăndji eti; njimi matanggoe nja na wai re'a na na tau nina.

Toenanoe mboendăba da da tau bada heăma, wăda: mătanja ka, na wai re'a na, kama tanggoe nja njoema dăngoe da ana mboe ma.

Toenanoe bada hăla ka, tăka I Pilatoes hina mandapoe la kandjăka bokoel hina poelinja I Jesoes la lima da njoeda, kai paharikanja wăna.

Toenanoe I Jesoes hina loehoe ja bana doekoe ja na ai paharikang. Toenanoe ba talănga doekoe na nja na ai harikang, hina hamboeroe ja haătoe na na tau Kireni, I Simon ja na ngara na, na maweling la wăaka na. Toenanoe njoena hina tanggoe doekoe ja bana kikoenja I Jesoes.

Toenanoe laloe dangoe ha da tau da makikoeng, da dangoe mboe da kawini, ba laloe handoeke ha da eti da, da hī diri matiki. Tăka I Jesoes hina wilăkoendja hiwăna: ha ana kawini Jeroesalem, ămbi hī ngga njoengga, i hīngoe ă lăti wiki mi, dăngoe da ana mi, djêpa ba toe ă da nja noe na ai na mameroe, kanggiki da nja i na ai na mameti.

83. I Jesoes la ai harikang.

Toenanoe bada tăka ka la palendi, na mangarang Nggolnggota, hida pa'oenoenja I Jesoes woloe majiloe, papakoroeng paita ja.

Toenanoe bada paharikanja I Jesoes, hida paharika mboe ndja da doea da tau, da makăli pameti tau; na haătoe la kawana na nja, na haătoe la kalai na nja.

Tăka I Jesoes hiwăna bana paní: ha Ama djăma ndja da ndjala da njoeda, ba ndeda pinja, ba toe da ngga noe.

Toenanoe I Pilatoes hina paleăwa ha da tau: toenja hoerătoe na la kapoeke harikang, wăna; bana toe ja la hoerătoe: I Jesoes tau Nasaret. Marămba tau Jehoedi.

Toenanoe da tau horododoe, bada hāla ka paharikanja, hida piti ha da hinggi na, da tera na, hida kapatoe ndja bada paberindja. Na kalembi malai na, ndeda paberinja, ba hanai nang weli ditang loepa hoewa ja; hiwāda: na hāmoe ki pa lāti, djāka tawingoe ja dadoe, djāka nggamoe ja na matanggoe nja, djāmāng āmboe tahira ja.

Djè ja ba toenanoe kana padening na pahoerātoe āmāng ba wāna: njoeda da paberindja da hinggi nggoe, da tera nggoe, na hinggi malai nggoe hida wingoe ja dadoe.

Toenanoe da tau hawiang, da malakoe li lai noe, hida djoeki ja I Jesoes, wāda: djāka Ana na I Ala kau, māla nā, kau poeroe weling la harikang. Tāka na haātoe na tau na makaborang na angoe harika na, na kakikoeng mboe, hiwāna: djāka Kristoes kau, pahāla wiki moe nā, kau pahāla mboe kāma njoema.

Tāka na haātoe hiwānanja: njoemoe ndau mangādātoe be nja I Ala, ba kawāra tanggoe nda nja maharoei bokoel; njoeta jeā, ba ndjala bokoeloe ma nda nja, hi toe nda jeā bana paharika nda!

Tāka njoena jeā, ndaningoe ā ndjala na, woekoe ma na nja pakarāoe nja eti, hida paharika nja.

Toenanoe hi hili wāna: ha Toehan, djākau tama la nge'a papareāta moe, namoe ka doekoe njoengga. Toenanoe hina heāma I Jesoes: malānga tāka tāka ja, bakoe paní: na lodoe nāhoe tatāka pakareāng la Pirdoes.

Toenanoe hi nindja bada ndoālākoe la lihi harikang, na ina na I Jesoes, na angoe na kawini na ina na, I Maria na papaha na I Kleopas, dāngoe I Maria Magdalena. Toenanoe I Jesoes bana ita ja na ina na, dāngoe na tau papapeāka na, na pamboeha na, ni mboe nja bana ndoālāk marení, hiwāna bana paní dāndja: ha kawini, tāngāroe ja na ana moe! Tāka I Jesoes hi hili wāna, bana paní nja na tau papapeāka na: ha ana, tāngāroe ja na ina moe!

Batoenanoe na tau papapeāka na hina paheānja I Maria la oema na.

Toenanoe tāka na nja ka na roedoeng mboeloe ndāba na na

panggoeboel awang; na pakiringoe na weli tidoeng lodoe loepa hapoengoe kokoer djangga na na lodoe.

Toenanoe I Jesoes hi hili wăna bana pawăding: ha Ala nggoe! ha Ala nggoe njoengga! ka nggiki na hioe măta be ă ngga njoengga!

Toenanoe I Jesoes hi hili wăna bana paní: koe madau! Toenanoe hi ninja na woeroeng na ma'ihing wai majiloe; toenanoe hida pa'ihinja la wăla karang, hida toe ja la tokoeng, hida pa-djoăla nja ja.

Toenanoe I Jesoes bana harebitoe ja ka noena, bana hăla ka hiwăna: ndjăpoe ja ka!

Toenanoe I Jesoes hi hili wăna bana pawăding: ha Ama la lima moe njoemoe, koe toe ja na ndewa nggoe! Toenanoe bana hăla ka pawăna, hina ngăkeroeng na katikoe na, hina mboăta na ndewa na.

Tăka na tera papadimbakoe wăngoe la oema nge'a pahama-jang, na kahira padoe'a weli ditang, loepa hoewawa; na tana na nggădoekoe, da watoe palendi da tawănggăhoe; da reti da taboe-nggăhoe; da tau nde pi-pira da, da loehoe ha weling la reti da.

Toenanoe hi ninja na kapala horodadoe bana păda nja na tana nggădoekoe, bana rongoe ja I Jesoes bana paní toenanoe, hiwăna: malănga tăka ja jeăna na tau, tau matăndji eti ja, Ana na I Ala ja.

Toenanoe na tau dangoe bana ita ja ka na poeloeng noena, beli da nja ka bada tăba ha da koeroe da.

84. I Jesoes bada tani nja tau.

Na lodoe meti na I Jesoes, djè ja lodoe djoemaătoe, na mangiloe na na lodoe Săbătoe. Toenanoe ka ămboe ndjăpa i ha la harikang da kajoemboe da da tau, ba lodoe Săbătoe ja, toenanoe da tau Jehoedi hida lo pakarai ja I Pilatoes, ka pata ha da wihi da da tau da paharikang noeda, ka papoeroendja, wăda.

Toenanoe tăka da nja ka da horodadoe, hida pata ha da wihi da da tau madoe'a, da angoe harika na I Jesoes.

Toenanoe bada tăka ka la I Jesoes bada ita ja, mbăda meti na

nja ka, hi ndeda pata ha da wihi na. Tăka na haătoe na horodadoe hina koădja wănja nimboe la bănggi na I Jesoes hina loehoe wai re'a na dăngoe wai. Batoenakanoe, padening na nja ka na pahoerătoe ămăng, bawăna: na hapoengoe na ri na ndaningoe mambata; tăka hili ninja pahoerătoe ămăng bawăna: njoeda napa da ita ja njoena na pakoădja da.

Toenanoe lakoe da nja ka da tau horodadoe; tăka hina tăka I Joesoef, tau Arimate'a ja, tau mawoeloe ja; njoena ndena bihoe pa'angoe eti ndja da ratoe papameti ja I Jesoes. Njoena ba tau papapeăka na I Jesoes ja, na wăngoe pakawining be ă, ndena pawoewa ndja ja na eti na djăka nggi nggiki na eti na. Toenanoe na tau noena hina lo'a la I Pilatoes, hina karai ja na tau na I Jesoes, kakoe piti ja, wăna. Toenanoe I Pilatoes bana rongoe ka, ba mbăda mēti na ka I Jesoes, na hangătăroe ja; toenanoe hina pa'aunja na kapala horadadoe, hina karai ja: I Jesoes mbăda meti na ka? Toenanoe I Pilatoes bana pinja ka meti na I Jesoes, tăka hina pamădjanja I Joesoef.

Toenanoe hina mai I Nikodemoes (i ămang djē ja na malo'a roedoeng la I Jesoes) bana ngăndi doepa hangia hangia, laloe dangoe ha da pangăndi na. Da tau madoe'a noeda, hida piti ja na tau na I Jesoes hida kamboeroe wănja tera manipa, hama toena na hoeri da da tau Jehoedi. Toenanoe la lihi nge'a paharika na I Jesoes, ninja hau na na woăka; la woăka noena ninja na reti pabidi ăki la watoe, ndedi ningoe haătoe pataning lai noe.

Toenanoe la reti noena hida taninja I Jesoes, hida kiloenja watoe bokoel hida panggăbi wănja na ngaroe pindoe. Mboendăba da da tau kawini da makikoenja I Jesoes weling la tana Nggalilea ni mboe ndja lai noe bada taninja I Jesoes. Toenanoe bada tani nja ka, beli da nja ka la oema da; hida pamătoe nja tera hangia hangia, dăngoe doepa, kata beli doe'a modoeng, wăda. Tăka na lodoe Săbăt, hida păndjăng hama toena na hoeri da da tau Jehoedi.

Toenanoe hadang la mbaroe hida pa'oehi ha da ratoe hida lo'a I Pilatoes, hiwăda: ha oemboe! I Jesoes, na tau noena mbăda kambălikoe na ka, ba wăna: djăka koe meti, tiloe mboea lodoe

nggoe ka, koe hada beling, wăna, djè doe ja batoenanoe, hămoe kau paleăwa tau, kada dai ja na reti noena, loepa na toăma ja na lodoe papeăka na; ka âmboe da mai da tau papa-peăka na pamanganga mandalora ja; djăka da hăla ja ka pamanganga ja, napa wăda doe: mbăda hadang na ka I Jesoes, wăda doe; djăka toenanoe na handoeke tai la malamiri, na rihi pa pabokoeloeng.

Tăka I Pilatoes hina heăma hiwăna: ba ningoe ma doe tau madai ja, tau lai njimi, dai pahămoe hămoe nja ka doena na reti na.

Toenanoe lakoe da nja ka da tau Jehoedi, hida toenja tanda na na watoe, hida peăka ndja da tau da madai ja na reti noena: kai dai pahămoe-hămoe nja, wăda.

85. I Jesoes bana hadang beli.

Toenanoe bana lăpăhoe ka na lodoe Săbăt, la hari la mbaroe hina nggădoekoe na tana, ba djè ja ba haătoe na na malaikat na mapoeroe ja weling la awang. Toenanoe hina boăwa ja na pindoe reti na I Jesoes; bana hăla ja ka hina mandapoe ja la pinoe watoe noena. Na malaikăt noena hama toena na kadjilăk bana ita ja tau. Batoenanoe da tau da madai ja na reti noena, laloe mangăďătoe ha bada ita ja, hama toeda bada meti; toenanoe palai da nja ka.

Toenanoe na lodoe noena la mbaroe, lakoe da nja ka I Maria Magdalena, I Maria na ina na I Jakoeb, ďăngoe I Salome, bada ngăndi tera manipa, ďăngoe doepa mawau hiritoe, kama toenja la tau na I Jesoes, wăda be ă. Toenanoe ba la padoe'a ngarăngi'a be ha pa, tăka hiwăda: nggamoe ă ka na makiloe nda nja na watoe bokoel la ngaroe reti.

Toenanoe bada tăka na nja ka na reti, hida ita ja na watoe, mbăda pakiloeng ja ka, mbăda taboenggăhoe na ka na reti. Toenanoe I Maria Magdalena hina palai-lai ja, na lo papeăkanja I Petroes, hiwăna: I Jesoes mbăda piti na nja ka tau, ndakoe pinja djăka nggini na băndjăl ni ja.

Täka da kawini hawiang hida tama la koeroe reti, hi ndeda ita be ja pa I Jesoes; laloe handoeke ma ha da eti da da tau kawini noeda.

Toenanoe hi djè ni be ndja da tau madoe'a, da mandoäläkoe la lihi da da tau kawini; laloe kadjiläkoe ha; täka da malaïkät noeda hiwäda: ka nggiki na hi himboe ja na tau maloeri la padoe'a tau mameti; nda ni ä nja pa lai jehoe; mbäda hadang na ka, hama toena ba wäna bana loeri pa. Toenanoe da tau kawini noeda, loehoe da nja ka weling la reti, da mangädätöe mboe, da eti da laloe hämoe mboe ha; hida palai-lai: kata pa'ihhi ndja da tau papapeäka na I Jesoes, wäda.

Täka I Maria Magdalena, talänga ndoäläkoe na la hambeli reti noena, bana hī dira matiki.

Toenanoe na karoedoek hina tängäroe ja na koeroe na na reti noena. Toenanoe hina ita ha da doe'a da malaïkat; da hinggi da, da tera da, da bara häla.

Täka na malaïkät hiwānanja: ha kawini, ka nggiki päkoe na hioe hī? Täka hina heäma I Maria: ba mbäda piti na nja ka tau I Jesoes hikoe hī; ndakoe pinja pa, djäka nggini na nja ka na ngändi ni ja.

Toenanoe bana häla ka papani, täka hina wiläkoe, hi ni be nja I Jesoes la kadjea na. Toenanoe hiwāna I Jesoes: ha kawini, ka nggiki na hioe hī; nggamoe ja na pahimboe möe? Täka I Maria bana pakaka nja la eti na: tau la woäka ja lai jehoe, wäna be ä, toenanoe hiwāna: ha oemboe, djäka njoemoe mapiti ja I Jesoes, peäka ngga njoengga, djäka nggini oe bändjälöe ni ja, kakoe lo papiti ja.

Toenanoe I Jesoes, hiwānanja: ha Maria! Bana heäma toenanoe I Jesoes, hīna ka I Maria hina tanda ja, hiwāna: Raboeni! hina karoedoek la wihi na I Jesoes. Toenanoe hiwāna I Jesoes: amboe räma ka njoengga, ba ndedi koe hē pa la pange'a na I Ama nggoe; lakoe kau njoemoe, kau peäka ndja da arijá nggoe njoengga: hē nggoe nja ka la pange'a na I Ala nggoe njoengga, I Ala mi njimi, la pange'a na I Ama nggoe njoengga, I Ama mi njimi, ka wämoe ndja, wänggoe nggau. Toenanoe lakoe na nja ka I Maria Magdalena, hina peäka ndja da tau papapeäka na I Jesoes; täka da tau noeda ndeda bihoe parongoe ja na papani na I Maria.

Toenanoe na lodoe noena, hina pawoewang wiki na njoena I Jesoes la I Petroes, ba laloe handoeka ja na eti na, hina pamandanja njoena.

86. La koatak Emaus.

Toenanoe hi nindja da madoe'a da tau papapeakang; da lo'a la hau koatak, na mangarang Emaus; na marau na weling la Jeroesalem tiloe mboea djam hina mangoe pataka. Da tau noeda hida paní-ní, ba djè ha da poeloeng da pahala pa'ita da, parongoe da, kange'au wada nodoeng.

Toenanoe ba la padoe'a ngarangi'a ha ka, taka na nja ka I Jesoes, hida lakoe kareang. Taka njoeda ndeda tanda ja I Jesoes. Toenanoe hiwana I Jesoes nggara poeloeng ja na papani moe? Taka na haatoe, na mangarang I Kle'opas, hina heama hiwana: ka tau bidi taka kau la Jeroesalem, hi ndau pinja na poeloeng na pahala kange'au wada modoeng? Taka I Jesoes hina karai ha: nggara poeloeng ja noe? Toenanoe hida heama: poeloeng na I Jesoes, tau Nasaret, ba haatoe nabi ja, na mbiha na papani na, na parama na la hangga na I Ala, la hangga mboendaba na na tau; taka da ratoe hida japa ja ka, da pameti ja ka, da paharika nja ka. Taka njoeta ta monoe nja lati Njoena, bana ngandi poeloeng mahamoe. Nahoe tiloe mboea lodoe na ka bana meti. Taka da kawini nindja da mapani, bada pandjara nggami, ba wada: na mbaroe na na lodoe nahoe, hima lo'a la reti; toenanoe bama taka ka lai noe, hi ndema ita ja ka pa na tau na I Jesoes, wada.

Toenanoe beli danja ka da tau kawini noeda hiwada: njoema ma'itang wada, haatoe na na malaikät na mawana: na loeri ka I Jesoes, ba wada. Toenanoe da arijá ma hawiang, da lo'a mboe la reti noena, hida ita ja ka na reti, hama toena ka i na paní da da tau kawini kawai; ndaningoe ihi na, ndeda ita ja pa na tau na I Jesoes.

Toenanoe bada hala ka, hiwanandja I Jesoes: ha tau kambanga, ma mandoeng eti mi; ndai pinja na pahoeratoe da da nabi

nabi? I Jesoes' loepang ma bādi na pādāng maharoei, hina mǎngoe patama ja la nge'a papareāta na. Toenanoē I Jesoes na pakiri weli nja lai Moesa, loepa na toāma ha da nabi nabi, bana pata-loeloekoendja ja, djāka nggāra jā na pahoeātōe da, ba djē ja na wai ngera wiki na.

Toenanoē ndedi nggi mandai na, tāka da nja ka lā koātāk Emaus; tāka I Jesoes hama toena na tau na malakoe pangalang, hama toena na mandebihoe palī. Toenanoē da tau madoe'a noeda hiwādanja: amboe lakoe kadiroe, tatodoeng, kareàng kadi lai jēhoe la koātākoe ma, ba roedoeng na nja ka nāhoe, wādanja. Toenanoē I Jesoes hina tama kareāndja la oema da, hina nga dāndja njoeda. Toenanoē bada mandapoe ka, tāka I Jesoes, hina piti ja na kangoeta, hina hamaja nja, hina kawita-wita ja hina pakē ndja njoeda.

Toenanoē da mata da da hari, hida tanda ja ka I Jesoes; tāka njoena I Jesoes djē moenang be na, ndeda ita ndokoe ja pa.

Toenoena hida panī: njoeta da eti nda da mārāhoe kawai bana panī dānda njoeta nāmoe la ngarāngia, bana pataloeloekoe nda ha da hoerātōe. Toenanoē hadang da nja ka, hida beli ha la Jeroesalem. Toenanoē hida hoenggōe ha da tau mahakamboeloe haātōe, da tau papapeākang. pa'oehi be da nja dāngoe da tau kawini mboe. Toenanoē bada tama ka la oema, hiwāda da tau papapeākang: malānga tāka ja I Jesoes mbāda hadang na ka, na pawoewang wiki na la I Petroes.

Toenanoē ba talānga panī da pa, tāka njoena I Jesoes, hi djē ni be nja la padōe'a da, na pindoe na na oema papoeti ma ja. Toenanoē hiwāna I Jesoes: mahāmoe ja ka lai njimi! Toenanoē da katātāk pakoroeng mangādātōe mboe da; na pakanandi eti da, ita da nja na ndewa ā na.

Toenanoē hiwāna I Jesoes: kanggiki na njimi hi katātākoe; kanggikī na da eti mi, hida kananding toedanoē? Tāngāroe ha da lima nggōe, da wihi nggōe, da roekoe pakoe, da roekoe nimboe, ba njoengga wiki ma. Rāma wa ka njoengga; tāngāroe, da ndewa ndaningoe ibi da, ndaningoe ri da, hama toena doekoe njoengga.

Toenanoē ba talānga panī na, hina pa'ita ndja ha da lima na, da

wihi na. Toenanoe njoeda ndedi da pinja, ba laloe hämoe ha da eti da, ba laloe hangätäroe ma ha. Täka I Jesoes hi hili wäna: ningoe ana pangangoe lai njimi jèhoe? Toenanoe hida wönja ijang pahongoe dängoe wai manggaloeang. Toenanoe I Jesoes hina piti ja hina nganja la hangga da njoeda mboendäba da.

Toenanoe bana häla ka pangangoe, hi hili wäna ndja: mahämoe ja ka lai njimi, hama toena doena I Ama nggoe, bana paleäwa ka njoenggga, njoenggga doekoe toe nggoe ka bakoe paleäwa kämi njimi.

Toenanoe I Jesoes, bana häla ka papani toe na noe, hina hapoëi ha njoeda, hiwäna: kē ja na Ndewa na I Ala, wäna.

87. I Jesoes bana pawoewang wiki na la I Thomas.

Toenanoe I Thomas, angoe da ka i da tau papapeäkang da hakamboeloe madoe'a, talänga ndaninja lai noe, bana pawoewang wiki na I Jesoes. Toenanoe hiwäda da tau papapeäkang hawiang, bada peäka nja I Thomas: malänga täka ja, bama ita ja ka I Jesoes

Täka I Thomas hina heäma hiwäna: djäka ndakoe ita wänja mata da roekoe pakoe la lima na, kakoe patama päkoe ndja da wö lima nggoe la roekoe pakoe noeda; djäka ndakoe pahaunja na lima nggoe la roekoe nimboe la mibi na, ndakoe bihoe parongoe ja.

Toenanoe ba waloe mboea lodoe ka da maläpähoe, täka da tau papapeäkang, hida hili pa'oehi la oema noena. I Thomas ni mboe nja lai noe. Toenanoe na pindoe ba papoeti ma ja, I Jesoes hi djè ni be nja la padoe'a da hiwäna: mahämoe ja ka lai njimi. Toenanoe bana häla ka pawäna, täka I Jesoes hiwänanja I Thomas: padjoäla ndja nämoe da wö lima moc; tängäroe ha da roekoe pakoe la lima nggoe, pahaunja na lima moe la mibi nggoe! amboe mätang doe pamonoeng, monoeng ka bädi. Täka njoena I Thomas, hina heäma hiwäna: ha Toehanggoe, ha Ala nggoe!

Täka I Jesoes hiwäna: ha Thomas! ba djèa bau ita ka njoenggga, hīna hioe monoenggga, hämoe ka i na tau na mamonoenggga, djèpa ka ndena ita ka ka.

88. I Jesoes bana pawoewang wiki na la Nggalile'a.

Toenanoe I Jesoes bana hăla ka pawoewang wiki na lai Thomas, tăka da tau papapeăkang lakoe beli da nja ka la tana Nggalile'a, lai noe mboe I Jesoes na pawoewang wiki na la hingi tehikoe Tiberias. Toenanoe na pakiri na: hi nindja da pihoe da tau papapeăkang, hida hē la teăna, lo pandjering, wăda. Toenanoe da kahau roedoe djoewang bada ndjering, ndeda jăpa ndokoe. Toenanoe la mbaroe hi ninja I Jesoes la wara, tăka njoeda ndeda tanda be ja I Jesoes; hiwăna I Jesoes: ha ana nggoe, măla ningoe pangangoe heăna kata ngangoe? Tăka hida heăma njoeda: nda-ningoe ă.

Toenanoe hiwăna I Jesoes: da ndjeringoe mi wăla palo'a kawalandja, napa njimi i jăpa. Toenanoe bada kikoe nja na papani na njoena hida wăla ha da ndjeringoe da; da mbinoe ijang mabo-koeloe djoea, hangahoe lima kamboeloe tiloe ngioe da.

Toenanoe hiwăna I Johanes bana pani lai Petroes: djê ja I Jesoes ilhoe na mapa'aung kawai. Toenanoe I Petroes bana rongoe ka, djê ja I Jesoes, bawăna ka, hina lindjoeng la wai hina ngeni la wara. Tăka da tau papapeăkang hawiang da li la teăna. Toenanoe bada tōama ka la mamara, poeroe da nja ka hida ita epi, kangoeta dăngoe ijang ningoe mboe. Toenanoe I Jesoes hiwănandja: mai kămi kata ngangoe. Toenanoe njoeda mboendăba da da pinja: djê ja I Jesoes.

Toenanoe bada hăla ka pangangoe I Jesoes hiwănanja I Simon Petroes: ha Simon ana na I Joenas, măla noe bau mboehangga njoengga, ndau rihi ndja pa njoeda.

Tăka I Petroes hina heăma hiwăna: ha Toehan, njoemoe oe pingga bakoe mboeha nggau. Toenanoe hiwăna I Jesoes: dai ha da ana bimbi nggoe.

Toenanoe hi hili wăna I Jesoes hiwăna: ha Simon ana na I Joenas, oe mboeha doe ngga njoengga? Tăka I Petroes hina heăma hama toena kawai.

Toenanoe hiwăna I Jesoes: dai ha da bimbi nggoe. Toenanoe

na pandiloeng wăna bana karai ja: ha Simon ana na I Joenas! oe mboeha doe ngga njoengga? Toenanoe I Petroes, handoeke na nja ka na eti na, hiwăna: ha Toehan, oe pi ma nja mboendăba na na poeloeng, oe pi mboe ngga njoengga bakoe mboeha nggau.

Toenanoe hiwăna I Jesoes: dai ha da bimbi nggoe. Malănga tăka ja bakoe paní lai njoemoe: ba bidi mini i kau pa, njoemoe wiki maboroeng, djăka nggini ja na pamboeha moe bau lakoe, oe wăngoe be ă eti moe; djăkau kaweadă ka, kau padjoăla ha da lima moe, hina paboroe nggau tau, hina ngăndi kau năhoe la pande bihoemoe.

Njoena I Jesoes bana paní toenanoe, patoedji na nja na ngarăngi'a meti na I Petroes haromoe la mala miri na.

Toenanoe I Jesoes bana ndjăpoe ka noena, tăka hina pawoewang wiki na la hau pange'ang, da tau arija na da mapa'oehi lai noe, ba lima ngahoe rihi da. Batoenakanoe laloe dangoe ha da tau, da ma'ita ja ka I Jesoes, ba mbăda loeri beli na ka.

89. I Jesoes bana he la awang.

Toenanoe da tau papapeăkang, ba hakamboeloe haătoe, lakoe da nja ka la tana Nggalilea, la hau palendi na pahăla papeăka dăndja I Jesoes. Lai noe I Jesoes hina toăma ha, hiwăna: mboendăba na na pambiha wăngoe la awang ka i, la tana ka i, mbăda wă na ngga ha ka njoengga I Ala; djê ja batoenanoe, njimi kai lakoe, kai papeăkandja mboendăba da da tau hau bandjar hau bandjar; kai ihoe ha njoeda bai wănja ngara na I Ama, I Ana, I Ndewa; kai papeăkandja njoeda kada kikoendja mboendăba da da pareăta nggoe njoengga.

Djăka nggamoe ja na makatakoe ja ka, na pahăla pa'ihoe mi, noena na awangoe ja na awang; tăka djăka nggamoe ja na mande bihoe parongoe noena ndena awangoe ja na awang.

Malănga tăka ja, djê ba njoengga ni mănoe mănoe ngga la lihi mi njimi, loepa na moeloeng na tana

Toenanoe nde pira be da pa da tanda bana pa'itandja I Jesoes

da tau papapeàka na. Njoena bana pawoewang wiki na lai njoeda patoekamboeloe mboea lodoe na na mandai na, bana paní-ní ja na pareàta na I Ala.

Täka I Jesoes hina pa'oehindja njoeda mboendäba da la palendi Zeiton, hina papeàkandja hiwäna: ämbi pajilang doe la paraing Jeroesalem; mäta kai napa ja na pandjandji na I Ama kana ihoe wänggami Ndewa; napa kai ngalang na mbiha na I Ala; batoenakanoe kai lakoe kai ngändi poeloeng mahämoe la paraing Jeroesalem, la tana Joedea, la tana Samaria, loepa toäma la panggoeboel awang.

Toenanoe I Jesoes bana paní-ní ka hina woeläkoe ha da lima na, hina peàkandja mahämoe. Toenanoe ba talänga paní na pa, hē na nja ka la awang, bada tängäroe ja pa da tau papapeàka na. Täka njoeda ba talänga tangära da la awang, hi ni be ndja da tau da madoea; da hinggi da, da tera da mabara djoea, hiwäda: ha tau Nggalilea, nggiki na hi ndoäläk bai tangära la awang? I Jesoes na mahē la awang, toena ka i ngeroe na mai beli ja.

Toenanoe hi ninja hau na na kambang na madimbäkoe ja I Jesoes; täka njoeda nde pekoe ita da nja pa njoena.

90. Na lodoe Pentekosta.

Toenanoe I Jesoes ba mbäda hē na ka la awang, täka da tau papapeàka na, beli da nja ka la Jeroesalem, hida ndädikoe pakare'ang ndäba lai noe; njoeda napa da nja I Ndewa, na pahäla pandjandji dändja.

Toenanoe ka, mänggänäpoe ka tau kahakamboeloe madoea käma, wäda; toenanoe hida pindi ja haätöe na na tau, na mangarang I Matias, ka hiloe ja I Joedas, wäda.

Toenanoe bana ndjäpoe ka na lima kamboeloe mboca lodoe weling la lodoe Pasa; ha hakamboeloe mboea lodoe ka bana hē la awang I Jesoes, djē ja na lodoe Pentekosta tau Jehoedi. Na lodoe noena mboendäba da da tau papapeäkang hida pa'oehing hau eti päkoe ha. Toenanoe hi djē poeroe be na na malingoe weling la awang, hama toena na läpiroe; na pinoe ja na oema na nge'a

pamandapoe da. Tăka hi djè woewa be da hama da da lăma epi da makahanga, hida rändjăkoe la katikoe da haătoe haătoe.

Toenanoe njoeda mboendăba da da mbinoe Ndewa na I Ala; batoenakanoe hida paní hiloe hangî'a hangî'a.

Tăka hi ni be ndja la Jeroesalem laloe dangoe ha da tau Jehoedi, da matăndji eti da; tau weling la panggoeboel awang. Toenanoe bada rongoe ja ka na malingoe ngiloe, mboendăba da da tau hida pa'oehi lai noe; njoeda da hangătăroe be ka, bada rongoe ha da tau papapeăkang, bada paní bada wăngoe hiloe hangî'a hangî'a, hiwăda: jeăda da tau da mapaní, nde tau Nggalilea ha? kanggiki na ihoe, bata rongoe ă ha bada paní-ní da wăngoe hiloe ndja njoeta, bada peăka ă ja na ngarăngia na I Ala.

Toenanoe hida paní haătoe haătoe: nggăra wăda ihoe da tau jeăda? Tăka hi nindja da tau hawi'ang da mapoeloe wăndja, hiwăda: da tau jeăda, laloe oenoe woloe mbana, măoekoe da nja!

Toenanoe I Petroes hina hadang, hina paní, hiwăna: ha tau Jehoedi mboendăba mi da mange'ang la Jeroesalem! mătanja ka na papaní nggoe jeăna kana tama la kahiloe mi; njoema jeă nde tau măoekoe kăma, hama toena na pakanandi eti mi njimi; ba pera doe'a pahē ă na pa na lodoe. Na poeloeng jeăna hama toena na papaní na na nabi Jo'el handăka na; wăna bana paní: toenanoe wăna I Ala bana paní, napa tai la malamiri na, kakoe boeri ndja I Ndewa nggoe mboendăba da da tau, da ana mi mini, da ana mi kawini, napa da noeboewătoe; da bidi mini mi, napa da itang mboe da pa'itang wăngoe; da tau makaweăda mi napa da wangoe pama-nggadípang; tăka da ata mi mini, da ata mi kawini, njoengga koe boeri ndja I Ndewa nggoe, tăka hida noeboewătoe.

Djăka nggamoe ja na matiki ja na ngara na I Toehan, djè ja na ma'awangoe ja na awang. Ha tau Jehoedi! rongoe ja na papaní nggoe: I Jesoes, tau Nasaret, tau matăndji ja; djè ja njoena na pawŏna tanda pahangătăroe wăngoe, ba djeă ma ja I Kristoes, wăna I Ala. Tăka njimi hi paharika nja i; tăka I Ala hina pahada beli nja i; njoema mboendăba djè ka mama'ita ja. Năhoe I Ala na padjangga ja ka, njoena na kē ka ndjandji Ndewa. Tăka njoena

hina boeri ja, hama^a toena bai ita wiki mi nja, bai rongoe wiki mi. Djè doe ja ba toenakanoe, ha mboeloendäba mi tau Jehoedi, kai pinja ba malänga täka ja njoena I Jesoes na paharika mi njimi, djè ja njoena I Toehan, I Kristoes.

Toenanoe njoeda bada rongoe ja ka na papaní na I Petroes, da eti da da maröamba be ka, hiwäda: ha oemboe, aja, nggiki ä ma ka jeà, kama awangoe ja na awang! Täka I Petroes hina heàma ha njoeda: mäla njimi kai mandjare'a, haätoe haätoe; mäla kakoe ihoe kämi, bakoe wänggämi ngara na I Jesoes; da ndjala mi kana djämandja; batoenakanoe napa kai ngalang I Ndewa na I Ala, ba ninja na ndandji na lai njimi, la ana mboe mi, la tau na mamarau, djäka pira na na papa'au na I Ala.

Toenanoe na tau na marongoe ja na papaní na I Petroes, ningoe hawi'ang laloe hämoe ha da eti da bada rongoe ja ka. Toenanoe hi ihoe ha da noeda. Na lodoe noena ba kaka ä ja, tiloe rata na na tau, da mamandjare'a.

Toenanoe mboendäba da da tau noeda, da pa'engoe ma, bada kikoenna na papaní da da tau papapeäkang; njoeda da käli hamajang, ba hau eti päkoe ha. Toenanoe ningoe tau hawi'ang, da dangga ndja da pawoeloe pawoeloe da, da ndoela ha da tau da mamila. Täka I Ala hau lodoe hau lodoe hina toendja angoe da, nde pira pira ha da tau da mamandjare'a.

91. Na tau na mahidoe kajäki.

Toenanoe na hau na lodoe I Petroes dängoe I Johanes, hida lo'a la oema nge'a pahamajang. Täka hi ninja haätoe na na tau na mahidoe kajäki, na mandapoe la toeba pindoe oema nge'a pahamajang; patoekamboeloe mboea ndaung na na mandai na bana hidoe kajäki noena. Na tau noena hau lodoe hau lodoe ma na bana mandapoe lai noe: kakoe karai ä ndoei na tau na matama la oema na I Ala, wäna. Toenanoe njoena bana ita ha ka da madoe'a da tau papapeäkang noeda, hina karai ana ndoei.

Täka I Petroes hina tängäroe ja njoena, hiwäna: tängäroe käma

njoema. Tăka njoena hina tângăroe ha da tau papapeākang noeda; na pakanandi eti na, koe ngalang ma noe ka ihoe ndoei, wăna be ă. Toenanoë hiwăna I Petroes: ămăhoe rara, ămăhoe bara ndaningoe lai njoengga, batoenanoë djăka nggăra ja na maninja lai njoengga, napa koe wŏnggămoe njoemoe; bakoe wănja na ngara na I Jesoes: hadangoe wa, kau pangga. Toenanoë hina jăpa ja na lima kawana na, hina pandŏalăkoe ja; batoenakanoe da wihi na da ătăloe meâmang ka.

Tăka njoena hina lindjoeng-lindjoeng, bana ătăloe doe ka năhoe bana pakakanja; hina tama kareândja I Johanes dăngoe I Petroes hoedaloe la oema nge'a pahamajang, hina wotoenja I Ala.

Toenanoë mboeloendăba na na tau dangoe na ma'ita ja njoena, laloe hangătăroe ha, bana ătăloe be ka bana lakoe. Tăka I Petroes hina paní-ní ndja da tau dangoe; dangoe ha da tau da marongoe ja njoena, da kikoenja I Jesoes.

92. I Ananias dangoe I Sapira.

Toenanoë hininja haătœ na na tau mini, na ngara na I Ananias ja, na papaha na I Sapira ja na ngara na. Toenanoë njoeda hida dangganja na wŏaka da: kata ndoela ha da tau da mamila, kata ngăndi ndja ha da wili na da tau papapeākang, wăda. Toenanoë I Ananias da wili na na wŏaka, hina kawinindja hawi'ang; papi da dăngga tau angoe na; tăka hawi'ang hina ngăndi ha la hangga na I Petroes, hiwăna: jeăda mboendăba da, djê ha da wili na na wŏaka nggoe, hikoe ngăndi ha la hangga moe, wăna. Tăka I Petroes hiwăna: ha Ananias, kanggiki na na eti moe hina mbinoë nja I Setan, hioe kambălikoe nja I Ndewa na I Ala; bau kawinindja i hawi'angoe da wili na na wŏaka? Ba ndedi œe dangganja pa, ba wŏaka ma doe moe nja! Tăka bau dangga nja i ka, njoemoe i măngoe ămăhoeng! kanggiki na hi toenanoë hina toembœ la eti moe. Malănga tăka ja, nde kambălikoe moe nja la tau be ă, ba kambalikoe moe nja la I Ala.

Toenanoe bana rongoe ja ka na papaní na I Petroes, tǎka I Ananias hina ndjoroe, meti ka nǎhoe ma nǎ.

Toenanoe hida hadang da bidi mini hida dandanja I Ananias, hida lo pataninja.

Toenanoe ba ndedi nggi mandai na, tǎka na nja i ka na papaha na; tǎka njoena ndena pi be nja, djǎka nggiki na kawai. Toenanoe I Petroes, hiwǎna nja njoena: paní ngga njoengga! bau dangganja na woǎka moe, didi ǎ hang jeǎda da wili ha? Tǎka hina heǎma: woǎ, hi oemboe, toeba ma da! Toenanoe I Petroes hiwǎnanja: kanggiki na hi toenanoe hioe kamanja I Ndewa na I Ala? tǎngǎroe, da wihi da da tau da maweling pataninja na tau angoe moe nindja la hangga pindoe, napa kada paloehoe mboe kau njoemoe.

Toenanoe ndedi mbǎdikoe na, na kawini noena na ndjoroe la hangga na I Petroes, hi meti ma na nja. Toenanoe bada tama ka da bidi mini, hida ita ja na kawini noena, mbǎda meti na ka. Toenanoe hida dandanja, hida taninja la lihi na na tau angoe na. Toenanoe mboendǎba na na tau na ma'ita ja ka noena, laloe mangǎdǎtoe ha.

93. I Stepanoes.

Toenanoe bada boǎndja boǎndjang angoe da da tau Harani, tǎka da tau rasoel da hakamboeloe madoea ha, nde didi ǎ hang da papaní na I Ala bada papeǎka ndja, njoeda da paberi mboe nja ana nggǎra nggǎra la tau mamila.

Toenanoe ba laloe dangoe ma ha da parǎma da, njoeda hi ndeda toǎma ha la parǎma da hawiang. Djè ja batoenanoe hiwǎda njoeda: na hǎmoe pa, himboe tau mapihoe kada tanggoe nja i njoeda, kada paberi ndja ǎmǎhoe da tau mamila.

Batoenakanoe hida pindi ha da tau mapihoe, tau matǎndji eti ha; hi ninja haǎtoe na na ngara na I Stepanoes ja; njoena na mbinoe nja I Ndewa na I Ala, njoena na mbiha mboe, na ngalang papa'itang tanda pahangǎtǎroe wǎngoe.

Toenanoe da tau Jehoedi bada paní dǎnja poeloeng tau Harani,

täka ndeda ngalang pahipoe ja njoena I Stepanoes, ba laloe mǎnggǎna ja. Toenanoë ba karāoe da nja da eti da, hida poeloe wǎnja I Stepanoes la tau dangoe. Toenanoë da tau dangoe da karāoe mboe da eti da, hida jāpa ja I Stepanoes hida kareǎnja la hangga tau mamatoea.

Toenanoë njoeda da kare'ang mboe tau makambǎlikoe da koehi pǎti da böwa ngaroe, hiwǎda: na tau jeǎna ndena pǎndjǎng ndokoe papatarang na oema na I Ala, na papareǎta na I Ala na patarang mboe. Njoema bama rongoe bana paní: I Jesoes tau Nasaret, napa na njǎnggǎroe ja na oema nge'a pahamajang; na hoeri ma na papeǎka na nggǎma I Moesa, napa na pandjiloenja.

Toenanoë da tau mamatoea da mamandapoe la nge'a papaní, da tǎngǎroe ja na mata na, bada ita ja hama toena na mata malaíkǎt bana kadjilǎkoe. Täka hiwǎna na ratoe bokoel: na pǒeloeng jeǎna malǎnga täka ja toenanoë?

Täka I Stepanoes, hina paní; bana paní ja na paweli bokoe da ǎmang, djǎka nggi-ngiki na I Ala, bana ndoela ha njoeda; täka njoeda da patarang la I Ala, ndeda pǎndjǎng ndokoe. Toenanoë I Stepanoes bana hǎla ha ka da paní wǎna, hi hili wǎna: ha tau mambotoe eti da, tau mandaningoe eti, mǎndaningoe kahiloe, bai patara dǎnja I Ndewa na I Ala! njimi ndai pǎndjǎng ndokoe papatarang, hama toeda da bokoe mi, toemi ka i dimi njimi.

Mboeloendǎba da da nabi, ndaningoe haǎtoe pahili da da bokoe mi ǎmang bada pahandoeka ha; njoeda da pameti ha da nabi, da mapaní ja ǎmǎng.

Na tau tǎndji, na matǎka ba wǎda, njimi hi pameti ja, hi paharikanja njoena I Jesoes.

Toenanoë bana paní toenanoë ka I Stepanoes, täka njoeda ndeda toroeng bada rongoe ja ba mbana ma da nja da eti da, ba laloe karāoe ha. Täka I Stepanoes, ba mbinoë ma nja I Ndewa hina tangǎra la awang, na ita ja ka I Jesoes bana ndǒalǎkoe la kawana lima na I Ala; toenanoë hiwǎna: koe ita ja na awang bana wǎka, na Ana Tau ninja bana ndǒalǎkoe la kawana lima na I Ala!

Toenanoë njoeda hida ka'ǒka pawanding, da koeloe ndja da

kahiloe da, hida jila-jila ja I Stepanoes, hida paloehoe ja la hambeli paraing, kama toekoe wänja watoe, wäda be ä.

Toenanoe da hinggi da, tera da, hida bändjälöe ha la wihi na na bidi mini haätoe na mangarang I Saul. Toenanoe njoeda ba talänga toekoe da nja I Stepanoes, njoena na hamajang hiwäna: ja Toehan Jesoes, mäla wa, kau kē ja ka na ndewa nggoe njoengga.

Täka hina patika hiwäna: Ja Toehan mätäng, amboe tanggoendja da ndjala da da tau jeäda.

Toenanoe bana häla ka papani toenanoe, mboäta, na nja ka na ndewa na.

94. I Saul bana mandjare'a.

Toenanoe I Saul na karäoe mänöe mänöe na eti na, ba djē ha da tau Harani; koe pameti ha da tau Harani, wäna be ä. Toenanoe njoena hina karai hoerätöe pareäta la Ratoe bokoel; kakoe lo'a la paraing Damaskoes, wäna be ä; djäka koe hoenggoe tau Harani, mini, kawini, anakeäda, makaweäda, kakoe jäpa ha kakoe hondoe ha, kakoe kareändja la Jeroesalem, wäna. Toenanoe I Saul lakoe na nja ka; ba maren i täka ä ma na ka la paraing Damaskoes, toenanoe djē kadjiläkoe be na weli ditang la awang. Täka njoena I Saul hina ndjoroe la tana; bana ndjoroe ka hina rongoe mapani: ha Saul! ha Saul! kanggiki na hioe pahandoeka ka njoengga. Täka hina heäma I Saul: ha Toehan! ngga kämoe nähoe? Toenanoe hiwäna I Toehan: Njoengga jeä I Jesoes ka, na pahandoeka moe ngga; njoemoe handoeeka wiki moe bau dili ja na madäka.

Toenanoe hiwäna I Saul bana kandändäkoe: ha Toehan! kanggiki ä nggoe ka jeä, peäka ngga wa njoengga nähoe. Täka hina heäma I Toehan: hadang kau, kau tama hoedaloe la paraing, lai noe napa kakoe peäka nggau ka, djäka nggära ja wänggoe nggau, noe ka ka doena.

Toenanoe I Saul hina hadang weling la tana, na paboela ndja da mata na, nde nggära ndokoe pa'ita na, na kapätäng häla.

Toenanoe hida loānda ja tau, hida tama ngāndi ja la paraing Damaskoes; tiloe mboea lodoe na mandai na, ngangoe ndena ngangoe, wai ndena oenoeng, ita ndena ita.

Toenanoe la paraingoe noena, hi ninja haātoe na na tau; I Ananias ja na ngara na. Toenanoe hiwānanja I Toehan, bana mangga-dipangoe: ha Ananias, hadang kau, kau lo'a la ngarāngia na mangarang toenohoe, karai ja la oema na I Joedas djāka nggi ja na tau na mangarang Saul ja; njoena malānga tāka ja, djākau tāka nja, talānga hamajangoe be na; njoena na pi ma nja haātoe na na tau na mangarang I Ananias, napa na tama lai noe, na toenja lima na la katikoe na, kada ita beli da mata na.

Toenanoe njoena I Ananias hiwāna: ha Toehan koe pi ma nja doekoe noena, na dangoe bana kabora dānja na tau Harani la Jeroesalem; njoena mbāda ngalang na ka hoerātoe pareāta weling la ratoe, kakoe hondoe ha mboendāba da da tau Harani, wāna ma doe. Tāka I Toehan hiwānanja: lo'a wa njoena; na tau noena pahāla papindi nggoe nja ka, kana ngāndi ja na ngara nggoe, wānggoe, la panggoeboel awang, la hangga Marāmba mboendāba da; njoena napa na pādang mahandoeka bokoel ba djè ka njoengga.

Toenanoe I Ananias lakoe na nja ka, hina tama la oema noena, hina toenja lima na la katikoe na I Saul, hiwāna: ha eri nggoe Saul! I Jesoes, na mapawoewang wiki na la ngarāngia lai njoemoe, njoena māngoe wāngoe hikoe mai lai njoemoe, da mata moe kada ita beli; na eti moe, kana mbinoe nja I Ndewa na I Ala. Toenanoe ndedi mbādikoe na, bana hāla ka papani I Ananias tāka hida kanaboe hama toeda da nepi ijang weling la mata na, hina ita beli ja. Toenanoe hina hadang, hi ihoe ja. Toenanoe bana hāla ka hina ngangoe, na ātāloe beli ka.

Toenanoe pakiri na na lodoe noena, hina ngāndi langoe mahāmoe la paraing Jeroesalem, bana wāngoe toroe mbeni eti na, wāna: I Jesoes Ana na I Ala ja, wāna.

Toenanoe ba lāpāhoe ka nāhoe nde pira be na pa na lodoe, toenanoe hi nindja da tau Jehoedi da mapani: pameti ja I Saul,

wăda. Toenanoe bada rongoe ja ka noena, tăka da arija na hida kareănja la paraing Tarsoes, na paraing bokoe na.

95. I Kornelioes.

Toenanoe hi ninja la paraing Kasaria, haătoe na na tau na mangarang I Kornelioes, kapala tau horodadoe, bandjar Roem ja. Njoena tau matăndji eti na nja, na mangăďătoe nja I Ala: mboe-loendăba da da ihi oema na hama, na kăli hamajanja I Ala.

Toenanoe na hau na lodoe, ba maringoe lodoe i ja ka năhoe, hi djè woewa be na na haătoe na malaikăt, hiwănanja: ha Kornelioes bau hamajang, na namoe kau I Ala; măla noe paleăwa anakeăda la koătăk Jope kana lo'a papa'aunja I Simon, na mangarang I Petroes; ninja njoena bana todoe la oema na na tau na matanggoe răma manoelang, la karaha tehik; njoena napa kana peăka nggămoe nja, djăka nggi-nggiki na na ngarăngia na I Ala. Toenanoe I Kornelioes bana kikoenja na papani na na malaikăt, hina paleăwa tau la koătăk Jope, lo papa'aunja I Petroes, wănandja. Toenanoe hama toena haromoe, tăka da nja ka la koătăk noena. Toenanoe ba tidoeng ma na ka na lodoe, njoena I Petroes hina hē ja hoedita la oema, hina hamajang. Toenanoe bana mandjoé ka, hida kanoăma panga na, tăka I Petroes hina tătikoe, mahoeroe na nja ka.

Toenanoe njoena hina ita ja na awang bana wăka, hina ita ja na tera bana poeroe ja weli ditang la awang, pahondoe wăngoe likoe ha da kabihoe na na tera noena; laloe mbălăroe ja na tera noena. Toenanoe noedaloe la hinggi noena, ni ndăba ndja da banda da makapatoe mboengoeng wihi da. Tăka hina rongoe mapani ďanja: ha Petroes, hadang wa, kau rori ha, kau ngangoe ha. Toenanoe hina beăma I Petroes: Ha Toehan amboe toemoe pa noe njoena, njoengga ba palili nggoe pangandja noeda. Tăka hina hili rongoe ja na mapani ďanja, wăna: mboendăba da da banda da pawô na nggămoe I Ala, palili amboe wămoe; oe ngalang panga ndăba ndja. Toenanoe hina hili rongoe na mapani ďanja, na pandiloeng wăngoe, bana pani hama toena kawai.

Tăka na tera hina hē beli ja la awang. Toenanoe I Petroes bana mandapoe, na kanandi nja eti daloe na, nggiki na ka ihoe jeâna na pingi na na pa'itanggoe kawai? Tăka da tau papaleâwa na I Kornelioes, mbăda nindja ka la toeba pindoe, bada karai nggini ja na oema na I Simon.

Toenanoe hina peăkanja I Ndewa la I Petroes, wăna: tăngăroe nindja da tau da madoea haătoe da, da mahimboe kau njoemoe; poeroe kau, kau toăma ha, kau kareândja, ba njoengga ma paleâwa ha njoeda. Toenanoe I Petroes bana poeroe ka, hina ita ha da tau papaleâwa na I Kornelioes, hiwănandja: njoengga jeă pahimboe mi; kanggiki na njimi mai nămoe? Toenanoe hida peăkanja njoena I Petroes na papaní na I Kornelioes. Tăka I Petroes bana rongoe ja ka, hiwăna: batoenanoe, todoe kadiroe; napa haromoe ka bădi.

Toenanoe ba hadang ka la mbaroe, tăka njoena I Petroes hina lakoe kareândja njoeda. Tăka hama toena haromoe, tăka da nja ka la paraing Kasaria.

Tăka njoena I Kornelioes napa ma na nja njoena; mbăda hăla na ka papa'oehindja da aja na, da eri na, da kalembi na mboe-ndăba da. Toenanoe I Kornelioes bana ita ja ka I Petroes, hina mai hina karoedoek la wihi na I Petroes. Tăka I Petroes hina pahadanja njoena hiwăna: hadang kau, njoengga jeă angoe moe palau mboe ka. Toenanoe hima tama ja la oema, hina ita ha da tau, nde pira be da bada pa'oehing lai noe; tăka hiwănandja njoeda: ha eri aja, bai pi ma doe nja da tau Jehoedi nde da ngalang papapohoeng dăndja tau bandjaroe hawi'ang; tăka I Ala mbăda hala na ka papeăka ngga, wăna, na palili moe amboe li ja; batoenanoe năhoe, hikoe mai nămoe; kanggiki na njimi hi lo pangădăloe ka njoengga?

Tăka hina heăma I Kornelioes, hiwăna bana pa'ihí ja: haătoe na na malaikăt na maweling la I Ala, mbăda hăla na ka pamai lai njoengga.

Toenanoe I Petroes bana rongoe ja ka noena, hina paní: malănga tăka ja I Ala bana paloha ngga njoengga năhoe, I Ala ndena bihoe pawăroeng haătoe tau mboeloendăba na na bandjar; djăka

nggamoe ja na mamangădătoe nja Njoena, na makikoenja na matăndji, djeà ja njoena I Ala na makatakoe ja.

Bana hăla ka papaní, hina peăkandja poeloeng mahămoe, na wai ngera na I Jesoes, Ana na I Ala.

Toenanoe ba talănga paní na ka I Petroes, tăka I Ndewa na I Ala poeroe na nja ka lai njoeda da marongoe ja bana paní ja I Petroes. Toenanoe da tau Harani Jehoedi, da hangătăroe bada rongoe ja na tau bandjaroe hawiang bana poeroe mboe nja I Ndewa na I Ala.

Toenanoe I Petroes hiwăna: măla noe, ndakoe toroe mbeni ja papătoe ja na wai harani da tau jeăda, ba mbăda hăla da ka pangalang I Ndewa na I Ala, hama toena doeta njoeta.

Toenanoe njoeda da tau hina ihoe ha, na pangara wănja I Jesoes. Tăka njoeda hida karai ja I Petroes, wăda: kau ndădikoe ki lăti, hama toena haromoe doea modoeng ki mandai na.

Jeăda da tau bandjaroe hawi'ang, da makawoengga-woenga tama la Harani.

96. I Petroes la oema kapatang.

Toenanoe na manggawang na noena, na Marămba Herodes laloe pahandoeka na ha da tau Harani, bana jăpa ha, bana toe ha la makapătăng. Na pameti mboe ja I Jakoboes, angoe na paloehoe I Johanes. Toenanoe na Marămba Herodes bana ita lia da tau Jehoedi, ba pahămoe wăda ndja da eti da, tăka hina japa mboe ja I Petroes. Na lodoe noena bada jăpa ja I Petroes, lodoe Pasa ja. Toenanoe hiwăna na Marămba: haromoe la mbaroe bădi kai kareănja nămoe I Petroes, kakoe rongoe ja bana paní. Toenanoe I Petroes eănga be na ka la makapătăng; tăka da tau Harani mboendăba da da hamajang la I Ala, ba djeà ja na ngera na I Petroes, bana jăpa ka na Marămba Herodes.

Na roedoeng na noena I Petroes, pahondoe ja, ningoe nggili băhi da la lima na; tăka da tau horodadoe da madai ja da doea, na haătoe la kalai na nja, na haătoe la kawana na nja, da mahoeroe

angoe ndäba. Toenanoe da horodadoe dangoe ningoe mboe madai ja na pindoe oema kapätang. Toenanoe ba roedoeng na ka nähoe, haätoe na na malaikät Toehan na ndoäläkoe be ä noedaloë la oema kapätang la lihi na I Petroes; na handoäräkoe bana hambila. Toenanoe na malaikätöe noena, hina benginja I Petroes, hiwănanja: ha hadang wa! Toenanoe da nggili băhi la lima na da tanăbăkoe hăla. Tăka na malaikät hi hili wănanja: hadang kau boroeng; doekoe ja na hinggi möe; mai kau, kau kikoe ngga njoengga. Toenanoe I Petroes hina loehoe kareänja na malaikätöe noena.

Toenanoe bada läpăhoe ndja ha da tau da madai ja njoena, hida toăma la pindoe băhi bokoel; tăka na pindoe băhi noena na inboăwa be ä bada tăka nja.

Toenanoe I Petroes ndena pi be nja bana pakakanja nähoe, hama toena bana manggadipang be ä, bana ita ja na malaikätöe. Toenanoe hida la-lakoe ki ka, tăka na malaikät măda na nja ka bana kawări wiki na la I Petroes.

Batoenakanoe I Petroes hīna ka hina kanandi beli nja: lăti ba la oema kapätang ka lăti, tăka jeà hi mbăda la hambeli be ka! lănga tăka papaleăwa na I Ala ja na malaikät hina mai papaloehoe ka weling la oema kapätang.

Toenanoe bana kanandi toena nja ka noe, lakoe doe na nja ka la oema na I Maria, ina na I Johanes; lai noe pangeà papa'oechi da ha da tau dangoe. Toenanoe I Petroes bana tăka ka la pindoe hina kandökökoenja na pindoe. Tăka hininja haätoe na na kawini, I Rodi ja na ngara na, hina ndăbhăroeng la pindoe: kakoe rongoe ja djăka nggamoe ja na makandökökoenja na pindoe, wăna be ä.

Toenanoe na kawini noena bana tanda ja I Petroes bana paní, laloe hămöe ja na eti na, na maroămba be nja i ka paboăwa ja na pindoe; na reăngga tama be ja hoedaloë la oema la koeroeng hina peăka ndja da angoe na: I Petroes ninja la hambeli pindoe! Tăka da tau la oema ndeda bihoe paröngoe ja na paní na na tau kawini noena.

Toenanoe I Petroes ndeda pändjăng ndokoe pakandökökoenja na pindoe; tăka hida boăwa nja hina tama la oema; tăka njoeda

mboeloendäba da da tanda ja I Petroes, da hangätäroe be ka. Toenanoe hiwäna I Petroes: kandi kadiroe, kakoe pa'ihhi nggämi nja, djäka nggiki hama paloehoe na ngga I Toehan weling la oema kapätang.

Toenanoe bana pandjäpoe ja ka hiwäna: peäka ndja I Jakoboes dängoe da eri-aja nggoe mboeloendäba da kada pinja. Toenanoe njoena I Petroes loehoe na nja ka weling lai noe, hina lakoe ja la mahinggil.

Toenanoe bana hari ka, hiwäna njoena na Marämba Herodes: kareänja nämoe I Petroes; täka ndeda hoenggoe ja. Batoenakanoe da tau da madai ja I Petroes hina karai-rai ha; bana häla ka pakarai ha, hiwäna na Marämba: jäpa ha da tau jeäda, kau poehi ha la oema kapätang mboeloendäba da.

97. I Pauloes la paraing Antiokia dangoe Listra.

Toenanoe la paraing Antiokia, la tana Sjam nindja da tau Harani weli nämoe weli nämöeng; da dangoe ma bada pa'oehi ningoe lai noe. Toenanoe mboeloendäba da da rasoel la Jeroesalem hida paleäwa ja I Barnabas: lo'a kau lai noe, kau papeäka ndja njoeda, wädanja.

Toenanoe njoena I Barnabas, hi lakoe na nja ka; na lakoe li la paraing Tarsoes, kakoe lo'a pangädäloe ja I Pauloes, wäna be ä, kama kareäng, kama lakoe la paraing Antiokia, wäna. Na mandai na bada ndädikoe lai noe hau ndaung da, bada papeäkandja da tau dangoe la paraing Antiokia.

Toenanoe bada räma ha da paräma na lai noe, hiwäna na Ndewa na I Ala: paméhandja I Barnabas dängoe I Pauloes, kada lakoe lai noe lai noe, kada papeäkandja da tau la hau paraing hau paraing.

Toenanoe I Barnabas dängoe I Pauloes lakoe da nja ka, hama toena bawäna I Ala.

Njoeda da lakoe li pa la paraing Seloekia; weling lai noe hida lakoe ha la tana Asia koedoe.

Toenanoe bada tǎka ka lai noe hida tama la paraing Listra, hida papeǎkandja da tau lai noe na poeloeng mahǎmoe.

Toenanoe njoeda hida ita ja haǎtoe na na tau na makalipǎroe, na mandapoe be ǎ la hingi ngarǎngia. Na tau noena na pati-
nginja I Pauloes bana papeǎkanja na tau dangoe. Toenanoe I Pauloes bana tǎngǎroe ja na tau noena, ninja la eti na bana monoenja, tǎka hiwǎnanja bana paní pawǎnding: hadang wa njoemoe, kau ndoǎlǎk! Toenanoe na tau noena hina hadang, pangga hǎmoe be na nja ka.

Toenanoe na tau dangoe bana ita ja ka I Pauloes bana toe ja ka na pahangǎtǎroe wǎngoe noena, njoeda mboeloendǎba da, laloe pawǎnding ha bada paní; malǎnga tǎka ja da marapoe nda da pambeli ha tau hida poeroe ha lai njoeta!

Toenanoe I Barnabas hida pangara nja Joepiter, tǎka njoena I Pauloes, Merkoerioes, ba njoena na malanggoe paní.

Toenanoe na ratoe na na marapoe Joepiter hina ngǎndi kameti, wǎla ai mawau hiritoe hangia hangia, mǎtoe ndǎba bada ngǎndi ha la hambeli paraing, kata hamajandja bada poeroe i patadaloe ta njoeta, wǎda.

Toenanoe I Barnabas dǎngoe I Pauloes, bada rongoe ja ka noena, hida hira hira ha da hinggi da, da tera da, hida palai ha la tau dangoe, kada pakoroeng wiki da, wǎda bada paní: ha oemboe, oemboe! kanggiki hi toe mi noe? njoema jeǎ tau kǎma, hama ndǎba nda; njoema kama papeǎkandja lǎti, wǎma doe; na mandjala djǎka toena noe, wǎma doe, kada li la ngarǎngia na matǎndji, wǎma doe lǎti, hima mai lai jehoe; kada hamajanja I Ala, na mapadikanja na awang, na tana, na tehikoe dǎngoe mboeloendǎba na na ihi na, wǎma doe lǎti.

Djǎpa batoe ǎ na noe bada paní, hakoe-koedoe ki ndeda ngalang papǎtoe ha da tau, ba dangoe ma na nja na tau na mapaní; njoeda da patidoeng pangǎndi kameti, kata hamajandja, ba wǎda.

Toenanoe ba ndedi pira na na lodoe, tǎka da nja ka da tau Jehoedi weling la paraing Antiokia hida peǎka roenda ha la tau lai noe. Batoenakanoe da tau la paraingoe noena hida karaoe ndja eti

I Barnabas dāngoe I Pauloes. Toenanoë na hau na lodoe hida toekoe wāndja watoe, hida jila ja njoena I Pauloes hida paloehoe ja la hambeli paraing, hida wāroe be nja bada pakakandja da eti da: mbāda meti na ka I Pauloes, wāda be ā. Toenanoë mboeloe-ndāba da da moerid bada ndoālāk winggiroenja I Pauloes, tāka njoena I Pauloes, hina hadang, hina ndoālāk hina tama beli hoe-daloe la paraingoe noena. Toenanoë bada pawāla ka la mbaroe, lakoe da nja ka njoeda I Barnabas dāngoe I Pauloes la paraing Derbi, hida papeākandja da tau lai noe na ngarāngia matāndji. Toenanoë bada tāka ka la paraing Derbi, tāka hi ninja haātoe na na moerid, na ngara na I Thimotioes ja; na ina na tau kawini Jehoedi ja, tāka na ama na tau Nggrika ja. Njoena I Thimotioes ba weling ba anakeāda ja, na pindja da ngera da da hoerātoe. Toenanoë la malamiri na hida pakareāng da rasoel bada lakoe papeākang tau.

Toenanoë hi beli da nja ka weling la paraing Derbi, tāka hida lakoe li la hau paraing hau paraing, bada lo pangādāloe ha da eri aja da da marongoe ja I Toehan Jesoes; hida pamandandja da eti da bada panamoe ndja ja na ngara na I Jesoes, hiwāda: njoema loepang ma bādi ba tama la awang, djēpa ndena handoeaka ka toe ma kanoe.

Toenanoë njoeda da pindi tau hawiang, hida toe ha pinitoea la hau paraing, hau paraing, hida beli ha la paraing Antiokia.

Toenanoë bada tāka ka lai noe, hida pa'oehi ndāba ndja da eri aja da, hida pa'ihī ja na poeloeng nāhoe bada lakoe, djāka nggi-nggiki na I Toehan bana boāwa ndja da tau hindoe na pindoe na na awang.

98. I Lidia dangoe na kapala oema kapatang.

Toenanoë bada hili lakoe ka njoena I Pauloes hina kareānja I Silas; hida hālātoe ndāba ja na tana Asia koedoe. Toenanoë na hau na lodoe, ba mahoeroe na ka, tāka njoena I Pauloes hina manggadipang hina ita ja hama toena na tau Makedonia, na ma-

ndoälāk la hapapa tehik, hiwāna na tau noena: mai kau nāmoe, kau pala la tana Makedonia, kau ndoela kāma njoema!

Toenanoe I Pauloes bana pakakanja na eti na: jeāna poeloeng maweling la I Ala ja, malānga tākā ja, papa'au na nda palakoe hoepapa la hapapa tana, kata papeākandja da tau lai noe. Toenanoe ndedi nggi mandai na hida pala, hi tākā da nja ka la paraing Pilippi.

Toenanoe na lodoe Sābātoe, njoeda hida loehoeng weling la paraing, hida lakoe la hingi lokoe, pange'a pahamajangoe da da tau Jehoedi ba ndāmang ma da nja doeda.

Toenoe hida mandapoe ha njoeda bada papeākandja da tau, na ngera na I Toehan Jesoes.

Toenanoe hi talānga ni mboe nja haātoe na na kawini, I Lidia ja na ngara na, weling la paraing Tiatira; na kawini noena djēa ja na makāli danggang tera kaha; tau tādji eti ja njoena; njoena na mboehang parongoe ja bana paní I Pauloes.

Toenanoe I Toehan hina boāwa ja na eti na noena na kawini, hina kāpoe ndāba ja na papaní na I Pauloes. Toenanoe na kawini noena hina ihoe wānja wai harani; mboeloendāba da da tau la oema na, na ihoe ndāba ha. Tākā na kawini noena, hina karai ja I Pauloes: djākau mboehang, lakoe li pākoe la oema nggoe, kau todoe lai noe.

Toenanoe ba ndedi pira na na lodoe njoena I Pauloes hina hamboeroe ja haātoe na na kawini, tau na mapatama Setan. Na miri na laloe oetoe wānanja bana pingoe woeloe aka na kawini noena. Toenanoe I Pauloes laloe handoeaka ja na eti na bana ita ja na kawini noena, tākā hina wānja na ngara na I Jesoes, loehoe na nja ka na Setan weling la kawini noena.

Tākā na miri na, bana ita ja ka na kawini noena bana hāmoe ja, hi laloe karaoe ja na eti na, wāna be ā la eti na: koe oetoe wa ma nja lāti nina na kawini. Toenanoe hina jāpa ha I Pauloes dāngoe I Silas hina kareāndja la hangga da da kapala paraing; toenanoe hiwāda: malānga tākā ja, njoeda da tau da papeākang ngarāngia hau, kata li ningoe lai noe, kata hamaja ni nja I Ala,

wăda. Toenanoe da kapala hiwăda: paloe ha njoeda I Pauloes dăngoe I Silas; bada hăla ka papaloe ha, hida patama ndja la oema kapătang.

Toenanoe ha mandalora ja ka, I Pauloes dăngoe I Silas hi loedoe da nja ka; tăka mboendăba da da tau la oema kapătang noena hida rongoe ha bada loedoe. Toenanoe tăka na nja ka na opoeng, laloe bokoeloe ja, na oema kapătang na nggădoekoe, mboeloendăba da da pindoe da taboenggăhoe hăla, da nggili băhi mboeloendăba da la lima da da tau, da tamboekăl ndăba.

Toenanoe na kapala oema kapătang hadang bana katătăkoe hina ita ha da pindoe mboeloendăba da da mboăwa ndăba, tăka hina boetoe hoe ja na kabeăla na, kakoe pameti wiki nggoe, wăna be ă; bana papakanja na eti na, da tau mboeloendăba da da pahondoe da palai ka ihoe năhoe.

Toenanoe njoena I Pauloes hina pa'aung hiwăna: mălăng, amboe pameti wiki moe, njoema jeă ni ndăba nggăma lai jehoe. Toenanoe na kapala oema kapătang hina piti ja na palita hina tăngăroe ha da tau da pahondoe, ni ndăba ndja; toenanoe na eti na laloe kandăndăkoe ja hina karoedoekoe la tana la hangga na I Pauloes dăngoe I Silas.

Tăka hina paloe hoe ha njoeda, hiwănandja: oemboe, măla noe, nggiki ă nggoe ka njoengga jeă kakoe ngalang doekoe na tanggoe mahămoe? Toenanoe hida heăma: djăkau li ja heăna, monoenja I Toehan Jesoes, kau ngalang patama la mahămoe.

Na roedoeng noena na kapala oema kapătang hina kareândja I Pauloes dăngoe I Silas la oema wiki na, hina kanoăma ndja pangangoe hina wôndja hida ngangoe. Toenanoe hida ihoe ja na kapala oema kapătang dăngoe da tau mboeloendăba da la oema na. Toenanoe njoeda laloe hămoe ha da eti da bada kikoenja I Jesoes.

Toenanoe bada pawăla ka la mbaroe, njoeda I Pauloes dăngoe I Silas: pahăla ha, wăda bada pareăta da kapala paraing. Toenanoe hi loehoe da nja ka njoeda hida lakoe li la oema na I Lidia; bada ita ha ka bada pamăndoendja ka da eti da da eri aja da, tăka hida lakoe pangalang la hau paraing.

99. I Pauloes la paraing Atena, Korinti dangoe Epesoes.

Toenanoe weling la paraing Pilipi njoena I Pauloes hina lakoe pangalang la paraing Tesalonika dāngoe Bere'a; weling lai noe na toāma la paraing Atena. Toenanoe bana tāka ka la paraingoe noena, laloe mbana ja na eti na, bana ita ja ka ba laloe dangoe ha da marapoe kahāla tau lai noe. Toenanoe njoena I Pauloes hina papeākandja da tau Jehoedi la oema nge'a pahamajangoe da. Hau lodoe hau lodoe la pahang ā nāhoe bada pahamboeroe tau, na papeākandja njoeda. Toenanoe kiring na noe ā bana papeākang njoena I Pauloes bawāna: haromoe da tau mameti da hadang beli, ba wāna ā noe, tāka hiwāda hawi'ang: na tau jeāna bana papeākanda, bidi marapoe ja ihoe? Toenanoe hida kareānja I Pauloes la nge'a papani da, hiwādanja: māla noe, njoema mangalang ka i doema papinja na bidi poeloeng lai njoemoe, na papapeāka moe nggāma?

Toenanoe I Pauloes hina hadang hina ndoālāk, hiwāna bana panī: ha mboeloendāba mi njimi tau Atena! tāngāroe ja i, njimi mboeloendāba mi da pange'a pahamajangoe mi, laloe dangoe ha! njoengga bakoe hālātoe ndāba ja nāhoe na paraing mi njimi, bakoe ita ndāba ha da marapoe mi da pahamajangoe mi, toenanoe njoengga koe ita mboe ja hangī'a na nge'a pahamajangoe mi; ningoe hoerātoe na la dita na: marapoe na panle pinda! Djē ja batoenanoe njoengga bakoe papeāka nggami lāti, djeā doe ja na marapoe mi na pande pimi toeba na! I Ala na papapeāka nggoe nggāmi lāti, njoena na mapadikanja na tana dāngoe mboendāba na na ihi na; noena ndena mandapoe la oema pawoeloe tau; njoena I Toehan ba awang ma na nja, ba tana ma na nja; njoena ndena marau nda njoeta mboendāba nda tau. Na paloeri wāngoe maweling lai njoena ja; tāka njoeta hita māka pakajidikoe, hita ningoe mboe la tana. Nāhoe bana paleāwa ta njoeta, wāna: mboeloendāba na na tau, mandjare'a bādi, wāna doe, ba napa haromoe na reānda ja mboeloendāba na na panggoeboel awang, ba tāndji ma na nja: toenanoe hina poeli nja pareāta la I Toehan Jesoes; njoena na

matanggoe ndäba nja mboeloendäba na, ba mbäda hadang na nja ka weli la padoea tau mameti.

Toenanoe da tau la paraingoe noena bada rongoe ja I Pauloes bana peäka ja: na hada beling, hida riki nja, da jiki nja njoena I Pauloes. Täka hawi'ang hiwäda: njoema mamboehang parongoe kau, napa handäkang. Toenanoe hi nindja hawi'ang, nde pira ä da da tau mini da kikoenna njoena I Pauloes; na haätoe I Dionisioes ja na ngara na, tau madai oema nge'a papanf; täka hininja haätoe na na kawini, I Damaris ja na ngara na; ningoe mboe hawi'ang bada pakareä ndäbang.

Toenanoe bana ndjäpoe ka noena, I Pauloes hina loehoe ja weling la paraing Atena, hina lakoe la paraing Korinti. Toenanoe bana täka ka lai noe, hina hamboeroe ja haätoe na na tau Jehoedi, na ngara na I Akila ja, dängoe na papaha na, na ngara na I Priskila ja. Njoeda noe weli da la paraing Roma, lo'a kata hamboeroe ja I Pauloes, wäda, hi nindja lai noe.

Toenanoe I Pauloes hina ndädikoe la paraingoe noena bana räma ja na paräma na, hina papeäkandja da tau Jehoedi dängoe da tau Nggrika; na mandai na hau ndaung nomoe mboea woela na bana ndädikoe lai noe.

Toenanoe weling la paraing Korinti hina hili beli ja la paraing Antiokia. Toenanoe ndedi nggi mandai na, hili loehoe na nja ka weling lai noe, pandiloeng wängoe na nja. Toenanoe bana lakoe, na toäma la paraing Epesoes, hina ndädikoe lai noe. Hau lodoe hau lodoe ba toroe mbeni ma na nja bana papeäkandja da tau lai noe; mboeloendäba da da tau la Asia, hida rongoe ja na poeloeng na I Jesoes. Dangoe ma ha da tau da mamandjare'a, täka hida pa'oehi ndja da marapoe da da papandoi da, hida toenoe häla ha la epi.

Täka da tau da mapatarang da dangoe mboe, hida pahängga dängga angoe da bada paloemoe nja na poeloeng na I Jesoes. Toenanoe hi ninja haätoe na na tau na mapandoi ämähoe; na ngara na I Demetrioës ja, na käli pandoi oema ämähoe koedoe, hama toena na oema marapoe bokoel. Bana pandoi ha da oema koedoe

noeda, laloe oetoe ha da angoe na bada danggandja. Toenanoë njoena hina pa'oehi padangoe tau, hiwäna: ha oemboe mboeloendäba mi njimi, kai rongoe, bata räma toe nda noe, ta oetoe ma doeta; täka njoena I Pauloes hina papeäkang lai noe lai noe bana jila da dangoe da tau bawäna: da pawoeloe tau, nde Ala ä ha! Na paräma nda njoeta jeäna, djëpa ndena marenì mboelang na, na oema marapoe bokoel Diana jeäna, djëpă ndena nggoema nja tau dangoe, ndena mboelang häla wălang!

Toenanoë bada rongoe toeda noe, laloe karaoe ha da eti da, hiwäda bada paní pawănding: marapoe bokoeloe ja I Diana tau Epesoes. Njoeda bada wara, laloe mandai ha, mboeloendäba na na ihi paraing na pahănggang häla dăngga angoe na.

Täka njoena I Pauloes nde nggära ehi na. Toenanoë na mătanja na paraingoe noena, hina hili lakoe la Makedonia, la paraing Korinti.

Toenanoë njoena I Pauloes bana beli ja ka hina lakoe li la noeha hau, na mangarang Milete; bana täka ka lai noe hina paleäwa anakeäda la paraing Epesoes; lo'a papa'au ndja da tau makaweäda, ningoe papaní hawoetoe ä nggoe, wănandja. Toenanoë da tau Epesoes bada täka ka, hiwănandja njoena I Pauloes bana paní dăndja; njoengga năhoe lakoe nggoe nja ka la paraing Jeroesalem; I Toehan bana papeäka ngga njoengga, wănangga: da nggili băhi, na handoeke bokoel nindja, da napa kau! Na poeloeng jeäna ndakoe kanandi ni ä nja, ndakoe handoeke dănja; ndakoe namoe ja na tau nggoe; bakoe lakoe na hămoe be ä ka na eti nggoe năhoe. Malănga täka ja, pi ma nggoe nja ndai hili ita ä pa na kaba mata nggoe njoengga. Djeä ba toenanoë, mătang kai manggang wiki mi, dăngoe mboeloendäba da da angoe mi da mamonoenja I Jesoes; kai dai ha da tau da papa'oehi na I Toehan Jesoes; njoena ba mbăda häla na ha ka pakē wăndja wai re'a wiki na; ambi maroămba ngga njoengga bakoe papeäka nggămi ba tiloe mboea ndaungoe na mandai na, na roedoeng na lodoe, ba ndakoe păndjăng bakoe panamoe nggămi nja na ngarăngia na matăndji. Ba toăma toena năhoe ka koe poeli nggămi ha la lima mi njimi, da eri aja nda kai panau ha.

Toenanoë bana pandjăpoe ja ka na papaní wăngoe hina karoedoek

la tana njoena I Pauloes, hida hamajang mboeloendäba da njoeda. Njoeda laloe hi ha ba handoeke ha da eti da bada namoe ja I Pauloes; mboeloendäba da da tau da rohoe ja njoena hida poedoe-poedoeke ja, bana paní bawäna: ndai hili ita ka pa handäkang, dirä wängoe nda ka.

Toenanoe njoeda hida kareänja la kapal I Pauloes, hi lakoe na nja ka. Toenanoe I Pauloes bana täka ka la paraing Jeroesalem, hi ni mboe ndja da angoe na lai noe, laloe hämoe ha da eti da bada ita ja ka I Pauloes. Toenanoe la mbaroe hina lo'a lai Jakoboes, täka da pinitoea mbäda pa'oehi da mboeloendäba da lai noe. Toenanoe I Pauloes hina pa'ihli ja na poeloeng nähoe na palakoe ngändi na la hau paraing hau paraing, djäka nggi-nggiki na la tau hindoe, ba dangoe ma ha da mamandjare'a, da mamonoenja I Toehan Jesoes.

Toenanoe bada rongoe ndäba ha ka da poeloeng da papa'ihli na I Pauloes, hida wotoe nja na ngara na I Ala.

100. I Pauloes la paraing Kasaria dangoe la paraing Roem.

Toenanoe ba ndedi pira na na lodoe, njoena I Pauloes hina tama ja la oema nge'a pahamajangoe la Jeroesalem, täka hi nindja da tau Jehoedi maweling la tana Asia, da tanda ja ka I Pauloes, hida papeäka dängga angoe da hiwäda: mäla kata jäpa ja I Pauloes, kata pameti ja, wäda. Toenanoe hida jäpa ja njoena I Pauloes täka na kapala na mapareäta paraing, hina wähi ja I Pauloes weling la lima tau dangoe da majäpa ja, täka hina kareänja la paraing Kasaria, la hangga na na marämba Felik.

Toenanoe na marämba noena na hämoe nja eti I Pauloes ba täka ka la hangga na. Djäpa ndeda dangoe da poeloeng bada peäka roenda la marämba, njoena ndena bihoe papatändji ja na poeloeng da da papa na I Pauloes. Na marämba noena na käli pa'aunja I Pauloes hina poeloe dänja: napa djäka na wöngga ämähoe, koe pahäla ja, wäna be ä la eti na.

Toenanoe ba ndedi nggi mandai na, na marämba noena dängoe

na papaha na hida pa'aunja njoena I Pauloes: kata rongoe ja bana pa'ihí ja na ngera na I Jesoes, wǎda. Toenanoe njoena I Pauloes hina papeákang: djeà ja na poeloeng na matǎndji; papǎtoe wǎnja na pakabora wǎna, ba nǎmoe nja na pareànda wǎnanja teàngoe tai. Batoenakanoe na marǎmba laloe kandǎndǎkoe ja bana rongoe ja bana paní I Pauloes; na pi ndǎba ndja da ndjala na, tǎka hiwǎna; djéka nda kadiroe, napa na manggawang bǎdi, koe hili pa'aunggau ka, kakoe hili rongoe kau.

Toenanoe bada lǎpǎhoe ka dǎmboe ndaung, hina tǎka haǎtoe na na marǎmba, na ngara na I Festoes ja, hiloe ja njoena na marǎmba Felik. Tǎka na marǎmba noena, na hǎmoe ndja eti da tau Jehoedi, toenanoe hina pa'au nja I Pauloes, hiwǎnanja: mǎla noe, mboehang palo'a la paraing Jeroesalem, kata paní ja na poeloeng ngera moe njoemoe lai noe? Tǎka hina heàma I Pauloes hiwǎna: djǎka toenanoe djǎka wǎmoe, njoengga na pakarai nggoe, mǎta kakoe lakoe ningoe la hangga na na Kaisar la paraingoe Roma. Tǎka hina heàma na marǎmba: mǎla ba pamboeha moe njoemoe ma ja, lakoe la hangga na na Kaisar, ba wǎmoe, toena ka wa noe!

Toenanoe ndedi pira na na lodoe, na marǎmba Agripa dǎngoe na papaha na I Bernike, da mai ndǎba ha la paraing Kasaréa, da mai papoeloe dǎnja I Festoes wǎda, hida mai. Njoeda noe da rongoe mboe ja na ngera na I Pauloes; toenanoe hida pa'aunja, kata rongoe ja bana paní njoena I Pauloes, wǎda. Toenanoe I Pauloes hiwǎna: njoengga I Ala na mandoela ka, hi ndjǎpa be ka bakoe oendoeng, loepa koè toǎma ja na lodoe nǎhoe, bakoe papeákang da tau da mabokoel, da tau da makoedoe, koe papeáka ndǎba ndja ja; da papapeákanggoe mboeloendǎba da da poeloeng da maweling la nǎbi mboeloendǎba da; toenanoe bakoe papeákang: loepǎng ma bǎdi na meti wǎnja I Jesoes, na hadangoe ja bǎdi weling la padoca da tau mameti; njoena pa'ita doe na nja na ngarǎngia matǎndji, la bandjaroe jeàna dǎngoe la tau hindoe mboeloendǎba.

Toenanoe I Pauloes ba talǎnga paní na toenanoe, tǎka hiwǎna I Festoes: katoǎba moe nja ihoe Pauloes, hi paní toemoe noe, laloe dangoe ja bau nggǎhoe, hioe katoǎba!

Täka hina heäma I Pauloes: nde katoäba ä nggoe nja, Festoes! njoengga bakoe paní ja, poeloeng matändji ja, poeloeng mahämoe ja bakoe woenda ja; na marämba noena na pindja mboeloendäba da da poeloeng noeda! mäla noe Marämba Apripa oetanda ka njoemoe mboeloendäba da da näbi? njoengga koe pinggau bau tanda ha njoeda!

Toenanoe hina heäma noena na Marämba Agripa, marení ä ma na ka läti bau pamandangga njoengga la patama la Harani.

Toenanoe hiwäna I Pauloes: njoengga bakoe hamajangoe la I Ala, nde didi kau njoemoe marämba, dira na mboeloendäba na na tau na marongoe ka njoengga nähoe, mäla wa njoena kana hama eti ngga njoengga; marení ä ma na ka, nde wänggoe päkoe nggau, patiri nggoeboeloe ndäba nja na eti moe, wänggoe nggau njoengga; da nggili bähi ä bädi la lima nggoe, nde'a, ka ämboe da ngäna kau!

Toenanoe bana toäma ja ka na lodoe lakoe na I Pauloes bana hē la kapal, hi ningoe mboe kareä na, tau matanawang hawi'ang; na marämba noena na pakareändja njoeda mboeloendäba da haätoe na na kapala hangahoe horodadoe, hiwänandja: kareändja nā da tau noeda la paraing Roem.

Toenanoe hi lakoe da nja ka; bada täka ka la padoca liboe moeroe, njoena I Pauloes bana pakakanja nähoe, bana patanda nja na eti na kata ndädikoe kadiroe läti la noeha Kreta, ba oerängoe ja nähoe, laloe mbangatoe ja na ngiloe nähoe; täka na kapala horodadoe noena, na rongoe ni ja pa na matanggoe oeling; toenanoe hida lakoe pangalang la kapal.

Toenanoe ba ndedi pira na na lodoe na landahoeng bai ngiloe, na tiki paberang ka ä mang na kapal; njoeda ndeda mäka pati-doeng palakoe; na halindi-linding be ä na kapal. Toenanoe laloe handoecka ha da tau la kapal. Toenanoe ba mandalora ja ka, na täka haätoe na na malaikätöe la I Pauloes, hiwäna: ha Pauloes, amboe mangädätöe, malänga täka ma ja, njoemoe oe täka loe-ndoeng la hangga na na Kaisar, da angoe moe mboeloendäba da la kapal ndeda meti ä,

Toenanoe hakamboeloe patoe mboea lodoe da na kapal na haling lai noe lai noe, tãka njoeda hida hãrang la makandoekoeng, hida mareninja na mamara. Toenanoe ndedi na loendoeng lai noe la mamara, mbera na nja na kapal.

Toenanoe mboeloendãba da da ihi na na kapal bana mbera ka hawi'ang da ngeni, hawi'ang mbera kapal pangen i wãda; njoeda mboeloendãba da da loendoeng ndãba la mamara.

Na nge'a pahē da lai noe la mamara hau noeha ja, na mangarang Malta. Da tau lai noe da ndoela ha da tau da matamboeloe. Toenanoe ba laloe maringoe ha hida padoekoeloe epi, kada diroeng da tau da matamboeloe, wãda. Toenanoe njoena I Pauloes bana ohoe ha da karãnga ai hida ngãndi ha hida ndoeha ha la epi; da karãnga ai noeda da pangãndi na, ningoe kataroe moeroe da, tãka hina kati ja I Pauloes la lima na. Toenanoe da tau lai noe bada ita ja ka na kataroe moeroe bana kawival la lima na I Pauloes, hiwãda dãnga angoe da bada paní: na tau jeàna tau makaborangoe ja; bana tamboeloe na ngalang paloeri; tãka nãhoe ka, poeloe marapoe ja jeàna hina kati ja kataroe moeroe.

Tãka njoena I Pauloes hina paihãroenja la epi na kataroe moeroe, na ãling, na kanaboe la epi, tãka nde nggãra ehi na.

Toenakanoe njoeda da tau bada ita ja ka I Pauloes, ba nde nggãra ehi na hida pandjiloenja na pakanandi da la eti da, tãka hiwãda: jeàna tau pakaliti marapoe ja ihoe; bana kati ja kataroe moeroe nde nggãra ehi be na.

Toenanoe na ndaung maringoe noena, loepa da pandjãpoe ja bada ndãdikoe lai noe la noeha Malta. Toenanoe ba tiloe mboea woela da ka, kanoãma da nja ka hida lakoe pangalang, loepa da tãka la paraing Roem. Toenanoe la paraingoe noena nde pira pira da da eri aja da da maloehoe: lo'a pahamboeroe ja I Pauloes, wãda. Toenanoe bana tãka ka la paraingoe, njoena I Pauloes hina ndãdikoe la oema na pawõna woenda; da doea da horodadoe da madai ja. Toenanoe dãmboe ndaung na na mandai na, bana papeãkandja da tau lai noe, nde pira pira da marongoe ja. Hau lodoe hau lodoe na paheã ndãba ndja da tau mboeloendãba

da da mamai lai njoena; bana papeàka ndja na wängoe toroe mbeni eti na, bana pa'ihî ja na ngera na I Toehan Jesoes.

Djèpa ba toe ä na noe bana loehoe ja weling la oema kapätang njoena I Pauloes, mandai-ndai da hili jăpa beli ja, tăka hida kareànja la paraing Roem pandoeang wängoe.

Toenanoe bana tăka ka lai noe, hida katikoe ja, kiring bana pa'ihî ja na ngera na I Toehan Jesoes.

Njoena I Pauloes ba ninja pa la oema kapätang, hina toelihoë ha nde pira mbăla be da da hoerătoe, bana pangăndi ndja la tau llarani mboeloendăba da la hau paraing hau paraing; da hoerătoe noeda nindja pa la hoerătoe hokoel.

IHI NA NA HOERATOE.

Nº.	Lara.
1. Mihi Wai, Karang Tana	1
2. I Adam dangoe I Hawa	2
3. I Kaïn dangoe I Habil	5
4. Iwa Bokoel	6
5. Na Oema djangga la Babil.	8
6. I Abram dangoe I Lot.	9
7. Paraing Sodom dangoe Nggomora.	11
8. I Abram dangoe I Isak	14
9. I Isak dangoe I Rebèka	15
10. I Jakoeb dangoe I Esau	18
11. Joesoef	22
12. I Moesa ba bidi mini a ja pa	36
13. I Moesa la hangga na I Piraon	39
14. Da tau Israël bada loehoe weling la tana Mesir.	44
15. La palendi Sinaï	47
16. Weling la palendi Sinaï, loepa da toama la tana Kanaän	53
17. I Bileam	58
18. I Moesa la palendi Nebo.	60
19. I Josoea	61
20. I Nggidion	63
21. I Simson	66
22. I Roet	71
23. I Eli dangoe I Samoeël	73
24. I Samoeël dangoe I Saul.	77
25. I Daud dangoe I Nggoliat	79
26. I Daud bana palai la marāda	83
27. Na meti ka I Saul, njoena I Daud na mahiloe ja	87
28. Na ndjala na I Daud	90
29. I Absalom	93

Nº.	Lara.
30. Na meti ka I Daud	96
31. Marämba Salomon.	98
32. I Rehabeam dangoe I Jerobeam	101
33. I Elia	103
34. I Elisa	109
35. I Jonas.	114
36. Tana pareàta tau Israël	116
37. Tana pareàta tau Jehoeda	118
38. Na ndjäpoe ka na pareàta na tau Jehoeda	122
39. I Daniel	125
40. Da hili woeloe ja na paraing Jeroesalem	129
41. I Ajoeb	132
42. I Hakaria.	135
43. Bethlehem	138
44. Da Marämba weling la pahoengga lodoe.	140
45. Jesoes ba bidi mini ä ja pa	142
46. I Jesoes na ihoe ja parai na I Johanis	143
47. I Jesoes dangoe I Setan	144
48. I Jesoes na pindi ha da tau moerid.	144
49. I Jesoes la Kana	146
50. I Jesoes bana papeäkang la pinoe palendi.	146
51. I Jesoes bana pahämoe ha da tau mahidoe	149
52. I Jesoes bana pahada beli ndja tau mameti	153
53. Na meti ka I Johanis na ma'ihoe	154
54. I Jesoes la tehikoe	156
55. Da tau malima rata	156
56. I Jesoes bana li la pinoe wai tehikoe.	158
57. I Jesoes la oema na I Simon.	159
58. I Zacheoes	160
59. Li pangerang	161
60. Na tau mängoe woakang	164
61. I Ala na namoe ha da tau	165
62. Na ana mini na mamboelang.	166
63. Na tau mawoeloe banda dängoe I Lasaroes	168
64. Da anakeàda la lihi na I Jesoes	170
65. Na tau Samaria.	170
66. Na tau na mawoetang ämähoe	172
67. Na tau na mandetändji eti na	173
68. Na tau Parihi dängoe na tau na matanggoe ke hiloe katikoe.	173
69. Na tau kawini na mamila	174
70. Nggamoe ja, wäda ngga?	175

Nº.		Lara.
71.	I Jesoes la Betania	175
72.	I Jesoes na tama la paraing Jeroesalem.	178
73.	Na woaka anggoer.	180
74.	Na remi bokoel	181
75.	Na moeloeng na tana	182
76.	Da ana karia, ba hakamboeloe ha	184
77.	Na tau na malakoe la hau paraing.	185
78.	I Jesoes bana ngangoe Pasa	187
79.	I Jesoes la woaka Nggetsemané	189
80.	I Joedas dāngoe I Petroes	191
81.	I Jesoes la hangga da ratoe	192
82.	I Jesoes la hangga na I Pilatoes dāngoe I Herodes	194
83.	I Jesoes la ai harikang	197
84.	I Jesoes bada tani nja tau.	199
85.	I Jesoes bana hadang beli	201
86.	La koatak Emaus	203
87.	I Jesoes bana pawoewang wiki na la I Thomas	205
88.	I Jesoes bana pawocwang wiki na la Nggalile'a	206
89.	I Jesoes bana hē la awang	207
90.	Na lodoe Pentekosta.	208
91.	Na tau na mahidoe kajaki	210
92.	I Ananias dāngoe I Sapira.	211
93.	I Stepanoes	212
94.	I Saul bana mandjare'a	214
95.	I Kornelioes	216
96.	I Petroes la oema kapātang	218
97.	I Pauloes la paraing Antiokia dāngoe Listra	220
98.	I Lidia dāngoe na kapala oema kapātang	222
99.	I Pauloes la paraing Atena, Korinti dāngoe Epesoes	225
100.	I Pauloes la paraing Kasaria dāngoe la paraing Roem.	228

